

Bible. N.T. Kusaien .1902

KUSAIEN SCRIPTURES.



NEW YORK:
AMERICAN BIBLE SOCIETY,
INSTITUTED IN THE YEAR MDCCXVI.
—
1902.

[Kusaien Scriptures.]

P5

Gift
Cathleen N.Y. Cartlett
9-7-1932

10-7-32 Rev.

<i>Page.</i>		<i>Sap.</i>	<i>Page.</i>		<i>Sap.</i>	
1	Mattu	.	28	278	II. Tessalonika	3
59	Mark	.	16	281	I. Jon	5
96	Luk	.	24	287	II. Jon	1
158	Jon	.	21	288	III. Jon	1
205	Orekma	.	28	290	Kutu Kas Sin Paul.	
262	Pilippai	.	4	291	Psalm XXIII.	
267	Kolosse	.	4	292	Rut.	
	I. Tessalonika	.	5			

Recd. M.W., 11-11-39

MWO ŠAŠU LUN JISUS KRAIST LEUM LAS, MA MATTU EL ŠIM.

ŠAPTER 1.

FWIL in Buk lun Jisus Kraist, mwen nutin Devid, nutin Ebream.

2 Ebream el oswela Aisak; à Aisak el oswela Jekob; à Jekob el oswela Judas à met lel; 3 à Judas el oswela Feres à Zera nutin Temar; à Feres el oswela Esrom; à Esrom el oswela Eram; 4 à Eram el oswela Eminadab; à Eminadab el oswela Neasson; à Neasson el oswela Salmon; 5 à Salmon el oswela Boos nutin Rekab; à Boos el oswela Obed nutin Rut; à Obed el oswela Jesse; 6 à Jesse el oswela Devid togusa; à Devid togusa el oswela Solomon nutin mutan kiel Uraias; 7 à Solomon el oswela Roboam; à Roboam el oswela Ebaia; à Ebaia el oswela Esa; 8 à Esa el oswela Josafat; à Josafat el oswela Joram; à Joram el oswela Osaias; 9 à Osaias el oswela Joatam; à Joatam el oswela Ekas; à Ekas el oswela Esekaias; 10 à Esekaias el oswela

Manasses; à Manasses el oswela Emon; à Emon el oswela Josaias; 11 à Josaias el oswela Jekonaias à met lel, akurun pal si ke utukla nu yin Babilon; 12 à tuk ke utukla elos nu yin Babilon, Jekonaias el oswela Salatiel; à Salatiel el oswela Zorobabel; 13 à Zorobabel el oswela Ebaiud; à Ebaiud el oswela Elaiakim; à Elaiakim el oswela Ezor; 14 à Ezor el oswela Sedok; à Sedok el oswela Ekim; à Ekim el oswela Elaiud; 15 à Elaiud el oswela Eliesur; à Eliesur el oswela Mattan; à Mattan el oswela Jekob; 16 à Jekob el oswela Josef tumal Meri, šu isūs Jisus, šu pañpañ Kraist.

17 Tu fwil nu kemwu Ebream mi nu ke Devid fwil sie-ñul-akos; à Devid mi nu ke pal si utukla elos nu yin Babilon fwil sie-ñul-akos; à ke utukla elos nu yin Babilon nu ke'l Kraist fwil sie-ñul-akos.

18 ¶ À isūsla lun Jisus Kraist ou iñi: Ke Meri nine kiel à Josef eltal akeni, inet

eltal tukeni tuk, elos konoilok el la putete ke Nun Mutual.

19 Na Josef met tumal, el met payi, el tiu luñsel ma-luñlúñalak, el nunku mu el liki'lye mwukunla.

20 Á ke el nunku ke ma iñi, liye, lipufon lun Leum sikmi nu sel in mein, fwakañ, Josef mwen nutin Devid, kom tiu sañeñ as al Meri kium; tu ma in siel ma lun Nun Mutual.

21 Á el tufwa isüsla sie mwen, á kom fwa pañpañ El JISUS: tu el fwa molüla met lal liki ma koluk.

22 Á ma nu kemwu ma iñi orek tari, tu ma payikin ma met palu fwak ke Leum, fwakañ, 23 liye, mutan si su tiu etu met, el tufwa putete, á el fwa isüsla tulig mogul, á elos fwa pañpañ El Emmanuel; ma tafwu, luñas God yuros.

24 Á Josef ke el motul tukakak, el oru oanu lipufon lun Leum fwak nu sel, á el es mutan kiel: 25 á el tiu eta'l nu ke el isüsla mwen natal met: á el pañpañ El JISUS.

SAPTER 2.

IÑI ke Jisus el isüsla in Betleem an Judea, pal si ke Erod togusa, liye, kutu met lalmetmet elos tuku yin

fwatu takmu we nu Jerusalem, 2 fwakañ, Pa ya el isusla Togusa lun met Ju? tu kut liye itu lal yin fwatu takmu we, á tuku in ali nu sel.

3 Ke Erod togusa el loñ, el añañfoñ, á Jerusalem nu kemwu oelul.

4 Á ke el suluni nu kemwu met tol fulat á met sim lun metu, el siyuk nu selos pa ya an Kraist el isüsla we.

5 Á elos fwak nu sel, Yin Betleem an Judea: tu ou iñi met palu el simisla, 6 Á kom Betleem, in an sel Juda, kom tiu srik liki nu kemwu yurin leum lun Juda; tu sie leum el fwa tuke liki kom, su sropu liye met luk Israel.

7 Na Erod ke el pañon mu met lalmetmet lukla, el siyuk nu selos ma lo pal ña itue sikmi.

8 Á el sipaloswot nu Betleem, á fwak, Fwasot á suk tulig fwus ma lo; á ke komwos konoilok, siefwil fwak nu sik, tu ña pe fwa som á ali nu sel.

9 Ke elos loñ togusa, elos somla: á liye, itu si, ma elos liye yin fwatu takmu we, el fwas ye mutualos, nu ke el tuku á tuwi yin tulig fwus mutu we.

10 Ke elos liye itu, elos arulanu eñun malulap.

MATTU, 3.

11 Ā ke elos ilyuk nu in lomwu, elos liye tulig fwus yurol Meri nine kiel, ā putatle, ā ali nu sel : ā ke elos oaliñalik atro lalos, elos šuñ kiše nu sel ; gol, ā franku, ā mur.

12 Ā God el oru nu selos in memi tu elos in tiu flokla nu yurin Erod, elos šom sienu inganek nu yin selos.

13 ¶ Ā ke elos šomla, liye, lipufon lun Leum el sikmi nu sel Josef in memi, fwakañ, Tukakak, ā es tulig fwus ā nine kiel, ā kasus nu yin Ijip, ā kom mutu we nu ke ū siefwil fwak nu šum ; tu Erod el a šuk tulig fwus in uni'lye.

14 Ke el tukakak, el es tulig fwus ā nine kiel ke foñ, ā šomla nu yin Ijip : 15 ā mutu we nu ke Erod el miše, tu ma payikin ma met palu fwak ke Leum, fwakañ, Na pañon mu mwen nutig Ijip mi.

16 ¶ Na Erod, ke el liye tu met lalmetmet elos kiapa'la, el koskusok akinu, ā šapot, ā onela tulig mogul fwus nu kemwu in Betleem, ā apneni an nu kemwu, ke yiu luo matu ā fwus, oanu pal si el siyuk met lalmetmet ma lo.

17 Na ma payikin ma met palu Jeremi el oru, fwakañ,
18 In Rema loñak pusral,

eoksra, ā tuñ, ā asor lulap, Rešel tuñinu tulig natal, ā el koflanu parak, tu elos wañin.

19 ¶ Ā ke Erod el miši, liye, lipufon lun Leum sikmi in memi nu sel Josef in Ijip, 20 fwakañ, Tukakak, ā es tulig fwus ā nine kiel, ā šom nu fwal Israel, tu elos miši šu šuk mol lun tulig fwus.

21 Ā el tukakak, ā es tulig fwus ā nine kiel, ā tuku nu fwal Israel.

22 Ā ke el loñ tu Arkelaus togusa in Judea ar nu fwel Erod papa tumal, el sañeñ ke fwas nu we : ā God el oru nu sel in memi, lun kufla nu kutenu an Galili.

23 Ā el tuku ā mutu in sie siti pañpañ Nazaret : tu payikin ma met palu fwak, Elos pañon el Nazarin.

ŠAPTER 3.

IN len iño Jon Baptist el tuku in luti yin mesis Judea, 2 ā fwakañ, Komwos auliyuk : tu togusaï in kosao akurun tuku.

3 Tu el si iñi el šu Isaias met palu el polyi, ā fwak, Sie pusra wowoyuk yin mesis, Komwos akou inekin Jeova, nakul ma šumwos.

4 Ā Jon si iñi nuknuk lal unen kamel, ā kulin me lol in folo ; ā me moño nel lokus ā unni lemnok.

5 Na Jerusalem, à Judea nu kemwu, à an nu kemwu apneni Jordan šom nu yurol.

6 À el baptais elos la in Jordan, ke fwakak la ma koluk lalos.

7 À ke el liye ma puspis met Farisi à Saddusi elos tuku nu ke baptais lal, el fwak nu selos, We fwil nutin faipu, ſu lutu nu ſumwos in kaiñla liki ma siluñ a tuku ?

8 Ke ma iñi orek fwako mwo lun auliyuk ; 9 à tiu nunku inſiumwos à fwak, Ebream papa tumus : tu ña fwak nu ſumwos, God el ku in oraük tulig nutin Ebream ke eot iñi.

10 À iñipe tulaiu on ke okun ſaku : ke ma iñi ſak e nu kemwu ſu tiu iſū ſwako mwo, pokiye, à ſisla nu in e.

11 Payi ña baptaisi komwos la ke kof in auliyuk : à el ſu tuku tukuk ku liki yu, fwaluk lal ña tiu mwo ke wiſye : el fwa baptaisi komwos la ke Nun Mutal, à e : 12 pal lal in paul, à el palelanu pa lal ma nasnas, à eseni wit lal nu in lomwu ; à el fwa fureuk kulin ma in e kamwul.

13 ¶ Na Jirusel tuku Galili mi nu Jordan, nu yurol Jon, lun in baptais el la.

14 À Jon el mu sito, fwakan, Mwo tu kom baptais yu la, ya kom tuku nu yuruk ?

15 À Jirusel tupokoan fwak nu sel, Tari ma iñi : tu mwo kitál payikin mwo nu kemwu. Na el lela in oru nu sel.

16 À Jirusel, ke baptaisla tari, el fwasiuk kitin misiñi liki kofo : à liye, kosao igakla nu sel, à el liye Nun lun God sikmi oanu muli oa, à tuwi fwel.

17 À liye, pura si in koſaoe mi, fwakan, El iñi Mwen kulu nutig, ña inſimwowo ke el.

ŠAPTER 4.

NA Nun el kolol Jirusel yin mesis, tu devil el fwa ſrifwe'l.

2 À ke el lalo len añaul à foñ añaul, tuk el musinsral.

3 À ke pansruf el tuku nu yurol, el fwak, Kom fwin Mwen nutin God, kom ſap eot iñi in efla bred.

4 À el tupokoan à fwak, Ma ſimisla, Met a tiu mol ke bred mugenu, tu ke kas nu kemwu tuke liki olin God.

5 Na devil el wiſalak nu in siti mutual à fili'lye on fwin mañon imwen tempel ; 6 à fwak nu sel, Kom fwin Mwen nutin God, kom ſifwanu ſrola nu ten : tu ma

MATTU, 4.

simisla, El fwa fwak nu sin lipufon lal ke yum: à elos fwa tapuk koonyuk in paolos, fwin tiu ou iñi kutu pal kom kontaye nium ke eot.

7 Jisus el fwak nu sel, Ma simisla pe, Nik koun srifwe Jeova God lom.

8 Devil el siefwil pe wusalak nu fwin eol fulat lanu, à luti nu sel togusai nu kemwu fwalu, à ma mwo lalos; 9 à el fwak nu sel, Ma nu kemwu ma iñi ña fwa kite kom, kom fwin putati à ali nu sik.

10 Na Jisus el fwak nu sel, Satan, kom fwala liki: tu ma simisla, Kom ali nu sin Jeova God lom, à oru nu sel mugenu.

11 Na Devil el som luk el, à liye, lipufon elos tuku à oru nu sel.

12 ¶ À ke Jisus el loñ tu Jon el sisiuñ nu in prison el somla nu Galili: 13 à likie an Nazaret, el tuku à mutu yin Keperneum, ma on fwin we nu mwea, an siskin an Zabulon a Neftalim: 14 tu ma payikin ma Isaias met palu el oru met, fwakañ, 15 Fwal Zabulon, à fwal Neftalim, fwin we nu mwea, likin yeno Jordan, Galili lun met Pegan; 16 met šu mutu in losu elos liye kalem lulap: à nu selos šu mutu in an à ñuin mas kalem sikuñ nu we.

17 Tukin pal si iñó Jisus el mutamwauk in lutí à fwak, Auliyük: tu togusai in kosao akurun tuku.

18 ¶ À Jisus ke el fwafwasyis mwe an Galili, el liye tamulel luo, Saimon pañpan Piter, à Andru met lel, eltal fulalik kwa mwea: tu eltal met kwa.

19 À el fwak nu seltal, Komtal fwash tukuk, à ña fwa orek umtal komtal kwa met.

20 À kitin misiñi eltal likiye ok, à fwash tukol.

21 À ke el som kutu nu met, el liye luo pe tamulel, Jemes nutin Zebedi, à Jon met lel, in oaku oelul Zebedi papa tumaltal, onon ok lalos: à el pañ loltal.

22 À kitin misiñi eltal aliki oaku à papa tumaltal, à fwash tukol.

23 ¶ À Jisus el fwafwasyis yin nu kemwu Galili, lotiouñ in lolñok lalos, à luti mwo šasu lun togusai, à kela mas e nu kemwu, à atuk nu kemwu yurin metu.

24 À an Siria nu kemwu loñ puñal; à elos wis nu yurol nu kemwu šu mas ke kutenu mas, à mwaiok, à elos šu musin devil, à musin alwet, à mas matoltol; à el oralosyuk in kela.

25 À met puspis tukeni fwash tukol Galili mi, à Dekapolis, à Jerusalem, à

Judea, à likin yeno Jordan.

SAPTER 5.

AKE el liye met puspis tu-keni, el fwasiuk nu fwin eolu : à ke el mutu, met tumal lutlut elos tuku nu yurol : 2 à el mañalik, à luti nu selos, fwakañ, 3 Inši mwowo elos šu sigasrup in ñun : tu togusaï in kosao ma lalos.

4 Inši mwowo elos šu asor : tu elos fwa parak.

5 Inši mwowo elos šu fwokpap : tu fwalu fwa ma lalos.

6 Inši mwowo elos šu musinsral à malu kin ma mwowo : tu elos fwa küp.

7 Inši mwowo elos šu pakomutu : tu a fwa pakomutu ma lalos.

8 Inši mwowo elos šu nas-nas in ñun : tu elos fwa liye God.

9 Inši mwowo elos šu oru in misla : tu pañpañ elos tulig nutin God.

10 Inši mwowo elos šu orek ma mwowo ke met kolya alos : tu togusaï in kosao ma lalos.

11 Inši mwowo komwos, ke met kaskas ko nu šumwos, à kolyaï komwos, à kaskas ko nu kemwu nu šumwos, tiu payi, tu komwos met luk.

12 Komwos eñunak, à inši mwowo lanu : tu ma lulap mwo lomwos in kosao : tu ou iñi elos kolyaï met palu šu mutu met šumwos.

13 Komwos sol lun fwalu : à sol fwin tiu emak, fuka soleye ? ma tuko kolukla, à sisila, à loñyu nu ye niin metu.

14 Komwos kalem lun fwalu. Siti si mutu fwin eola, koflanu mwukunla.

15 Met elos tiu akosiuk lamu, à filiye on ye tupu, tu on ke sikon lamu ; à kofleuk nu kemwu in lomwu.

16 Šuñ kalem lomwos in tolák ye muñun metu, tu elos fwa liye me orekma mwo lomwos, à oru mwo lanu nu sin Papa tumomwos in kosao.

17 ¶ Tiu nunku mu tu ña tuku in kanaowisla ma šap, à ma palu : ña tiu te kanaowis, ña te oru in payi.

18 Tu payinu ña fwak nu šumwos, Nu ke kosao à fwalu šomla, sie akul sisik à sie ñarñar lun me šap koflanu wañinla, nu ke ma nu kemwu orek payi.

19 Ke ma iñi el šu kanaowis sie me šap srik liki nu kemwu iñi, à fwa luti nu sin met ou iñe, pañpañ el srik liki in togusaï in kosao : à el šu oru à luti mao, pañpañ el yok in togusaï in kosao.

20 Tu ña fwak nu šumwos, Tu mwo lomwos fwin tiu yok liki ma lun met šim à met Farisi, komwos konflanu ilyuk nu in togusaï in kosao.

21 ¶ Komwos loñ ma matu fwak umet, Nik kom akmus: à met šu akmus el šenšen ke ma nununku: 22 à ña fwak nu šumwos, Tu met šu koskusok sin met lel ke wañin ma sripi, el fwa šenšen ke ma nununku: à met šu a fwak nu sin met lel, Reka, el fwa šenšen ke mwolil: à met šu a fwak, Kom lalfon, el fwa šenšen ke e in hell.

23 Ke ma iñi kom fwin usi kiše lom nu in lāñ, à iñó kom esamak tu ma lium kuntu ma alaii kom; 24 likiye iñó kiše lom ye mutun lāñ, à šom; met kom eumwela met lium, à tufwa tuku à šuñ kiše lom.

25 Kitin misiñi kom eu-mwela met añañ lom, ke kom oelul fwas inganek; fwin tiu ou iñi kutu pal met añañ es komyuñ nu sin met nununku, à met nununku es komyuñ nu sin rošo, à sis komyuñ nu in prison.

26 Payinu ña fwak nu šum, Kom koflanu fwala liki mao, nu ke kom mol ma nu kemwu nu ke kitin ma sisik.

27 ¶ Komwos loñ ma ma-

tu fwak umet, Nik kom kosro.

28 Á ña fwak nu šumwos, Met šu ñetañ nu sin mutan à luñsi fwas nu yurol; el orek kosro nu sel tari inšiel.

29 Á mutom leyut fwin orek kom koluk, tipella mao à sisla liki kom: tu mwo nu šum tu sie monum mišalla, à tiu monum nu kemwu sisila nu in hell.

30 Á la pom leyut fwin ore kom koluk, pakala mao, à sisla liki kom: tu mwo nu šum tu sie monum mišalla, à tiu monum nu kemwu sisila nu in hell.

31 Ma fwak met, Met šu sisla mutan kiel, lela lun šuñ nu sel me šim lun sisila.

32 Á ña fwak nu šumwos, Tu met šu sisla mutan kiel, el fwin tiu kosro, el ora'l lun met kosro: à met šu payuk el šu sisila, el orek kosro.

33 Siefwil pe, komwos loñ ma matu fwak umet, Nik kom ſifwanu kiape kom, à kom tufwa akfwolye kas lom nu sin Jeova.

34 Á ña fwak nu šumwos, Nik komwos sranu fulak: tiu nu ke kosao; tu me mutu lun God: 35 tiu nu ke fwalu; tu me fwolkin nien; tiu nu ke Jerusalem; tu siti sin Togusa lulap.

36 Nik kom fulak ſiufum,

tu kom koflanu oru sugo aun
šiufum in fwosfwos ä sral-
sral.

37 Ä lela kaskas lomwos,
Aok, aok; Mo, mo: tu ku-
tenu ma fwin yok liki ma
iñi, koluk.

38 Komwos loñ ma fwak
met, Muta topkin muta, ä
mwis topkin mwis: 39 ä
ña fwak nu šumwos, Tu
komwos tiu asikeli ke ma
koluk: ä met šu tokoilik
olum leyut, siefwil forla nu
sel lesi.

40 Ä sienu met fwin luñsi
oru nu šum nu ke nununku
ä esla nuknuk lü lom, lela
lun es pe nuknuk lik.

41 Ä met šu kaifwi kom
in fwas nu ke mail si, kom
oelul fwas nu ke luo.

42 Šuñ nu sel šu siyuk
šum, ä met šu asroa kom
nik kom forla luk el.

43 Komwos loñ tu ma
fwak met, Mwo kom luñšom
met kawuk lom, ä sruñu met
lokwalok lom: 44 ä ña
fwak nu šumwos, Mwo ko-
mwos luñsi met lokwalok lo-
mwos, kaskas mwo nu selos
šu kaskas ko nu šumwos,
oru mwo nu selos šu sruñe
komwos, ä siyuk alos sin
God šu orek ma koluk nu
šumwos, ä kolyai komwos;

45 tu ou iñi komwos fwa
tulig nutin Papa tumomwos
šu in kosao: tu El oru fwat

lal in siku on ke koluk ä
ke mwo, ä El sipamu auf on
ke payi ä on ke sito.

46 Tu komwos fwin luñ-
šomwos elos šu luñselos ko-
mwos, mea mol lomwos? ya
met rošo elos tiu ou iñi?

47 Ä komwos fwin pailñ
met liumwos mugenu, mea
yök šuinwos? ya met rošo
elos tiu ou iñi?

48 Tu ou iñi mwo komwos
šumwosmwo lanu, ou Papa
tumomwos šu in kosao šu-
mwosmwo lanu.

ŠAPTER 6.

KOMWOS liauñ in tiu oru
ma payi lomwos ye mutu-
tun metu, tu elos liye ko-
mwos: fwin ou iñi Papa tu-
momwos šu in kosao el tiu
siot me mol lomwos.

2 Ke ma iñi ke kom oru
kite, tiu ugug ye mutom,
oanu met mwošounkas in
imwen lolñok ä in inganeku,
tu met kaksakin olos. Pa-
yinu na fwak nu šumwos
me mol lalos.

3 Ä ke kom orek kite, nik
la pom lesi etu ma la pom
leyut oru: 4 tu kite lom
fwa lukla: ä Papa tumom
šu liye in lukla, el ſifwanu
fwa mol nu šum lemту-
laiuk.

5 Ä ke kom pre, kom tiu
oanu met mwošounkas: tu
elos luñselos pre ke elos tu

in imwen lolñok à in sru-mwosrik inganek, tu met fwa liye'los. Payinu ña fwak nu šumwos, Me mol lalos.

6 À kom, ke kom pre, iliuk nu in fukil šum, à ke kom kaliye mutun oaoa lom, pre nu sin Papa tumom šu in lukla; à Papa tumom šu liye in lukla, el fwa mol nu šum lemtulaiuk.

7 À ke komwos pre, nik komwos enutnut oanu met pegan: tu elos nunku mu enut el loñ tu elos kaskas ka puspis.

8 Ke ma iñi komwos in tiu ou elos: tu Papa tumomwos el etu ma komwos luñšomwos met, komwos si-yuk sel tuk.

9 Ke ma iñi komwos pre ou iñi: Papa tumus šu in kosao, E'los oal payi.

10 Togusaï lalos tuku. Orek ma nu fwalu, ou elos oru in kosao.

11 Kite kit len si iñi ma kut moño misiñi.

12 À nunok munas nu šes ke ma koluk las, oanu kut nunok munas sin met šu orek ma koluk nu šes.

13 À tiu kol kit kut in mel, à es kit la liki ma koluk. Tu togusaï lalos, à ku, à mwolanu, ma patpat. Amen.

14 Tu komwos fwin nunok

munas sin met ke ma koluk lalos, ouyape Papa tumomwos in kosao el fwa nunok munas ke ma koluk lomwos.

15 À komwos fwin tiu nunok munas sin met ke ma koluk lalos, ouyape Papa tumomwos el fwa tiu nunok munas ke ma koluk lomwos.

16 À ouyape, ke komwos lalo, tiu oanu met mwo-šounkas, efwal: tu elos ak-kolukye mutualos, tu met in liye elos la lalo. Payinu ña fwak nu šumwos, Me mol lalos.

17 À kom, ke kom lalo, mosuela šiuwom, à tanla mutom; 18 Tu kom lalo tiu nu sin metu, tu nu sin Papa tumom šu in lukla: à Papa tumom šu liye in lukla, el fwa šiot mol nu šum lemtulaiuk.

19 ¶ Tiu likiye ma mwo lomwos on fwalu, yin mwo-til à rus koñla, à yin met pusupas konaoselik à puse: 20 à likiye ma mwo lomwos in kosao, yin mwotil à rus tiu koñla, à yin met pusupas tiu kanaoselik à tiu puse: 21 Tu yin ma mwo lomwos on we, ouyape yin ñunu-mwos on we.

22 Mutu kalem lun mano: ke ma iñi mutom fwin mwo, monum nu kemwu tiñtiñi-nu ke kalem: 23 à mutom fwin koluk, monum nu ke-

mwu tiñtiñinu ke los. Ke ma iñi fwin kalem in kom los, los iñi yok fuka!

24 Wañin met oru nu sin leum luo: tu el fwa sruñu sie, ä luñsi sie; ku el fwa srukie sie, ä sisla sie. Komwos koflanu oru nu sin God ä mammon.

25 Ke ma iñi ña fwak nu šumwos, Tiu nunku mu mol lomwos, ma komwos a moño, ä ma komwos a nim; ä tiu monumwos ma komwos a nukomañ. Ya mol tiu mwo liki me moño, ä mano ku nuknuk?

26 Liye mwon yin eñeyenu: tu elos tiu eoki, ä tiu kosrni, ä tiu ti mu in lomwu: ä Papa tumowos in kosao el kit alos. Ya komwos tiu mwo luk elos?

27 Šu šumwos ke nunkauk fwa ku in orek komwos fulat oanu kubit si?

28 Ä efwo komwos ku nunku ke nuknuk? Liye kiuf in ima si, elos kapak ma fuka; elos tiu orekma, ä tiu isap: 29 ä ña fwak nu šumwos, Tu Solomon, ke ma nu kemwu mwo lal, el tiu yinla oanu sie selos.

30 Ä God el fwin akkapye ma mwo in ima si, tu on misiñi, ä lutu sisla in fwunyou, ya el tiu oru nu šumwos yok liki, we komwos lalalfuñi ma sisik?

31 Ke ma iñi komwos tiu nunkauk, fwakañ, Mea kut a moño? ku Mea kut a nim?

32 (Tu met pegan elos šukuk ma nu kemwu ma iñi:) tu Papa tumowos in kosao el etu tu ma nu kemwu iñi mwo nu šumwos.

33 Ä met komwos šuk nu togusaï lun God, ä ma payi lal; ä ma nu kemwu ma iñi fwa šuñ pe nu šumwos.

34 Tu ou iñi tiu nunku mu nu lutu: tu lutu fwa nunku kutu ma lutu. Tari ma koluk len si.

ŠAPTER 7.

KOMWOS tiu nununku, Tu met a tiu nununke komwos.

2 Tu nununku ma komwos nununku ka, met a fwa nununke komwos ou iñi; me srigusok ma komwos sriki ka, ma iñi met fwa srike pe nu šumwos.

3 Ä efwo kom ku liye kutkut in mutun lium, ä tiu nunku mu šak lulap in mutom?

4 Ka fuka kom fwak nu sin met lium, Mwo ña esla kutkut liki in mutom; ä liye, šak lulap in mutomwun?

5 Kom mwošounkas, met kom sisla šak liki in mutom; ä na kom fwa liye

mwo in esla kutkut liki in mutun lium.

6 Tiu ſuñ kutu ma mutual nu sin kosro ñaliñul, à tiu sisla mwek lomwos nu ke kosro pig, tu elos fwa fwolkeye ye nialos, à elos fwa forla ñalis komi.

7 Siyuk, à fwa kite komwos; ſuk, à komwos fwa konoiock: tomwolak, à fwa igakla nu ſumwos: 8 tu met nu kemwu ſu siyuk es; à el ſu ſuk konoiock; à ſu tomwolak ma igakla nu sel.

9 Ka met ſu ſumwos, tulig nata fwin siyuk bred, el fwa ſuñ eot nu sel?

10 Ka el fwin siyuk ik, el a ſuñ nu sel serpent?

11 Na komwos met koluk, fwin etu fuka in ſuñ ma mwowo nu sin tulig nuto-mwos, Papa tumomwos ſu in kosao el fwa ſuñ mwo yok fuka nu selos ſu siyuk sel?

12 Ke ma iñi ma nu kemwu komwos luñšomwos, met in oru nu ſumwos, komwos oru ouyape nu selos: tu ou iñi manu à met palu.

13 Komwos iliuk mutun kol ou sriksrik; tu mutun kol sralap, à inganek sralap pailiknu, ma kol nu yin koluk lanu, à met puspis iliuk nu we.

14 Tu mutun kol ou sriksrik à inganek ou sriksrik,

ma kol nu yin mol; à met pu konoiock mao.

15 Liauñ met palu sito, ſu tuku nu yuromwos in nuk-nuk lun ſip, à inſielos kosro wolf konaosten.

16 Komwos fwa etalos ke fwako lalos. Ya met elos eseni grep ke mu, à fig ke kokol?

17 Ou iñi ſak mwo nu kemwu isüs fwako inwo; à ſak koluk isüs fwako koluk.

18 Šak mwo koflanu isüs fwako koluk, ouyape ſak koluk koflanu isüs fwako mwo.

19 Šak e nu kemwu fwin tiu isüs fwako inwo pokiyi iguri, à sisla nu in e.

20 Ke ma iñi komwos eta'los ke fwako lalos.

21 ¶ Tiu met nu kemwu ſu fwak nu sik, Leum, Leum, elos fwa iliuk in togusaï in kosao; tu el ſu oru ma Papa tumuk in kosao el luñsel.

22 Met puspis fwak nu sik in len si iño, Leum, Leum, ya kem tiu kaskas in ēum? à in ēum kem sisla devil? à in ēum oru ma puspis ma ſokuruk?

23 À na ña a fwak nu selos, Na tiu ete komwos; fwala liki yu komwos ſu orek ma koluk.

24 Tu ou iñi met nu kemwu ſu loñ ma ña fwak iñi,

ā oru mao, ña fwak el oanu met lalmetmet, su muša lom sel on fwin eot: 25 ā auf kakla, ā sronot tuku, ā eñ tumi, ā fuñulye lomwu; ā tiu iguri: tu muša fwin eot.

26 Ā met nu kemwu su loñ ma ña fwak iñi, ā tiu oru, elos oanu met lalfon, su muša lom sel on fwin puku: 27 ā auf kakla, ā sronot tuku, ā eñ tumi, ā fuñulye lomwu; ā iguri: ā ma iñi iguri ma lulap.

28 Ā ma iñi te oru, ke Jisus el kaskas tari, met elos lut ke ma luti lal: 29 Tu el luti nu selos oanu kas pen, ā tiu oanu met šim.

ŠAPTER 8.

K E el oatu fwin eolami, met puspis tukeni fwas tukol.

2 Ā liye, lepu si tuku ā sinakunal, fwakañ, Leum, kom fwin luñsom, kom ku in ore yu la in nasnas.

3 Ā Jisus el sralot paul, ā kali'lye, fwakañ, Na ke, kom in nasnas. Ā kitin miñi lepu si el nasnas.

4 Ā Jisus el fwak nu sel, Liauñ, nik kom fwak nu sin met; ā fwas, ā luti konyuñ nu sin met tol, ā suñ kiše ma Moses el sap, ke ma lo nu selos.

5 ¶ Ā ke Jisus el utiuk

nu in Kepernaum, met senturion el tuku nu yurin siyuk šel, 6 ā fwakañ, Leum, met kulansap luk on yin sik mas matoltol, keokinu.

7 Ā Jisus el fwak nu sel, Na fwa tuku ā akkei el la.

8 Met senturion el tupokoañ ā fwak, Leum, ña tiu mwo, nik kom tuku nu fwin tukin ium sik: ā koin fwak-nu, ā met kulansap luk fwa kela.

9 Tu ña met leum šukšuk si, met meun luk akkos yu: ā ña fwak nu sin sie, Šom, ā el šom; ā nu sin sienu, Tuku, ā el tuku; ā nu sin met kos luk, Oru ma iñi, ā el oru.

10 Ke Jisus loñ, el lut, ā fwak nu selos su fwas tukol, Payinu ña fwak nu šumwos, Na tiu konoiok ma lalalfuñi lulap ou iñi, mo, tiu in Israael.

11 Ā ña fwak nu šumwos, Tu met puspis fwa tuku yin fwatu takmu we ā yin fwatu tili we, ā elos fwa mutu yurin Ebream, ā Aisak, ā Jekob, in togusai in kosao.

12 Ā tulig lun togusai fwa sisila nu yin los liki losu: ā nu iñi fwa tuñ ā ñañorñor in mwuse.

13 Ā Jisus el fwak nu sin met senturion, Fwasot; ā oanu kom lalalfuñi a fwa oru nu šum. Ā kitin misi-

ñi met kulanšap lal el kela
ke auu si iñi.

14 ¶ Ā ke Jisus el ilyuk
nu in lom sel Piter, el liye
nine kien mutañ kiel onu, à
mas fwol.

15 Ā el kalye paul, à mas
fwol wañinla luk el: à el
tukakak, à oru nu Sel.

16 Ā ke eukela, elos wis
nu yurol met puspis su mu-
sin devil: à el sisla ñun liki
ke pusral, à akkei elos la nu
kemwu su mas: 17 Tu oru
ma payi ma Isaias met palu
el polyi, fwakañ, El ſifwanu
srukak ma kolukla las, à
wisla mas las.

18 ¶ Ini ke Jisus el liye
met puspis apnulani, el sap
in ñom nu lefwalo.

19 Ā sie met ſim el tuku,
à fwak nu sel, Met luti, ña
ke fwas tukum yin nu ke-
mwu kom fwas nu we.

20 Ā Jisus el fwak nu
sel, Kosro foks inluf selos, a
mwon yin eñyeñu auñ selos;
à Mwen nutin met wañin an
šiufwel on nu we.

21 Ā sienu sin met tumal
lutlut el fwak nu sel, Leum,
lela ña ñom pukinye papa
tumuk met.

22 Ā Jisus el fwak nu sel,
Fwas tukuk; à lela met
miši pukinye met miši lalos.

23 Ā ke el sroauk nu
fwin oaku, met tumal lutlut
elos sroauk tukol.

24 A liye, eñ lulap tuku
nu mwea, oanu tu nuamwot
afwunla oaku: à el motulnu.

25 Ā met tumal lutlut
elos tuku, à oksalak, fwakañ,
Leum, moli kit la: kut a
miši.

26 Ā el fwak nu selos,
Efwo komwos ku ſañeñ, we
komwos lalalfuñi ma sisik?
Na el tukakak, à igul eñ à
mwea; à iñi mis lanu.

27 Ā met elos lut, fwakañ,
We met measi, tu eñ à
mwea aksol!

28 ¶ Ā ke el tuku lefwalo,
yin met Gadara mutu we,
iño met luo musin devil ſu-
nol, eltal fwase liki inkulyuk
mi, koskusok akinu, oanu tu
wañinu met fwas alukela nu
we.

29 Ā liye, elos wowoyuk,
fwakañ, Mea kut oru nu
suin, Jisus, Mwen nutin
God? ya kom tuku nu yinu
in akkolukye kit met pal si?

30 Ā lusi lalos un kosro
pig si ma puspis moño we.

31 Ā devil elos pre siyuk
sel fwakañ, Kom fwin sis kit
la, lela kut in ñom nu in un
kosro pig.

32 Ā el fwak nu selos,
Fwala. Ā ke elos fwas liki
tari, elos ñom nu in un kosro:
à liye, un kosro nu ke-
mwu oatu ma keku nu yin
lual mwea, à elos miši nu in
kofo.

33 Á elos su liye'losyuñ kaiñla, á šom nu yin siti, á fwakak ma nu kemwu, á kutu ma oru nu sin met musin devil.

34 Á liye, nu kemwu mutu yin siti elos fwas liki šunol Jisus: á ke elos liye'l, elos pre siyuk sel in fwala liki an selos.

SAPTER 9.

A EL sroauk nu fwin oaku, á kolot, á tuku nu yin siti sel.

2 Á liye, elos wis nu yurol sie met mas matoltol, on fwin kùlus si: á Jisus liye lalalfuñolos, el fwak nu sin met mas matoltol, Mwen, eñunak; ma koluk lom nunok munas šum.

3 Á liye, kutu sin met sim fwak inšielos, El enum.

4 Á Jisus etu nunka'los, el fwak, Efwo komwos ku nunku ma koluk inšiumwos?

5 Ka su a fusas liki in fwak, Ma koluk nunok munas nu šum? ku fwak, Tukakak, á fwas.

6 Á tu komwos fwa etu, tu Mwen nutin met ma ku lal on fwalu in nunok munas ke ma koluk (na el fwak nu sin met mas matoltol,) Tukakak, strukak kùlus kium, á fwas nu in lom šum.

7 Á el tukakak, á šom nu in lom sel.

8 Á ke met puspis tukeni liye elos šañen á kakšakin God, su šuñ ku ou iñi nu sin metu.

9 ¶ Á ke Jisus šom liki an si iñi, el liye met si, el Mattu, el mutu imwen met rošo; á el fwak nu sel, Fwas tukuk. Á el tuyuk, á fwas tukol.

10 Á ma te oru, ke Jisus el foñla nu ke tebel in lomwu, liye, ma puspis met rošo á met koluk elos tuku á foñla nu yurol á met tumal lutlut pe.

11 Á ke met Farisi liye, elos fwak nu šin met tumal lutlut, Efwo met luti lomwos ku mutu moño yurin met rošo á met koluk?

12 Á ke Jisus el loñ el fwak nu selos, Met ku elos tiu enenu met šatal, tu met mas mugenu.

13 Á komwos šom á lutlut ke ma iñi fuka, Na luñsik pakomutu, á tiu kiše: tu ña tiu tuku in pañon mu met payi, tu met koluk in auliyuk.

14 Na met lutlut lal Jon elos fwas nu yurol, fwakañ, Efwo kut ku á met Farisi lalo pal puspis, á met lutlut lom tiu lalo?

15 Á Jisus el fwak nu selos, Ya tulig in fukil nutin met pusla elos asro ke met pusla mutu yurolos? á len a

fwa tuku, ke met pusla el ſom luk elos, a na elos lalo.

16 Wañin met likiye ipen nuknuk ſaſu nu ke nuknuk ma; tu ma filiye nakla esla kute liki nuknuk, a muſa yokoilik.

17 Ouyape met tiu filiye wain ſaſu nu in ſifwa matu, fwin ou iñi ſifwa fogolik, a wain ſirorla, a ſifwa muſal-ſala: a elos filiye wain ſaſu nu in ſifwa ſaſu, a eltal mwo.

18 ¶ Ke el kaskas kutu ma iñi nu selos, liye, sie leum tuku nu yurol, a ſinakunal, fwakañ, An nutig el miši iñi: a fwasu a likiye pom on fwel, a el fwa mol.

19 A Jisus el tuyuk a fwas tukol, a met tumal lut-lut pe.

20 A liye, sie mutan, ſu musin sa ke yiu sie-ñul-luo, el tuku tukol, a kalye siske nuknuk lal: 21 Tu el fwak inſiel, Na fwin kalyanu nuknuk lal, ña fwa mol.

22 A Jisus el tapulla; a ke el liye'l, el fwak, An, eñunak; lalalfuñi lom ore kom in kela. A mutan si el kela ke auu si iñi.

23 A ke Jisus el tuku nu in lom sin leum, a liye met uſuk sisik a kutenu met ſaſa,

Sesekla; tu mutan fwus el tiu miſe, a el motul. A elos isasinkusa.

25 A ke met elos illa, el ilyuk, a el es paul, a mutan fwus el tukakak.

26 A ma iñi sulkakin yikelik nu fwal si iñu nu kemwu.

27 ¶ A ke Jisus el ſom liki an si iñi, met kun muta luo fwas tukol, wowoyuñ, a fwakañ, Mwen nutin Devid, pakomutetalu.

28 A ke Jisus el utyuk nu in lomwu, met kun muta luo tuku nu yurol: a Jisus el fwak nu seltal, Ya komtal lalalfuñi tu ña ku in oru ma iñi? Eltal fwak nu sel, Ao, Leum.

29 Na el kalye mutaltal, fwakañ, Ma nu ſumtal oanu komtal lalalfuñi.

30 A mutaltal ñutalik: a Jisus el fwakañ ſumoseye nu seltal, Nik komtal oru nu sin met.

31 A ke eltal ſomla, eltal sulkakunalik ma el oru nu fwal iñu nu kemwu.

32 Ke el ſomla liki, liye, elos wis nu yurol met ſiloñkas si musin devil.

33 A ke el ſisla devil luk el, met ſiloñkas el kaskas: a met puspis tukeni elos lut, fwakañ, Met kut tiu liye ou iñi in Israel.

34 A met Farisi elos

fwak, el sisla devil liki ke leum lun devil.

35 Ā Jisus el fwafwasyis nu in siti ā yin sisik nu kemwu met mutu we, luti in lolñok lalos, ā kaskas ma mwo ſaſu lun togusaï, ā kela mas e nu kemwu ā atuk nu kemwu yurin metu.

36 Ā ke el liye met pus-pis tukeni, el pakomutalos, tu elos mululla, ā fwaselik, oanu ſip wañin met sropu.

37 Na el fwak nu sin met tuinal lutlut, Ma puspis kapak masla orani wisak, ā pu met orekma; 38 tu ou iñi komwos pre nu sin Leum lun ma kapak masla, tu el fwa ſipaot met in orekma nu yin kapak masla.

ŠAPTER 10.

A KE el pañon mu met sie-ñul-luo tumal lutlut, el ſuñ nu selos ku ke ñun fok-fok tu elos in sis elos la, ā in kela mas e nu kemwu ā atuk nu kemwu.

2 Ā ēlos ou iñi lun met ſap sie-ñul-luo: Masi metu Saimon ſu pañpañ Piter, ā Antru met lel; Jemes nutin Zebedi, ā Jon met lel; 3 Filip, ā Bartolomu; Tomas, ā Mattu met rošo; Jemes nutin Alfeus, ā Lebbeus, ē mwulal Taddeus; 4 Saimon met Kenan, ā Judas Iskariot, el ſu tukakunulak.

5 Sie-ñul-luo iñi Jisus el ſipaot, ā oru nu selos, fwakañ, Nikmit fwas nu inganek lun Met pegan ā nikmit il-yuk nu yin siti lun met Simaritan.

6 Tu mwo liki ſom nu yurin ſip tūla lun sou lun Israel.

7 Ā, ke komwos ſom, luti fwakañ, Togusaï in kosao akurun.

8 Oru met mas in kela, met lepu in nasnas, met miši in molyuk, sisla devil liki: komwos esla ke tiu mol, kitala ke tiu mol.

9 Tiu filiye gol, ā silver, ā bras in atro lomwos; 10 tiu nuk ke fwafwasyis, tiu koat luo, tiu faluk, tiu sikal; tu mwo in ſuñ me mol nu sin met orekma.

11 Komwos fwin ilyuk yin siti ā yin sisik met mutu we, siyuk ſu mwo yinu; ā mutu we nu ke komwos ſomla.

12 Ā ke komwos ilyuk nu in lomwu, tañ mu.

13 Ā lom fwin mwo, misla lomwos on fwe: ā fwin tiu mwo, lela misla lomwos in foloko nu yuromwos.

14 Ā sienu met ſu tiu es komwos, ā tiu loñ kas lomwos, ke komwos ſom liki lom ku siti si iñi, fotoñla fok ke niuwos.

15 Payinu na fwak nu

sumwos, Fwal Sodom à Gomorra mwo liki siti si iñó in len ošun.

16 ¶ Liye, ña sipe komwos la oanu kosro šip nu yurin kosro wolf: tu ou iñi mwo komwos lalmetmet oanu serpent, à oa oanu muli oa.

17 Á sismouk metu: tu elos fwa es komwos yuk nu ke mwolin papu, à elos fwa sríñil komwos in lolñok lalos; 18 à elos fwa wis komwos yuk nu ye mutun leum à togusa ke ña, ke ma lo lain elos à Met pegan.

19 Á ke elos es komwos-yuñ, tiu nunkauk kutu à fuka ma komwos a fwak; tu ña fwa ſiot nu sumwos kutu ma komwos a fwak ke auu si iñó.

20 Tu tiu komwos a fwak, à Nun lun Papa tumomwos el fwak in komwos.

21 Á met lel fwa ašuñ met lel nu ke miši, à papa ašuñ tulig: à tulig elos tuyuk lain papa nine, à ora'los nu ke miši.

22 Á met e nu kemwu fwa sruñe komwos ke èk; à el su oru mwo nu tuk fwa mol.

23 Á ke elos kolyai komwos yin siti si iñi, komwos kaiñ la nu sienu: tu payinu ña fwak nu sumwos, Komwos tiu fwas tari nu yin

siti in Israel, nu ke Mwen nutin met tuku.

24 Met tuma lutlut el tiu fulat liki met luti, à met kulansap tiu fulat liki leum lal.

25 Tarinu tu met tuma lutlut oanu met luti lal, à met kulansap oanu leum lal. Elos fwin pañpañ met fwunmet Beelzebub, ya yok liki elos pañpañ pe kutu sin sou lun met fwunmet?

26 Tu ou iñi tiu sañeñ selos, tu wañin kutu ma afne, a fwa tiu igasla; à mwukin, a fwa tiu etauk.

27 Ma ña fwak nu sumwos in los, komwos kaskas in kalem: à ma komwos loñ in sreumwos, komwos fwakot on fwin mañon lomwu.

28 Á tiu sañeñ selos su uniye mano, à tiu ku in uniye ñun: à mwo liki sañeñ sel su ku in kanaosla ñun à mano pe in hell.

29 Ya met tiu kukakin kitin mwon luo ke kitin munisik? à sie fwin putati nu in foko Papa tumomwos el liauñ.

30 Á aun siufumwos nu kemwu el oakla.

31 Ke ma iñi komwos tiu sañeñ; tu komwos mwo liki kitin mwon sisik puspis.

32 Tu ou iñi met sinu su fwak yù yuk ye mutun metu, ouyape ña fwa fwa-

kalak ye mutun Papa tumuk
šu in kosao.

33 Ā sienu met šu lafwe-
kin yu ye mutun metu, ūa
ouyape fwa lafwekunal ye
mutun Papa tumuk šu in
kosao.

34 Tiu nunku mu tu ūa
tuku in sipamu misla on
fwalu: Na tiu tuku in sipa-
mu misla, tu kutlas.

35 Tu ūa tuku in oru
met si lain papa tumal, ā
tulig mutan lain nine kial, ā
tulig talap lain nine talu-
pal.

36 Ā met lokwalok lun
inet in sou lal.

37 El šu luñsi papa ā
nine yok liki yu, tiu mwo
nu sik, ā el šu luñsi mwen ā
an yok liki yu, tiu mwo nu
sik.

38 Ā el šu tiu es saksiñ
sugo lal, ā fwas tukuk, tiu
mwo nu sik.

39 El šu konoik mol lal
fwa tūla mao: ā el šu tūla
mol lal keik, fwa konoik
mao.

40 ¶ El šu es kom, es yu
mi; ā el šu es yu mi, es al
šu sipe yu mi.

41 El šu es met palu in
ēl met palu, fwa es mol lun
met palu; ā el šu es met
payi, in ēl met payi, fwa es
mol lun met payi.

42 Ā el šu fwa nime sin
sie ma sisik luk alein kof

eou si in ēl met tuma lutlut,
payinu ūa fwak nu ūumwos,
me mol lal fwa tiu tūla.

SAPTER 11.

Ā MA iñi te oru ke Jisus el
Ā sap tari nu sin met sie-
ñul-luo tumal lutlut, el ūom
in luti ā in kaskas yin siti
selos.

2 Ā ke Jon el loñak in
prison me orekma lun Kraist,
el sipaot met luo tumal lut-
lut, 3 ā fwak nu sel, Ya
kom el šu a tuku, ku kem a
suk sienu?

4 Jisus el tupokoañ ā
fwak nu seltal, Fwala ā sie-
fwil pe luti nu sel Jon ma
komtal loñ ā liye: 5 met
kun elos liye, ā met ul elos
fwas, ā met leper nasnas, ā
met siloñkas loñ, ā met miši
molyuk, ā met sigasrup elos
loñ ma mwo ūasú.

6 Ā insi mwowo el šu tiu
tugulkil keik.

7 Ā ke elos ūomla, Jisus
el mutamwauk in fwakul
Jon nu sin met puspis tekeni,
Mea komwos ūom nu yin
mesis in liye? Ya a sugo
kususus in eñyeñu?

8 Ka mea komwos ūom
in liye? Ya met si nukomañ
nuknuk mwowo? liye, elos
šu nukomañ ma mwowo mu-
tu in lom sin togusa.

9 Ka mea komwos ūom
in liye? Ya met palu si?

aok, ña fwak nu šumwos, à yok liki met palu si.

10 Tu el iñi met si elos simisla met, Liye, ña sipu met šap luk ye mutom, el šu akou inek lom ye mutom.

11 Payinu ña fwak nu ſuinwos, Wañin mutan os-wela met yok luk el Jon Baptist: à el su srikla liki in togusäi in kosao yok luk el.

12 Á ke len lun Jon Baptist nu iñi met elos oigusiuk nu in togusäi in kosao, à elos kenu fwas nu we.

13 Tu met palu nu ke-mwu à manu elos polyi nu ke Jon.

14 Á komwos fwin kenu etu mao, El iñi Elalias šu a tuku.

15 El šu sra in loñ, lela lun loñ.

16 ¶ Á fwil si iñi oanu mea? Oanu tulig mutu yin kutakot, à elos pañonmu asouk lalos, 17 à fwakañ, Kem nigaruru nu ſuinwos, à komwos tiu srosro; kem usuk sisik nu šumwos, à komwos tiu ašor.

18 Tu Jon el tuku tiu moño à tiu nim, à elos fwak, Devil yurol.

19 Mwen nutin met el tuku moño à nim, à elos fwak, Liye met kain moño, à nim wain, met wiyen met rošo à met koluk. Á Lal-

metmet el payi ke tulig natal.

20 Na el mutamwauk in kaiyuk nu sin siti, yin El orek menmen puspis, tu elos tiu auliyuk.

21 We nu šum, Koresin! we nu šum, Betsaida! tu fwin orek menmen lulap yin Tair à Saidon met, oanu oru nu šumtal, iñi eltal auliyuk ma lulap in nuknuk mwa señšeñ à apat.

22 Á ña fwak nu šumtal, An Tair à Saidon eltal mwo liki komtal in len ošun.

23 Á kom an Kapernaum orauk ma fulat in kosao, fwa utuki nu in hell: tu fwin orek menmen lulap nu in Sodom met oanu oru nu šum iñi, Sodom tiu wañinla nu ke len si iñi.

24 Tu ña fwak nu ſumiwos, Tu an Sodom mwo liki kom in len ošun.

25 ¶ Ke pal si iñó Jisus el tupokoña fwak, Na kułu nu šum, Papa, Leum in kosao à fwalu, tu kom mwukunla ma iñi liki met lalmet met à met liaten, à igasañ mao nu sin kitin tulig.

26 Ao, Papa: tu ou iñi mwo on ye mutom.

27 Papa tumuk el kite yu ma nu kemwu: à wañin nu met etu Mwen, tu Papa mugenu: à wañin nu met etu Papa, tu Mwen mugenu,

à el pe Mwen a fwa igaselañ nu sel.

28 Fwasu nu yuruk, komwos nu kemwu su totola à fwinni, à ña fwa siot nu sumwos moñle.

29 Es srenenu luk on fwom, à lutlut keik; tu ña misle à efwal insi: à komwos fwa konoiok moñle in ñunu-mwos.

30 Tu srenenu luk mwo-nu, à enu luk mulala.

SAPTER 12.

KE pal si iño Jisus el fwas ke len sabbat sasla in ima korn si; à met tumal lutlut elos musinsral, à mutamwauk in lusla korn, à in moño.

2 À ke met Farisi liye, elos fwak nu sel, Liye, met tumom lutlut elos orek ma tiu payi in oru ke len sabbat.

3 À el fwak nu selos, Ya komwos tiu rid kutu ma Devid el oru ke el inusinsral, à elos su oelul; 4 fuka el ilyuk nu in lom sin God, à moño bred luti, ma oul sel lun tiu moño, à selos su oelul, à tiu oul nu sin met tol?

5 Ya komwos tiu rid in manu, fuka ke len sabbat met tol elos orekma in imwen tempel à tiu koluk?

6 À ña fwak nu sumwos, Tu in an si iñi sie yok liki imwen tempel.

7 À komwos fwin etu fuka ma iñi, Na luñsik pakomtu, à tiu kiše, komwos a tiu lusla ma mwowou.

8 Tu Mwen nutin met el Leum lun sabbat.

9 ¶ À ke el som liki an iño, el ilyuk nu in lolñok lalos: 10 à liye, met si ul lanu paul. À elos siyuk sel, fwakañ, Ya oul in kela ke len sabbat ku tiu oul? tu elos fwa kas lain ul.

11 À el fwak nu selos, Ka met su yuromwos nata sugo sip, à el fwin putatla nu inlufu ke len sabbat, Ya el tiu struki'lye à strukak?

12 Fuka met a mwo liki sip? Tu ou iñi tiu oul in oru mwo ke len sabbat.

13 Na el fwak nu sin met si, Asreot pom. À el asroela; à kelanu oanu layenu.

14 ¶ Na met Farisi elos som liki, à tukeni kaskas lain ul, fuka elos fwa uni'lye.

15 À ke Jisus el etauk, el sifwanu som liki an iñi: à met puspis tukeni elos fwas tukol, à el akkei'elos la nu kemwu; 16 à el mwulauñ nu selos tu elos in tiu fwas tukol: 17 tu in payikin kutu ma Esaias met palu el fwak met fwakañ, 18 Liye tulig nutig, su ña emun; kulu nutig, nu sin su ñunik luñkin ma lulap: ña fwa

likiye ūunik on fwel, à el fwa lutu manu nu sin Met pegan.

19 El a tiu anwuk, tiu wowo; à wañin met loñ pusral inganeku.

20 A malok el a tiu kopalik, à ma fofosiuk el a tiu kunla, nu ke el sipaot manu nu ke kutuñla.

21 Á met pegan elos fwa lalalfuñi in él.

22 ¶ Na elos wis nu yurol sie musin devil, kunla mutal à tiu kas: à el ora'l in kela, oanu kunla à tiu kas eltaliye à kas.

23 Á met nu kemwu elos lut, à fwak, Ya el iñi tiu Mwen nutin Devid?

24 Á ke met Farisi elos loñ, elos fwak, El iñi tiu sisla devil liki, fwin tiu ke Beelzebub, leum lun devil.

25 Á Jisus el etu nunkalos, fwak nu selos, Togusai kemwu fwin ſifwanu aes fwa wañinla; à siti nu kemwu à lom elos ſifwanu aes fwa tiu tu.

26 Á Setan el fwin sisla Setan liki, el ſifwanu aes; fuka togusai lal fwa tu?

27 Á ña fwin sisla devil liki ke Beelzebub, ke ſu tulig nutom sisla luk elos? ou iñi elos fwa nununke komwos, la payi ku sito.

28 Á ña fwin sisla devil liki ke Nunal God, na to-

gusai lun God tuku nu yurumwos.

29 Ka fuka met si ilyuk nu in lom sin met ku, à kanaosla ma lal, el fwin tiu kopuriyawun met ku? à na el fwa kanaosla lom sel.

30 El ſu tiu wi yu, el lain yu: à el ſu tiu wi yu wisani, el siselik.

31 Tu ou iñi ña fwak nu ſumwos, Ma koluk à ma enum nu kemwu God nunok munas sin metu; à ma enum lain Nun Mutual, El tiu nunok munas sin metu.

32 Á kutenu ſu kaskas sie kas lain Mwen nutin met, God fwa nunok munas nu sel: à el ſu kaskas lain Nun Mutual, El fwa tiu nunok munas nu sel, tiu nu fwalu, tiu nu fwal tuko.

33 La orek sak mwo, à fwakol mwo; ku orek ſak koluk, à fwakol koluk: tu kut etu ſak ke fwako.

34 We fwil lun faipu! komwos koluk, fuka kaskas mwo? tu ke puspis inši, oalu kaskas.

35 Met mwo el wisla ma mwo lal liki niin tatú mwo lal; à met koluk wisla ma koluk lal liki niin tatú koluk lal.

36 Tu ña fwak nu ſumwos, Tu mwusrulunkas nu kemwu ma metu fwak, elos fwa oraot in len oṣun: 37 tu

ke kas lom kom fwa payi, à ke kas lom kom fwa sito.

38 ¶ Na kutu sin met sim à sin met Farisi elos tupokot, fwakañ, Met Luti, kut luñses liye sie akul ke'uun.

39 À el tupokoñañ à fwak nu selos, Fwil koluk à kosro šuk sie akul; à wañin akul oru nu ka, à akul siewunu lun Jonas met palu: 40 Tu oanu Jonas el mutu len tolu à foñ tolu inšien luat; ouyape Mwen nutin met el fwa mutu len tolu à foñ tolu inšien fwalu.

41 Met Ninefa elos fwa tuyuk in olul lain fwil si iñi, à lus el la; tu elos auliyuk ke Jonas el kaskas; à liye, sie yinu yok luk el Jonas.

42 Kosoa yin eur el fwa tuyuk in olul lain fwil si iñi, à lus el la; tu el tuku nu tafwun fwale mi in loñ ma lalmetmet lun Solomon; à liye, sie yinu yok luk el Solomon.

43 Ke ñun fokfok el fwas liki met, el fwafwasyis sasla an paoala, šuknu moñla, à tiunu konoioik.

44 Na el fwak, Na folok-la nu in lom sik ña fwas we mi; à ke el tuku, el konoioik puše, imom, à mwonus.

45 Na el som, à wis kutenu ñun itkos koluk luk el, à elos ilyuk à mutu we: ma safia lun met sen koluk liki

ma met. À ou iñi fwil koluk si iñi koluk pe tuk.

46 ¶ Ke el kaskas iñi nu sin metu, liye, nine à met lel elos tu likin umwe, luñsi in kaskas nu sel.

47 Na sie fwak nu sel, Liye, nine kium à met lium elos tu likin umwe, luñsi in kaskas nu šum.

48 À el tupokoñañ à fwak nu sin šu fwak nu sel, Šu nine kiuk? à met šu likan?

49 À el sralot paol nu ke met tumal lutlut, à fwak, Liye nine kiuk, à met lik!

50 Tu met šu oru luñ lun Papa tumuk in kosao, elnu ma lik, à louk, a kiuk.

SAPTER 13.

LEN si iñi Jisus el fwas liki lomwu, à mutu fwin meši.

2 À met puspis elos tukeni tuku nu yurol, ou iñi tu el sroauk nu fwin oaku, à mutu; à met puspis tukeni tu fwin meši.

3 À el kaskas ma puspis nu selos in pupulyuki, fwakañ, Liye, met takunla, el som in takunalik: 4 à ke el takunalik, kutu putatla nu pupaneku, à mwonus elos tuku à koñla mao.

5 Kutu putatla nu yia eoteot, srikla fok on we; à kitin pal elos kapak, tu fok tiu lâl: 6 à ke fwatu takak,

elos paoala ; à tu wañin oka forla, à ña fwa akkei elos lalos, elos paoa lanu. la.

7 Ā kutu putatla nu ke kokol ; à kokol kapak, à ku-powiye masla.

8 Ā kutenu putatla nu in fok mwo, à oswe fwako, ku-tu sie-fok ka, kutu on-ñul ka, kutu tol-ñul ka.

9 El šu sra in loñ, lela lun loñ.

10 ¶ Ā met lutlut elos tuku, à fwak nu sel, Efwo-kom ku kaskas nu selos in pupulyuki?

11 El tupokot à fwak nu selos, Tu ma etukot nu šumwos in etu ma foñla lun togusaï in kosao, à tiu etukot nu selos.

12 Tu el šu os ma lal, fwa šuñ kute pe nu sel, à el fwa ma puspis ma lal : à el šu wañin ma lal, fwa esla luk el nu kemwu ma lal.

13 Tu ou iñi ña kaskas nu selos in pupulyuki ; tu liye, elos tiu liye ; à loñ, elos tiu loñ, à elos tiu etu.

14 Ā in selos oru ma payi ma Esaias, met palu, el polyi fwak, Ke loñ komwos fwa loñ, à fwa tiu etu ; à liye komwos fwa liye, à ninukun-lanu : 15 tu inšien met iñi ma upa, à sralos matoltol, à elos sruñulye mutualos ; fwin tiu ou iñi kutu pal elos liye ke mutualos, à loñ ke sralos, à fwa etu inši elos, à fwa

forla, à ña fwa akkei elos la.

16 Ā inši mwowo mu-tomwos, tu elos liyé : à sreu-mwos, tu elos loñ.

17 Tu payinu ña fwak nu šumwos, Tu met palu ma puspis à met payi elos luñse-los in liye ma komwos liye, à tiu liye ; à in loñ ma komwos loñ, à tiu loñ.

18 Ke ma iñi komwos loñ pupulyuk si lun met takunalik.

19 Ke kutenu loñ ma kas lun togusaï, à tiu etu, na ma koluk si el tuku, à tulakun-la ma takunalik inšiel. El iñi el šu es fute nu ke pu-paneku.

20 Ā el šu es fute yin eoteot, el iñi el šu loñ kas, à kitin misiñi el inši mwowo in es mao : 21 à wañin oka ke el, à el oru kutu pal; à ke ma koluk à kolya tuku ke kas, kitin misiñi el tugul-kul.

22 El pe šu es fute yin kokol, el iñi el šu loñ kas ; à inšie lanu fwalu, à kutasrik lun gasrup sruukeni kas, el tiu fokla.

23 Ā el šu es fute yin fok mwo, el iñi el šu loñ kas, à etu ; elnu oswe fwako, à isüs, kutu sie-fok ka, kutu on-ñul ka, kutu tol-ñul ka.

24 ¶ El lute nu selos sie pe pupulyuk, fwakañ, To-

gusaï in kosao oanu met su takunalik fute mwo in ima si lal: 25 à ke met elos onnu motul, met lokwalok lal tuku à takunalik tau kolweni wit, à el somla.

26 À ke sra kapak, à oswe fwako, na tau elos kapak pe.

27 Na met kulanšap lun met kato tuku à elos fwak nu sel, Leum, ya kom tiu takunalik fute mwo in ima si lom? efwo ku tau on ka?

28 El fwak nu selos, Met lokwalok el oru ma iñi. Met kulanšap elos fwak nu sel, Ya kom luñšon tu kem şom in şifwalosyuk?

29 À el fwak, Mo; tu ke komwos şifwalosye tau, komwos fuşak wit oelulosyuk pe.

30 Lela in tukeni kapak nu ke şifweni: à ke pal si şifweni ña tufwa fwak nu sin met kosrûni, Met komwos eseni nu sie tau, à kapeni loseni in furelosyuk: à komwos wiseni wit nu in imwen wit sik.

31 El luti nu selos sie pe pupulyuk, fwakañ, Togusai in kosao oanu futin mustad, ma met si srukak, à takunalik in ima si lal: 32 ma iñi srik liki fute nu kemwu; à ke ma kapak, ma yok liki şak tasuk, à oanu şak lulap kutu, oanu tu mwon yin

eñyeñu elos tuku à mutu on fwin le şaku.

33 El kaskas nu selos sie pe pupulyuk: Togusai in kosao oanu me pulolak, ma mutan si es, à mwukin in buket in flau tolu, nu ke pulolak kemwu.

34 Ma nu kemwu ma iñi Jisus el kaskas in pupulyuk nu sin met puspis tukeni; à fwin tiu pupulyuk el tiu kaskas nu selos: 35 tu a fwa payikin ma met palu el polyi, fwakañ, ña fwa mañalik in pupulyuki; ña fwa fwakot kutu mamwukinwuk ke mutamwauk fwalu nu iñi.

36 Na Jisus el sipalik met puspis tukeni, à ilyuk nu in lomwu: à met tumal lutlut elos tuku nu yurol, fwakañ, Luti nu şes pupulyuk lun tau in ima si.

37 El tupokot à fwak nu selos, El su takunalik fute mwo, Mwen nutin met: 38 Ima si, fwalu: fute mwo, tulig nutin togusai: à tau tulig nutin koluk: 39 lokwalok su takunaloselik, devil: şifweni, safla fwalu; à met kosrûni, lipufon.

40 Tu oanu ma tau şifweni à fureuk in e; ouyape ke safla fwalu.

41 Mwen nutin met el fwa sipaot lipufon lał, à elos esla liki togusai lał ma nu

kemwu ma tugulkul, à elos
su orek ma koluk; 42 à fwa
sis elos la nu in fwunyu in e:
à iñi fwa tuñnu à ñañorñor.

43 Na met payi elos tu-
fwa ñaromromla oanu fwatu
in togusai lun Papa tumalos.
El su sra in loñ, lela lun
loñ.

44 ¶ Siefwilpe, togusaï
in kosao oanu ma mwo
mwukunla in ima si; ma
ke met si konoiock, el mwuk-
mwuk, à tu inshimwo ka, el
som kuko ma nu kemwu ma
lal, à mol ima si iñi.

45 Siefwilpe, togusaï in
kosao oanu met kntatot su
ñukuk mwek mwovo; 46 ke
el konoiock mwek mwo yok
lanu molo, el som à kuko ma
nu kemwu ma lal, à mol
masi.

47 ¶ Siefwilpe, togusaï
in kosao oanu kwa, ma met
fulalik mwea, à sruukeni
kain in ik nu kemwu.

48 Ke tiñtinu, elos ama-
kunak nu fwin mesi, à elos
mutu, à sifweni ma mwovo
kea nu fwin oaku, à sisla ma
koluk kea.

49 A fwa ou iñi ke safia
fwalu: lipufon elos tumi à
eselik ma koluk liki ma
payi, 50 à fwa sis elos la in
fwunyu in e: iñi à fwa
tuñnu à ñañorñor.

51 Jisus el fwak nu selos,
Ya komwos etu ma nu ke-

mwu ma iñi? Elos fwak
nu sel, Ao, Leum.

52 Na el fwak nu selos,
Tu ou iñi met sim su lalmet-
met ma lun togusai in kosao,
el oanu met kato, su usi sa-
su à matu liki tatü lal.

53 ¶ À ma te oru, ke
Jisus el kaskas pupulyuk iñi
tari, el som liki.

54 À ke el tuku nu yin
sel, el lutu nu selos in lolñok
lalos, oanu tu elos lut, à
fwak, Ma ya lalmetmet, à
menmen lulap, met si iñi el
es?

55 Ya el iñi tiu mwen
nutin kapenter? kem tiu
pañpañ nine kiel, Meri? à
ma lel, Jemes, à Joses, à
Saimon, à Judas?

56 À ma loul, ya elos tiu
mutu yuros? Na ma ya met
si iñi es nu kemwu ma iñi?

57 À elos tugulkul ke'l.
À Jisus el fwak nu selos,
An sin met palu, à sou lal,
tiu mwo nu sel.

58 À iñi el tiu orek ma
puspis menmen lulap, tu elos
silalalfuñi.

ŠAPTER 14.

K E pal si iñi Herod titrak
el loñ puñal Jisus, 2 à
el fwak nu sin met kulansap
lal, El iñi Jon Baptist: el
molyuk liki met misi; tu ou
iñi menmen lulap sifwanu
luti in el.

3 Tu Herod el sruki'lye Jon met, à kopuri'lye, à fili'lye nu in prison ke Herodias, kiel Filip met lel.

4 Tu Jon el fwak nu sel, Oul ke kom es el.

5 Á ke el luñsel uni'lye, el ſañeñ sin met puspis, tu elos nunku mu el met palu.

6 Á ke elos orekma ke len si Herod el isüsla, an nutin Herodias el on srosro ye mutalos, à Herod el eñun ka.

7 Tu ou iñi el tukakunañ ke fulak in ſuñ nu sel ma nu kemwu ma el siyuk.

8 Á el, nine kiel luti nu sel umet, fwak, Usi nu sik ſiufwel Jon Baptist in pulet lulap si.

9 Á togusa el pakomutu : à tu fulak ka, à ke elos ſu mutu moño yurol, el ſap in ašuñ.

10 Á el ſipaot, à tala ſiuwel Jon in prison.

11 Á elos wis ſiufwel in pulet lulap si, à ſuñ nu sin mutan fwus si, à el wis nu yurin nine kiel.

12 Á met tumal lutlut elos tuku à srukak manol, à pukini'lye, à ſom à fwakañ nu sin Jisus.

13 Á ke Jisus el loñ, el ſom in oaku liki an si iñi nu yin mesis muku : à ke met elos loñ, elos fwas tukol fwas liki siti.

14 ¶ Á Jisus el fwasot, à el

liye met puspis tukeni, à el pakomutalos : à el akkeiela mas lalos.

15 Á ke eukela, met tumal lutlut elos tuku nu yurol, fwakañ, An si iñi an mesis, à patla pal si iñi ; ſipala metu, tu elos ſom nu yin met mutu we, à mol kutu me moño nelos.

16 Á Jisus el fwak nu selos, Mwo elos tiu ſom ; komwos ſuñ me moño nelos.

17 Á elos fwak nu sel, Srukwalun nu bred limikos, à ik lugwe iñi mugenu yuрос.

18 El fwak, Usi mao nu sik.

19 Á el ſap met puspis tukeni in mutu on fwin ma ; à el srukak srukwalun nu bred limikos à ik lugwe, à ñetak nu in kosao, el ali, à kunſalik, à ſuñ srukwalun bred nu sin met lutlut, à met lutlut nu sin met puspis tukeni.

20 Á elos nu kemwu moño, à kùp : à elos srukak luwin moño lalos kuom sieñul-luo sesesla.

21 Á elos ſu moño apkurun met mogul limu, sayin mutan à tulig.

22 ¶ Á kitin misiñi Jisus el ſap nu sin met tumal lutlut in sroauk nu fwin oaku, à kol met nu lefwalo el tuk,

ke el sipalik met puspis tukeni.

23 Ā ke el sipalik met puspis tukeni tari, el muge-nu ſom nu fwin eola in pre: ā ke pal si eukela, el muge-nu mutu.

24 Ā oaku infulwin nemwu, ikikyuk ke nua: tu eñ kolukyuk.

25 Ā ke ſano akakos in foñ Jisus el ſom nu yurolos, fwafwasyis fwin kof.

26 Ā ke met lutlut elos liye'l el la fwafwasyis mwea, elos toninfoñ, fwakañ, We ñun si; ā elos wowoyuk ke ſañeñ.

27 Ā kitin misiñi Jisus el kaskas nu selos, fwakañ, Komwos eñunak; Na; nik-mit ſañeñ.

28 Ā Piter el tupokoañ nu sel ā fwak, Leum, fwin kom, ſap ñun fwas fwin kofo nu yurum.

29 Ā el fwak, Fwasu. Ā ke Piter el srola liki oaku, el fwas fwin kof, in ſom nu yurin Jisus.

30 Ā ke el liye eñ upa, el ſañeñ; ā mutamwauk in tili, el fwakañ, Leum, moli yu la!

31 Ā kitin misiñi Jisus el asraot paul, ā struki'lye, ā fwak nu sel, We kom lalal-fuñi ma sisik, efwo kom ku pulesu?

32 Ā ke eltal sroauk nu fwin oaku, eñ misla.

33 Na elos fwin oaku tuku ā ali nu sel, fwakañ, Pa-yinu kom Mwen nutin God.

34 Ā ke elos kolot, elos tuku nu yin Gennesaret.

35 Ā ke met yin si iñ eloſ eta'l, eloſ ſipaot nu yin nu kemwu apneni, ā wiſ nu yurol met mas nu kemwu:

36 Ā eloſ ſiyuk sel tu eloſ in kalye ſiske nuknuk lal: ā nu kemwu ſu kalye eloſ kela nu ſumosmos.

ŠAPTER 15.

NA met ſim ā met Farisi lun Jerusalem elos tuku nu yurin Jisus, fwakañ, 2 Efwo met tumom lutlut ku kanaosla kaskas matu lun met elder? tu elos tiu tanla paolos ke elos moño bred.

3 Ā el tupokoañ ā fwak nu selos, Efwo komwos ku kanaosla pe ma ſap lun God ke kaskas matu lomwos?

4 Tu God el ſap, fwakañ, Oru mwo nu sin papa tumom ā nine: ā, El ſu kaskas ko nu ke papa ā nine, lela lun miſenu misi.

5 Ā komwos fwak, Met ſu a fwak nu sin papa ā nine, Ma iñi oul, ña koflanu ſiot nu ſum; 6 ā tiu oru mwo nu sin papa tumal ā nine kiel, tari. Ou iñi komwos kanaosla ma ſap lun God ke kaskas matu lomwos.

7 Mwo ſounkas! mwo ma

Esaias el polyi ke komwos, fwakañ, 8 Met iñi elos kol-kai yu ke oalulos, à oru mwo nu sik ke ñasro : à inši- elos lusliku yu.

9 À elos ſuule ſunakin yu, luti me lutlut ma metu ſap.

10 À el pañon mu met puspis tukeni, à el fwak nu selos, Poroño, à etu : 11 tiu kutu ma fwasyuk nu in oalin metu ora'l koluk ; a kutu ma fwala likin oalu, ma iñi oru metu koluk.

12 Na met tumal lutlut elos tuku à fwak nu sel, Ya kom etu tu met Farisi elos tugulkul, tukin kas si iñi ke elos loñ ?

13 À el tupokoñañ à fwak, Šak nu kemwu ma Papa tumuk ſu in kosao el tiu eoki, fwa fwusak.

14 Lela elos in mutanu : elos met kun kol met kun. À met kun fwin kol met kun, eltal fwa putatla nu inlúfu.

15 Na Piter el tupokoñañ, à fwak nu sel, Luti nu ses pupulyuk si iñi.

16 À Jisus el fwak, Ya komwos ninukunla pe nu iñi ?

17 Ya komwos tiu etu nu iñi, tu ma nu kemwu ma fwasyuk nu in oalu ſom nu inšie, à fwa fwas nu fwin lañó ?

18 À ma fwala likin oalu tuku inšie mi ; ma iñi oru metu koluk.

19 Tu ma nunkeyuk koluk, ma akmus, ma kosro, ma pukus, ma puse, ma kikiap, ma enum, elos tuke liki inšie : 20 ma iñi orek metu koluk : à moño ke tiu tanla paus tiu orek metu koluk.

21 ¶ Na Jisus el ſom liki, à fwas nu kutenu an Tair à Saidon.

22 À liye, mutan si Kena-an el tuke liki an si iñi, à wowoyuk nu sel, fwakañ, Pakomutuk : O Leum, Mwen nutin Devid ! an nutig el musin devil keokinu.

23 À el tiu tupokot sie kas nu sel. À met tumal lutlut elos tuku, à siyuk sel, fwakañ, Sipa'l la ; tu el tuñ-nu tukos.

24 À el tupokot à fwak, Sipe yu la nu ke sip tula lun Israel mugenu.

25 Na el tuku à ali nu sel, fwakañ, Leum, kase yu !

26 À el tupokoñañ à fwak, Tiu mwo ke es bred nun tulig à sisla nu sin kitin kosro ñaliñul.

27 À el fwak, Ao, Leum, à tu kitin kosro ñaliñul elos moño kutkut in bred ma putatla liki fwin tebue lun tu-ma.

28 Na Jisus el tupokoñañ,

29 Å fwak nu sel, We mutan, kom lalalfuñi ma lulap: ma oru nu šum oanu kom luñšom. Å an natu el kela ke auu si iñi.

29 ¶ Å Jisus el fwas liki an si iñi, å tuku apkurun nu mwean Galili; å utiuk nu fwin eola, å mutanu we.

30 Å met puspis tukeni elos tuku nu yurol, wis oelulos met ul, met kun, met sikas, met fuke, å met puspis pe, å filelosla nu ke niñ Jisus; å el akkei elos la: 31 ou iñi, tu met puspis tukeni elos lut, ke elos liye met sikas in fwak, met fuke in fwol, met ul in fwas, å met kun in liye: å elos kakšakin God lun Israel.

32 Na Jisus el pañon mu met tumal lutlut, å fwak, Na pakomutun met puspis tukeni, tu elos mutu yuruk iñi len tolu, å wañin me moño nelos: å ñia tiu luñsik sipa'los la ke lalo, fwin ou iñi elos fwa mulula ke elos šom.

33 Å met tumal lutlut elos fwak nu sel, Ma ya bred puspis nes yin mesis oanu tu met puspis tukeni elos moño küp?

34 Jisus el fwak nu selos, Srukwal yikas nomwosen? Å elos fwak, Itkos, å ik sisik pu.

35 Å el sap met puspis tukeni in mutu in foko.

36 Å el es srukwal itkos å ik, å suñ kulu, å kunšalik, å suñ nu sin met tumal lutlut, å met lutlut elos suñ nu sin met puspis tukeni.

37 Å elos nu kemwu moño, å küp: å elos srukak luwen ma on kuom itkos sesesla.

38 Å elos su moño oanu met mogul ao, sayen mutan å tulig.

39 Å el sipalik met puspis tukeni, å sroauk nu fwin oaku, å tuku nu kutenu an Magdala.

SAPTER 16.

MET Farisi å met Saddusi ocelulos tuku, å srifwe siyuk sel, tu el luti nu selos sie akul in kosaoe mi.

2 El tupokoañ å fwak nu selos, Ke yikue, komwos fwak, len mwowo lutu, tu kosao sisa.

3 Å ke lutue, Auf misiñi: tu kosao sisa å kosra šuyuk. We mwošounkas, komwos etu mutun kosao; ya komwos tiu ku in akulin kutu palu?

4 Fwil koluk å kosro šuk nu akul; å wañin nu akul oru nu ke mao, å akul sie-wunu lun Jonas met palu. Å el fuleosi, å šomla.

5 Å ke met tumal lutlut elos tuku nu lefwalo, elos mulkunla in wis bred.

6 Na Jisus el fwak nu

selos, Liauñ à sismouk me pulolak lun met Farisi à met Saddusi.

7 À elos asiuki inšielos, fwakañ, Ma iñi tu kut tiu wis bred.

8 Ke Jisus el etauk, el fwak, We komwos lalalfuñi ma sisik, efwo komwos ku asiuki inšiumwos, tu komwos tiu wis bred ?

9 Ya komwos tiu etu iñi, tiu esam srukwal limikos lun met limu, à kuom yikas komwos srukak ?

10 Ka srukwal itkos lun met ao, à kuon yikas komwos srukak ?

11 Efwo komwos ku tiu etu tu ña tiu fwak nu šumwos ke bred, tu komwos fwa sismouk me pulolak lun Farisi à lun Saddusi ?

12 Na elos etu tu el tiu fwak, Sismouk ma pulolak lun bred, tu me lutlut lun Farisi à lun Saddusi.

13 ¶ Ke Jisus el tuku nu kutenu an Sesaria Philippai, el siyuk sin met tumal lutlut, fwakañ, Ka met su fwak yu mu, Mwen nutin met ?

14 À elos fwak, Kuntu mu, Kom Jon Baptist ; kuntu, Elalias; à kutenu, Jeremaias, ku sie sin met palu.

15 El fwak nu selos, Ka komwos mu suo ñao ?

16 À Saimon Piter el tu-

pokoañ à fwak, Kom Kraist, Mwen nutin God mol.

17 Jisus el tupokoañ à fwak nu sel, Inši mwowo kom, Saimon Bar-jona : tu ikwe à sa tiu luti ma iñi nu šum, tu Papa tuñuk šu in kosao.

18 À ña fwak pe nu šum, Tu kom Piter, à on fwin eot si iñi ña fwa miša šurš luk ; à mutun pot lun hell kofianu mokwela ke mao.

19 À ña fwa šiot nu šum ki lun togusai in kosao : à ma kom fwa kopuri on fwalu fwa kopuri in kosao ; à ma kom fwa lusala on fwalu fwa lusala in kosao.

20 Na el ſap nu sin met tumal lutlut, tu elos in tiu fwak nu sin met tu el la Kraist payi.

21 ¶ Pal si iñi nu tuk Jisus el mutamwauk in luti nu sin met tumal lutlut, tu el a fwa ſom nu Jerusalem, à lañuñuñ ma puspis ke met elder à met tol fulat à met ſim, à uni'lye, à ſiefwil moyuk ke len si aktolu.

22 Na Piter el kolilye, à mutamwauk in kaiyuk nu sel, fwakañ, We mo, Leum, tiu ma iñi nu šum.

23 À el tapula, à fwak nu sel Piter, Fwala liki yu, Satan : kom aktugulkuli yu : tu kom tiu nunkauk ma lun God, tu ma nu lun metu.

24 Na Jisus el fwak nu sin met tumal lutlut, Sienu met si fwin luñsi fwas tukuk, lela lun siefwanu lafweku-nal, ä srukak šaksiñ sugolal, ä fwas tutuk.

25 Tu el šu luñsi kolañ molol el fwa tula mao: ä el šu luñsi tula molol keik el fwa konoiook mao.

26 Tu fuka mwo lun met, fwin fwal e nu kemwu malal, ä ñunal tula? ka mea met a ašuñ in aolla ñunal?

27 Tu Mwen nutin met el fwa tuku in ma mwowo lun Papa tumal, lipufon lal elos oelul: ä na el fwa šuñ mol nu sin met nu kemwu oanu me orek ma lalos.

28 Payinu ña fwak nu sumwos, Kutu met tu iñi, šu tiu pulakin miši, nu ke elos liye Mwen nutin met tuku in togusaï lal.

SAPTER 17.

A TUKIN len onkos tari Jisus el šuloltalu Piter, ä Jemes, ä Jon tamulel, ä wisalosyuk nu fwin eol fulat muku.

2 Ä el ekla ye mutualos: ä mutual šaromrom oanu fwatu, ä nuknuk lal fwosfwos oanu kalem.

3 Ä liye, Moses ä Elalias eltal sikmi nu yurolos kas-kas nu sel.

4 Na Piter el tupokoañ ä

fwak nu sin Jisus, Leum, mwo tu kut mutanu iñi: kom fwin luñsom, lela kem in orek tolu lom sra: sie šum, ä sie sin Moses, ä sie sin Elalias.

5 Ke el kaskas ou iñi, liye, sie pukunieñ šaromrom lolelosye: ä liye pusra si kasmu in pukunieñ, fwak, El iñi Mwen kulu si nutig, ña inši mwowo ka'l, komwos loñol.

6 Ä ke met lutlut loñ, elos putatle fokšiufwi, ä ſa-ñeñ lanu.

7 Ä Jisus el tuku ä kala-losye, ä fwak, Tukakak, ä tiu ſañeñ.

8 Ä ke elos ñetak muta-los, elos tiu liye met, Jisus mugenu.

9 Ä ke elos oatui fwin eola mi, Jisus el mwuleuñ nu selos, fwakañ, Nik mit fwak nu sin sie met ma komwos liye fwin eola, nu ke Mwen nutin met miši sie-fwil molyuk.

10 Ä met tumal lutlut elos siyuk sel, fwakañ, Efwo met ſim ku fwak tu Elalias el a tuku met?

11 Ä Jisus el tupokoañ ä fwak nu selos, Payi Elalias el a tuku met, ä siefwil fulokunak ma nu kemwu.

12 Ä ña fwak nu šumwos, Tu Elalias el tuku iñi, ä elos tiu eta'l, ä elos oru nu sel

ma elos lufiselos. Ouyape elos fwa ora'l Mwen nutin met keokinu.

13 Na met lutlut elos etu tu el fwak nu selos ke Jon Baptist.

14 ¶ Á ke elos tuku nu yurin met puspis tukeni, sie met tuku nu yurol sikukmuntunti, à fwakañ, 15 Leum, pakomutumwen nutig ; tu el musin alwet, à keokinu : tu pal puspis el putatle nu in e, à puspis nu in kof.

16 Á ña wis al nu yurin met tunom lutlut, à elos koflanu akei el la.

17 Na Jesus el tupokoña à fwak, We fwil silalalfuñi à silolel, putaka ña mutu yuromwos ? putaka ña muten komwos ? wis al nu yruk.

18 Á Jesus el kaiyuk nu sel devil ; à el fwas luk el : à tulig el kela ke auu a sa.

19 Na met lutlut elos tuku nu yurol Jesus muku, à fwak, Efwo kem ku koflanu sis el la ?

20 Á Jesus el fwak nu selos, Tu komwos silalalfuñi : tu payinu ña fwak nu sumwos, Komwos fwin lalalfuñi oanu futin mustad si, komwos a fwak nu ke eol si iñi, Mwärla nu an si iñi ; à el fwa mwätla : à wañin nu ma kofla nu sumwos.

21 Á ma ou iñi tin som liki fwin tiu pre à lalo.

22 Á ke elos mutu yin Galili, Jesus el fwak nu selos, Mwen nutin met a fwak tukakinyikyuk in pon metu :

23 à elos fwa unilye, à len si aktolu el siefwil molyuk. Á elos pakomutu ma lulap.

24 ¶ Á ke elos tuku nu Kepernaum, elos su es me takmu tuku nu yurol Piter, à fwak, Ya met luti lomwos el tiu oru takmu ?

25 El mu, Aok. Á ke el ilyuk nu in lomwu, Jesus el sa kusal, fwakañ, Saimon, mea kom nunku ? togusa lun fwalu elos esla sin su me kute à me takmu ? ya sin tulig natalos, ka sin metsa ?

26 Piter el fwak nu sel, Sin metsa. Jesus el fwak nu sel, Na tulig elos sugosok.

27 Tu ou iñi mu, tu kem tiu aktugulkul alos, kom som nu mwea, à sisla kou, à es ik sugo umetun ; à ke kom oalifialik in oalul, kom fwa konoiok ipen muni si : ma iñi es, à suñi nu selos ke ña à kom.

SAPTER 18.

K E pal si iño met lutlut elos tuku nu yurin Jesus, fwakañ, Su ka yok liki in togusai in kosao ?

2 Á Jesus el pañon mu kitin tulig nu yurol, à fili-

'lye yurolos infulwe, 3 à fwak. Payinu ña fwak nu sumwos, Komwos fwin tiu ayaol nunok à fwa oanu kitin tulig, komwos kofianu ilyuk nu in togusai in kosao.

4 Tu ou iñi el su siswanu fwilpap ou kitin tulig si iñi, el iñi yok liki in togusai in kosao.

5 Á el su fwa es sie sin kitin tulig ou iñi in ek el es yu pe.

6 Á el su aktugulkulye sie sin tulig iñi su lalalfuñi yu, mwo nu sel tu tapañ sripesrip in kaiwel, à el walomla yin lal mwea.

7 We koluk fwalu ke me tugulkul! tu wañin ma kutoñi tu me tugulkul in tiu tuku; à we koluk nu sin met su oru me tugulkul!

8 Tu ou iñi po'm à niúm fwin aktugulkuli kom, pakala mao, à sisla liki kom, tu kom fwin ilyuk nu yin mol ke fuke à ke sumwunla; mwo liki tu ke pom luo à niúm luo fwa sisla nu in e kamwul.

9 Á mutom fwin aktugulkuli kom, kom tupella, à sisla liki kom: tu kom fwin ilyuk nu yin mol ke mutom si, mwo liki tu ke mutom luo fwa sisla nu in e in hell.

10 Sismouk tú komwos tiu sruñu sie sin tulig sisik iñi? tu ña fwak nu sumwos,

Tu lipufon lalos in kosao liye mutun Papa tumuk in kosao pal e nu kemwu.

11 Tu Mwen nutin met el tuku in moli ma tula.

12 Komwos nunku ma fuka? fwin sip siefok nutin met si, à sugo kaiñla, ya el tiu filiye eu-eu, à som nu fwin eola, à suk ma sugo kaiñla?

13 Á el fwin konoilok, payinu ña fwak nu sumwos, el iñsi mwowo ke ma sugo, yokliki ke eu-eu su tiu kaiñla.

14 Ou iñi Papa tumo mwos su in kosao el tiu luñsel tu sie sin ma sisik si iñi fwa tula.

15 ¶ Á met lium el fwin orek ma koluk nu sum, kom fwasot à kaskas nu sel ke ma koluk lal, kom à el muku: el fwin loñ koñ, kom moli met lium.

16 Á el fwin tiu loñ, es sie kù lao in wi kom, tu ma kas nu kemwu sumwos in olin met ló luo à tolu.

17 Á el fwin sañes loñ olas, fwakot nu sin surš: à el fwin tiu loñ surš, lela lun nu sum oanu met pegan à met roño.

18 Payinu ña fwak nu sumwos, Ma nu kemwu komwos koperiye on fwalu fwa koperi in kosao; à ma nu kemwu komwos tulala on fwalu fwa tulala in kosao.

19 Siefwilpe ña fwak nu sumwos, Tu fwin luo su-mwos on fwalu nunok sugo ke kutu ma eltal siyuk, Pa-pa tumuk su in kosao el fwa oru ma iñi nu šeltal.

20 Tu yin met luo ku tolu tukeni mutu in ēk, ña œelulos mutu yin si iñø.

21 ¶ Na Piter el tuku nu yurol, à fwak, Leum, pal yikas met lik orek ma koluk nu sik, à ña nunok munas nu sel? ya nu ke pal itkos?

22 Jisus el fwak nu sel, Na tiu fwak nu šum, Nu ke pal itkos: tu, Nu ke it-ñul pal itkos.

23 Tu ou iñi togusaï in kosao oanu sie togusa ſu luñsi lolñok nu sin met kulanšap sral.

24 Á ke el mutamwauk in lolñok, elos wis nu yurol sie ſu es šumwe mol muni sie-ñul-šiu ma lal.

25 Á ke wañin ma lal in moli, leum lal el ſap in kite'l la, à kiin natu, à tulig natal, à ma nu kemwu ma lal, à in te moli.

26 Ke ma iñi met kulanšap el putatla, à siyuknu sel, fwakañ, Leum, pako yu, à ña fwa moli nu šum nu kemwu.

27 Na leum lun met kulanšap 'iño el pakomutal, à tula'l la à nunok munas nu sel ke me mol:

28 Á met kulanšap iñi el som liki, à konoik sie sin met kulanšap wi el, ſu es šumwe mol muni sie-fok sisik lal: à el sruki'lye, à iñeni in kaiwel, fwakañ, Moli nu sik ma luk.

29 Á met kulanšap wi el, el putatla nu ke nial, à siyuk nu sel, fwakañ, Pako yu; à ña fwa moli nu šum nu kemwu.

30 Á el tiu luñsel: à el som à sis el la nu in prison, nu ke el fwa moli ma lal.

31 Á ke kutu sin met kulanšap wi el elos liye ma oru, elos pakomutu ma lulap, à elos tuku à fwak nu sin leum lalos ma nu kemwu ma oru.

32 Na leum lal, tuk ke el pañolmu, el fwak nu sel, We kom met kulanšap koluk si, ña nunok munas nu šum nu kemwu ma luk, koin es sumwe mol, tu kom siyuk sik: 33 ya tiu mwo tu kom ouyape pakomutun met kulanšap wi yum; oanu ña pakomutom?

34 Á leum lal el kosku-sok, à asalañ nu sin met me kopur, nu ke el moli nu kemwu ma lal.

35 Á ou iñi Papa tumuk in kosao el fwa oru ouyape nu šumwos, komwos fwin tiu nunok munas inšiumwos

ke ma koluk met liumwos
oru.

SAPTER 19.

A MA te oru, ke Jisus el kaskas ma iñi tari, el fwas liki an Galili, à tuku nu kutenu an Judea likin yeno Jordan ; 2 à met pus-pis tukeni elos fwas tukol; à el akkei elos la iñó.

3 Met Farisi elos pe tuku nu yurol, in srifwe'l, à siyuk sel, Ya oul ku tiu oul tu met sisla mutan kiel ke ma nu kemwu ?

4 À el tupokoan à fwak nu selos, Ya komwos tiu rid, tu el su orala ke mutamwauk, el oralos mogul si à mutan si, 5 à fwak, Tu ou iñi met el fwa filiye papa à nine, à el fwa fwalseni kiin natu : à eltal fwa ikwe senu ?

6 Ke ma iñi tuko eltal tiu luo, tu ikwe senu. Tu ou iñi ma God el fwalseni, lela met in tiu eselik.

7 Elos fwak nu sel, Ke ma iñi efwo ku Moses el sap in suñ me sian lun sisila, à in sis el la ?

8 El fwak nu selos, Moses el oru ma iñi nu sumwos in sisla kiin mutumwos tu upala insiumwos : à ma tiu ou iñi ke mutamwauk nu iñi.

9 À ña fwak nu sumwos,

El su fwa sisla kiin natu, el fwin tiu kosro, à fwa mari sien, el orek kosre : à el su mari el su sisila, el orek kosro.

10 Met tumal lutlut elos fwak nu sel, Fwin ou iñi ke mogul à kiin natu, tiu mwo in mari.

11 À el fwak nu selos, Nu kemwu koflanu es kas si iñi, elos mugenu El aši nu ke mao.

12 Tu kutu met yunuk, ma ou iñi ke elos isüsla insien nine : à kutu yunuk, ma met orek ke yunuk : à kutu yunuk su sifwanu orek yunuk ke togusai in kosao. El su ku in es ma iñi, lela lun es.

13 ¶ Na utuk nu yurol kitin tulig, tu El fwa filiye paul on fwelos, à pre : à met lutlut elos kaiyuk nu selos.

14 À Jisus el fwak, Lela kitin tulig in fwas nu yuruk, à tiu sipa'loswot ; tu sin ma iñi togusai in kosao.

15 À el filiye paul fwelos, à som liki.

16 ¶ À liye, sie tuku à fwak nu sel, Met Luti Mwo-wo, Mea mwo ña oru, tu fwa luk mol ma patpat ?

17 À el fwak nu sel, Efwo kom ku pañpañ ña Mwo ? tu siewunu mwo, God mugenu : à kom fwin

luñšom ilyuk nu yin mol,
liauñ oul payi.

18 El fwak nu sel, Oul
su? Jisus el fwak, Nik kom
akmus, Nik kom kosro, Nik
kom pusupas, Nik kom ki-
kiap, 19 Oru mwo nu sin
papa tumom à nine: à Kom
luñšom met lom oanu kom
sifwanu.

20 Met fwus si el fwak
nu sel, Ma nu keinwu ma
iñi ña oru ke ña tulig nu
iñi: pia kutu fwos?

21 Jisus el fwak nu sel,
Kom fwin luñšom oru ſum-
mosmos lanu, fwasot kuka-
kin ma lom, à ſuñ nu sin
met sigasrup, à fwa kwanin
tatú lom os in kosao: à fwa-
su fwas tukuk.

22 À ke met fwus si loñ
kas si iñi, el ſom asor: tu
ma puspis ma lal.

23 Na Jisus el fwak nu
sin tumal lutlut, Payinu ña
fwak nu ſumwos, Tu upa
lanu met gasrup ilyuk nu in
kosao.

24 À siefwil pe ña fwak
nu ſumwos, Tu kamel el
fwas sasla mutun nilel fuse-
ſas liki met gasrup in ilyuk
nu in togusai lun God.

25 Ke met tumal lutlut
elos loñ, elos lut ma lulap,
fwakañ, Fwin ou iñi, ka ſu
ku in mol?

26 À Jisus liye elos, à
fwak nu ſelos, Metu elos ko-

flanu oru ma iñi; à God el
ku in oru ma nu kemwu.

27 Na Piñer el tupokoañ
à fwak nu sel, Liye, kem
filiye ma nu kemwu lumen,
à fwas tukum; fuka ma lu-
men ke ma iñi?

28 À Jisus el fwak nu
ſelos, Payinu ña fwak nu
ſumwos, Tu komwos ſu fwas
tukuk ke siefwil isüsla, ke
Mwen nutin met el fwa mu-
tu fwin me muta mwowo si
lal, komwos pe fwa mutu
fwin me muta sie-ñul-luo,
nununku sruf sie-ñul-luo lun
Israël.

29 El a ſu filiye lomwu, à
lel, à loul, à papa, à nine, à
kiñ natu, à tulig, à fwalu,
ke ek, el fwa es kais sie-fok
ka, à fwa mutu in mol ma
patpat.

30 À met puspis masi
meta elos fwa masi tuko; à
masi tuko elos fwa masi me-
ta.

SAPTER 20.

TU togusai in kosao oanu
met kato si, ſu ſom olu-
tue in ſulſul met in orek in
ima fain si lal.

2 À ke el papani nu sin
met orekma in mol penni si
len si, el ſipa'loswot nu in
ima fain si lal.

3 À ke akurun auu si
aktolu el ſom, à liye kutenu
tu mwul niin kutakot.

4 Ä el fwak nu selos, Komwos ſom pe nu in ima fain si, à oanu ma payi ña fwa mol nu ſumwos. Ä elos ſomla.

5 El ſifwil pe ſom ke akurun auu akonkos à akeu, à oru ouyape.

6 Ä ke akurun auu aksie-ñul-sie el ſomla, à konoik kutenu tu mwul, à fwak nu selos, Efwo komwos ku tu mwul iñi lenfon si?

7 Elos fwak nu sel, Tu wañin met painmu nu ſes. El fwak nu selos, Komwos fwasot pe nu in ima fain si; à ña fwa moli nu ſumwos ma payi.

8 Ä ke eukela, leum lun ima fain si el fwak nu sin met tutafpo lal, Kom pañonmu met orekma, à ſuñ me mol nu selos, mutamwauk ma tuko nu meta.

9 Ä ke elos tuku ſu akurun auu aksie-ñul-sie, elos kemwu es penni si.

10 Ke masi meta tuku, elos nunku mu tu elos es yok liki; à elos kemwu es pe penni si.

11 Ä ke elos es, elos tor-kaskas nu ke met kato, 12 fwakañ, Met iñi tuk elos orek ma auu si, à kom oru nu selos akfwolye nu ſes, ſu wis ma toas len fon si à ke fwol.

13 Ä el tupokoañ nu sin sie selos, à fwak, Kawuk, ña tiu sito nu ſum: ya kom tiu papani nu sik ke penni si?

14 Es ma lom, à fwasot: ña luñsik ſuñ nu sin masi tuko ou nu ſum.

15 Ya tiu payi nu sik in oru oanu ña luñsik ke ma luk? Ya mutom koluk tu ña mwe?

16 Ou iñi masi tuko fwa metla, à masi meta fwa tukla: tu ma puspis pañonmu, à ma pu ſulula.

17 ¶ Ke Jisuſ el fwasyuk nu Jerusalem el wiſ met sie-ñul-luo lutlut muku in inganek à fwak nu selos, 18 Liye, kut fwasyuk nu Jerusalem, à Mwen nutin met a fwa tukakinyukyuk nu sin met tol fulat à nu sin met ſim, à elos fwa otela lun mas.

19 Ä elos fwa esalañ nu sin Met pegan in aknunta, à popo, à in uni'lye on ke ſakſiñ ſugo: à ke len si aktolu el fwa ſiefwil molyuk.

20 ¶ Na nine kiin tulig nutin Zebedi mwen luo na-tal oelul, el ſinak, à ſiyuk kutu ma nu sel.

21 Ä El fwak nu sel, Mea kom luñſom? El fwak nu Sel, Orauñ tu mwen luo nu-tig eltal fwa mutu, ſie on la pom leyut à ſie on la pom leſi, in togusai lom.

22 Å Jisus el tupokoan̄ a fwak, Komwos nikin ma komwos siyuk. Ya komwos ku in nim kup si ña nimnim lü, a in baptaisla ke sie baptais ña wi baptaisla ka? Elos fwak nu sel, Kut ku.

23 Å el fwak nu selos, Aok, komwos fwa nim kup luk, a baptaisla ke sie baptais ma ña wi baptaisla ka: a in mutu on la pouk leyut, a on la pouk lesi, tiu ma luk in ariot, tu ma lalos su Papa tumuk akou.

24 Å ke ma sie-ñul loñ, elos mulat nu sin met tainulel luo.

25 Å Jisus el pañolos mi, a fwak, Komwos etu tu leum lun Met pegan elos oru oanu leum nu selos, a elos su fulat elos suñ me sap nu selos.

26 Å fwa tiu ou iñi yuromwos; a el su luñsi met fulat yuromwos, lela lun met tutafpo lomwos; 27 a el su luñsi met leum yuromwos, lela lun met foko lomwos.

28 Oanu Mwen nutin met el tiu tuku tu met orú nu sel, a el oru nu sin met, a in suñ mol lal in moli met puspis.

29 ¶ Å ke elos somla liki an Jeriko, met puspis tukeni elos fwas tukol.

30 Å liye, met luo kunla muta eltal mutu pupanek,

ke eltal loñ tu Jisus el fwas alukela, eltal wowoyuk, fwakañ, O Leum, Mwen nutin Devid, pakoinutetalu.

31 Å met puspis tukeni elos kaiyuk nu seltal, tu eltal in misla: a eltal wowoyuk yokliki, fwakañ, O Leum, nutin Devid, pakomutetalu.

32 Å Jisus el tu, a pañloltal, a fwak, Mea komtal luñsomtal tu ña fwa oro nu sumtal?

33 Eltal fwak nu sel, Leum, ketal kenu mutetal in ñutalik.

34 Å Jisus el pakomutu, a kalye mutaltal: a kitin misiñi eltal liye, a eltal fwas tukol.

SAPTER 21.

A KE elos fwas apkurun nu Jerusalem, a taku nu yin Betfes, nu fwin eol Olifs, ña Jisus el sipaot met lutlut luo, 2 fwakañ nu seltal, Fwasot nu yin sisik met mutu we ye mutomtal, a kitin misiñi komtal fwa konoiok ass sugo kopuri, a kolt wi el: tulala, a usi nu yuruk.

3 Å met sinu fwin siyuk nu sumtal kutu, komtal a fwak, Leum el enen eltal; a kitin misiñi el fwa sipe'lta mu.

4 Elos oru ma iñi nu ke:

mwu, tu in orek ma payi ma met palu kaskas, fwakañ, 5 Komwos fwak nu sin an nutin Saion, Liye, Togusa lom el tuku nu yurom, moñfusas, à mutu on fwin ass, à kolt tulig nutin ass.

6 Á met lutlut eltal šom, à oru oanu Jisus el ſapkin nu seltal, 7 à usi ass, à kolt, à filiye yuoldtal nuknuk lalos, à elos fili'lye fwe.

8 Á met puspis lanu tukeni elos lakunalik nuknuk lales inganeku; à kutenu pokilešak ulin ſaku, à takunalik oaoot ineku.

9 Á met puspis tukeni ſu fwas met, à ſu fwas tuk, elos woywoyuk, fwakañ, Hosana nu sin Mwen nutin Devid! Inſi mwowo el ſu tuku in él Leum, Hosana in fulat liki nu kemwu!

10 Á ke el tuku nu in Jerusalem, nu kemwu in siti elos rarrar, fwakañ, ſu iñi?

11 Á met puspis tukeni elos fwak, El iñi met palu lun Nazaret fulun an Galili.

12 ¶ Á Jisus el utiuk nu in imwen tempel sin God, à sis elos la nu kemwu ſu kutakot à mol in imwen tempel, à topkakunla tebue lun met ayaol muni, à me mutu lun met kutakot mwullioa.

13 Á el fwak nu selos, Ma

simisla, Pañpañ lom luk Imwen pre; à komwos orala mao inluf lun met pusupas.

14 Á met kún à met ul elos tuku nu yurol in imwen tempel; à el akkei elos la.

15 Á ke leum tol à met šim elos liye kutu ma ſokuruk ma el oru, à tulig elos tuñ-wot in imwen tempel! à fwakañ, Hosana nu sin Mwen nutin Devid! elos ſruña lanu, 16 à fwak nu sel, Ya kom loñ ma elos fwak? Á Jisus el fwak nu selos, Aok: ya komwos tiu rid, Kom orek on payi ke olin kitin tulig à ſromsrom?

17 Á el fwas lukelos, à ſom liki siti nu Beteni; à el on nu we.

18 ¶ Á lutue, ke el foloko nu siti, el musinsral.

19 Á ke el liye ſak fig ſugo pupaneku, el fwas nu ka, à konoiok tu wañinu ma on wulo, à ſra mugenu, à el fwak nu ke mao, Lela fwako lun tiu kapak on wulo nu tuk ma patpat. Á kitin misiñi ſak fig masla.

20 Á ke met lutlut liye, elos lut, fwakañ, Efwo ku ſafuk ſak fig masla!

21 Jisus el tupokoña à fwak nu selos, Payinu ña fwak nu ſumwos, Komwos fwin lalalfuñi, à tiu ſilalalfuñi, komwos a fwa tiu ma iñi nu ke ſak fig mugenu,

tu komwos ouyape fwin fwak nu ke fwin eol si iñi, Kom fwala moklula in putatla nu inwea, ma fwa oru.
22 Á ma nu kemwu komwos siyuk ke pre, lalafuñi, komwos fwa es.

23 ¶ Á ke el tuku nu in imwen tempel, leum tol á met elder lun met elos tuku nu yurol ke el lutí, á fwak, Ma ya sap si kom orek makin? á su siot nu šum sap si iñi?

24 Á Jisus el tupokoañ á fwak nu selos, Na pe siyuk šumwos sie mao, komwos fwin fwak nu sik mao, ūa fwa ore pe nu šumwos ma sap si ūa orek makin.

25 Tu ya baptais lun Jon? in kosaoe mi, ku yurin metu? Á elos tukeni asiuki, fwakañ, Kem fwin fwak, In kosaoe mi; El a fwa siyuk nu šes, Efwo komwos ku tiu lalalfuñol?

26 Á kem fwin fwak, Ma yurin met mi; kem ūaneñ sin met; tu elos nu kemwu nunku mu Jon el met palu.

27 Á elos tupokoañ nu sin Jisus, á fwak, Kem koflamu fwak. Á el fwak nu selos, Na pe tiu fwak ma ya sap si ūa oru ma iñi.

28 Á mea komwos nunku? Mwen luo nutin met si; á el tuku nu yurin masi meta; á fwak, Mwen, fwasot orek.

ma misiñi in ima fain si luk.

29 El tupokoañ á fwak, Na tiu som; á tuko el auliyuk, á som.

30 Á el tuku nu yurin masi akluo, á el fwak ouyape. Á el tupokoañ á fwak, Ae, leuin; á el tiu som.

31 Ka ūu seltal iñi oru oanu papa el luñsel? Elos fwak nu sel, Masi meta. Jisus el fwak nu selos, Payin ūa fwak, nu šumwos, Tu met rošo á met kosro elos ilyuk nu in togusai lun God met á komwos tuk.

32 Tu Jon el tuku nu yurinwos nu inganek lun mapayi, á komwos tin lalalfuñol; á met rošo á met kosro elos lalalfuñol: á komwos, ke komwos liye, tiu auliyuk tuk, tu komwos fwa lalalfuñol.

33 ¶ Komwos loñ sienu pupulyuk: Sie met kato ū eoki ima fain si, á orek kolkol apneni, á pukpuk ma fuluye wain lü, á muša ni yin ūan met, á sipañi kutu met kato in liauñ á el som nu yin lulisia.

34 Á ke pal si fwako akurun tuku, el sipala met kulanšap lal nu sin met kato; tu elos fwa es fwako ka.

35 Á met kato elos es met kulanšap lal, á popo sie, á uniye sie, á tuñal sie.

36 Siefwil pe, el sipala kutenu met kulansap pus liki meta: à elos oru nu selos ouyape.

37 Á ke leum tol à met Farisi elos loñ pupulyuk lal, elos etu tu el kaskas nu ke elos.

38 Á ke met kato elos liye mwen, elos tukeni kaskas, El iñi met mwol: fwasu, lela kut in uni'lye, à lela kut srukie es ma lal.

39 Á elos sruki'lye, à sis el la liki ima fain si, à uni'lye.

40 Tu ou iñi ke leum lun ima fain si tuku, mea el fwa oru nu sin met kato iñó?

41 Elos fwak nu sel, El a fwa un'elosi kolukla met koluk iñó, à el a fwa šuñ ima fain si nu sin kutenu met kato, šu fwa oru nu sel fwako ke pal fwol si.

42 Jisus el fwak nu selos, Ya komwos tiu rid in ma šimisla, Eot si ma met muša sisila, eot si iñi on fwin ſiu-fwin sumwosrik in eot: ma iñi ma Leum oru, à ma šokuruk in mutas?

43 Tu ou iñi ña fwak nu sumwos, God el fwa esla togusai lal liki komwos, à šuñ nu sin mutun fwalu ma orek fwako ke.

44 Á el šu fwa putatla on fwin eot si iñi fwa mišalša-lu: à on fwel šu eot si iñi fwa putatla, mao fwa ililye nu ma sisik.

45 Á ke leum tol à met Farisi elos loñ pupulyuk lal, elos etu tu el kaskas nu ke elos.

46 Á ke elos šuk in sruki'lye, elos ſañeñ met puspis tukeni, tu elos es el met palu.

SAPTER 22.

A JÍSUS el siefwil tupo-koañ à kaskas nu selos in pupulyuki, à fwak, 2 Togusai in kosao oanu sie to-gusa, šu orek mari lun mwen natal, 3 à sipala met kulansap lal in pañnolos mi šu sulkakin met nu ke akonkon: à elos sañes tuku.

4 El siefwil sipaot kutenu met kulansap, fwakañ, Ora-úñ nu selos šu sulkakin, Liye, ña akou me moño nuk tari; kauu mogul luk à pus-pisinu luk elos uniye tari, à ma nu kemwu ako: fwasu nu ke akonkon.

5 Á elos mu mansis, à ſomla, sie nu ke ima si lal, sie nu ke me kitakot lal: 6 à kutenu selos elos es met kulansap lal, à orek ma koluk lanu nu selos, à onelosi.

7 Á ke togusa el loñ, el koskusok: à el sipaot met meun lal, à onelosla met ak-mus iñó, à furreuk siti selos.

8 Na el fwak nu sin met kulansap lal, Akonkon ako,

ã elos ſu ſulkakin met tiu mwo.

9 Tu ou iñi komwos fwatos nu inganek, ã ma nu kemwu komwos konoiock, ſu loimu nu ke akonkon.

10 Á met kulanſap iñi elos ſom nu inganek, ã eseni nu keinwu ma elos konoiock, ma mwo, ã ma koluk; ã pus metu tari wi el nu ke akonkon.

11 Á ke togusa el tuku in liye'los ſu wi el, el liye met si wañin nuknuk in akonkon el nukomañ.

12 Á el fwak nu sel, Kawuk, efwo kom ku tuku nu yinu, tiu nukomañ nuknuk in akonkon? Á el tiu kas.

13 Na togusa el fwak nu sin met kulanſap, Kopuri'lye paul ã nial, ã wis el la, ã sisla nu yin los liki losu: yin a tuñnu ã ñañorñor.

14 Tu ma puspis pañon mu, ã ſuloila ma pu.

15 ¶ Na met Farisi ſom, ã elos tukeni kaskas fuka elos fwa akfosye'lak ke kaskas.

16 Á elos ſipaot nu yurol met tumalos lutlut, oelulos met Herod fwakañ, Met luti, kem etu tu kom payi, ã luti inek lun God payinu, ã kom tiu kolak sin met; tu kom pulesu monin metu.

17 Tu ou iñi kom fwak nu ſes, Mea kom nunku? Oul

ku tiu oul, in ſuñ takmu nu sin Sisar?

18 Á Jisuſ el etu ma koluk lalos, ã fwak, Mwošounkas, efwo komwos ku ſrifwe yu?

19 Luti nu sik muni takmu. Á elos wis nu yurol penni si.

20 Á el fwak nu ſelos, Mutun ſu iñi, ã ſimisyukla?

21 Á elos fwak nu sel, Lun Sisar. Na el fwak nu ſelos, Tu ou iñi oru nu sin Sisar ma lun Sisa, ã nu sin God ma lun God.

22 Ke elos loñ, elos lut, ã fwaz luk el, ã ſomla.

23 ¶ Len si iñi met Sad-dusi, ſu fwak wañinnu ma ſiefwil molyuk, elos tuku nu yurol, ã ſiyuk sel, 24 fwakañ, Met luti, Moses el fwak, Met si fwin miši, wañin tulig natu, met lel el fwa mari mutan kiel, ã oreuk fute lun met lel.

25 Á umet tamulel itkos mutu yuros: ã masi meta, ke el mari ſie mutan, el miši, ã wañin fute, el likiye mutan kiel nu sin met lel:

26 Ouyape masi aktluo, ã aktolu, nu ke akitkos.

27 Á tukolos nu kemwu mutan el miše pe.

28 Tu ou iñi, pal si ke ſifwil molyuk, lun ſu mutan si iñi ke met itkos? tu elos nu kemwu es el.

29 Jisuſ el tupokoañ ã

fwak nu selos, Komwos sito, tiu etu ma Šimisla, à tiu etu ku lun God.

30 Tu ke siefwil molyuk elos tiu mari, à tiu ūn in mari, tu elos oanu lipufon lun God in kosao.

31 Á ke siefwil molyuk lun met miši, ya komwos tiu rid ma God el kaskas nu ūmwos, fwakañ, 32 Na God lun Ebream, à God lun Aisaak, à God lun Jekob ? God el tiu God lun miši, tu lun mol.

33 Á met puspis tukeni ke elos loñ *ma ini*, elos kakšak ke ma lutlut lal.

34 ¶ Á ke met Farisi loñ tu el orek met Saddusi in misla, elos tukeni mutu.

35 Na sie selos, met manu, el siyuk sel, srifw'el, 36 Met luti, ka ſap ū yok in manu ?

37 Jisus el fwak nu sel, Kom luñsom Jeofa God lom ke inšium kemwu, à ke in ūnum kemwu, à ke in nun-kom kemwu.

38 Ma si iñi masi meta à ma yok ke ſap.

39 Á masi akluo ouyape, Kom luñsom met lom ou kom ſifwanu.

40 On fwin ma ſap luo iñi srripsrip ma nu kemwu manu à palu.

41 ¶ Á ke met Farisi elos tukeni mutu, Jisus el siyuk selos, 42 fwakañ, Mea ko-

mwos nunku k'el Kraist ? el inwen nutin ū ? Elos fwak nu sel, Nutin Devid.

43 El fwak nu selos, Na fuka Devid in ūn pañpañ el Leum, fwakañ, 44 Jeofa el fwak nu sin Leum luk, Kom mutu on le pok leyut, nu ke pal si ūa orek lokwak lom me lañe ye niuum ?

45 Na Devid el fwin pañpañ el Leum, fuka el inwen natal ?

46 Á wañin met ku in tupokoñañ nu sel sie kas ; wañin met pulaik in siyuk sel kutu ma, len si iñi nu tuk.

ŠAPTER 23.

NA Jisus el fwak nu sin met puspis tukeni, à nu sin met tumal lutlut, 2 fwakañ, Met ūm à met Farisi elos mutu fwin niin mutu lun Moses : 3 tu ou iñi ma nu kemwu ma elos ſap komwos in liauñ, komwos liauñ à oru ; à komwos tiu oru oanu elos oru : tu elos fwak, à tiu oru.

4 Tu elos polñuni enu toas, à toas ke utuk, à filiyé fwin pišin metu ; à elos tiu luñsi moklola mao ke sugo kufin paulos.

5 Á ma nu kemwu ma elos oru, elos oru tu met in liye : elos orek ma failakteri ſralap lados, à orek ma lutlap siskin nuknuk lados, 6 à elos

luñselos mutu ye op niin kofwo, à niin mutu lun leum in lolñok, 7 à paññ niin kitakot, à met in paññolos, Rabbai, Rabbai.

8 Á komwos tiu paññon komwos Rabbai: tu sie met luti lomwos, Kraist; à komwos nu kemwu met lili.

9 Á waññ met komwos paññon papa tumomwos on fwalu: tu sie Papa tumomwos, su in kosao.

10 A komwos tiu paññon komwos met luti: tu sie Met luti lomwos, Kraist.

11 Á el su yok liki nu kemwu yurumwos, el fwa met kulansap lomwos.

12 Á el su kaifwaf nunku, fwa foroti; à el su sifwanu fwilpap, fwa mwo oiyé.

13 ¶ We nu sumwos, met sim à met Farisi, mwošounkas! tu komwos kaliye togusañ in kosao ye mutun metu: tu komwos tiu ilyuk nu we, à komwos tiu lela elos in ilyuk su fwaz nu we.

14 We nu sumwos, met sim à met Farisi, mwošounkas! tu komwos kanaosla lom sin kotin mas, à tu kiapun pre lulis: tu ou iñi komwos es lusla lulap.

15 We nu sumwos, met sim à met Farisi, mwošounkas! tu komwos mutatu apneninu mwea à fwalu in orek sie in forla; à ke ko-

mwos oru, komwos ora'l tulig nutin hell ka luo nu sumwos.

16 We nu sumwos, met atol kun, su fwak, el su fulak ke imwen tempel, mansis; à el su falak ke gol lun imwen tempel el fwa mol.

17 Met lalfon, à met kun! ka su yok liki, gol, ku imwen su orek gol in mwole?

18 Á, el su fulak ke lañ, mansis; à el su fulak ke kiše ma on fwe, el fwa mol.

19 Met lalfon, à met kun! ka su yok liki, kiše, ku lañ su orek kiše in mwole?

20 Tu ou iñi el su fulak ke lañ, el fulak ke mao, à ke ma nu kemwu on fwe.

21 Á el su fulak ke imwen tempel fulak ke mao, à ke El su mutu lü.

22 Á el su fulak ke in kosao, fulak ke niin mutu lun God, à ke el su mutu fwe.

23 We nu sumwos met sim à met Farisi, mwošounkas! tu komwos mol masi aksieñul ka orun, à anis, à kumin, à tiu oru ma yok kutu ke manu, ke nununku, ke pakomutu, à ke lalalfuñi: mwo komwos oru ma iñó meta, à tiu sisla ma iñi tuko.

24 Komwos met atol kun! su nomosol kitin mwet sisik, à igumnu kaka sisik kosro kamel.

25 We nu ſumwos, met ſim, à met Farisi, mwoſounkas! tu komwos oru naſnas likin kup si à pulet si, à lü elos tiñtiñinu ma koluk à ma ſirolel.

26 Farisi kun! met kom orek naſnas lün kup si à pulet si, tu lik elos fwa naſnas ouyape.

27 We nu ſumwos, met ſim à met Farisi, mwoſounkas! tu komwos oanu inkulyuk fwoffwos, aok oanu ma mwovo lik, à lü tiñtiñinu sri in mas, à ſipoklot lanu.

28 À komwos ouyape lik oanu ma payi nu ſin metu, à inſiumwos tiñtiñinu ma mwoſounkas à ma koluk lanu.

29 We nu ſumwos, met ſim à met Farisi, mwoſounkas! tu komwos muña inkulyuk lun met palu, à oru miwolanu inkulyuk lun met payi, 30 à fwak, Kem fwino mutu in len lun papa tumus, kem tiu oelulos in es san met palu.

31 Ou iñi komwos met lo nu ſumwos, tu komwos tulig natalos ſu uniye met palu.

32 Na komwos nakla tupin ſigasok lun papa tumomwos.

33 Komwos serpent, à fwil lun faiper! fuka komwos à fwas liki ſisila nu in hell?

34 Ke ma iñi; liye, ña ſipaot nu ſumwos met palu,

à met lalmetmet, à met ſim: à kutu selos komwos fwa uniye à uni on ke ſaksiñ ſugo; à kutu selos komwos onel in lolñok lomwos, à kolyai in siti nu in siti.

35 Tu ſa payi nu kemwu kaki nu fwalu fwa tuku nu fwomwos, san Ebel mi met payi nu ke san Zakaraias mwen nutin Barakaias, ſu komwos uniye in maslon imwen tempe à län.

36 Payinu ñia fwak nu ſumwos, Ma nu kemwu ma iñi fwa tuku nu fwin fwil si iñi.

37 O Jerusalem, Jerusalem, ſu uniye met palu, à tuñlalos ſu ſipeyuk mi nu yurum, fuka pal puspis ñia luñsik ſifweni tulig nutom, oanu mwonyen el ſifweni trokrok natu ye paul, à komwos ſi luñši!

38 Liye, lom ſum on wañin karwuñnye.

39 Tu ña fwak nu ſumwos, Komwos à fwa tiu liye yu nu tuk, nu ke komwos fwak, Inši mwovo el ſu tuku in el Leum.

SAPTER 24.

A JISUS el ſom, à fwas liki imwen tempel: à met tumal lutlut elos tuku in, luti nu sel inte im ke imwen tempel.

2 À Jisus el fwak nu selos,

Ya komwos tiu liye ma nu kemwu ma iñi? Payinu ña fwak nu šumwos, An si iñi a fwa wañin eot si on fwin sie eot, ma a fwa mogukla nu kemwu.

3 Ä ke el mutu on fwin eol Olifs, met lutlut elos tuku nu yurol muku, fwakañ, Lute nu šes, pal ya si ma iñi a fwa oru? ä mea akulin ke kom tuku, ä ke safla fwalu?

4 Ä Jisus el tupokoañ ä fwak nu selos, Komwos sis-mouk tu met tiu kiape komwos la.

5 Tu ma puspis fwa tuku in ēk, fwakañ, Na Kraist; ä elos fwa kiapala met puspis.

6 Ä koinwos fwa loñ meun, ä kušan meun: liauñ tu komwos tiu fosña: tu ma nu kemwu iñi te oru met, ä safla šumwe tuku.

7 Tu met fwal si tuyuk lain sie met fwal, ä togusai lain togusai: ä a fwa sral, ä lolo, ä fwalu rarrar, in kutu an.

8 Ma nu kemwu iñi mutamwauk in ašor.

9 Na elos fwa es komwos-yuñ in akkolukye komwos, ä a fwa uni komwosye: ä fwal nu kemwu fwa sruñe komwos ke ēk.

10 Ä na ma puspis fwa tugulkul, ä sie fwa tukakunak sie, ä sie fwa sruñu sie.

11 Ä met palu puspis sito fwa tuku, ä fwa kiapala met puspis.

12 Ä tu os nu ma koluk, luñ lun met puspis fwa musis kutu.

13 Ä el su oru mwo nu ke safla, el iñi fwa mol.

14 Ä mwo šatu iñi lun togusai fwa sulkakin in fwal e nu kemwu ke ma lo an nu kemwu: ä na safla a fwa tuku.

15 Tu ou iñi, ke komwos fwa liye ma koluk lanu lun ma kanaos lanu, ma Daniel met palu el fwak, tu yin mutal (el su rid, lela lun etu:) 16 na lela elos su mutu in Judea in kasus som nu fwin eola.

17 Lela el su on fwin manon lomwu tiu tuku fwuni in es kutu ma likin lom sel.

18 Ä el su mutu in ima si tiu foloko in es nuknuk lal. 19 Ä we koluk nu selos su putete, ä nu selos su suñ titi in len iñó!

20 Ä pre tu komwos tiu kasus som ke pal musis, ä ke len sabbat: 21 Tu na fwa fosñala ma lulap, osnu met tiu liye ke mutamwauk fwalu nu iñi, mo, ä nu tuk.

22 Ä fwin tiu oru len iñó ma fototo kutu, wañin nu ikwe in mol: ä ke met sulüta len iñó orani in fototo eni kutu.

MATTU, 24.

23 Na kutenu met fwin fwak nu ſumwos, Liye, Kraist iñi, ku iñó; komwos tiu lalalfuñi.

24 Tu Kraist sito fwa tuku, à met palu sito, à elos fwa lutí akul lulap à ma ſokuruk; tu ou iñi, fwin ku, elos fwa kiapala met ſüla.

25 Liye, ña fwak nu ſumwos met.

26 Tu ou iñi elos fwia fwak nu ſumwos, Liye, El os yin mesis: komwos tiu ſom: Liye, El os ia fokil lukma; komwos tiu lalalfuñi.

27 Tu oanu ſarom tuku yin fwatu ſikyuk we, à ſarom romla yin fwatu tili we; ouyape ke Mwen nutin met el fwa tuku.

28 Tu yin kolak on we, an si iñi, mwon igel elos fwa tukeni ſokſok.

29 Kitin misiñi tuko ke foñia lanu in len iñó fwatú fwa losla, à malem tiu ſuñ kalem lal, à itu elos fwa putatla in kosaoe mi, à ku in kosao elos fwa kususus.

30 Á na akul lun Mwen nutin met fwa ſikmi in koſaoe mi: à na ſruf nu ke- mwu fwalu elos aſor, à elos fwa liye Mwen nutin met el tuku in pukunieñ in kosao, ke ku à ma mwovo ma lulap.

31 Á El fwa ſipala lipufon lal ke pusren ugug lulap; à elos fwa eseni met ſüla lal yin eñ akos mi, yiñ tafwun kosa iñó mi nu tafwun kosa iñi.

32 Iñi lutlut pupulyuk ke ſak fig: ke le ſak lal ſruk maños, à ſra ſrtinak, komwes etu akurun pal fwol.

33 Á ouyape, ke komwos fwa liye ma nu kemwu ma iñi, komwes etu tu apkurun nu mutun oaoa.

34 Payinu. ña fwak nu ſumwos, Fwil si iñi tiu alfuk- fukla nu ke ma nu kemwu ma iñi orek tari.

35 Kosao à fwalu fwa wa- ninla, à kaskas luk tiu wa- ninla.

36 ¶ Á len si iñó à anu si wañinu met etu, à tiu lipufon in kosao, tu Papa tumuk mugenu.

37 Á oanu len lun Noa, à ouyape ke Mwen nutin met el fwa tuku.

38 Tu oanu len met ſaloñ- la tuk, elos moño à nim, mari à ſuñ in mari, nu ke len si Noa el ſroauk nu fwin oaku, 39 à elos tiu etu, nu ke ſaloñla tuku, à es elos la nu kemwu; ouyape ke Mwen nutin met el fwa tuku.

40 Na met luo mutu in ima si; esla sie, à filiye sie.

41 Mutan luo ilye ke me ilil si; esla sie, à filiye sie.

42 ¶ Tu ou iñi sano; tu komwos tiu etu auu ya si Leum lom a tuku.

43 Á komwos etu ma iñi, tu met kato in lomwu el fwino etu la auu ya si met pus a tuku, el fwa sano, à tiu fulela lom sel in misala.

44 Tu ou iñi komwos in ako pe, tu ke auu si komwos tiu nunku, Mwen nutin met el a tuku.

45 Na su met kulansap payi à lalmetmet, su leum lal ora'l lun fwa'l nu ke kwanun lom sel, in sun me moño nelos ke pal fwol si?

46 Inshi mwovo met kulansap iñi, su leum lal, ke el tuku, el fwa konoilok in oru ou iñi.

47 Payinu ña fwak nu sunmwos, tu el fwa ora'l lun fwa'l ke ma nu keinwu ma lal.

48 Á met kulansap koluk iñi el fwin kaskas inshi, Leum luk patlanu in tuku; 49 à el mutamwauk in popo kutenu met kulansap wi, à oelulos met sruï in moño à nim;

50 Leum lun met kulansap iñi el fwa tuku in len si ke el tiu sano'l, à in auu si ke el tiu etu, 51 à el fwa otelalik, à oru ma lal wi met mwošounkas: yin a fwa tuñnu à ñañorñor in mwusi.

SAPTER 25.

NA togusaï in kosao fwa oanu mutan sieñul su tiu etu met, su es lam lalos, à som in sun met pusla.

2 Á limikos selos lalmetmet, à limikos lalfon.

3 Elos su lalfon es lam lalos, à tiu es oil ocelulos.

4 Á lalmetmet elos es oil in maše wi lam lalos.

5 Ke met pusla patla in tuku, elos nu kemwu metkel à motul.

6 Á ke infulwin fon elos mwonak, We liye, met pusla el tuku; komwos fwasot in sunol.

7 Na mutan nu kemwu su tiu etu met elos tukakak, à aksaala lam lalos.

8 Á lalfon elos fwak nu sin lalmetmet, Si las kutu oil lomwos, tu lam las a kunla.

9 Á lalmetmet elos tupokot, fwakañ, Fwin ou iñi tiu yok in las à lomwos: à mwo komwos fwasot nu yurin met kitakot, à mol ma lomwos.

10 Á ke elos som in mol, met pusla el tuku; à elos su aksaala ilyuk oelul nu ke mari: à mutun oaoa kauli.

11 Tuk kutenu mutan su tiu etu met elos tuke pe, fwakañ, Leum, Leum, igasla nu ses.

12 Á el tupokoña à fwak,

Payinu ña fwak nu sumwos,
Na tiu ete komwos.

13 Tu ou iñi, ſano, tu komwos tiu etu len si à auu si ke Mwen nutin met el tuku.

14 ¶ Tu togusai in kosao oanu met fwafwasyis nu yin lulisha, el pañon mu met kulanšap lal, à ſuñ ma lal nu selos.

15 Á el ſuñ nu sin sie talen limikos, à nu sin sie luo, à nu sin sie sie: nu sin met nu kemwu oanu elos etu oreye; à kitin misiñi el ſomla.

16 Na el ſu es talen limikos el ſom kukakin ma iñi, à oru talen limikos pe.

17 Á ouyape el ſu es luo, el ouyape oru luo pe.

18 Á el ſu es sie, ſom à pukinye in foko, à mwukunla muni lun leum lal.

19 Á pat lanu tuk, leum lun met kulanšap iñi el folokla, à lolñok nu selos.

20 Á el ſu es talen limikos tuku, à usi talen limikos pe, fwakañ, Leum, kom asi nu sik talen limikos; liye, ña siefwil oru talen limikos pe.

21 Leum lal el fwak nu sel, Mwonu, met kulanšap mwo à payi: mwo ma pu kom liauñ, ña fwa orek kom in fwu ma puspis: kom ilyuk nu yin eñun lun leum lom.

22 Ouyape el ſu es talen luo tuku, à fwak, Leum,

kom asi nu sik talen luo: liye, ña siefwil oru talen luo pe.

23 Leum lal el fwak nu sel, Mwonu, met kulanšap mwo à payi: mwo ma pu kom liauñ, ña fwa orek kom in fwu ma puspis: kom ilyuk nu yin eñun lun leum lom.

24 Na el ſu es talen si tuku, à fwak, Leum, ña ete kom tu kom met upa si, kosrûni oiya kom tiu siselik, à eseni oiya kom tiu oskoilik:

25 Á ña ſañeñ, à ſom, à mwukunla talen lom in foko; liye, es lom.

26 Leum lal el tupokoañ à fwak nu sel, Met kulanšap koluk à alsañes, kom etu tu ña kosrûni oiya ña tiu sise lik, à eseni oiya ña tiu oskoilik: 27 Ke ma iñi mwo tu kom filiye muni luk nu yurin banker, à ke ña tuku ña fwa es ma luk à kute pe.

28 Tu ou iñi esla talen si luk el, à ſuñ nu sel ſu la talen sie-ñul.

29 Tu nu sin ſu kutu ma la ſuñ pe kutu, à el fwa os ma lal: à yurol mi ſu wañin ma la fwa esla ma lal luk el.

30 Á komwos sisla met kulanšap alsañes nu yin los liki losu: nu iñó fwa tuñnu à ñañorñor in mwusi.

31 ¶ Ke Mwen nutin met el fwa tuku in ma mwowo

lal, à lipufon mutual nu ke-mwu oelul, na el fwa mutu fwin niin mutu mwowo si lal: 32 à met an nu kemwu fwa tukeni mutu ye mutual; à el fwa es elos elik sie sin sie, oanu met sropu liye ſip esla ſipe liki gotu: 33 À el fwa filiye ſipe on le paul leyut, à gotu on le paul lesi.

34 Na togusa el a fwak nu selos on le paul leyut, Fwasu, komwos met mwonus lun Papa tumuk, mutu yin akola nu ſumwos u-mi ke srosla walu: 35 tu ña musinsral, à komwos kiti yu me moño; ña malu, à komwos si kof nimuk: ña metſa, à komwos ſuli yu yuk:

36 Ña koſluſol, à komwos si nuknuk ña nukomañ: ña mas, à komwos fwas nu yuruk à mutu: ña mutu in prison à komwos tuku nu yuruk.

37 Na met payi elos tupokot nu sel, fwakañ, Leum, kem liye kom ke kom musinsral, à kite nom ña? ku malu, à kite nimom? 38 ña kem liye kom metſa, à ſuli kom yuk? ku koſluſol, à nukom kom la? 39 ku kem liye kom mas, ku in prison à tuku nu yurom ña?

40 À Togusa el a tupokoña à fwak nu selos, Payinu ña fwak nu ſomwos, Tu oanu ke komwos oru ma iñi nu

sin sie met sisik sin ma lik komwos oru nu sik.

41 Na el a fwak pe nu selos on le paul lesi, Fwasot liki yu, komwos, met luſla, fwasot liki yu nu in e kamwul ma patpat, akola sin devil à lipufon lal.

42 Tu ña musinsral, à komwos tiu kiti yu me moño: ña malu, à komwos tiu si kof nimuk: 43 ña met ſa, à komwos tiu ſuli yu yuk; koſluſol, à komwos tiu si nuknuk ña nu omañ: mas, à in prison, à komwos tiu tuku nu yuruk.

44 Na elos ouyape tupokot nu sel, fwakañ, Leum, kem liye kom kom la musinsral ña? ku malu, ku metſa, ku koſluſol, ku mas, ku in prison à tiu oru nu ſum?

45 Na el tupokot nu selos, fwakañ, Payinu ña fwak nu ſumwos, Tu oanu ke komwos tiu oru nu sin sie ma sisik iñi, Tu ouyape ke komwos tiu oru nu sik.

46 À elos iñi fwa ſomla nu yin uniye ma patpat: à met payi nu yin mol ma patpat,

SAPTER 26.

A MA iñi te oru, ke Jisus el kaskas nu kemwu ma iñi tari, el fwak nu sin met tumal lutlut, 2 Komwos etu tu ke tukin len luo koſluſol alukela, à Mwen nutin

met fwa tukakinyukyuk in uniye on ke ſaksiñ sugo.

3 Na leum tol, à met ſim, à met elder lun met, elos tukeni nu in maslon lom sin leum tol, pañpañ Kajafas, 4 à elos tukeni papu fuka elos fwa es Jisus ke kiapu, à uni'lye.

5 Á elos fwak, Tiu ke ko-fwo, tu fwin ou iñi met elos tukeni mwowon.

6 ¶ Á ke Jisus el mutu yin Beteni, in lom sin Saimon met leper, 7 sie mutan el tuku nu yurol wis boken alabaster lun kuar mwowo si, à el okoiya nu fwin ſiu-fwel, ke el foñyuñ moño.

8 Á ke met tumal lutlut liye, elos siluñsi lanu, fwakañ, Efwo ku sisla ma iñi ?

9 Tu kem ku in kitakot kuar iñi ka puspis, à kitala nu sin met sigasrup.

10 Ke Jisus el etu, el fwak nu selos, Efwo komwos ku lokoluke mutan si ? tu el oru me orek mwowo nu sik.

11 Tu met sigasrup mutu yuromwos pal e nu kemwu ; à ña tiu mutu yuromwos pal e nu kemwu.

12 Tu ke el okoiya kuar iñi nu fwin monuk, el ako yu nu ke ña pukpuki.

13 Payinu ña fwak nu ſumwos, Yin nu kemwu met lutti mwo ſaſu iñi in fwal nu

kemwu, elos fwa kaskas ma iñi ma mutan si iñi oru in akulinilye.

14 Na sie sin sie-ñul-luo, pañpañ Judas Iskariot, el ſom nu yurin leum tol, 15 à fwak, Mea komwos aši nu sik, à ña fwa asalot nu ſumwos ? Á elos mwuleuñ nu sel muni tolñul.

16 Á tukin palsá el ſuk pal mwo si in tukakunulak.

17 ¶ Ke len si meta kofwo lun bred tiu pulolak met lutlut elos tuku nu yurin Jisus, fwak nu sel, Oiya an kom luñſom kut in ako nu sum in moño alukela ?

18 Á El fwak, ſom nu in siti nu sin sie met, à fwak nu sel, Met lutti el fwak, Pal ſi luk akurun iñi ; ña fwa oru alukela in lom ſum wi met tumuk lutlut.

19 Á met lutlut elos oru oanu Jisus el lutti nu selos ; à elos ako alukela.

20 Ke eukela, El foñyuñ nu ke tebel yurin sie-ñul-luo.

21 Á ke elos moño, el fwak, Payinu ña fwak nu ſumwos, tu sie ſumwos a tukakin yu yuk.

22 Á elos pakomutu ma lulap, à mutamwauk in taklla siyuk sel, Leum, ka ſu ña ?

23 Á el tupokoañ à fwak, El ſu wi yu ſuſni paul in

ale si, el iñi a tukakun yu
yuk.

24 Mwen nutin met el šom
oanu ma ſimisla ke el: we
sin met ſu tukakunulak
Mwen nutin met! mwo nu
sin met iñi el fwin tiu isūsla.

25 Na Judas, su tukakunu-
lak, el tupokoañ à fwak,
Rabbai, ka ſu ña? El fwak
nu sel, Kom fwakla.

26 Á ke elos moño, Jisus el
es bred, à ali, à kunšalik, à
ſuñ nu sin met lutlut, à
fwak, Es, moño; ma iñi mo-
nuk.

27 Á El es kup, à ſuñ kulu,
à ſuñ nu selos, fwakañ, Ko-
mwos nu kemwu numla
mao:

28 Tu ma iñi sak lun mwil-
kas ſaſu, ma ſirorla ke met
puspis in esla ma koluk.

29 Á ña fwak nu ſumwos,
Ña a tiu nim tuk fokin fain
iñi, nu ke len si ña wi ko-
mwos nim ma ſaſu in togu-
saï lun Papa tumuk.

30 Á ke elos iuk sugo on,
elos ſomla nu fwin eol Olifs.

31 ¶ Na Jisus el fwak nu
selos, Komwos nu kemwu
tugulkul foñ si iñi ke ña: tu
ma ſimisla, Ña fwa uniye
met sropu, à ſip lun unen
elos fwaseliknu.

32 Á tuk ke ña ſiefwil
molyuk, ña met komwos tuk
a fwas nu yin Galili.

33 Piter el tupokoañ à fwak

nu sel, Elos nu kemwu fwin
tugulkul ke um, ña tiu tu-
gulkul nu tuk.

34 Jisus el fwak nu sel,
Payinu ña fwak nu ſum, Tu
foñ si iñi, met mwon ſisa
kakla tuk, kom a fwa lafla-
fwekin yu pal tolu.

35 Piter el fwak nu sel, Ña
fwin wi kom nu miši, ña tiu
laflafwekin kom. Met lut-
lut nu kemwu fwak ouyape.

36 ¶ Na Jisus el oelulos
fwas nu an si pañpañ Getse-
mane, à fwak nu sin met
lutlut, Komwos mutawun
iñi, ke ña ſom nu iñó à pre.

37 Á el es oelul Piter, à
inwen luo nutin Zebedi, à
mutamwauk iñ asor à toas
lanu.

38 Na el fwak nu selos, Nu-
nik in aſor lulap, nu ke
miši: komwos mutawun iñi,
à wi yu ſano.

39 Á el fwas nu met kutu,
à fokſiuswi, à pre, fwakañ,
O Papa tumuk, fwin ku ke
ma iñi, lela kup si iñi in
fwas aliki yu wōt'fwin tiu
ou iñi, tiu ou ña luñſik, à ou
kom.

40 Á el fwas nu yurin met
lutlut, à konoi'elos yuk la
motul, à el fwak nu sel Piter,
Ma ya, komwos tiu ku in
wi yu ſano ke auu si?

41 ſano, à pre, tu komwos
tiu ilyuk nu in mel: payi
ñun luñſi, à ikwe munas.

42 El siefwilpe som pal si akluo, a pre, fwakañ, O Papa tumuk, kup si iñi tiu ku in fwas aliki yu wöt, ña fwin tiu numla, oru ou kom luñ-som.

43 Á el tuku a konoie'los yuk la siefwil motul: tu mutualos toas.

44 Á el fwas luk elos, a siefwilpe somla, a pre pal si aktolu, kaskas ou meta.

45 Na el tuku nu yurin met tumal lutlut, a fwak nu selos, Tari, komwos motul nu, a moñle; liye, auu si tuku, a Mwen nutin met tukakinyukyuk nu in poun met koluk.

46 Tukakak, kut som: liye, el tuku su tukakin yu yuk.

47 ¶ Ke el kaskas iñi, liye, Judas, sie sin sie-ñul-luo, el tuku, a met puspis tukeni oelul, wis kutlas a sak, yurolos mi met tol a met elder lun met.

48 Á el su tukakunulak suñ akul si nu selos, fwakañ, El su ña ñok, elnu, sruki'lye.

49 Á kitin misiñi el tuku nu yurin Jisus, a fwak, Paiñ kom, Rabbai; a ñokol.

50 Á Jisus el fwak nu sel, Kawuk, kom te sika? Na elos tuku filiye paolos fwe'l Jisus, a as al.

51 Á liye, sie selos oelul Jisus asroala paul, a fwauk

kutlas, a pakal met kulansap lun met tol, a otala sral.

52 Na Jisus el fwak nu sel, Siefwil isuñye kutlas nutom nu yin on we: tu elos nu kemwu su es kutlas fwa miši ke kutlas.

53 Ya kom nunku mu tu ña tiu ku in siyuk sin Papa tumuk iñi, a el a fwa sipamu nu yuruk lipufon lisun sie-ñul-luo a yok?

54 Fwin ou iñi fuka ma simisla payikin, tu a ma oru ou iñi?

55 Ke auu si iño Jisus el fwak nu sin met puspis tukeni, Ya komwos fwas liki oanu nu sin met iñunyar, ke kutlas a sak in es yu? Piñanu len ña mutu yuromwos in luti in imwen temple, a komwos tiu sruki yu wi.

56 Á ma nu kemwu ma iñi oru, tu ma simisla lun met palu fwa payikin. Na met tumal lutlut nu kemwu fwas luk el, a kaiñla.

57 ¶ Á elos su sruki'lye Jisus met, elos kolol nu yurin Kaiafas met tol, yin mwolil met sim a met elder tukeni mutu.

58 Á Piter el fwas tukol lüs'el la, nu in maslon lom sin met tol, a ilyuk nu we, a mutu yurin met tutafpo in liye masi tuko.

59 Á met tol, a met elder,

ā mwolil nu kemwu, elos ūuk met silo lainul Jisus, ou tu elos fwa uni'lye; 60 ā elos tiu konoiock: ā met silo ma puspis tuku, elos tiu konoiock sie. Ā tuko met silo luo eltal tuku, 61 ā fwak, El iñi fwak, Na ku in kanaosla imwen tempel lun God, ā in muša mao in len tolu.

62 Ā met tol el tuyuk, ā fwak nu sel, Ya wañin nu ma kom tupokot? Mea eltal a fwak lain kom?

63 Ā Jisus el misla. Ā met tol el tupokoān ā fwak nu sel, Na fulakin kom ke God mol, tu kom fwak nu ses la payi ku sitou, kom Kraist Mwen nutin God.

64 Jisus el fwak nu sel, Kom fwakla: kute pe ña fwak nu ūumwos, Tuko kommwos a fwa liye Mwen nutin met mutu on le paul leyut lun ku, ā tuku in pukunieñ kosao.

65 Na met tol el ūalik nuk-nuk lal, fwakañ, El kaskas enum; efwo kem ku ūuk kutenu met lo? liye, iñi kommwos loñ enum lal.

66 Mea kommwos nunku? Elos tupokoān ā fwak, El fwanaauk el a la misi.

67 Na elos ani in mutal, ā fus k'el, ā kutenu puklul, 68 fwakañ, Kraist, kom polyauk nu ses, ūu uni kom wun?

69 ¶ Ā Piter el muta liki nu in maslon lomu, ā mutan fwus el tuku nu yurin, fwakañ, Kom pe oelul Jisus luñ Galili.

70 Ā el laflafwekin ye mutalos nu kemwu, fwakañ, Na tiu etu ma kom fwaku.

71 Ā ke el fwas nu in sraumwalsis, sienu liye'l, ē fwak nu selos ūu mutanu iñó, Ele pe oelul Jisus lun Nazaret.

72 Ā el siefwilpe laflafwekin ke fulakin pusupas, Na tiu etu met ūen.

73 Ā kutu pal tuk elos ūu tu apkurun, tuku ā fwak nu sel Piter, Payinu kom pe sie selos; tu kas lom orek kom fwolnu.

74 Na el mutamwauk in kaskas koluk ā fulakin pusupas, Na tiu etu met ūen. Ā kitin misiñi mwon sisakakla.

75 Na Piter el esamak kas lun Jisus, ma el fwak nu sel, Kom fwa laflafwekin yu pal tolu met, mwon sisakakla tuk. Ā el fwas liki, ā tunñu tuñnu.

ŠAPTER 27.

K E lututan, met tol ā met elder lun met elos nu kemwu tukeni papu lainul Jisus in uni'lye.

2 A ke elos kopuri'lye, elos kolol la, ā wiselak nu yurol Pontius Pailat leum si.

3 Na Judas, šu tukakunu-lak, ke el liye tu elos lus el la, el ſifwanu auliyuk, à folokunmu ipen silver tol-ñul nu sin met tol à met elder, 4 fwakañ, Sito sik, tu ña tukakunak sa payi. À elos fwak, Mea ma iñi nu šes? kom liauñ ma iñi.

5 À el sisot ipen silver nu in imwen tempel, à ſomla, à ſifwanu lokſakla.

6 À met tol elos ſrukak ipen silver, à fwak, Tiu payi tu kut filiye mao nu in tatū, tu ma iñi me mol sa.

7 À elos tukeni papu, à mol iina si lun potter ke mao, in pukinye metſa.

8 Ke ma iñi ima si iñi elos pañpañ Ima lun sa, nu ke len si iñi.

9 Na payikin ma Jeremi met palu polyi, fwakañ, À elos es ipen silver tol-ñul, ma elos nunku me mol lal, šu met nutin Israel elos fwak, me mol lal; 10 à ašuñ mao in moli ima si lun potter oanu Leum el oramu nu sik.

11 ¶ À Jisus el tu ye mutun leum: à leum el siyuk sel, fwakañ, Ya kom Togusa lun met Ju? À Jisus el fwak nu sel, Oanu kom fwak.

12 À ke met tol à met elder elos sis nu fwel, el tiu tupokoñ.

13 Na Pailat el fwak nu

sel, Ya kom tiu loñ kutu ma puspis elos orek ma lo lain kom?

14 À el tiu tupokoañ nu sel nu ke sie kas; oanu tu leum el lut lulap.

15 À ou meta ke kofwo, leum el tulala nu sin metu sie met kopur šu elos luñselos.

16 Na sie met kopur os yu-rolos pañpañ Barabbas, el koluk lanu.

17 Tu ou iñi, ke elos tuke-ni, Pailat el siyuk selos, Ka šu komwos luñšomwos tu ña tulala nu šumwos? Barab-bas, ku Jisus šu elos pañpañ Kraist?

18 Tu el etu tu ke šok sel elos esalak.

19 Ke el mutu fwin me mutu lun nununku, mutan kiel sipu nu sel, fwakañ, Nik kom oru kutu ma nu sin met payi si iño; tu ña tonin-foñ ma lulap len si iñi in memi ke el.

20 À met tol à met elder elos papu met puspis tukeni tu elos siyuk Barabbas, à uni'lye Jisus.

21 Leum el tupokoañ à fwak nu selos, Šu ka seltal komwos luñšomwos ña in tulala nu šumwos? Elos fwak, Barabbas?

22 Pailat el fwak nu selos, Na mea ña oru nu sin Jisus, šu elos pañon Kraist? Elos

nu kemwu fwak nu sel,
Lela lun miši on ke šaksiñ
sugo.

23 Ā leum el fwak, Efwo,
mea koluk ma el oru? Ā
elos wowoyuk pusliki, fwa-
kañ, Lela lun miši on ke
šaksiñ sugo.

24 Ke Pailat el liye tu el
koftanu oru kutu mao, tu
elos la orek fukurkur kutu,
el es kof, ā tanla paul ye
mutun met puspis tukeni,
fwakañ, Na tiu kuluk ke sa
lun met payi si iñi: komwos
liye.

25 Na met e nu kemwu tu-
pokoñañ ā fwak, Sa'l on fwus,
ā on tulig natas.

26 Na el tulala Barabbas
nu selos: ā ke el sruñlul
Jesus, el esalak in uni on ke
šaksiñ sugo.

27 Na met meun lun leum
elos wis Jesus nu in imwen
leum, ā elun met meun nu
kemwu elos tukeni tuku nu
yurol.

28 Ā elos šarukla nuknuk
lal, ā nukmulañ nuknuk
sisa katel.

29 Ā ke elos orek tefuro in
kokol si tari, elos filiye fwin
šiufwel, ā a in le paul leyut:
ā elos epas ye mutal, ā
aksruksruk, fwakañ, Paiñ,
Togusa lun met Ju!

30 Ā elos anel, ā es a ā
sruñil fwin šiufwel.

31 Ā ke elos aksruksruk

tari, elos šarukla nuknuk
katel ā nukmulañ nuknuk
lal, ā kolol la in uniye on ke
šaksiñ sugo.

32 ¶ Ā ke elos fwas liki,
elos konoiock met si Sairini,
ēl Saimon: elos ora'l lun wis
šaksiñ sugo lal.

33 Ke elos tuku nu yin si
pañpañ Golgota, oanu ma,
yin sri in šiuf si, 34 elos ašuñ
nu sel finiger lun nim, wi a
toeni: ā ke el pulakin, el
sañes nim.

35 Ā elos unilye on ke šak-
siñ sugo, ā eselik nuknuk
lal, koto srifwe; [tu oru pa-
yikin ma met palu polyi,
Elos eselik nuknuk luk yu-
rolos, ā on fwin sienu nuk-
nuk luk elos, orek koto srif-
we.]

36 Ā elos mutanu Šanol
iño; 37 ā filiye yetun šiuf-
wel, ma tukakunulaku ši-
misla EL IÑI JISUS TO-
GUSA LUN MET JU.

38 Na met iñunyar luo
oelul uniye on ke šaksiñ; sie
on leyut, ā sie on lesi.

39 Ā elos ſu fwas alukela
kaskas enum nu sel, ososokla
šiufwelos, 40 ā fwakañ, Kom
ſu kanaosla imwen tempel,
ā muša in len tolu, kom ſi-
fwanu moli kom. Kom fwin
Mwen nutin God, fwuni ke
šaksiñ sugo.

41 Ouyape met tol ā met
sim ā met elder elos aksruk-

srukal, fwak, 42 El molula kutenu, el kofianu sifwanu mol el la. El fwin Togusa lun Israel, lela lun fwuni ke saksiñ sugo iñi, à kut fwa lalafuñi ke'l

43 El foñyuñ sin God; lela lun as al iñi, el fwin luñsi el: tu el fwak, Na Mwen nutin God.

44 Á met iñunyar luo, su oelul uniye on ke saksiñ, eltal kas ko pe nu sel.

45 Á auu si akonkos nu ke auu si akeu fwal e nu ke mwu los lanu.

46 Á akurun auu akea Jesus el wowoyuk ke pusral lulap, fwakañ, Ilai, Ilai, lama sabaktenai? oanu fwak, God luk, God luk, efwo kom ku fwas liki yu?

47 Kutu selos su tu iño, ke elos loñ, elos fwak, El iñi pañnol Ilaias.

48 Á kitin misiñi sie selos kasus, à es insral, à nakla finiger, à filiye ke a sugo, à suñ nu sel lun niñ.

49 Kutenu fwak, Kolyamwun, kut a liye la Ilaias el a la tuku in mol el la.

50 ¶ Jisus, ke el siefwil wowoyuk ke pusral lulap, el misi.

51 Á liye, nuknuk, lisñe in imwen tempel sisalik ip luo luñnu nu ten; à fwalu rarrar, à eotu mulpelik; 52 à luf kiin mas elos igakla; à

manol puspis lun kristin su motul, elos molyuk, 53 à fwas liki luf kiin mas tukin pal si ke el molyuk, à elos som nu yin siti mutual à siki mi nu sin met puspis.

54 Á met senturion, à elos su oelul, sanol Jisus, ke elos liye fwal rarrar, à kutenu iñó ma' orala, elos sañeñ ma lulap, fwakañ, Payinu el iñi Mwen nutin God.

55 Á mutan puspis mutu we, liye an lüsla, elos su fwas tukol Jisus Galili mi, oru nu sel: 56 Meri Magdalalin oelulos, à Meri kien James à Joses, à nine kien mwen nutin Zebedi.

57 ¶ Ke eukela, met gasrup lun Arimatia, è Josef, su wi pe met tumal lutlut lun Jesus: 58 el fwas nu yurol Pailat, à ñusi manol Jisus. Na Pailat el sap in ašuñ manol.

59 Á ke Josef el esla mano, el lumani mao in nuknuk linen nasnas, 60 à filiye mao in lufin mas sašu si lal, ma el tufia in eotu: à el epusañ eot lulap si nu ke mutun pot lufin mas si, à šomla.

61 Á Meri Magdalain el iñó, à sienu Meri, eltal mutu iñó tulonot lufin mas si.

62 ¶ Á len si tuko, ma tukin len si lun ako, met tol à met Farisi elos tukeni nu yurol Pailat, 63 fwakañ,

Leum, kem esamak tu met kusuinkas iñō fwak, ke el mol, Tukin len tolu ñā fwa siefwil molyuk.

64 Ke ma iñī kom sap in liauñ ma mwowo lufin mas si nu ke len si aktolu, fwin tiu ou iñī met tumal lutlut elos a tuku [in foñ,] à pu-sra'l la, à fwak nu sin metu, El molyuk: à ma kusuinkas tuk koluk liki ma kusuinkas met.

65 Pailat el fwak nu selos, Met šano os yuromwos: komwos fwala, à oraun akkeyu oanu komwos etu.

66 À elos šom, à orala lufin mas si ma mwowo, ta-wunañ eot si, à filiye met šano.

SAPTER 28.

TAFIN foñ tuk lun sabbat, akurun lenelik len si umet ke wik, Meri Magdal-in, à sienu Meri, eltal tuku in liye lufin mas si.

2 À, liye, rarrar lulap: tu lipufon si lun Leum sikmi in kosaoe mi, à tuku à epusla eot liki mutun pot, à el mutu fwe.

3 Mutual oanu šarom, à nuk-nuk lal fwosfwos oanu wiaoa: 4 À ke šañeñ sel met šano elos rarrar, à oanu met miši.

5 À lipufon el tupukoña à fwak nu seltal mutan, Komtal tiu šañeñ: tu ñā etu tu

komtal šuk Jisus, šu uniye on ke šaksiñ sugo met.

6 El tiu os yinu: tu el mol-yuk, oanu el fwak. Fwasu, liye an ya Leum on nu we.

7 À fwasot aksaya, à luti nu sin met tumal lutlut tu el molyuk; à, liye, el fwas met komwos tuk nu in Galili; iñō komwos fwa liye'l: liye, ñā fwak nu šumwos.

8 À eltal akpuspusye fwas liki lufin mas si, ke šañeñ à eñun lulap, à eltal kasus in fwak nu sin met tumal lutlut.

9 À [ke eltal šom in fwak nu sin met tumal lutlut,] liye, Jisus el šunoltal, fwakañ, Paiñ kontal. À eltal tuku à sruukie niel à ali nu sel.

10 Na Jisus el fwak nu seltal, Nikmit šañeñ: komtal šom fwak nu sin ma lik, tu elos šom nu in Galili, à iñō elos fwa liye yu.

11 À ke eltal šom, liye ku-tu sin met šano elos tuku nu in siti, à luti nu sin met tol ma nu kemwu ma orala.

12 À ke elos wi met elder tukeni mwolil, à papu, tari, elos šuñ muni puspis nu sin met meun, 13 fwakañ, Komwos fwak, Met tumal lutlut elos tuku ke foñ, à pu-sra'l la ke kut motul.

14 À leum fwin loñ ma iñi,

kut fwa umwe'l à orek ko-mwos in tiu sañen.

15 Á elos es muni, à oru oanu elos luti nu selos : à kas si iñi met Ju elos kas-kaskin nu ke len si iñi.

16 ¶ Na met tumal lutlut sie-ñul-sie elos šom nu in Galili, nu fwin eol ya Jisus el orauñ nu selos.

17 Á ke elos liye'l, elos ali nu sel : à kutu silalalfuñi.

18 Á Jisus el tuku à kas-

kas nu selos, fwakañ, Ku e nu kemwu etuku nu sik in kosao à fwalu.

19 Tu ou iñi komwos šom, à luti nu sin met fwal e nu kemwu, baptais elos la in êl Papa, à Mwen, à Nun Mutual ;

20 Luti nu selos in liauñ oru ma nu kemwu ma ña šapkin nu šumwos : à, liye, Na wi komwos ma patpat, nu ke safla fwalu. Amen.

MWO ŠAŠU MA MARK EL ŠIM.

ŠAPTER 1.

MUTAMWAUK lun mwo šašu lun Jisus Kraist, mwen nutin God ;

2 Oanu met palu elos šim, Liye, ña sipaot met šap luk ye mutom, lun akou inek lom ye mutom.

3 Pusren sie wowoyuk yin mesis, Komwos akou inek lun Jeova, oru inakul ak-sumosye.

4 Jon el baptais yin mesis met, à luti ke baptais lun auliyuk ke sis la ma koluk.

5 Á fulun an Judea nu kemwu, à met Jerusalem, elos šom nu yurol, à el baptais elos la nu kemwu in-

fwal Jordan, ke elos fwakak ma koluk lalos.

6 Jon el nukomañ nuknuk in unen kamel, à kulin melol in folo ; à el moño lokus à unni lemnek ;

7 Á el luti, fwakañ, Sie tuku tukuk el ku liki yu, ña tin mwo in šumwoli tulala eau losin faluk lal.

8 Payi ña baptaisi komwos la ke kof : à el a fwa baptaisi komwos la ke Nun mutual.

9 ¶ Á ma iñi te oru in len iño, tu Jisus el tuku yin Nazaret mi lun Galili, à Jon el baptais el la in Jordani.

10 Á kiten misiñi ke fwasyuk liki kof, el liye in ko-

sao igakla, à Nun oanu
muli ioa sikmi nu fwel:

11 Á pusra si tuku in ko-
saoe mi, fwakañ, Kom mwen
kulu si nutig, Na insi mwo-
wo kin kom.

12 Á kiten misiñi Nun el
sipa'lot nu yin mesis.

13 Á el mutu yin mesis
len añaul, Setan el srifwe'l ;
à el wi kosro lem nok; à li-
pufon elos oru nu sel.

14 ¶ Á tukin pal si ke
filiyuki Jon nu in prison
Jisus el tuku nu Galili, lut-
lut kin mwo shašu lun togu-
saï lun God,

15 Á fwakañ, Pal fwolnu,
à togusaï lun God akurun :
komwos auliyuk, à lalalfuni
mwo shašu.

16 Á ke el fwas apkurun
mweun Galili, el liye Saimon
à Andru ma lel eltal
fulalik kwa nu mwea ; tu
eltal met kwa.

17 Á Jisus el fwak nu sel-
tal, komtal fwas tukuk, à
ña fwa orek komtal tu kom-
tal fwa kwa met.

18 Á kiten misiñi eltal
likiye kwa laltal, à fwas
tukol.

19 Á ke el somla kute si-
sik, el liye'ltal Jemes nutin
Zebedi, à Jon ma lel, à eltal
os fwin oaku onon ok lalos.

20 Á kiten misiñi el pañ-
noltal ; à eltal aliki Zebedi
papa tumaltal yurin met kù-

nokon fwin oaku, à fwas
tukol.

21 ¶ Á elos som nu yin
Kaper naum ; à kiten misiñi
ke len sabat el ilyuk nu in
imwen lolñok, à lutti.

22 Á elos lut ke ma lutlut
lal : tu el lutti nu selos oanu
tu el leum, à tiu oanu met
sim.

23 Á met si ñun fokfok lal
el in lolñok lalos ; à el
wowoyuk.

24 Fwakañ, Nikmit orek
kit ; mea kem a oru nu sum,
kom Jisus lun Nazaret ? Ya
kom tuku in kanawis kit la ?
Na etu la suo komwun, kom
Sie Mutual lun God.

25 Á Jisus el kaiyuk nu
sel, fwakañ, Nimit kas, à
fwase luk el.

26 Á ke ñun fokfok el ka-
naos el, à wowoyuk ke pu-
sral lulap, el fwas luk el.

27 Á elos nu kemwu lut,
oanu tu elos tukeni siyuk.
Mea ma iñi ? mea lutlut
shašu iñi ? tu ke ma pen lal
el sap nu sin ñun fokfok, à
elos aksol.

28 Á kiten misiñi puñal
fwas elik nu yin nu kemwu
apneni an Galili.

29 ¶ Á kiten misiñi, ke
elos fwas liki lolñok tari,
elos ilyuk nu in lom sin
Saimon à Andru, oelultal
Jemes à Jon.

30 Á nine kiel mutan kiel

MARK, 2.

Saimon el mas ke musen fwol; à kiten misiñi elos fwakulañ nu sel.

31 Á el tuku à sruükie paul, à srukluak; à kiten misiñi mas fwol wañinla, à el oru nu selos.

32 Á eukela, ke fwatu tili, elos wis nu yurol nu kemwu su mas, à elos su musen devil.

33 Á elos nu kemwu yin met mutu we tukeni nu mutun oaoa.

34 Á el akkeielma puspis su mas ke mas puspis, à sis la devil puspis liki; à el sañes devil in fwak, tu elos eta'l.

35 Á ke lututañ, el tukak umet lenelik tuk, el fwas liki, à som nu yin mesis, à el pre iñó.

36 Á Saimon à elos su oelul fwas tukol.

37 Á ke elos konoi'lok, elos fwak nu sel, Met nu kemwu suk kom.

38 Á el fwak nu selos, lela kut in som nu yin met mutu we apkurun nu ses, tu ña a lutlut iñope: tu ña tuke liki ke ma iñi.

39 Á el luti in lolnok lalos yin nu kemwu Galili, à sis la deyil liki.

40 ¶ Á met leper si el tuku nu yurol, à pre siyuk sel, à epas nu sel, à fwakañ nu sel, Kom fwin luñsom kom ku in ore yu in nasnas.

41 Á Jisus, ke pakomutu, el asroela paul, à kali'lye, a fwak nu sel, Na ke; kom in nasnas.

42 Á ke el fwak, kiten misiñi musen leper wañinla luk el, a el nasnas.

43 Á el mwuleuñnu nu sel, à kiten misiñi el sipa'l la;

44 Á fwak nu sel, liaun nik kom sranu fwak nu sin sie met; tu som, luti kom-yuñ nu sin met tol, à suñ kiše mao ma Moses el sap ke orek kom in nasnas, ke orek ma lo nu selos.

45 Á el som liki, à mutamwauk in fwakak ma puspis, à luti ma lulap ke mao, oanu tu tuk Jisus el koflanu ilyuk nu yin met mutu we, el fwin tiu muluñlün tu el mutu yin mesis liki an met mutu we: à an nu kemwu elos tukeni nu yurol.

SAPTER 2.

A KUTU len tuko el sie-
A fwił utyuk nu yin Kapernaum; à elos loñ tu el mutu lomwu.

2 Á kiten misiñi met puspis elos tukeni, oanu tu wañinlanu an elos mutu we, aok, apneni mutun oaoa ouyape; à el luti ma kas nu selos.

3 Á elos tuku nu yurol, usi met mas matoltol met akos wis el.

4 Ā ke elos koflanu tuku nu yurol tu met puspis tukeni, elos igaselik inšein lomwu an el mutu we: ā ke elos kanaosla mao, elos koela kūlus yin met mas matoltol on we.

5 Ke Jisus el liye lalafuñi lalos, el fwak nu sin met mas motoltol. Mwen, ña nunok munas ke makoluk lom.

6 Ā kutu sin met šim elos mutanu we, ā kaskas insielos.

7 Efwo met si iñi kas ko nu ke'l God? ka ſu ku in nunok munas ke ma koluk, tu God mugenu?

8 Ā kiten misiñi, ke Jisus el etu inšiel tu elos kaskas ou iñi insielos, el fwak nu selos, efwo komwos ku kaskas ou iñi inšiumwos?

9 Mea fusas liki in fwak nu sin met mas matoltol, Ña nunok munas ke ma koluk lom; ku in fwak, Tukakak, ā srukak kūlus kium, ā fwas?

10 Ā tu komwos fwa etu tu mwen nutin met el ku in nunok ke ma koluk on fwallu, (el fwak nu sin met mas matoltol.)

11 Ña fwak nu ſum, Tu kakak, ā srukak kūlus kium, ā ſom nu in lom ſum.

12 Ā kiten misiñi el tukakak, ā srukak kūlus, ā ſom-

la ye mutualos nu kemwu; oanu tu elos nu kemwu lut, ā kakšakun al God, fwakañ, kem tiu liye ou iñi met.

13 ¶ Ā el siefwil ſom nu penyen; ā met puspis tukeni elos nu kemwu tuku nu yurol, ā el luti nu selos.

14 Ā ke el fwas alukela, el liye Levai nutin Alfeus mutu ye mutun rošo, ā el fwak nu sel. Fwas tukuk. Ā el tukakak ā fwas tukol,

15 Ā ma te oru, tu, ke Jisus el mutu moño in lom ſel, ma puspis met rošo ā met koluk elos wi pe Jisus ā met tumal lutlut mutu; tu ma puspis iño, ā elos fwas tukol.

16 Ā ke met ſim ā met Farisi elos liye el la wi met rošo ā met koluk moño, elos fwak nu sin met tumal lutlut, Efwo el ku we met rošo ā met koluk moño a nim?

17 Ke Jisus el loñ mao, el fwak nu selos. Met ku elos tiu enenu met ſatal, tu met mas mugenu: ña tiu tuku in pañon met payi, tu met koluk in auliyuk.

18 ¶ Ā met tumal lutlut lun Jon ā lun met Farisi elos lalo: ā elos tuku ā fwak nu sel, Efwo ku met tumal lutlut lun Jon ā lun met Farisi elos lalo, ā met tumom lutlut elos tiu lalo?

19 Ā Jisus el fwak nu selos, Ya tulig in fokil nutin

mutan pusla el lalo, ke met
pusla mutu yurolos? Pal
si ke met pusla mutu yuro
los, elos koflanu lalo.

20 Á kutu len a fwa tuku,
ke met pusla eyela luk elos,
à na elos fwa lalo ke len iñó.

21 Wañin met taeuñ ipen
nuknuk šašu nu ke nuk
nuk ma; fwin ou iñi ip šašu
ma pinesla fwa esla ma liki
nuknuk ma, à muše yokelik.

22 Á wañin met filiyé wain
šašu nu in ſifwa matu;
fwin ou iñi wain šašu foklū
lik ſifwa, à wain ſirorla, à
ſifwa mišalſal la: tu kut
filiye wain šašu nu in ſifwa
šašu.

23 ¶ Á ma te oru, tu el
fwas sasla in ima korn si ke
len sabat; à met tumal lut
lut, ke elos fwas, elos muta
mwauk in lusla korn.

24 Á met Farisi elos fwak
nu sel, Liye, efwo elos ku
oru ke len sabat kutu ma
oul?

25 Á el fwak nu selos, Ya
komwos tiu rid kutu ma
Devid el oru, ke el enenu, à
musinsral, el, à elos ſu oelul?

26 Fuka el ilyuk nu in
lom sin God ke len lun
Abaiatar el met tol fulat, à
el moño bred luti, ma oul in
moño tu ma lun met tol in
genu, à ſuñ pe nu selos ſu
oelul?

27 Á el fwak nu selos, God

el orala sabat ma lun met, à
tiu met ma lun sabat.

28 Tu ou iñi mwen nutin
met el ouyape leum lun
sabat.

SAPTER 3.

A EL siefwil ilyuk nu in
imwen lolñok: à met si
mutu we ul lanu paul.

2 Á elos ſanol, el a la ak
keiel la ke len sabat; tu elos
fwa kas ko nu ke'l.

3 Á el fwak nu sin met si
ſu ul lanu paul, Tuyuk
infulwe.

4 Á el fwak nu selos, Ya
oul ke len sabat in orek
mwo, ku in orek koluk? in
molüla mol, ku in uniye?
Á elos misla.

5 Á ke el ñetañ nu selos ke
mulat, tu el pakomuta'los ke
upa inſielos, el fwak nu sin
met si, Asreot pom. Á el
asroela: à paul kelanu oanu
leyenu.

6 Á met Farisi elos ſomla,
à kiten misiñi elos wi met
lun Herod tukeni kaskas
ke'l, fuka elos fwa unil'ye.

7 ¶ Á Jisus el ſifwanu wi
met tumal lutlut ſomla nu
fwin meſi; à un met puspis
Galili mi, elos fwas tukol, à
Judea mi.

8 Á Jerusalem mi, à Idu
mea mi, à liken yeno Jord
an; à elos apneni Tair à
Saidon, met puspis, ke elos

MARK, 3.

loñ ma ma lulap ma el oru, tukakunu'lak : ä elos ilyuk
elos tuku nu yurol. nu in lomwu.

9 Ä el fwak nu sin met tumal lutlut, tu oak paluñ sisik wunal tu met puspis tukeni, fwin tiu ou iñi elos tuñlulani.

10 Tu el akkeiel la ma puspis tari; oanu tu elos alak in kali'lye, elos nu ke-mwu šu mas.

11 Ä ñun fokfok, ke elos liye'l, elos putatla ye inatal, ä wowoyuk, fwakañ, kom mwen natal God.

12 Ä el ka elos ma lulap tu elos tin fwakulak.

13 ¶ Ä el utyuk nu fwin eol si, ä el pañon mu šu el lunsel: ä elos tuku nu yurol.

14 Ä el šuñ mwol lun met sieñul luo, tu elos fwa oelul, ä tu el fwa sipa'loswot in luti.

15 Ä tu ku lalos in akkei-'elos la met mas, ä in sis la devil liki.

16 Ä el šuñ Saimon mwul Piter;

17 Ä Jemes nutin Zebedi, ä Jou lel Jemes; ä el šuñ mwulaltal Boaneršes, ma fwakien mwen nutin pu-lal;

18 Ä Andru, ä Filip, ä Bartolomu, ä Mattu, ä Tomas, ä Jemes nutin Alfeus, ä Tadeus, ä Saimon Kenanait.

19 Ä Judas Iskariot, el šu

tukakunu'lak : ä elos ilyuk nu in lomwu.

20 Ä met puspis elos sie-fwil tukeni, oanu tu elos koflanu moño bred.

21 Ä ke met kawuk elos loñ, elos šom liki in sruki'ye; tu elos mu, el mwül.

22 ¶ Ä met šim šu oatu Jerusalem mi fwak, Beelze-bub os yurol, ä el sis la devil liki ke leum lun devil.

23 Ä el pañnolos mu, ä fwak nu selos in pupulyuki, Fuka Setan sis la Setan liki ?

24 Ä togusaï ſifwanu fwin aes, togusaï iñi fwa koflanu tu.

25 Ä sou fwin ſifwanu aes, sou iñi fwa koflanu tu.

26 Ä Setan el fwin tuyuk Setan, ä aes el koflanu tu, tu el fwa wañinla.

27 Wañin met ku in ilyuk nu in lom sin met ku, ä kanaosla ma lal, el fwin tiu kopuriye met ku met; ä na el fwa kanaosla lom sel.

28 Payinu ña fwak nu šumwos, ma nu kemwu ma koluk lun tulig nutin met fwa nunok munas ke, ä kas ko-elos kaskas ke:

29 Ä el šu kaskas ko lain Nun Mutual fwa tiu nunok munas nu tuk, tu a fwa lisyikla ma patpat:

30 Tu elos fwak, Nun fok-fok os yurol.

31 Na met lel a nine kiel,
elos tu likin umwe, a sapak
in sulo'l.

32 A met puspis tukeni
mutu apnulaini, a elos fwak
nu sel, Liye, nine kium a
met lium elos os likin umwe
suk kom.

33 A el tupokot nu selos,
fwakañ, su nine kiuk ku ma
lik ?

34 A el netañ nu selos su
mutu apnulaini, a fwak,
Liye nine kiuk a ma lik !

35 Tu el su oru ma God el
luñsel, el iñi ma lik, a ma
lauk, a nine.

SAPTER 4.

A EL siefwil mutamwauk
in lutlut nu penyenu ;
a met puspis elos tukeni
tuku nu yurol, oanu tu el
sroauk nu fwin oaku, a mutu
fwin kofo ; a met puspis tu
keni elos apkurun nu mwea
fwin meši.

2 A el luti nu selos ma
puspis ke pupulyuki, a fwak
nu selos ke ma luti lal.

3 Komwos poroño ; Liye,
sie met takunalik el som in
takunalik.

4 A ma te oru ke el ta
kunalik, kutu putatla nu
pupaneku, a mwon yin eñ
yeñu elos tuku a koña
mao.

5 A kutu putatla on yin
eoteot, yin ma sisik fok on

we ; a kapak kiten misiñi,
tu fok tiu lál ;

6 A ke fwatu siku, mao
paoala ; a tu wañin oka pao
lanu.

7 A kutu putatla nu yin
kokol, a kokol kapak, a
puani mao, a wañin fwako.

8 A kute pe putatla on in
fok mwo, a srunak kap mwo ;
a isüs fwako mwo, kutu tol
ñul ka, a kutu on-ñul ka, a
kutu sie-fok ka.

9 A el fwak nu selos, el su
sra in loñ, lela lun loñ.

10 ¶ A ke el mugenu mu
tu, elos su apnulaini wi met
sie-ñul-luo siyuk sel ke
pupulyuk.

11 A el fwak nu selos, Nu
sumwos tu komwos fwa
etukot ma foña lun togusaï
lun God : a nu selos su mutu
lik, orekot ma iñi nu kemwu
ke pupulyuk ;

12 Tu liye elos fwa liye, a
silyuñin ; a loñ elos fwa loñ,
a tiu etu ; fwin tiu ou iñi
elos tufwa auliyuk, a God el
fwa nunok munas nu selos
ke ma koluk lalos.

13 A el fwak nu selos, Ya
komwos tiu etu pupulyuk si
iñi ? a na fuka komwos fwa
etu pupulyuk nu kemwu ?

14 Met takunalik el taku
nalik kas.

15 A elos iñi elos su mutu
pupaneku a kas tutak nu
we ; a ke elos loñ, setan el

MARK, 4.

silaklak in tuku, à esla kas tutak nu iñsi elos.

16 Á elos iñi elos pe šu es fute on yin eoteot; ke elos loñ kas, elos eñun silaklak in es mao;

17 Á ſifwanu wañin oka'-los, à elos tiu ku; tuko ke ma koluk à kolyai sikmi ke kas, kiten misiñi elos tugulkul.

18 Á elos iñi elos šu tute-kot yin kokol; oanu elos loñ kas.

19 Á inšie lanu fwalu, à kutasrik in gasrup, à kenu ke kutenu mao, ilyuk nu we srukeni kas, à wañin fwako.

20 Á elos iñi elos šu tute-kot in fok mwo; oanu elos loñ kas, à es mao à isüs fwako, kutu tolñul ka, kutu onñul ka, à kutu sie-fok ka.

21 Á el fwak nu selos, Ya utuk lamp filiye ye tupu, ku ye kulus si? à tiu fili'ye on ke sikon lamu?

22 Tu ma nu kemwu mwuukunla, fwa igakla; ma nu kemwu ma afwunla, tufwa oaliñalik.

23 Met fwin sra in loñ lela lun loñ.

24 Á el fwak nu selos, Lia-uñ ma komwos loñ: oanu ma komwos srikusrak, met tufwa srike pe nu šumwos; à nu šumwos šu loñ fwa šuñ kute pe.

25 Tu el šu os ma lal, fwa šuñ kute pe nu sel; à el šu wañin ma lal, fwa es la ma lal luk el.

26 ¶ Á el fwak, Ou iñi togusai lun God, oanu met si fwin sisla fute nu in foko;

27 Á el fwa motul, à tuka-kak, foñ à len, à fute fwa srunak à kapak, el nükin fuka.

28 Tu fok ſifwanu isüs fwako; met srunak, tufwa kō, tuko korn mwo on ke kō.

29 Tu ke fwako masla, kiten misiñi el šuñ mitinit, tu kapak masla tuku.

30 Á el mu, kut fwa fwak togusai lun God oanu mea? ka pupulyuk šu kut tufwa polye ke?

31 Ma oanu futin mustard si, ke kut takunalik nu in foko, ma srik liki fute nu kemwu on in foko.

32 Á ke takunalik tari, el srunak, à kapak yok liki tasrik nu kemwu, à laelik kutu lešak lulap; oanu tu mwon yin eñeyñu elos mutu lulin šaku.

33 Á ke kutu pupulyuk puspis ou iñi el fwakak kas nu selos, oanu elos ku in loñ.

34 Tu fwino wañin pupul-yuk el tin kaskas nu selos: à ke elos mugenu mukku, el akkalemye ma nu kemwu nu sin met tumal lutlut.

35 ¶ Á len si iñi, ke yikue, el fwak nu selos, mwo kut šom nu lefwalo.

36 Á ke elos sipaot met puspis tukeni tari, elos as al ke el mutu fwin oaku. Á kute pe oak sisik oelul.

37 Á eñ lulap tu mi, á na mwot tuku awfakla oaku, oanu tu sesesla.

38 Á el on unwak in oaku, motul on fwin ulul si: á elos oksalak, á fwak nu sel, Met lute, ya kom tiu pakomut'as tu kut miši?

39 Á el tukakak, á kutu-ñye eñ, á fwak mwea, Kom misla, tiu moguku. Á eñ okoki, á mislanu ma lulap.

40 Á el fwak nu selos, Efwo koñwos ku ſañeñ ou iñi? efwo ku wañin lalal-fuñi yurumwos?

41 Á elos ſañeñ ma lulap, á fwak sie sin sie, Met ſuſu met ſen, tu eñ á mwea akso'l.

SAPTER 5.

A ELOS tuku nu lefwalu, A nu yin sin met Gadara.

2 Á ke el srola liki oaku tari, kiten misiñi sie met ñun fokfok yurol el ſuno'l inkulyuk ami.

3 El mutu inkulyuku; á wañin met ku in ſuñ kapinkoslap in kopuri'lye;

4 Tu pal puspis elos kopuri'lye met ke fetter á kapin-

koslap, á el otalik kapinkoslap, á miſalla fetter; wañin met ku in ora'l lun munu.

5 Á pal nu kemwu, foñ á len, el mutu fwin eola, á inkulyuku, tuñnu, á el ſuñ eot ſifwanu lusal.

6 Á ke el liye'l Jisuſ lüs luk el, el kasus á ali nu sel.

7 Á wowoyuk ke pusral lulap, á fwak, Ka mea ña oru nu ſum, Jisuſ, Mwen nutin God fulat liki nu kemwu? Na fulak nu ſum ke God tu kom tiu akkoluk-yiyuk.

8 Tu el fwak nu sel, Nun fokfok, fwala liki met si.

9 Á el siyuk sel, ēum a ſoun? Á el tupokoat, fwakañ, Ek lisioñ; tu kem ma puspis.

10 Á el siyuk sel ma lulap tu el tiu ſipa'los wot liki annu.

11 Yin si iño un kosro pig lulap si mutu moño apkurun ke eola.

12 Á devil nu kemwu elos siyuk sel, fwakañ, ſipe kit la nu yurin piga, tu kut fwailyuk nu in selos.

13 Á kiten misiñi Jisuſ el lela elos in ſom. Á ñun fokfok elos ſom liki, á ilyuk nu in piga; á un kosro kaſus ma keku mal oatu nu in kofo, (apkurun in tausau luo,) á elos mwalomla misi in kofo.

14 Ā elos ſu kiteuñ piga kaiñla, à fwakak mao nu yin met mutu we, à kutenu an. Ā elos ſom liki in liye ma orala.

15 Ā elos tuku nu yurol Jisus, à liye el ſu devil yurol, à lision in el met, iñi el mutu, nukomañ nuknuk, à tiu mwûl; à elos ſañeñ.

16 Ā elos ſu liye mao meta, elos fwak nu ſin kutenu met fuka oreycin met devil yurol à fuka ke piga.

17 Ā elos mutamwauk in siyuk sel in ſom liki ſiske in an ſelos.

18 Ā ke el sroauk nu fwin oaku tari; el ſu devil yurol met pre siyuk sel lun oelul.

19 Ā Jisus el mu lun tiu wi, tu el fwak nu sel, Kom ſom nu yurin met kawuk lom, à luti nu ſelos ma mwo lulap ma leum el oru nu ſum, à pakomutom.

20 Ā el ſom, à mutamwauk in lutu nu in Dekapolis fuka mwo lulap ma Jisus el oru nu sel: à elos nu kemwu lut.

21 ¶ Ā ke Jisus el mutu fwin oaku ſiefwil ſom nu lefwalo tari, met puspis tuku nu yurol; à el apkurun nu mwea.

22 Ā, liye, ſie ſin mel liauñ lolñok, el Jairus, el tuku; à ke el liye'l, el putatla nu ke niel.

23 Ā pre siyuk sel ma lulap, fwakañ, Kiten an nutig el akurun nu miši; ña kenu tu kom tuku à likie pom on fwel, tu el fwa kela; à el fwa mol.

24 Ā Jisus el oelul; à met puspis fwas tukol, à elos eok sel.

25 Ā ſie mutan, ſu mas ke ſa ſiror yiu ſie-ñul-luo.

26 Ā el mwaeok ke met ſatal puspis, à lis ma lal, à el tiu mwo kutu, tu el keoki.

27 Ke el loñol Jisus, el tuku tukol in mwalin met ſi, à kalye nuknuk lal.

28 Tu el fwak, Ña fwin kalyanu nuknuk lal, ña fwa mol.

29 Ā kiten miſini ſa'l ſiror el paoala; à el etu in manol la kela ke mas ſi.

30 Ā Jisus kiten miſini el ſifwanu etu la mwo ſom luk el, ſifwanu tapulla in mwalin met ſi, à fwak, ſu kalye nuknuk luk?

31 Ā met tumal lutlut elos fwak nu sel, Efwo kom ku liye met puspis apinkome-wini, tari kom fwak, ſu kal yu wi?

32 Ā el ella liye la ſu oru ma iñi.

33 Tu mutan ſi, ſañeñ à rarrar, etu ma oru in el, el tuku putatla ye mutal, à fwakak payinu kemwu nu sel.

34 Á el fwak nu sel, An lalalfuñi lom orek kom in mol; kom šom in mwola, à mol ke mas lom.

35 Ke el kaskas ma iñi, kutu tuku yurin met liauñ lolñok su fwak, An nutum e miši; efwo kom ku loko-luke met lutti kutepe?

36 Á kitén misiñi ke Jisus el loñ ma elos kaskaskin, el fwak nu sin met liauñ lolñok, Kom tiu sañeñ, lalalfuñi mugenu.

37 Á el sañes met in fwas tukol, tu Piter, à Jemes, à Jon mugenu.

38 Á el tuku nu lom sin met liauñ imwen lolñok, à liye mwowon, à elos su tuñ à wowoyuk ma lulap.

39 Á ke el utiuk nu lü, el fwak nu selos, Efwo komwos ku mwowon, à tuñ? Tulig el tiu miši, tu el motul.

40 Á elos isasinkusa nu sel. Á ke el sis elos la nu kemwu, el es papa à nine lun tulig, à elos su oelul, à ilyuk in fokil tulig on we.

41 Á el es pon tulig, à fwak nu sel, Talita kumai, oanu ke kut tafwu, Tulig (ña fwak nu šum) tukakak.

42 Á kitén misiñi tulig el tukakak, à fwas; tu el yiu sie-ñul-luo matu. Ke elos lut elos lut ma lulap.

43 Á el mwuleuñ ma lu-

lap nu selos, tu met in tiu etu; à el šap tu e os šuñ ma nel.

ŠAPTER 6.

A EL šom liki an si iñi, à tuku nu yin sel; à met tumal lutlut elos oelul.

2 Á ke len sabat, el mutamwauk in lutti in imwen lolñok: à ma puspis loñol, elos lut, fwakañ, Oiya mi ma lun met si iñi? lalinet-met su etukiun nu sel, tu el oru me orek lulap ke paul?

3 Ya el iñi tiu carpenter, mwen nutin Meri, lel Jemes, à Joses, à Judas, à Saimon? à loul elos tiu os yuros? Á elos tugulkul ke'l.

4 Á Jisus el fwak nu selos, Met elos eukin met palu, tu yin sel, à met loul, à sou lal, elos tiu eukun al.

5 Á el koflanu oru me orek ma lulap iñi, à el filiye paul on fwin met mas pu, à akkeielos la tari.

6 Á el lut ke silalalfuñi lalos. Á el fwafwasius nu kutenu an sisik in lutti.

7 ¶ Á el pañon mu sie-ñul-luo nu yurol, à mutamwauk in sipa'los wot kais luo fwas; à šuñ nu selos ku ke ñun fokfok.

8 Á el šap elos in tiu wis kutu ma ke fwafwasius, sikal mugenu; tiu atro, tiu bred, tiu muni in tatu lalos.

9 Tu fwolkeuñ fwaluk ; à tiu nukomañ koat luo.

10 Á el fwak nu selos, Yin nu kemwu komwos ilyuk nu in lomwu, komwos mutu we nu ke pal si komwos fwala liki an si.

11 Á elos su tiu es komwos, à tiu loñ komwos, ke komwos fwala liki an si, fotoña fok ye niumwos, ma akulin ye-los. Payinu ña fwak nu su-mwos. In len ošun an Sodom à Gomorra mwo liki an si iñó.

12 Á elos šomot, à lutti tu met elos auliyuk.

13 Á elos sisla devil puspis liki, à elos suñ ſifwa mo-swela met mas puspis, à ak-keielos la.

14 ¶ Á Togusa Herod el loñol ; (tu él fwaselik;) à el fwak, Tu Jon Baptist el molyuk yin miše mi, à tu ma iñi me orek ma lulap ſifwa-nu lutti in el.

15 Kutenu fwak, Tu el Elaias. Á kutenu fwak, el met palu, ku oanu sie sin met palu.

16 Á ke Herod el lon, el fwak, El Jon, su ña pakala ſiufwel : el molyuk yin miše mi.

17 Tu Herod el ſifwanu ſapot à sruki'lye Jon, à kō-puri'lye in prison ke Herodias, mutan kiel Filip met lel ; tu el payuk el met.

18 Tu Jon el fwak nu sel Herod met, Oul ſum tu kom es mutan kiel met lium.

19 Tu ou iñi Herodias el nunok koluk nu sel, à luñsi uni'lye ; à el koflanu.

20 Tu Herod el ſañeñ sel Jon, el etu tu el met payi à mutual, à el liye'lañ ; à ke el loñol, el oru kutu ma pus-pis ; à el eñun ke loñol.

21 Á ke len mwo si tuku, tu Herod, len si ke el isūsla, el orek kofwo lun leum lal, à kaptin fulat, à leum lulap lun Galili ;

22 Á ke an nutin Herodias el tuku, à srosro, à eñunak Herod à elos su oelul mutu, togusa el fwak nu sin tulig, Kom siyuk sik ma nu ke-mwu, à ña fwa siot nu ſum.

23 Á el fulakin pusupas nu sel, Ma nu kemwu ma kom siyuk sik ke, ña fwa siot nu ſum, nu ke tafwun togusai luk.

24 Á el ſomot, à fwak nu sel nine kiel. Mea ña à si-yuk ? Á el fwak ſiufwel Jon Baptist.

25 Á kiten misiñi el ſilak-lak in tuku nu sin togusa, à siyuk fwakañ, Na lunsik tu kom si nu sik iñi ſiufwel Jon Baptist in pulet lulap si

26 Á togusa el pakomutu ma lulap, à tu ke fulakin pusupas, à tu ke'los su oelul

MARK, 6.

mutu, el kofianu lafweku-nal.

27 Ā kiten misiñi togusa el sipala sie met ūan, ā ūap in es ūiufwel: ā el ūom ā tala in prison.

28 Ā el wis ūiufwel in pulet lulap si, ā ūuñ mao nu sin nine kiel.

29 Ā ke met tumal lutlut elos loñ ke mao, elos tuku, ā srukak manol, ā fili'lye nu inkulyuku.

30 ¶ Ā met ūap elos ūifwanu tukeni nu yurol Jesus, ā oru nu sel ma nu kemwu, ā ma elos oru, ā ma elos luti.

31 Ā el fwak nu selos, Komwos mugenu tuku nu yin mesis, ā moñla kutu pal: tu met puspis tuku ā ūom, ā wanin pal si elos mutu moño.

32 Ā elos mugenu mutu fwin oaku ā ūom nu yin mesis mukku.

33 Ā met elos liye'los ke elos ūom, ā ma puspis e'tal, ā kasus nu we liki an lulap nu kemwu met mutu we, ā ūom met elos tuk, ā tukeni nu yurol.

34 Ā Jisus, ke el fwak liki; el liye met puspis, ā pakomuta'los, tu elos oanu ūip wañin met sropu: ā el mutamwauk in luti nu selos ma puspis.

35 Ā ke len si apkurun in

ſom, met tumal lutlut elos tuku nu yurol, ā fwak, An si iñi an mesis, ā iñi patla:

36 Sipa'los wot, tu elos ūom yin apneni, ā yin sisik met mutu we, ā mol bred nelos; tu wañin kutu ma nelos.

37 El tupokoñ ā fwak nu selos, Komwos ūuñ ma nelos. Ā elos fwak nu sel, Ya kem ūom ā mol bred ke pen ni luo foko, ā ūuñ nu selos in moño?

38 El fwak nu selos, sruk wal yikas yurumwos? fwak liye. Ā ke elos etu, elos fwak, limikos ā ik lugwe.

39 Ā el ūap nu selos in ora'los mutu kais sie ūrupin met on fwin ma nemnem.

40 Ā elos mutu kais sie ta, kais sie fok, ā kais lum-naul.

41 Ā ke el es srukwal limikos ā ik lugwe, el ūetak nu in kosao, ā pre, ā kunša lik srukwal, ā ūuñ nu sin met tumal lutlut in takunla ye muta'los; ā ik lugwe el kitalik nu selos nu kemwu.

42 Ā elos nu kemwu moño, ā kūp.

43 Ā elos srukak kuom sie-ñul-luo sesesla ke pus, ā ke ik.

44 Ā elos ūu moño srukwal apkurun in met limu.

45 Ā kiten misiñi el oru met tumal lutlut in sroauk nu fwin oaku, ā ūom nu le-

MARK, 7.

fwalo met el tuk nu Betsaida, ke el sipa'los wot met.

46 Ā ke el sipa'los wot tari, el ſom nu fwin eola in pre.

47 Ā ke eukela, oak on infulwin nemwu, ā el muge-nu on fwalu.

48 Ā el liye elos la kol upa; tu eñ koluk nu selos: ā apkurun ſano akakos in foñ, el tuku nu yurolos, fwafwasius mwea, ā oanu el fwas aluke'los la.

49 Ā ke elos liye'l fwafwasius mwea, elos nunku mu el ñun, ā elos wowoyuk:

50 Tu elos nu kemwu liye'l, ā ſañeñ. Ā kiten misiñi el oelulos kaskas ā fwak nu selos, Komwos mutalalik; Na nu; komwos tiu ſañeñ.

51 Ā el sroauk nu yurolos nu fwin oaku; ā eñ misla: ā elos oarulanu ſañeñ ma lulap inſielos, ā elos lut.

52 Tu elos tiu nunkauk me orekma lulap ke ſrukwal, tu inſielos upa.

53 Ā ke elos kolla tari, elos tuku nu fwäl Genesaret, ā kawukinye.

54 Ā ke elos srola fwin oaku, kiten misiñi elos eta'l.

55 Ā kasus apneni an si ñi nu kemwu; ā elos mutamwauk in wiš met mas on fwin külus, yin nu kemwu elos loñ el mutu we.

56 Ā yin nu kemwu el il-yuk nu we, yin sisik, ku yin luplap ku an nu, elos likie met mas inganek, ā pre siyu ksel, tu elos kalyanu nük-nuk lal: ā elos nu kemwu ſu kal eloskelanu.

ŠAPTER 7.

NA met Farisi, ā kutu sin met ſim, ſu tuku Jerusalem mi, elos tuku nu yurol.

2 Ā ke elos liye kutu sin met tumal lutlut moño bred ke paolos fokfok, oanu tiu tanla, elos mu sito.

3 Tu met Farisi, ā met Ju nu kemwu, elos fwin tiu tanla paolos ma lulap, elos tiu moño, tu elos ſrukje manu lun met matu met.

4 Ā ke elos tuku yin kutakot mi, elos fwin tiu tanla, elos tiu moño. Ā kutenu ma puspis selos, ma elos es ſrukje, oanu olla kup, ā pot, allu bras, ā külus.

5 Tuko met Farisi ā met ſim elos siyuk sel, Efwo met tumom lutlut ku tiu fwas in oru manu lun met matu met, tu elos moño bred ke tiu tanla paolos?

6 El tupokoanā ā fwak nu selos, Payi ma Esaias el polyi ke komwos mwoſounkas, oanu ma sim, Met iñi elos oru niwo nu sik ke ñaſrolos, ā inſielos lüs liki yu.

7 A sito ma elos ali nu sik, lutli me lutlut ma manu lun met.

8 Tu ke fili'lye ma ſap lun God, komwos ſrukie ma kas matu lun meta, oanu olla pot a kup: a kutenu ma puspis ou iñi ma komwos oru.

9 A el fwak nu selos, Payi komwos ſisla ma ſap lun God, tu komwos a ſrukie kas matu lomwos.

10 Tu Moses el fwak, Oru mwo nu sin papa tumom a nine kium; a, el ſu kas ko nu ke papa a nine, lela lun miše nu miši.

11 A komwos fwak, Met si fwin fwak nu sin papa tumal ku nine, Korban, oanu ma fwak, kiſe, ma na koſlanu ſhot nu ſum;

12 A komwos ora'l lun tiu aſuñ nu sin papa tumal ku nine kiel :

13 Komwos kanaosla kas lun God ke kas matu lomwos ma komwos oru met; a ma puspis ou iñi ma komwos oru.

14 A ke el pañon mu met nu kemwu tari, el fwak nu selos, Poroñe yu komwos nu kemwu, a etu.

15 Wañin ma likin met il-yuk nu inſiel in oru met in koluk: tu kutu ma fwas luk el, ma iñi fwa oru met in koluk.

16 Met fwin ſra in loñ, le-la lun loñ.

17 A ke el ilyuk nu in lomwu liki metu, met tumal lutlut elos siyuk sel ke pu-pulyuk si.

18 A el fwak nu selos, Ya komwos nukin pe? Ya komwos tiu etu, tu ma nu kemwu likin met ilyuk nu inſiel, koſlanu ora'l koluk;

19 Tu ma iñi tiu ilyuk nu in esal, tu inſiel, a fwas nu fwin laño, oru mwo me moñio nu kemwu?

20 A el fwak, Ma fwas liki met, ma iñi ora'l koluk.

21 Tu nu lü mi, likin esen met tuku nunok, aknunta, kosro, akmus.

22 Pusupas, rapku, koluk, kikiap, nunok kosro, mutal koluk, kas ko nu ke'l God, fulañ, ma lalfon;

23 Ma koluk iñi nu kemwu elos tuku lü mi, a orek met in koluk.

24 ¶ A el tuyuk liki an si, a ſou nu ſisken an Tair a Saidon, a ilyuk nu in lom si, a el lunsel tu met tiu etu; a el koſlanu mwukmwuk.

25 Tu sie mutan, natal an fwus si nañun fokfok yurol, el loñol, a tuku a putatla nu ye niel.

26 Mutan si mutan Greek, an sel Sairofinisia; a el pre siyuk sel lun ſisla devil liki an natal.

27 Á Jisus el fwak nu sel, lela tulig elos in kūp met, tu tiu mwo ke es bred nun tulig, à sisla nun kosro naliñul.

28 Á el tupokoañ à fwak nu sel. Ao Leum: fwin ou iñi kosro on ye tebue elos moño kutkut in me moño nun tulig.

29 Á el fwak nu sel, Ke kas si iñi kom šom; devil el šom liki an nutum.

30 Á ke el tuku nu lom sel, el liye devil šom liki, à an nata on fwin kūlus.

31 Á siefwil pe, fwas liki sisken an Tair à Saidon, el tuku nu mwean an Galili, sasla sisken an Dekapolis.

32 Á elos wis nu yurol si-loñkas, à kas lolo; à elos pre siyuk sel tu el likiye paul on fwel.

33 Á el asal liki, met pus-pis tukeni, à filiye kufin paul in sral, à el aniye, à kalye loul;

34 Á ñetak nu in kosao el šaoela à fwak nu sel, Effata, oanu ma, Igasla.

35 Á kiten misiñi sral iga-kla, à alko in loul tulala, à el kaskas šumwos.

36 Á el mwuleuñ elos in tiu fwak nu sin met: à el mwule ma lulap, elos fwa-kak mao yok luk el.

37 Á elos oarulanu lut ma lulap fwakañ, El oru ma nu

kemwu mwo: el oru met silonkas in loñ, à met kofla kas in kaskas.

ŠAPTER 8.

K E len iñó met puspis la-nu tukeni, à wañin ma-nelos, Jisus el pañon mu met tumal lutlut, à fwak nu se-los,

2 Ña pakomutu met pus-pis tukeni, tu elos mutu yu-ruk len tolu, à wañin ma-nelos.

3 Á ña fwin sipa'los wot ke elos lualo nu lom selos, elos fwa mululla ineku: tu kutu selos fwas yin lüs mi.

4 Á met tumal lutlut elos tupokoañ nu sel, Oiya mi met si a es bred šuñ in sru-kak met iñi tu elos kūp yin wañin met mutu we?

5 Á el siyuk selos, Srukwal yikas yurumwos? Á elos fwak, Itkos.

6 Á el šap met in mutu in foko. Á el es srukwal itkos, à šuñ kulu, à kunšalik, à šuñ nu sin met tumal lutlut, in filiye ye mutun met pus-pis tukeni.

7 Á kutu ik pu sisik yuro-los: à el ali, à šap in fili pe ye mutualos.

8 Ou iñi elos moño, à kūp; à elos srukak luin moño ku-on itkos.

9 Á elos šu moño apkurún an siu: à el sipa'loswot.

MARK, 8.

10 ¶ Á kiten misiñi el sroauk nu fwin oaku wi met tumal lutlut, à tuku nu kutenu an Dalmanuta.

11 Á met Farisi elos tuke liki, à mutamwauk in siyuk sel, elos ſuk sie akul in koſaoe mi sel in srifwel.

12 Á el ſao ma lulap in ñunala, à fwak, Efwo fwil ſi iñi ku ſuk akul ſi? Payinu ña fwak nu ſumwos, wañin akul etikiuñ nu sin fwil ſi iñi.

13 Á el fullelosye, à ſiefwil sroauk nu fwin oaku ſom nu lefwalo.

14 Á elos mulkunla in es bred, à ſrukwal ſiewanu yurolas in oaku.

15 Á el mwuleuñ nuselos, fwakañ, Liaun, ſismouk me pulolak lun met Farisi, à me pulolak lun Herod.

16 Á elos tukeni asiuki fwakañ, Tu wañin bred yuros.

17 Á ke Jisus el etu, el fwak nu selos, Efwo komwos asiuki tu wañin bred yurumwos? Ya komwos tiu liye iñi, à tiu etu? ya in ſiumwos upala iñi?

18 Os mutumwos, ya komwos tiu liye? à ſreumwos, ya komwos tiu loñ, à komwos tiu esam?

19 Ke ña kunſalik ſrukwal liinikos yurin met limu, kuom yikas ſesela ke luin

moño komwos ſrukak? Elos fwak nu sel, sie-ñul-luo.

20 Á ke itkos yurin met ao, kuom yikas ſesela ke luin moño komwos ſrukak? Á elos fwak, Itkos.

21 Á el fwak nu selos, Efwo komwos ku tiu etu?

22 Á el tuku nu Betsaida; à elos wis sie met kun nu yurol, à pre siyuk sel lun kali'lye.

23 Á el ſrukje pon met kun, à kolol liki an met mutu we; à ke el aniye mutual, à filiye paul fwel, el siyuk sel, Mea kom liye kutu?

24 Á el ñetak à fwak, Ña liye met oanu ſaku fwafwarius.

25 Tuko el ſiefwil filiye paul ke mutual, à ora'l lun ñetak; à el kelanu, à liye met nu kemwu ſumwos.

26 Á el ſipa'lot nu lom sel, fwakañ, Nik kom ſom nu yin met mutu we, à nik kom fwak mao nu sin sie met we.

27 ¶ Á Jisus el ſom liki, à met tumal lutlut oelul, fwas nu kutu an Sesarea Filipai: à ke el os ineku el siyuk nu sin met tumal lutlut, fwakañ nu selos, Mea met fwak keik?

28 Á elos tupokoañ, Jon Baptist: à kutenu fwak, Elalias; à kutenu, sie sin met palu.

29 Ā el fwak nu selos, Ā komwos inu ſuo ñao? Ā Piter el tupokoañ ā fwak nu sel, Kom Kraist.

30 Ā el mwuleuñ nu selos, tu elos in tiu ora'l nu sin met.

31 Ā el mutamwauk in luti nu selos, tu Mwen nutin met el tufwa keokinu ke ma puspis, ā met matu, ā met tol fulat, ā met ſim elos sis el la, ā uni'lye, ā tukin len tolu el siefwil molyuk.

32 Ā el fwak kas iñi lem-tulaiuk. Ā Piter el as al, ā mutamwauk in kaiyuk nu sel.

33 Ā ke el tapulla ā netañ nu sin met tumal lutlut tari, el kaiyuk nu sel Piter, fwakañ, Tuyuk liki yu Se-tan; tu kom tiu nunkeuk ma lun God, tu ma lun metu.

34 Ā ke el pañon mu metu, ā met tumal lutlut pe tari, el fwak nu selos, El ſu luñsi fwas tukuk, lela lun ſifwanu laflafwekin, ā ſrukak ſaksiñ ſugo lal, ā fwas tukuk.

35 Tu el ſu luñsi mol in mol lal fwa tula mao; ā el ſu tula mol lal keik ā ke mwo ſaſu, el iñi fwa mol mao.

36 Tu mea mwo nu sin met, el fwin es fwak nu kemwu, ā ñunal fwa tula?

37 Ka mea met ſuñ in aola ñunal?

38 Tu ou iñi el ſu mekin sik, ā ke kas luk, in fwil si iñi kosro ā koluk, Mwen nutin met el tufwa mekin sel ke el tuku in ma mwowo lun Papa tumal, lipufon mu-tal elos oelul.

SAPTER 9.

A EL fwak nu selos, Pa-yinu ña fwak nu ſumwos, Kutu met ſu tuyuk iñi, elos tiu pulakin miše, nu ke pal si elos liye togusañ lun God tuku ke ku.

2 ¶ Ā tukin len onkos Jisus el suloltalu Piter, ā James, ā Jon, ā atlilos nu fwin eol fulat elos mukku mutu; ā el ekla ye mutualos.

3 Ā nuknuk lal ſaromrom, fwosfwos lanu oanu wiyaoa; oanu ke met fwalu ſu orek nuknuk in fwosfwos el tiu ku in akfwosiyela kutu.

4 Ā Elaias wi Moses eltal sikmi nu yurolos; ā eltal oelul Jisus kaskas.

5 Ā Piter el tupokoañ ā fwak nu sel Jisus, Rabbai mwo tu kut mutanu yinu: ā mwo tu kut miſa lom sra tol; sie ſum, ā sie ſin Moses, ā sie ſin Elaias.

6 Tu el nukin ma lun fwak; tu elos ſañen lanu.

7 Ā sie pukunieñ afnu-losla: ā pusra tuku in puku-

MARK, 9.

nieñu, fwakañ, el iñi Mwen kulu si nutig : komwos loñol.

8 Á kiten misiñi ke elos ñetñet apneni, elos tiu liye sie met, tu Jisus mugenu oelulos.

9 Á ke elos oatu fwin eol mi, el mwuleuñ nu selos tu elos in tiu fwak nu sin met kutu ma elos liye, nu ke tukin pal si Mwen nutin met el molyuk yin miše mi.

•10 Á elos mugenu srukie kas si iñi, á sie siyuk sin sie fuka molyuk yin miše mi.

11 Á elos siyuk sel, fwakañ, Efwo met šim ku fwak nu Elalias á tuku meta ?

12 Á el tupokoañ á fwak nu selos, Payi Elalias el tuku met, á akšumwosyela ma nu kemwu ; á fuka ma elos šim ke Mwen nutin met, tu el fwa keokiüñ ke ma puspis, á sruñel lanu.

13 Tu na fwak nu šumwos, Payi Elalias el tuku, á elos oru nu sel ma elos luñselos, oanu ma šim ke'l.

14 ¶ Á ke el tuku nu yurin met lutlut, el liye met puspis tukeni apnuloseni, á met šim oelulos asiuki.

15 Á kiten misiñi met nu kemwu, ke elos liye'l, elos lut ma lulap, á kasus nu yurol, pañul.

16 Á el siyuk sin met šim, Mea komwos oelulos asiuki keen ?

17 Á sie sin met puspis tukeni el tupokoñañ, á fwak, Met Luti, ña wis nu yurum mwen nutig, ñun koflanu kas yurol ;

18 Á an nu kemwu ke el sruki'lye, el sisi'lye, a et atinfulak ke el ñañorñor in mwusi; á el sriila: á ña fwak nusin in met tumom lutlut tu elos in sis el la; á elos koflanu.

19 Á el tupokoñañ nu sel, a fwak, o fwiil šilalalfuñi ! putaka ña mutu yurumwos ? putaka ña muteñ komwos ? wis el nu yuruk.

20 Á elos wis el nu yurol ; á ke el liye'l, kiten misiñi ñun ora'l lun lulek ; á el putatla nu in foko, á tupurpur atinfulak fwas.

21 Á el siyuk sin papa tumal, Putaka mas iñi tuku nu yurol ? Á el fwak, ke el tulig.

22 Á pal puspis, el sis el la nu in e, á nu in kof, lun uni'lye : tu kom fwin ku in orek kutu mao, kom pakomutas, á kase kit.

23 Jisus el fwak nu sel, Kom fwin ku in lalalfuñi, el su lalalfuñi ku ke ma nu kemwu.

24 Á kiten misiñi papa lun tulig el wowoyuk, á tuñ kaskas, leum ña lalalfuñi, kase yu tu ña tiu šilalalfuñi.

25 Ke Jisus el liye met

puspis tukeni kasus, el mwuleuñ ñun fokfok, fwakañ nu sel, Nun sikas ä siloñkas ña mwuleot nu šum, tu kom fwas luk el, ä tiu siefwil ilyuk nu in el.

26 Ä ñun el wowoyuk, ä ora'l lun lulek ma lulap, ä šom luk el: ä el oanu miše; oanu tu met puspis fwak, El miše.

27 Ä Jisus el saplakiuñ srukie paul, ä takšalak: ä el tuyuk.

28 Ä ke el ilyuk nu in lomwu, met tumal lutlut elos mukku siyuk sel, Efwo kem ku tiu ku in sis el la?

29 Ä el fwak nu selos, Ma iñi koflanu tuke liki, tu ke pre ä lalo mugenu.

30 ¶ Ä elos šom liki, ä fwas sasla Galili; ä el tiu luñsi tu met etu.

31 Tu el luti nu sin met tumal lutlut, a fwak nu se los, Mwen nutin met etikiuñ nu in pon met, ä elos tufwa uni'lye; ä tukin pal si ke el miše, el tufwa molyuk ke len si aktolu.

32 Ä elos tiu etu kas si iñi, ä elos ſañeñ in siyuk sel.

33 Ä el tuku nu Kapernaum: ä ke el mutu in lomwu el siyuk selos, Mea komwos ku tukeni asiuki ke inganeku?

34 Ä elos misla: tu ineku elos asiukiuk su fulat liki nu kemwu.

35 Ä el mutu, ä pañon mu sie-ñul-luo, ä fwak nu selos, Met si fwin luñsi in masi meta, el tufwa tuk liki nu kemwu, ä kulansap nu kemwu.

36 Ä el es sie tulig, ä fili-lye infulwe: ä ke el sruk lulak in paul, el fwak nu selos.

37 El su es sie sin tulig ou iñi in èk, el es yu; ä el su fwa es yu, tiu es yu, tu el su sipe yu.

38 Ä Jon el tupokoñañ nu sel, fwakañ, Met Luti, kem liye sie met el sisla devil liki ke èum, ä el tiu wi kem fwas; ä kem mu lun tiu ou iñi, tu el tiu wi kem fwas.

39 Ä Jisus el fwak, Nik komwos ou iñi nu sel: tu met si fwin orek menmen in èk, el koflanu kaskas ko keik.

40 Tu el su tiu lain kit, el wi kit.

41 Tu el su fwa as'ot ale in kof nimomwos in èk, tu komwos ma lun Kraist, payinu ña fwak nu šumwos ma lun Kraist, payinu ña fwak nu šumwos, mol lal fwa tiu tula.

42 Ä el su aktugulkluye sie sin ma sisik su lalalfuñi in ña, mwo liki nu sel tu suñ tem sripusye in kaiwel, ä sis el la nu mwea.

43 Ä la pom fwin aktugul-

MARK, 10.

kuli kom, otela: mwo kom
som nu yin mol la pom sru-
mwunla, fwin po luo kom
som nu yin hell, nu in e
kamwul :

44 Yin mwet lalos tiu miše,
ä e tiu kunla.

45 Ä la nium fwin aktu-
gulkuli kom, otela: mwo nu
sum tu kom som nu yin
mol la nium, fwin luo nium
kom som nu yin hell, nu in
e kamwul :

46 Yin mwet lalos tiu miše,
ä e tiu kunla.

47 Ä la mutom fwin aktu-
gulkuli kom, kom tipella:
mwo nu sum tu kom ilyuk
nu in togusaï lun God ke
sie mutom: fwin luo mutom
kom som nu in e in hell :

48 Yin mwet lalos tiu miše,
ä e tiu kunla.

49 Tu ukemwu soleyik la
ke e, oanu me eumwel nu
kemwu fwa soleyikla ke sol.

50 Sol mwo: tu eman sol
fwin wañin, kut a solela ya?
Komwos lela sol in komwos,
ä komwos lela misla sie sin
sie.

ŠAPTER 10.

A EL tuyuk liki, ä tuku
nu kutu an Judea, likin
yeno Jordan; ä met elos
siefwil tuku nu yurol: ä
oanu meta el siefwil luti nu
selos.

2 Ä met Farisi elos tuku

nu yurol, ä siyuk sel, Ya tiu
oul tu met sisla mutan kiel?
Elos srifwe'l.

3 Ä el tupokoäñ ä fwak nu
selos, Mea Moses el sapkin
nu sumwos?

4 Ä elos fwak, Moses el mu
in suñ me sim in sisla, ä in
sis el la.

5 Ä Jisus el tupokoäñ ä
fwak nu selos, Tu upa in-
sumwos el sim nu sumwos
me sap si iñi.

6 Ä pal si ke el muta-
mwauk in oru fwalu, God
el ora'ltal mogul ä mutan.

7 Tu ou iñi met a fwa likie
papa tumal ä nine, ä strukie
mutan kiel;

8 Ä eltal tufwa ikwe si la:
ä ke ma iñi eltal tiu siefwil
luo, tu ikwe siewunu.

9 Tu ou iñi ma God el
siseni nu sie, lela met in tiu
eselik.

10 Ä in lomwu met tumal
lutlut elos siefwel siyuk sel
ke ma iñi.

11 Ä el fwak nu selos, El
su fwa sisla mutan kiel, ä
payuk sienu, el kosro ke'l.

12 Ä mutan el fwin sisla
mogul tumal, ä payuk sienu,
e kosro.

13 ¶ Ä elos wis kiten
tulig nu yurol lun kale-
losi: ä met tumal lutlut elos
igulye su wis elos.

14 Ä ke Jisus el liye, el
silunsel ma lulap, ä fwak nu

selos, Lela tulig sisik elos in
tuku nu yuruk, ä nikmit
igololosi; tu sin ma iñi ma
lun togusaï lun God.

15 Payinu ña fwak nu
sumwos, El su tiu es togusaï
lun God oanu tulig sisik,
el koflanu ilyuk nu lü.

16 Ä el sruklulosyuk in
paul, filiye paul fwelos, ä
pre ke'los.

17 ¶ Ä ke el som liki nu
inganek tari, sie el kasus, ä
sikukunutunti nu sel, ä siyuk
sel, Met Luti Mwo, mea ña
oru tu ña fwa es mol ma
patpat?

18 Ä Jesus el fwak nu sel,
Efwo kom ku ña mwo?
Wañin mwo, tu God mu-
genu.

19 Kom etu ma sap sie-ñul,
Nik kom kosro, Nik kom
akmus, Nik kom pusupas,
Nik kom kikiap, Nik kom
riela, oro mwo nu sin papa
tumom ä nine.

20 Ä el tupokoäñ ä fwak
nu sel, Met Luti, ña srukie
ma iñi nu kemwu ke ña
tulig nu iñi.

21 Na Jesus ñetañ nu sel el
luñsi el, ä fwak nu sel, Sie
ma sitoela sum; kom fwasot
kuka ma lom, ä suñ nu sin
met sigasrup, ä fwa os ma
lom nu in kosao: ä tuku,
ä srukak saksiñ, ä fwas
tukuk.

22 Ä el toas insiel ke kas

si iñi, ä som pakomutu ; tu
ma puspis ma lal.

23 Ä Jesus el ñetñet apne-
ni, ä fwak nu sin met tumal
lutlut, We upalanu tu met
gasrup fwa ilyuk nu in to-
gusaï lun God !

24 Ä met lutlut elos lut ke
kas lal. Ä Jesus el siefwil
tupokoäñ ä fwak nu selos,
Tulig, fuka ma upalanu se-
los su foñyuñ ke ma gasrup
fwa ilyuk nu in togusaï lun
God !

25 Kamel el fwas sasla ke
kor in nilel, fusas liki met
gasrup ilyuk nu in togusaï
lun God !

26 Ä elos oarulanu lut ma
lulap, fwakañ sie sin sie,
Fwin ou iñi ka su ku in
mol ?

27 Ä Jesus el ñetañ nu selos
fwak, Yurin met elos kofla-
nu, tu tiu ou iñi yurol God :
tu God el ku ke ma nu ke-
mwu.

28 ¶ Na Piter el muta-
mwauk in fwak nu sel, liye,
kem aliki ma nu kemwu lu-
mem, ä fwas tukum.

29 Jesus el tupokoäñ ä
fwak, Payinu ña fwak nu
sumwos, Met fwin aliki lom,
ku lel, ku loul, ku papa, ku
nine, ku mutan kiel, ku tu-
lig, ku fwal, ke ña, ä mwo
sañu.

30 El tufwa es kais sie-fok
iñi ke pal si iñi, lom, ä lel, ä

loul, à nine, à tulig, à fwal, wi kolya; à in fwal tuko mol ma patpat.

31 À ma puspis ma si meta fwa masi tuko; à masi tuko fwa masi meta.

32 ¶ À elos os inganek fwasyuk nu Jerusalem; à Jisus fwas met elos tuk: à elos lut; à ke elos fwas tuk elos sañen. À el siefwil su-loiuk met sie-nul-luo, à mutamwauk in luti nu selos kutu ma a tuku nu yurol.

33 Fwakañ, Liye, kut fwa-siuk nu Jerusalem; à Mwen nutin met fwa etikiun nu sin met tol fulat, à nu sin met sim; à elos tufwa pani lun mas, à fwa asalañ nu sin met Pegan:

34 À elos fwa aknunta'l, à sruñlul, à an'el, à uni'lye; à ke lensi aktolu el siefwil molyuk.

35 ¶ À Jemes à Jon, nutin Zebede, eltal tuku nu yurol, fwakañ. Met Luti, ketal kenu tu kom oru nu sital ma ketal a luñsital.

36 À el fwak nu seltal, mea komtal kè tu ña a fwa oru nu ñumtal?

37 Eltal fwak nu sel, Si nu sifal tu ketal fwa mutu, sie on le pom leyut, à sie on le pom lesi in mamwovo lom.

38 À Jisus el fwak nu seltal, Komtal nikin ma komtal siyuk ke. Ya komtal

ku in numla kupsi ma ña nim ka? à baptais sie baptais ña baptaisla ke?

39 À eltal fwak nu sel, Ke tal ku. À Jisus el fwak nu seltal. Aok komtal tufwa numla kup si ña ninnim ke, à komtal tufwa baptais ke sie baptais ma ña baptaisla ke:

40 À tiu ma luk in siot mutu on le pok leyut à le pok le si; tu ma lal su akoala ke.

41 À ke sie-nul elos loñ, elos mutamwauk in siluñ ma lulap ke Jemes à Jon.

42 À Jisus el pañolos, à fwak nu selos, Komwos etu tu elos su nunku inwo in leum lun met Pegan elos leum lalos, à elos su fulat elos suñ me sap nu selos.

43 À tiu ou iñi yurumwos: tu el su luñsi fulat liki komwos, el tufwa met kulansap lomwos.

44 À el su ñumwos luñsi fulat liki nu kemwu, el fwa fukwe komwos nu kemwu.

45 Tu Mwen nutin met el tiu tuku tu met in kulansap al, el tu in kulansap, à in suñ mol lal in molula met puspis.

46 ¶ À elos tuku nu Jeriko, à ke el fwas liki Jeriko met tumal lutlut à met puspis wi, Bartimeus, met kun mutal, mwen nutin Tiineus, el mutu puponeku, ñus.

47 Á ke el loñ tu el Jisus lun Nazaret, el mutamwauk in wowoyuk, à fwak, Jisus, Mwen nutin Devid, pakomutuk.

48 Á met puspis elos mwuleuñ lun tiu kas: à el wowoyuk yok lanu, Mwen nutin Devid, pakomutuk.

49 Á Jisus el tu, à ſap in pañnol. Á elos pañon met kun muta, fwakañ nu sel, Kom eñunak, tuyuk; el pañun kom.

50 Á ke el sisla nuknuk lal, el tuyuk, à tuku nu yurol Jisus.

51 Á Jisus el tupokoañ à fwak nu sel, Mea kom luñšom tu ña oru nu šum? Met kun el fwak nu sel, Robonai, ña kenu liye.

52 Á Jisus el fwak nu sel, Kom ſom, lalalfuñi lom moli kom la. Á kiten misiñi el liye, à el fwas tukol Jisus ineku.

SAPTER 11.

A KE el tuku apkurun nu Jerusalem, nu Betfes, à Beteni, nu ke eol Olive, el sipaot luo met tumal lutlut.

2 Á fwak nu seltal, Komtal fwas nu yin sisik meto: à kiten misiñi ke komtal ilyuk nu we, komtal fwa konoiock kolt kopuri, wañin met mutu fwe umet nu iñi; tula'l la, à wis el.

3 Á fwin sienu met fwak nu šumtal, Efwo komtal ku oru ou iñi? komtal fwak, Leum el luñsi el; à kiten misiñi el fwa sipa'l mu.

4 Á eltal ſoin, à konoiock kolt kopuri likin mutan oaoa ke inek atupali; à eltal tula'l la.

5 Á kutu selos tu iñó fwak nu seltal, Komtal fukunku tulala kolt?

6 Á eltal fwak nu selos oanu ma Jisus el ſap: à elos lela elos in ſom.

7 Á elos wis kolt nu yurol Jisus, à filiye nuknuk lalos on fwel; à el mutu fwel.

8 Á met puspis lakunalik nuknuk lalos ineku; à kutu pakala lešak liki ſaku, à nela ineku.

9 Á elos ſu fwas met, à elos ſu fwas tuk, wowoyuk, fwakañ, Hosanna; Insi mwovo el ſu tuku in él Leum.

10 Insi mwovo togusañ lun papa tumus Devid, ſu tuku in él Leum: Hosanna in fulat liki nu kemwu.

11 Á Jisus el ilyuk nu in Jerusalem, à nu in imwén tempel: à ke el ñetñet liani ma nu kemwu tari, à iñi ke ekela, el som liki nu Beteni sie-ñul-luo oelul.

12 ¶ Á lutu, ke elos tuku Beteni mi, el musinsral.

13 Á ke el liye ſak fig lusi-la, ſra on ke, el tuku, el a la

MARK, 11.

konoik la fute ma tiu fute: à ke el tuku nu kē, wañin ma el konoik sra mugenu; tu tiu fute: à ke el tuku nu ke, wañin ma el konoik sra mugenu; tu tiu pal si fig on wulo.

14 Ā Jisus el tupokoāñ à fwak nu ke, Wañin met koñ fute ke'um iñi nu tuko. Ā met tumal lutlut elos loñ.

15 Ā elos tuku nu Jerusalem; à Jisus el ilyuk nu in imwen tempel, à mutamwauk in sis elos la šu kutakot à mol in imwen tempel, à topkakunla tepue lun met ayaol moni, à me mutu lun met kutakot mulioa;

16 Ā el sañes met in wis kutu ma sasla imwen tempel.

17 Ā el luti, fwakañ nu selos, Ya mao tiu sim, Met an nu kemwu elos pañpañ lom sik, Imwen ali? à komwos oru ma lufin met pusapas.

18 Ā met sim a met tol fulat elos loñ, à sukuk fuka elos fwa uni'lye: tu elos šañen sel, tu inet nu kemwu lut ke kas lal.

19 Ā ke ekela, el šom liki yin lulap met mutu we.

20 ¶ Ā o lutue, ke elos fwas alukela, elos liye sak fig masla ten nu lun.

21 Ā Piter el esamye, à fwak nu sel, Rabbai, liye,

sak fig ma kom kas ko ke maslanu!

22 Ā Jisus el tupokoāñ fwak nu selos, lalalfuñol God.

23 Tu payinu ña fwak nu sumwos, Tu el šu a fwak nu ke eol sugo iñi, Mogukla, à šom nu mwea; à tiu silalalfuñi insiel, tu lalalfuñi ma el fwak, a fwa oru; el tufwa es ma el siyuk ke.

24 Tu ou iñi ña fwak nu sumwos, ma nu kemwu ma komwos luñšomwos ke komwos pre, lalalfuñi tu komwos es mao, à komwos fwa es mao.

25 Ā ke komwos tu pre, nunok munas, komwos fwin es kutu ma lain met; tu Papa tumomwos šu in kosao el fwa nunok munas pe ke ma koluk lomwos.

26 Ā komwos fwin tiu nunok munas, Papa tumomwos šu in kosao el fwa tiu nunok munas ke ma koluk lumwos.

27 ¶ Ā elos siefwil pe tuku nu Jerusalem: à ke el fwa-fwasius in imwen tempel, met tol fulat, à met sim, à matu, elos tuku nu yurol,

28 Ā fwak nu sel, Ma ya ma šap si kom òrek makin? à šu siot nu šum šap si iñi tu kom oru ma iñi?

29 Ā Jisus el tupokoāñ à fwak nu selos, Na siyuk pe sumwos sie ma, à tupok mu

nu sik, à ña fwa fwak nu
sumwos ma ya ñap si ña oru
ma iñi.

30 Baptais lun Jon, la in
kosao emi, ku yurin met mi ?
Tupok mu nu sik.

31 À elos asiyuki sie sin
sie, fwakañ, Kem fwin fwak,
Inkosao emi; el a fwak,
Efwo komwos ku tiu lalafuñol ?

32 À kem fwin fwak, Yu-
rin met mi; elos ñañeñ sin
metu; tu met nu kemwu
ora'l Jon, ma met palu payi.

33 À elos tupokoñañ à fwak
nu sel Jisus, Kem koflanu
fwak. À Jisus el tupokoñañ
à fwak nu selos, Ña pe tiu
fwak nu sumwos ma ya ñap
si ña oru ma iñi.

ŠAPTER 12.

A EL mutamwauk in kas-
kas nu selos ke pupulyuk.
Sie met el eokiye ima
fainsi, à kolasla, a pukanak
an wain siror nu we, à misa
imwen tawi, à fileuñañ nu sin
met ima, à el ñom nu yin
lulis sel.

2 À ke pal si matula el si-
paot met kulanşap nu sin
met ima, tu el fwa es liki
met ima fokin fain in kolkol
si.

3 À elos sruki'lye, à onel,
à sipa'l la el pusinpo.

4 À el siefwil sipaot nu se-
los sie pe kulanşap; à elos

sis eot nu sel, à tuñal siu-
fwel, à elos sipa'l la akoñye-
tanol.

5 À el siefwil pe sipaot
sienu; à elos uni'lye, à met
puspis pe; elos uni kutu, à
uni'lye kutu.

6 À tu sie mwen, tulig ku-
lu natal, el sipa'l ot pe tuk
nu selos, fwakañ, Elos tufwa
sunakin mwen nutig.

7 À met ima elos tukeni
kaskas, El iñi met usru;
fwasu, kut in uni'lye, à
usru tufwa las.

8 À elos asal, à uni'lye, à
sis el liki kolkol un fain si.

9 Tu ou iñi mea leum lun
kolkol un fain si tufwa oru ?
El à fwa tuku à uniye met
ima, à fwa ñuñ kolkol un
fain si nu sin kutenu met.

10 À komwos tiu rid ma
sim iñi; Eot si ma met mu-
sa sisla met, elos oru iñi in
sumwosrik in eot:

11 Ma iñi ma Jeova el oru
met, à ma lut in mutas ?

12 À elos sok ol in sruki'-
lye, à elos ñañeñ sin metu :
tu elos etu el la kaskas kin
pupulyuk si lain elos : à elos
liki'lye, à ñom.

13 ¶ À elos sipaot nu sel
kutu sin met Farisi à sin
met Herod, in sruki'lye ke
kas lal.

14 À ke elos tuku, elos
fwak nu sel, Met Luti, kem
etu tu kom payi, à tiu ko-

MARK, 12.

lak sin met; tu kom pilesu monin met, à luti nekul God payinu: Ya tiu oul tu kut ūn kiše nu sin Sisar ku oul?

15 Ya kut ūn ku tiu ūn? À ke el etu kutasrik lalos, el fwak nu selos, Efwo komwos ku srifwe yu, Usi nu sik penne si, tu ūa liye.

16 À elos usi. À el fwak nu selos, Mutun ū ou iñi à lun sim? À elos fwak nu sel, lun Sisar.

17 À Jisus tupokoan fwak nu selos, ūn nu sel Sisar ma lun Sisar, à nu sin God ma lun God. À elos lut ke'l.

18 ¶ Na met Saddusi, ū fwak, à tiu siefwil molyuk; elos tuku nu yurol, à siyuk sel, fwakañ.

19 Met Luti, Moses el sim nu ses, Met lin met si fwin miši, à mutan kiel mutu, à wañin tulig natal, met lel el es mutan kiel, à akmolyauk fokin met lel.

20 À tamulel itkos: à maši meta el es mutan kiel, à miši, tiu filiye fwako'l.

21 À el si akluo asal, à miši; el pe tiu filiye fwako'l; à el si aktolu ouya pe.

22 À met itkos asal, à tiu filiye fwako: tuko'los kemwu mutan el miše pe.

23 Tu ou iñi pal si a molyuk, ke elos fwa molyuk,

kien ū ke mutan si iñi? Tu met itkos asal kielos.

24 À Jisus tupokoan fwak nu selos, Ya tu ou iñi komwos tiu sito, tu komwos nukin ma sim, à ma ku lun God?

25 Tu ke elos molyuk yin miše mi, elos tiu payuk à tiu ūn in payuk: tu elos oanu lipufon ū in kosao.

26 À ke met miši, tu elos molyuk; ya komwos tiu rid in buk natal Moses, fuka ke in tušak, God el kaskas nu sel fwakañ, Na God lun Abraam, à God lun Aisak, à God lun Jekob?

27 El tiu God lun met miši, tu el God lun met mol: tu ou iñi komwos situ e lanu.

28 ¶ À sie sin met sim el tuku, à ke el loñ elos tukeni kaskas, à etu tu el tupokoan nu selos mwo, el siyuk sel, Ma ia ke ūap met liki nu kemwu?

29 À Jisus el tupokoan nu sel, Masi meta ūap liki nu kemwu, o'iñi, Poroño, O Israel, Jeova God las, Jeova siewunu:

30 À kom luñsom Jeova God lom ke inšium kemwu, à ke in ūnum kemwu, à ke nunkom kemwu, à ke ku lom kemwu: ma iñi pa ūap meta.

31 Masi akluo ou iñi, Kom

luñsom met lom oanu kom sifwanu. Wañin kutenu sap yok liki ma iñi.

32 Á met sim el fwak nu sel, Mwo, Met Luti, kom fwak payi: tu God siewunu, á wañin sienu, el mugenu:

33 Á in luñsi el ke insie kemwu, á ke nunku kemwu, á ke ñun kemwu, á ke ku kemwu, á in luñsi met oanu el sifwanu, ma iñi yok kiše fon furur kemwu, á kemwu euwel.

34 Á ke Jisus el liye tu el tupok mwo, el fwak nu sel, Kom tiu lüs liki togusai lun God. Á tukin ma iñi, wañin met pulaik in siyuk sel kutu ma.

35 ¶ Á Jisus el tupokoan á fwak ke el luti in imwen tempel, Fuka met sim elos fwak tu Kraist el Mwen nutin Devid?

36 Tu Devid el sifwanu fwak ke Nun Mutual, Jeova el fwak nu sin Leum luk, Kom mutu on le pok lesi nu ke pal si ñatu fwa orek met inwesral lom in lañoeuk nium.

37 Tu ou iñi Devid el sifwanu pañol Leum; fwin ou iñi fuka el mwen natal? Á met sisik elos eñun ke loñol.

38 Á el fwak nu selos ke me lutlut lal, Komwos sis-mouk ke met sim, su luñsi

fwas ke nuknuk lüs, á painiuk yin kutakot.

39 Á luñsi me mutu lun leum in imwen lolñok, á niin leum ke kofwo:

40 Á wupani lom sin kotin inas, á kutasrik ke pre lülis: elos iñi fwa es anwuk yok lanu.

41 ¶ Á Jisus el mutu niin fwil tatù on ye mutual, á el liye fuka met suñ muni nu fwil; á ma puspis met gasrup elos suñ muni puspis.

42 Á sie kotin mas sigasrup el tuku, á el suñ nu lü kiten muni sisik, luo oanu fartiñ.

43 Á el pañon mu met tumal lutlut, á fwak nu selos. Payinu ña fwak nu sumwos, Tu kotin mas sigasrup iñi el suñ nu lü yok liki ma elos nu kemwu suñ nu lü in fwil tatù:

44 Tu elos kemwu suñ nu lü ke ma puspis lalos; á el, tu el sigasrup, suñ nu lü ma nu kemwu lal, payinu me mol lal nu kemwu.

SAPTER 13.

A KE el som liki imwen tempel, sie sin met tumal lutlut fwak nu sel, Met Luti, liye eot su o'iñi, á lom su o'iñi!

2 Á Jisus tupokoan fwak nu sel, Ya kom liye kutu lom lulap iñi? tufwa wañin

sie eot on fwin sie, à mao moguk lanu.

3 Á ke el mutu fwin eol Olive, imwen tempel on ye mutal, Piter à Jemes à Jon à Andru elttotal mugenu si-yuk sel.

4 Fwak nu šes, pal ya ma iñi à tuku? à akul šu ke ma iñi nu kemwu fwa payi-kin?

5 Á Jisus tupokoan nu se-los el mutamwauk in fwak, Liauñ tu kutu met tiu kiape komwos la.

6 Tu met puspis fwa tuku in ék, fwakañ, Na Kraist; à fwa kiapala met puspis.

7 Á ke komwos fwa loñ meun, à kaskas ke meun, komwos tiu fosña: tu ma iñi fwa oru; tu tiu safla iñi.

8 Tu sie an fwa tuyuk lain sie an, à togusai lain togusai; à kutu fwalu fwa rarrar, à fwa sral à añañ: ma iñi mutamwauk ke fosña.

9 ¶ Á komwos sifwanu liye komwosyuñ: tu elos fwa es komwosyuñ nu ke mwolil; à fwa uni komwos in lolnok: à fwa wis komwosyuñ nu yurin leum à togusa ke ña, à ke ma lo lain elos

10 Á meta mwo šasu a fwa lutu nu sin met fwal e nu kemwu.

11 Á ke elos fwa kol komwos, à es komwosyuñ, ko-

mwos tiu nunku met ma komwos kaskas kin tuk, à tiu nunkauk met: tu ma asiot nu šumwos nu ke auu a ma komwos fwa kaskas kin: tu tiu ma komwos kaskas, tu Nun Mutual.

12 Á lel fwa tukakunak el lel, à papa *tukakunak* mwen; à tulig fwa tuyuk lain papa nine, à fwa ora'los in miši.

13 Á met e nu kemwu fwa sruñe komwos la ke ék: à el šu oru mwo nu ke safla fwa mol.

14 ¶ Á ke komwos liye ma koluk lanu lun ma kanaos lanu, tu yin oul an ma on we, ma Daniel met palu el kaskas met, (lela el šu rid lun etu,) na elos šu mutu in Judea lela elos in kasus nu fwin eolu:

15 El šu mutu fwin lomwu lun lela lun tiu fwuni nu in lomwu, à tiu ilyuk nu lù in es kutu ma liki lom sel.

16 Á el šu ima lela lun tiu siefwil forla in es nuknuk lal.

17 Á we nu selos šu putete, à nu selos šu katiti in len iñó!

18 Á komwos pre siyuk tu komwos tiu kasus šom ke pal musis.

19 Tu in len iñó fwa ma koluk, oanu tiu ou meta ke mutamwauk oru ma God el

orala nu ke pal si iñi, ã nu tuko.

20 Á Leum el fwino tiu akfototoye len iñó, wañin ikwe a mol: tu ke met šulüla, šu el šulüla, el akfototoye lena.

21 Á na sienu met fwin fwak nu šumwos, Liye, Kraist el iñi; ku liye, el iñó; komwos tiu lalalfuñi.

22 Tu Kraist sito, ã met palu sito, elos fwa tuku, ã fwa luti akul, ã menmen tu elos fwin ku, elos kiapala met šulüla.

23 Á komwos liauñ: liye, Na fwak ma nu kemwu nu šumwos met.

24 ¶ Tu in len iñó, tukin ma koluk iñó, fwatu fwa lülla, ã malem el tiu šuñ kalem lal.

25 Á itu in kosao a fwa putatla, ã ku in kosao fwa kususus.

26 Á na elos fwa liye Mwen nutin met tuku in pukunieñ, ku lulap wi ã mwo lanu.

27 Á na el fwa sipaot lipufon lal, ã wiseni nu sie met šulüla lal yin eñ akos mi, yin lüsilami nu fwalu, lüsila nu in kosao.

28 Iñi lutlut ke pupulyuk si lun šak fig. Iñi ke lešak lal fusesas, ã srunak, komwos etu tu akurun pal fwol:

29 Á ouyape komwos, ke komwos liye ma iñi nu ke-

mwu te oru, komwos etu tu mao apkurun, nu ke mutun oaoa.

30 Payinu ña fwak nu šumwos, tu fwi si iñi fwa tiu šom, nu ke ma iñi nu kemwu orek tari.

31 Kosao ã fwalu fwa wañinla; ã kas lun God a tiu wañinla.

32 Á ke len si iñó ã auu si wañin met etu, ã lipufoñ in kosao, ã Mwen, tu Papa mugenu.

33 Komwos liauñ, šano ã pre: tu komwos tiu etu pal ña.

34 *Tu Mwen nutin met oanu met šu šom na yin lü-sila, šu likie lom sel, ã šuñ sap nu sin met kulansap lal, ã nu sin met nu kemwu me orek ma lalos, ã el sap ū sin met liauñ in šano.*

35 Tu ou iñi komwos šano; tu komwos nukin pal ya leum lun lomwu ã tuku, ke eukela, ku infulwin foñ, ku ke mwon kakla, ku ke lutue.

36 Fwin tiu ou iñi el silaklak in tuku, ã liye komwos la motul.

37 Á ma ña fwak nu šumwos, ña fwak nu sin met nu kemwu, Šano.

SAPTER 14.

TUKIN len luo pal si ko-fwo lun alukela, ã lun

MARK, 14.

bred tiu pulolak : à met tol fulat à met šim elos šuk fuka elos fwa sruki'lye ke kiapul, à uni'lye.

2 Ā elos mu, Tiu ke len kofwo, fwin ou iñi met tukeni elos papu koluk.

3 ¶ Ā el os Beteni, in lom sel Saimon met leper, ke el mutu moño, sie mutan el tuku bok in alabaster yurol spaiknar me akmusra yoknu molo ; à el kanaosla bok si, à okoiuñ nu fwin ſiufwel.

4 Ā kutu selos ſifwanu inulat, à fwak, Efwo ku sisla me akmusra iñi ?

5 Tu kut ku in kuko mao ke penni tol fuko, à fwa ſuñ nu sin met sigasrup. Ā elos kas ko ke'l.

6 Ā Jisus el mu, Nimit ora'l; efwo komwos añañ sel ? El oru me orek mwo wo nu sik.

7 Tu met sigasrup mutu yurumwos pal nu kemwu, à ke komwos luñšomwos komwos ku in oru mwo nu selos : à ña tiu mutu yurumwos pal nu kemwu.

8 El oru oanu ku lal ; el tuku met in akmusra monuk nu ke pukpuki.

9 Payinu ña fwak nu ſumwos, Yin nu kemwu met fwa luti mwo ſaſu iñi nu fwal e nu kemwu ten, ma iñi pe ma el oru fwa kaskas kin in esmakunal.

10 Ā Judas Iskariot, sie sin sie-ñul-luo, el ſom nu yurin met tol fulat, in tukakunulak nu selos.

11 Ā ke elos loñ, elos eñun, à mwuleuñ tu elos ſuñ muni nu sel. Ā el ſuk pal ya à mwo el fwa tukakunulak.

12 ¶ Ā ke len si meta lun bred tiu pulolak, ke elos uni ye ma alukela, met tumal lutlut elos fwak nu sel, An ya kom luñšom tu kut ſom in ako, tu kom fwa moño ma alukela ?

13 Ā el ſipaot met tumal lutlut luo, à fwak nu ſeltal, Komtal fwas nu yin lulap met mutu we, à iñó komtal fwa ſuñ met si wis ale in kof si : komtal fwas tukol.

14 Ā yin el ilyuk nu we, komtal fwak nu sin met kato, Met luti el fwak, Pa ya fokil lun met kawuk, yin ña tufwa moño ma alukela yurin met tumuk lutlut ?

15 Ā el fwa luti komtal fokil lulap lun yin akoeni tari : iñó komtal akoe kem.

16 Ā met tumal lutlut eltal ſomla, à tuku nu yin lulap met mutu we, à konoiok oanu Jisus el fwak nu ſeltal : à eltal akoela ma alukela.

17 Ā ke eukela el wi met sie-ñul-luo tuku.

18 Ā ke elos mutu à moño, Jisus el fwak, Payinu ña

fwak nu ſumwos, sie ſu-mwos ſu wi yu moño fwa-tukakin yu yuk.

19 Ā elos mutamwauk in pakomutu, ā elos kais sie in fwak nu sel, ſu ña?

20 Ā el tupokoāñ ā fwak nu selos, Sie sin sie-ñul-luo ſu wi yu iſuñye in alu.

21 Payi Mwen nutin met el ſom oanu ma ſim ke'l: ā wela nu sin met ſu tufwa tukakunak Mwen nutin met! mwo nu sin met iñø el fwin tiu isūsla met.

22 Ā ke elos moño, Jisus el es bred, ā pre, ā kunſalik, ā ſuñ nu selos, ā fwak, Es, moño; ma iñi monuk.

23 Ā el es kup, ā ke el ſuñ kulu tari, el ſuñ nu selos: ā elos nu kemwu numla ke.

24 Ā el fwak nu selos, Ma iñi sak lun mwilkas ſaſu, ma ſirorla ke met puspis.

25 Payinu ña fwak nu ſumwos, Ña fwa tiu siefwil numla ma fokin fain, nu ke len si ña tufwa nim ma ſaſu in togusäi lun God.

26 Ā ke elos yuk sugo on tari, elos somla nu fwin eol Olive.

27 Ā Jisus el fwak nu selos, Foñ si iñi komwos nu kemwu fwa tugulkül ke ña: tu ma ſimla, ña fwa uniye met sropu liye ſip, ā ſip elos tufwa fwaselik.

28 Ā tukin pal si ña fwa molyuk, ña fwas met komwos tuk nu Galili.

29 Ā Piter el fwak nu sel, elos nu kemwu fwin tugulkül, ña tiu wi.

30 Ā Jisus el fwak nu sel, Payinu ña fwak nu ſum tu len si iñi, aok, foñ si iñi, met mwon sisa kakla pal luo tuk, kom fwa lafwekin yu ka tolu.

31 Ā yokoilik ma el kas-kas, Ña fwin wi kom nu miši, ña tiu laflafwekin kom nu ſumwoswos. Ouyape elos nu kemwu fwak.

32 ¶ Ā elos tuku nu sie an ē Getsemane: ā el fwak nu sin met tumal lutlut Komwos mutu'ñi, ke ña a pre.

33 Ā el ſulolak Piter ā Jemes ā Jon, ā mutamwauk in lut ma lulap, ā in toas lanu;

34 Ā fwak nu selos, Nunik pakomutu ma lulap nu ke miši: komwos tuin iñi, ā ſano.

35 Ā el fwak nu met kutu, ā putatla nu in foko, ā pre tu, fwin ku, auu el fwas aluk el.

36 Ā el fwak, Abba, Papa, kom ku ke ma nu kemwu; esla kup si iñi liki yu: tu tiu ou ña, tu ou kom.

37 Ā el tuku, ā konoi elos yuk la motul, ā fwak nu sel Piter, Saimon, ya kom mo-

MARK, 14.

tul? ya kom tiu ku in sano
auu si?

38 Komwos sano à pre,
fwin tiu ou iñi komwos il-
yuk nu in mel. Payi ñun
el luñsel, à ikwe munas.

39 À el siefwil somla, à
pre, à kaskas oanu kas meta.

40 À ke el foloko, el ko-
noiok elos yuk la siefwil
motul, (tu mutualos toas,) à
elos tiu etu ma a tupokoan
nu sel.

41 À el tuku pal si aktolu,
à fwak nu selos, Motol iñi, à
moñla: tarinu, auu si tuku;
liye Mwen nutin met tuka-
kinyikyuk nu in pon met
koluk.

42 Tukakak, kut som; liye,
el apkurun su tukakin yu
yuk.

43 À kiten misiñi ke el
kaskas, Judas, sie sin sie-
ñul-luo, el tuku, à met pus-
pis oelul utuk kutlas à sak,
yin met tol fulat mi à met
sim à met matu.

44 À el su tukakunulak
suñ nu selos sie akul met,
fwakañ, El su ña fwa ñok,
elnu; asal, à kololot make-
ku.

45 À kiten misiñi ke el tu-
ku, el silaklak in fwas nu
yurol, à fwak. Rabbai, Rab-
bai: à ñok ol.

46 À elos sruki'lye ke pa-
ulos, à asal.

47 À sie selos su tu we el

fwauk kutlas, à paki met
kulansap lun met tol fulat,
à otela sral.

48 À Jisus el tupokoan à
fwak nu selos, Ya komwos
tuku oanu nu sin met pusu-
pas, ke kutlas à sak in sruki
yu wi?

49 Na wi komwos len nu
kemwu in imwen tempel in
luti, à komwos tiu es yu: tu
payikin ma simisla.

50 À elos nu kemwu som
luk el à kaiñla.

51 À sie met fwus fwas
tuk ol, el suñ nuknuk linen
nukmu'l la tu el koflusol; à
met fwus elos sruki'lye:

52 À el filiye nuknuk li-
nen, à koflusol kaiñ luk elos.

53 ¶ À elos kol ol ot Jisus
nu sin leum tol fulat: à met
matu, à met sim elos oelul
tukeni.

54 À Piter el fwas tuk ol
lüs luk el, nu ke lom sin
leum tol fulat: à el mutu
yurin met kulansap, à el si-
fwanu lañlün ke e.

55 À met tol fulat à met
papu nu kemwu elos suk
met lo lain Jisus in uni'lye;
à elos tiu konoioik.

56 Tu met puspis elos kas-
kas sito lain ul, à elos tiu
unkas sugo.

57 À kutu tuyuk, à kaskas
sito lain ul, fwakañ.

58 Kem loñ ma el fwak,
Na tufwa kanaosla imwen

tempel iñi ma pon met orala,
ä in len tolu ña tufwa miña
sienu ma po tiu oru.

59 Ä ouyape elos tiu unkas
sugo.

60 Ä leum tol fulat el tu-
yuk infulwe, ä siyuk sel Jis-
sus, fwakañ, Ya wañin ma
kom tupok ? Mea elos kas-
kaskin lain kom ?

61 Ä el misla, ä wañin ma
el tupok. Leum tol fulat el
siefwil siyuk sel, ä fwak nu
sel, Ya kom Kraist, Mwen
nutin Mamwowo ?

62 Ä Jisus el fwak, Aok,
Na ; ä komwos tufwa liye
Mwen nutin met mutu on
le po ku leyut, ä tuku in
pukunieñ in kosao.

63 Na leum tol fulat el
salik nüknuñ lal, ä fwak,
Efwo kut ku ūuk kutenu
met lo ?

64 Komwos loñ ma kas ko:
mea komwos nunku ? Ä
elos nu kemwu paani lun
mas.

65 Ä kutu mutamwauk in
an'el, ä in afwin mutal, ä in
fuske'l, ä in fwak nu sel,
Kom polyi : ä met kulansap
elos ūuñ paulos puklul.

66 ¶ Ä ke Piter el os ten
in lomwu, sie mutan fwus
kulansap lun leum tol fulat
el tuku :

67 Ä ke el liye'l Piter el
sifwanu lañlūñ ; el ñetañ
nu sel, ä fwak. Ä kom pe

yurol Jisus lun Nazaret
met.

68 Ä el lafwekin, fwakañ,
Na ninikin, ña tiu etu ma
kom fwakun. Ä el som nu
in sraumwalsis ; ä mwon sis
kakla.

69 Ä mutan fwus si el sie-
fwil liye'l, ä mutamwauk in
kas nu selos ūu tu we, El iñi
sie selos.

70 Ä el siefwil lafwekin.
Ä kuteuñ kutu, elos ūu tu
we siefwil pe fwak nu sel
Piter, Payi kom sie selos, tu
kom met Galili, ä kas lom
oanu.

71 Ä el mutamwauk in
winteis ä fulakinpusupas,
fwakañ, Na tiu etu met si
iñi komwos kaskas ke.

72 Ä pal si aktolu mwon
sisa kakla. Ä Piter el esa-
mak kas ma Jisus el fwak
nu sel, Met mwon sisla ka-
kla tuk pal luo, kom tufwa
lafwekin yu pal tolu. Ä ke
el nunkauk el tuñ ma lu-
lap.

SAPTER 15.

A KITEN misiñi ke ta-
A fwun lutue met tol fulat
wi met matu ä met sim ä
met papu nu kemwu, elos
silaklak in tukeni kaskas, ä
kopuri'lye Jisus, ä wis al la,
ä asalañ nu sel Pailat.

2 Ä Pailat el siyuk sel, Ya
kom togusa lun met Ju ? Ä

MARK, 15.

el tupokoāñ, fwak nu sel,
Kom fwakak.

3 Ā met fulat elos kou nu
sel ke ma puspis: à wañin
ma el tupok.

4 Ā Pailat el siefwil siyuk
sel, fwakañ, Ya wañin ma
kom tupok? Liye ma pus-
pis elos oru lain kom.

5 Ā wañin ma Jisus el tu-
pok: oanu tu Pailat el lut.

6 Ā ke kofwo si iñi el tula-
la sie met kopur nu selos, el
su elos luñselos.

7 Ā sie met él Barabbas,
elos su kopuri oelul orek sie
meun, el met akmus ke me-
un si.

8 Ā met puspis tukeni wo-
woyuk ma lulap elos muta-
mwauk in siyuk fu el oru
nu selos oanu meta.

9 Ā Pailat el tupokoāñ nu
selos, fwakañ, Ya komwos
luñsomwos tu ña tulala nu
sumwos Togusa lun met Ju?

10 Tu el etu tu met tol fu-
lat wis el met ke sok.

11 Ā met tol fulat elos oru
nu sin met sisik elos in kai-
fwi lun tula'l la Barabbas nu
selos.

12 Ā Pailat el tupokoāñ, à
siefwil fwak nu selos, Ka
fuka komwos luñsomwos tu
ñá fwa oru nu sin met su
komwos pañpañ Togusa lun
Jus?

13 Ā elos siefwil wowoyuk,
Uni'lye on ke saksiñ sugo.

14 Na Pailat el fwak nu
selos, Efwo, mea koluk ma
el oru? À elos wowoyuk
yok lanu, Uni'lye on ke saksiñ
sugo.

15 ¶ Ā Pailat, luñsi umwe-
le metu, el tula'l la Barabbas
nu selos, à ke el sruñlul tari,
el assalañ Jisus nu selos tu
elos in uni'lye on ke saksiñ
sugo.

16 Ā met meun elos kol ol
ot nu in sie lom pañpañ Pre-
torium; à elos pañoneni sie
elun met meun nu kemwu.

17 Ā elos nukmulan ke
sienu sisa, à elos puruk ruk
tefuro kokol si, à filiye on
fwin siufwel.

18 Ā elos mutamwauk in
paiñul, Pain, Togusa lun Jus.

19 Ā elos pok siufwel ke a
sugo, à an'el, à elos ebas, à
ali nu sel.

20 Ā ke elos aksruksruk al
tari, elos sarukla sienu sisa
luk el, à siefwil suñ nuknuk
lal, à kol ol ot in uni'lye on
ke saksiñ sugo.

21 Ā elos sap sienu Saimon,
met Sairene, su fwas aluke-
la, tuke liki an si, papa tu-
mal Aleksander à Rufus, lun
wis saksiñ sugo lal.

22 Ā elos wis el nu an
Golgota, ma tafwu, Niin ale
in siufwel.

23 Ā elos suñ nu sel lun
nim wain etikiuñ nu ke
murr: à el tiu es.

24 Á ke elos uni'lye on ke saksiñ sugo tari, elos oselik nuknuk lal, koto srifwe in etu ma lun ſu.

25 Á auu si aktolu, á elos uni'lye oh ke saksiñ sugo.

26 Ma kou lal ſim on yetal, TOGUSA LUN JUS.

27 Á elos uniye met pusupas luo oelul on ke ſaksiñ; sie on leyut, á sie on lesi.

28 Á ma ſim payinu ma fwak. Á elos oakulañ nu ke met koluk.

29 Á elos ſu fwas alukela kas ko nu ke'l, osrokla ſiu-fweſoš, á fwakañ, Ea, kom ſu kanaosla imwen tempel, á miſa in len tolu.

30 Kom ſifwanu moli kom, á fwuni liki ſaksiñ.

31 Á ouyape met tol fulat akſtruksruk, elos wi met ſim mugenu tukeni fwak, El molula kutenu, el koſianu ſifwanu mol el la.

32 Lela Kraist Togusa lun Israel fwuni liki ſaksiñ, tu kut fwa liye, á lalalfuni. Á eltal ſu oelul uniye on ke ſaksiñ kas ko nu ke'l.

33 Á ke auu akonkos nu ke auu akeu losroninu fwalu.

34 Á ke auu akeu Jisus el wowoyuk ke pusral ma lulap, fwakañ, Eloi, Eloi, lama sabaktani? ma tafwu, God luk, God luk, efwo kom ku ſom liki yu?

35 Á kutu selos ſu tu we,

ke elos loñ, elos fwak, Liye, el pañon Elaias.

36 Á sie kasus á nekla insral ke finigar, á filiye on ke a sugo, á ſuñ nu sel lun nim, fwakañ, lela in on, tu kut fwa liye Elaias el a la tuku in wisilye.

37 Á Jisus el wowoyuk ke pusral ma lulap, á miſe.

38 Á nuknuk lisñul in imwen tempel muña luo infulwe lüñi nu ten.

39 ¶ Á ke met si pañpañ senturion, ſu tu ye mutal, liye tu el wowoyuk ou iñi, á miſi, el fwak, Payinu met si iñi Mwen natal God.

40 Kutu mutan ouyape elos tu lulisia liye; Meri Magdalen, á Meri kiel Jemes met srik á Joses, á Salome wi alos.

41 Ke el mutu Galili elos pe fwas tuk ol, á oru nu sel: á kutenu mutan puspis ſu oelul fwasyuk nu Jerusalem.

42 ¶ Á iñi ke eukela, tu pal si akola, oanu len si mutun sabat.

43 Josef lun Arimatea, met papu mwovo si, ſu wi pe ſano togusai lun God, el tuku, á pulaik ilyuk nu yurol Pailat, á ñusi manol Jisus.

44 Á Pailat el lut ke el la miſi ku tiu miſi: á pañon mu met senturion el siyuk sel la pal ya el miſi.

45 Á ke el etu sin met sen-

turion, el ſuñ mano nu sel Josef.

46 Ā el mol nuknuk linen mwowo, à wis il ye, à nukmu'l la ke nuknuk linen, à fili'lye in lufin mas si ma elos tufla in eot à epusañ eot si nu mutun oaoa ke lufin mas si.

47 Ā Meri Magdalin à Meri nine kiel Joses eltal liye an el on we.

· SAPTER 16.

A KE len sabat tari, Meri Magdalin, à Meri nine kiel Jemes, à Salome, elos mol fokin ſak keñ tari, tu elos fwa tuku à moswe'l la.

2 Ā tafwun lutue, len si umet ke wik, elos tuku nu ke lufin mas si ke fwatu sikuuk.

3 Ā elos asiuki, ſu a epusla eot si liki mutun oaoa ke lufin mas si ?

4 Ā ke elos ñetañ elos liye eot si ibipla liki: tu ma lulap.

5 Ā ke elos ilyuk nu in lufin mas, elos liye mogul fwus si, mutu leyen leyut, nukomañ nuknuk fwosfwos lulis; à eltal ſañeñ.

6 Ā el fwak nu selos, komwos tiu ſanen: Komwos suk Jisus lun Nazaret ſu ñawuki ore ke ſaksiñ: el molyuk; el tiu yinu: liye an elos fili'lye we.

7 Tu komwos ſom, fwak nu sin met tumal lutlut, à nu sel Piter, tu el ſom met komwos tuk nu Galili iñó komwos fwa lipe'l, oanu el fwak nu ſumwos.

8 Ā elos ſilaklak in illa, à kaiñ liki lufwin mas si; tu eltal rarrar à lut: à tiu fwak nu sin ſienu met; tu elos ſañeñ.

9 ¶ Ā ke el molyuk tafwun lutue len si umet ke wik, el tuiuñ met nu sel Meri Magdalin, ſu el ſisla devil itkos luk el meta.

10 Ā el ſom à fwak nu selos ſu mutu yurol met, ke elos asor à tuñ.

11 Ā elos, ke elos loñ tu el mol, à tu Meri el liye'l, elos tiu lalalfuñi.

12 Tukin ma iñi el tuiuñ ſielanu nu sin met luo selos, ke eltal fwas, à ſom nu sie an.

13 Ā eltal ſom à fwak nu sin kutenu: à elos tiu lalalfuñi oltal.

14 Tuko el tuiuñ nu sin sieñul sie ke elos mutu moño, à kaiuk nu selos, ke ſilalalfuñi lalos, à upa inſielos, tu elos tiu lalalfuñi oltotal ſu liye'l tukin pal si ke el molyuk.

15 Ā el fwak nu selos, Komwos ſom fwal e nu kemwu, à lutu Mwo ſaſu nu sin met e nu kemwu.

16 El su lalalfuñi à baptaisla fwa mol; à el su tiu lalalfuñi fwa tula.

17 Å akul iñi fwa oelulos
šu lalalfuñi; Elos fwa sisla
devil in ēk; Elos fwa kas-
kas ke loa šašu;

18 Elos fwa srukak mwet;
ä elos fwin numla kutu ma
a un'elosi, mao a tiu ora'los
in koluk; elos fwa filiye

paulos on fwin met mas, a
elos fwa kela.

19 ¶ Tu ou iñi, tukin pal si Leum el kaskas nu selos tari, el sumwak nu in kosao, à mutu on le paul leyut sin God.

20 Å elos somla å lutinu
yin nu kemwu, Leum oelu-
los orekma, å akmwoyaun
kas ke akul iñi. Amen.

MWO ŠAŠU MA LUK EL ŠIM.

CHAPTER 1.

TU ma puspis umet elos
sriki in akšumwosye sie
srumsrum ke kutu mao la-
lalfuñi nu šumwosinwos yu-
ros, 2 oanu elos ši mao nu
šes, elos šu ke mutamwauk
mi šifwanu liye ä orekma
ke kas; 3 ña mu mwo pe
sik tu ña etenu šumwos-
mwos ma nu kemwu ke mu-
tamwauk nu iñi, tu ña šim
nu šum in šumwos, O Teofi-
lus, met kato mwowo si, 4
tu kom fwa etu ma šumwos
mao kom lutlut ke met.

5 ¶ Ke len lun Erod, togsa lun Judea, sie met tol ēl Zakaraias, lun len lun Ebaia; à mutan kiel sie sin an nutin Aaron, à ēl Elisa-
bet.

6 Å eltal, payi ye mutal
God, fwafwasyis tiu sito in
me sap nu kemwu å manu
lun Leum.

7 Á wañin tulig nataltal,
tu Elisabet el mwuskül ; à
eltal matoanu.

8 Å ma te oru, ke el orek
in len lal me orekma lun
met tol ye mutun God, 9
oanu manu ma lun met tol,
me orekma lal in fureuk me
keñ, ke el ilyuk nu in imwen
tempel lun Leum.

10 Å met puspis tukeni elos
nu kemwu pre likin umwe
pal si ke fureuk me keñ.

¹ 11 Å sie lipufon lun Leum
el sikmi nu yurol, å tu leyut
ke län lun me keñ.

12 Á ke Zakaraias el liye'l,
el toninfoñ, á ſañeñ putati
nu fwe'l.

13 Á lipufon el fwak nu sel, Zakaraias kom tiu ſañeñ; tu pre lom loñyuk tari; á Elisabet mutan kium el tu-fwa oswe nu ſum mwen si; á kom tufwa pañpañ el Jon.

14 Á kom tufwa eñun á inšimwowo; á ma puspis elos tufwa eñun ke el isúsla.

15 Tu el a fwa yok ye mutun Leum, á el a tiu nim wain á me nim ku; á el fwa seseslanu ke Nun Mutual inšien nine kiel mi.

16 Á el fwa forok olos la ma puspis tulig nutin Israel nu sin Jeova God lalos.

17 Á el fwa fwas ye mutun in fun á ku lun Elaias, tu el fwa forokañ inšien papa nu sin tulig, á met tiu akos nu ke lalmetmet lun ma payı; in ako met ſu ako tari nu ke Leum.

18 Á Zakaraias el fwak nu sin lipufon, Na fwa etu ma iñi ke mea? tu ña met matu, á mutan kíuk el matoe pe.

19 Á lipufon el tupokoañ, fwak nu sel, Na Gebriel, ſu tu ye mutun God; á sipe yu mi in kaskas nu ſum, á fwa kot kas eñun iñi nu ſum.

20 Á, liye, kom fwa sikas, á tiu ku in kaskas, nu ke len si ma iñi fwa orek tari, tu kom silalalfuñi kas luk, ma fwa payikin ke pal lalos.

21 Á met elos tapnu'lañ

Zakaraias, á lut tu el mutu pat in imwen tempel.

22 Á ke el fwas liki, el ko-flanu kaskas nu selos: á elos etu tu el liye arurumu in imwen tempel: tu el sisis nu selos, á tiu kas.

23 Á ma te oru, tu ke len in orekma lal ſom tari, el ſom nu in lom sel.

24 Á tukin len iñi Elisabet mutan kiel el putete, á ſifwanu mwukin malem limikos, fwakañ, 25 Ou iñi Leum el oru nu sik in kutu len ke El ñetmu nu sik, in es kas mekin sik yurin metu.

26 ¶ Á ke malem akonkos God sipamu lipufon Gebriel nu sie siti lun Galili, pañpañ Nazaret, 27 nu sin sie mutan tiu tukwe mogul kaseñ nu sin sie met el Josef, lun sou lun Devid; el mutan si iñi, Meri.

28 Á lipufon el tuku'nu yurol, á fwak, Paiñ kom, mutan of mwowo; Leum wi kom; kom inši mwowo yurin mutan.

29 Á ke el liye, el toninfon ke kas lal, á el ſuk insiel in etu paiñuk iñi.

30 Á lipufon el fwak nu sel, Meri, kom tiu ſañeñ; tu kom konoik kulañ tari yurin God.

31 Á, liye, kom tufwa putete, á fwa isúsla mwen si, á kom fwa pañon è JISUS.

32 El tufwa fulat, à tufwa pañpañ El Mwen nutin Fulat liki nu kemwu: à Leum God fwa šuñ nu sel me mutu lun Devid papa tumal.

33 À el fwa togusa lun sou lun Jekob ma patpat: à togusai lal a tiu wañinla nutuk.

34 Na Meri el fwak nu sin lipufon, Ma iñi a fuka, tu ña tiu etu met?

35 À lipufon el tupokoañ à fwak nu sel, Nun Mutual fwa tuku nu fwom, à ku lun Fulat liki nu kemwu, à fwa luli komwi; à ke ma iñi ma mutual kom tufwa isüsla fwa pañpañ Mwen nutin God.

36 À liye, Elisabet, ma tuyum, el pe putete ke mwen ke el matu: à iñi malem akonkos ke'l su pañpañ mwuskûl.

37 Tu wañin ma koflanu yurin God.

38 À Meri el fwak, Liye mutan lun Leum; oru nu sik oanu kas lom. À lipufon el som luk el.

39 ¶ À in kutu len iñó Meri el tuyuk, à Silaklek in som nu yin fwin eol sisik on we, nu in sie siti lun Juda: 40 à el utyuk nu in lom sin Zakarias, à pañul Elisabet.

41 À ma te oru, tu ke Elisabet el loñ pañuk lun Meri, kitin tulig el srosro insiel; à Elisabet el tintinu ke Nun

Mutal: 42 à el kaskas ke pusral lulap à fwak, Kom inši mwovo yurin mutan, à inši mwovo fute inšium.

43 À fuka ma iñi nu sik, tu nine kien Leum luk el tuku nu yuruk?

44 Tu, liye, ke pusren pañuk lom fwasyuk nu insreik, kitin tulig el srosro inšiuk ke eñun.

45 À inši mwovo el su lalafuñi; tu a fwa payikin mao ma fwak nu šum yurin Leum mi.

46 À Meri el fwak, Inšiuk kakšakin Leum, 47 à ñunik eñun ke God Laño luk; 48 tu El liauñ ma pusisel lun mutan kulanšap lal. Tu, liye, takin ma iñi fwil nu kemwu elos pañon yu inši mwovo.

49 Tu el su ku, el oru nu sik ma lulap; à El mutual.

50 À pakomutu lal on selos su sañeñ sel fwil mi nu ke fwil.

51 El orek ku ke paul; el akfwas elos elik met fulañ ke ma nunku inšielos.

52 El akpusis elosye met ku liki me mutu lalos, à akfulatye'los su pusisel.

53 El akkypy'e'los su mn-sinsral ke ma mwo; à El sipa'loswot met gasrup pu-sinpo.

54 El kasu met kulanšap lal, Israel; ke esam pakos-

mutu lal, 55 oanu el fwak (nu sin papa tumas) nu sel Ebream, à nu sin fute'l ma patpat.

56 À Meri el mutu yurol akurun malem tolu, à folok-la nu lom sel.

57 ¶ À Elisabet pal lal fwol ke el isüsla ; à el oswe-la mwen si.

58 À elos su apkurun nu sel, a sou lal loñ fuka Leum el pakomuta'l ma lulap ; à elos oelul eñun ke

59 À ma te oru, tu ke len si akoalkos elos tuku in ko-sroela tulig ; à elos pañon él Zakaraias, oanu è papa tu-mal.

60 À nine kiel el tupokoñañ, à fwak, Tiou ou iñi ; tu a fwa pañpañ él, Jon.

61 À elos fwak nu sel, Wañinu in sou lom pañpañ è Jon.

62 À elos sisñe nu sin papa tumal, è su el luñsel pañpañ ka'l.

63 À el siyuk ke tebel lun sim, à el sim, fwakañañ, El Jon. À elos nu kemwu lut.

64 À kitin misiñi oalul igakla, à loul tutulla, à el kaskas, à kasakin God.

65 À sañiñ putati fwe'los nu kemwu su mutu apnulos eni. À kas iñi nu kemwu sulkakin yikelik yin nu kemwu an eol on we Judea.

66 À elos nu kemwu su

loñ likiye mao insielos, fwa-kañañ, Tulig sušu tulig si iñi ! À pon Leum oelul.

67 À Zakaraias, papa tu-mal, el tiñtiñinu ke Nun Mutal, à el polyi fwakañañ, 68 Insi mwowo Leum, God lun Israel ; tu El tuku à molüla met sra'l, 69 à El tulokunak ko in läñe kit in lom sin Devid met sra'n ; 70 oanu el kaskas ke olin met palu mutual lal, su mutu ke mutamwauk fwalu nu iñi.

71 Tu kut tufwa mol liki met lokwalok las, à liki pa-olos nu kemwu su sruña küt: 72 à in orek pakomutu nu sin papa tumas, à in esam mwuleuñ mutual lal ; 73 kas in fulak ma El tukakunaña nu sin Ebream papa tumas, 74 tu El fwa oru nu ses, ke El es kit la liki met lokwalok las, tu kut tufwa oru nu Sel tiu sañeñ, 75 in mutual à in ma payi ye mutual, len nu kemwu ke mol las.

76 À kom, tulig, fwa pañ-pañ met palu lun Fulat liki nu kemwu ; tu kom fwa som ye mutun Leum in ako inek lal ; 77 in ašuñ lalmet-met lun mol nu sin met lal ke esa ma koluk lalos, 78 ke paketen kulañañ lun God las ; ke mao ma lenelik in kesaoe mi taku nu yuros, 79 in aši kalem nu selos su mutu in los à in ñunin misi,

in kol nius nu inek lun
misla.

80 Á tulig el kapak, à ku
in ñun, à el mutu yin mesis
nu ke len si el sikmi nu
Israel.

SAPTER 2.

1 MA te oru in len iñó tu
Sisar Augustas el sap in
oaoala fwal e nu kemwu.

2 (Á orek oaoala iñí met
ke Sairinias el leum lun
Siria.)

3 Elos nu kemwu som in
oakla nu ke siti lalos.

4 Á Josep el fwasyuk pe
Galili mi, liki siti Nazaret,
nu Judea, nu siti lun Devid,
pañpañ Betlehem, (tu el lun
sou à ka lun Devid,) 5 in
oakla oelul Meri mutan kiel
kaseñ, el malulap ke tulig.

6 Á ma te oru, tu ke eltal
iñó, len fwolnu ke el isüsla.

7 Á el oswela mwen si
umet à suñ nuknuk in loso-
lani, à fili'lye nu nien moño
lun kauu; tu wañin an elos
on we nu in imwen met
fwas.

8 Á in anša met ſeperd elos
mutu in ima si, in liauñ un
sip lalos ke foñ.

9 Á liye, lipufon lun Leum
el sikmi nu fwelos, à ma
mwoowou lun Leum Sarom-
rom apnu' loseni; à elos sa-
ñeñ ma lulap.

10 Á lipufon el fwak nu
selos, Nik komwos sañeñ;

tu, liye, ñia wis nu sumwos
kas mwonu ke eñun lulap,
mao fwa nu sin met e nu
kemwu.

11 Tu ma isüsla nu su-
mwos len si iñí, in siti lun
Devid, met Laño, su Leum
Kraist.

12 Á ma iñí akul nu su-
mwos: Komwos fwa konoiock
kitin tulig nuknuk losilye,
on nien me moño lun kauu.

13 Á kitin misiñi wi lipu-
fon ma puspis in kosao elos
kakšakin God, à fwak, 14
Mwolanu sin God, in fulat
liki nu kemwu, à misla yu-
rin met su el sulula.

15 Á ma te oru, ke lipufon
elos som luk elos nu in ko-
sao tari, met ſeperd elos kas-
kas sie sin sie, Lela kut in
som iñí nu Betlehem, à liye
mao ma te oru, ma Leum el
oru nu ſes.

16 Á elos ſilaklak in tuku,
à konoitotalak Meri à Josep,
à kitin tulig onu yin kau
moño we.

17 Á ke elos liye tari, elos
sulkakinelik kas si ma fwak
nu selos ke tulig si iñí.

18 Á elos nu kemwu su loñ,
lut ke ma met ſeperd fwak
nu selos.

19 Á Meri el likiye ma nu
kemwu ma iñí à nunkauk
ma insiel.

20 Á met ſeperd elos folok-

la, oru mwowo à kakšakin
God ke ma nu kemwu elos
loñ à liye, oanu ma fwak nu
selos.

21 ¶ Á ke len oalkos in
kosroela ma lun tulig som
tari, elos pañpañ él JISUS,
oanu ma lipufon oru met
putete insien nine tuk.

22 Á ke len lun aknasnas-
ye'l la oanu manu lun Mo-
ses orek tari, elos wis el nu
Jerusalem in fuleuñ nu sin
Leum; 23 (oanu ma sim in
ma sap lun Leum, Mwen si
umet nu kemwu fwa pañpañ
el mutal lun Jeova;) 24 á
in orek kiše oanu ma fwak
in manu lun Leum, Luo
muli sipa, ku mulioa fwus
luo.

25 Á liye, sie met os Jeru-
saalem, él Simeon; á el iñi
met payi á mwo, el saño
akmwoye lun Israel; á Nun
Mutal on fwel.

26 Á Nun Mutal luti nu
sel tu el tiu miši met fwa
liye Kraist lun Leum tuk.

27 Á el tuku ke Nun nu
in imwen tempel; á ke papa
nine eltal wis tulig Jisus, in
oru nu sel oanu ke manu
mu, 28 na el kafslak in
paul, á ali nu sin God, á
fwak, 29 Leum, iñi lela met
kulansäp lom in som misla,
oanu ke kas lom: 30 Tu
mutuk liye mol lom, 31 ma
kom akou ye mutun met e

nu kemwu; 32 kalem in
akkalemye met Pegan, á ma
mwowo lun met Israel lom.

33 Á Josef á nine kiel eltal
lut ke kutu ma kaskas ke'l.

34 Á Simeon el ali ke'ltał,
á fwak nu sel Meri nine
kiel, Liye, tulig si iñi likiye
ke putatla à tuyuk ma pus-
pis in Israel; á ke akul si
fwa kaskas ko ke; 35 (á
kutlas a fwa fokisyé pe ñu-
num sasla,) tu ma nunku
insi puspis fwa sikmi.

36 ¶ Á sie mutan palu, é
Anna, an nutin Fanuel, lun
sruf lun Añer: el matoanu á
mutu yurin met tumal yiu
itkos tukin palsi el mari; 37
á el kotinmas akurun yiu
oaliñulakos, el tiu som liki
imwen tempel, á el oru nu
sin God ke lalo á pre foñ á
len.

38 Á pal si'ñinu el ilyuk á
suñ pre kulu nu sin God, á
kaskas ke'l nu selos nu ke-
mwu su saño molüla in
Jerusalem.

39 Á ke elos orek ma nu
kemwu oanu manu lun
Leum tari, elos folokla nu
Galili, nu in Nazaret siti
lalos.

40 Á tulig el kapak, á ku
in ñun, seseslanu ke lalmet-
met; á luñ lun God on
fwel.

41 ¶ Á papa nine kiel eltal
som nu Jerusalem yiu nu

kemwu nu ke kofwo lun alukela.

42 Å ke el yitunyuk sieñul-luo, elos somwak nu Jerusalem oanu manu lun kofwo.

43 Å ke elos orek ma fwol ke len tari, ke elos folokla, tulig Jisus el mutanu Jerusalem; å Josef å nine kiel eltal tiu etu.

44 Å elos som len si, nunku mu tu el wi unmet si fwas; å eltalos šukol yurin sou å met latal.

45 Å ke eltal tiu konoilak, eltal folokla nu Jerusalem in šuk ol.

46 Å ma te oru, tu tukin len tolu elos konoilok in imwen tempel, mutu infulwe yurin met lutí, in loñ olos å siyuk olos.

47 Å elos nu kemwu šu loñ ol lut ke lalmetmet å topuk lal.

48 Å ke eltal liye'l, eltal lut kakšak: å nine kiel el fwak nu sel, Mwen efwo kom ku oru ou iñi nu sital? liye, papa tumom å ſia šuk kom ke ašor.

49 Å el fwak nu seltal. Komtal šuk yu fuka? Komtal tiu etu tu mwo ſia liauñ me orekma lun Papa tumuk?

50 Å eltal tiu etu kas ma el fwak nu seltal.

51 Å el oelultal tufuki, å tuku nu Nazaret, å aksoltal:

å nine kiel el likiye kas iñi nu kemwu nu insiel.

52 Å Jisus el Sifwanu tufwal in lalmetmet å mata, å in luñ lun God å met.

SAPTER 3.

KE yiu aksie-ñul-limikos ke Taiberius Sisar togusa, Pontius Pailat el leum lun Judea, å Erod el tetrark lun Galili, å Filip met lel el tetrark lun Iturea å kutu an Trekonitis, å Laisenias tetrark lun Abilene, 2 ke Annas å Kaiafas eltal met tol fulat, kas lun God tuku nu yin mesis nu yurol Jon mwen nutin Zakaraias.

3 Å el tuku nu yin nu kemwu apkurun nu Jordan, in luti baptais lun auliyuk in sisla ma koluk: 4 oanu ma šimusla in buk in kas lun Esaias met palu fwakañ, Pusren sie wowoyuk yin mesis, Komwos in akou inekin Jeova, å nakul ma sumwos.

5 Infwalfwal nu kemwu fwa nanala, å eol lulap å eol sisik fwa akpusisyé; å ma kù fwa aksumwosye, å ma siruprup fwa akfwelye: 6 å ikwe nu kemwu fwa liye me mol lun God.

7 Na el fwak nu sin met puspis ſu tuku nu yurol tu el baptais elos la, O fwil lun faiper, ſu ſinsinkakin

. komwos in som liki siluñ a baptaisi komwos la ke kof; tuku ?

8 Ke ma iñi, komwos isüs fwako mwo lun auliyuk, à tiu mutamwauk in fwak insiumwos, Ebream papa tu-mas; tu ña fwak nu su-mwos, God el ku in orek tulig nutin Ebream ke eot iñi.

9 Á iñi pe tulaiu on ke okun šaku; ke ma iñi šak e nu kemwu šu tiu isüs fwako mwo pokiyé, à sisla nu in e.

10 Á met elos siyuk sel, fwakañ, Ke ma iñi mea kem a oru ?

11 El tupokoañ à fwak nu selos, el šu koat luo lal, lela lun šuñ nu sel šu wañin ma lal; à el šu os me moño nel, lela lun oru ouyape.

12 Na met rošo elos tuke pe in baptais, à fwak nu sel, Met lutí, mea kem a oru ?

13 Á el fwak nu selos, Komwos tiu es yok liki ma leum el šap nu šumwos.

14 Á met meun elos pe siyuk sel, fwakañ, Á mea kem a oru ? Á el fwak nu selos, Komwos tiu akluñiñye metu, tiu kiap elos la; à es me mol lomwos in mwole.

15 Á ke met elos šano, à met e nu kemwu nunkauk insielos ke Jon, el la Kraist, ku sito ?

16 Jon el tupokoña à fwak nu selos nu kemwu, Payi ña

baptaisi komwos la ke kof; à sie a tuku ku liki yu, ña tiu mwo in tulala ea losin faluk lal; el a fwa baptaisi komwos la ke Nun Mutal à e.

17 Pal lal in paul, à palela fwinpa lal nasnas lanu; à fwa asemi wit nu in lom sel, à el fureuk kulin ma in e kamwul.

18 Á kutenu ma puspis in me lutlut lal el lutü nu sin metu.

19 Á el kaiyuk nu sel Herod tetrark ke Herodias mutan kiel Filip met lel, à ke ma nu kemwu ma koluk ma Herod el oru, 20 el toeni ma iñi nu ke ma nu kemwu tu el kali'ye Jon nu in prison.

21 ¶ Á ke met e nu kemwu baptais tari, ma te oru, tu Jesus wi pe baptais, à ke el pre, kosao igakla, 22 à Nun Mutal sikmi nu fwel ke mano oanu mulioa, à pusra si tuku in kosaoemi à fwak, Kom Mwen kulu si nutig, Ña insimwowo kin kom.

23 Á Jesus el akurun yiu tol-ñul matu ke El mutamwauk in lutí, oanu elos nunku, El mwen nutin Josef, su mwen nutin Hilai, 24 su mwen nutin Mattat, su mwen nutin Livai, su mwen nutin Melkai, su mwen nutin Janna, su mwen nutin Josef, 25 su mwen nutin

Matataias, su mwen nutin Emos, su mwen nutin Neum, su inwen nutin Eslai, su mwen nutin Nagge, 26 su mwen nutin Maat, su mwen nutin Matataias, su mwen nutin Semeai, su mwen nutin Josef, su mwen nutin Juda, 27 su mwen nutin Joanna, su mwen nutin Re-sa, su mwen nutin Zorobebel, su mwen nutin Saletiel, su mwen nutin Nirai, 28 su mwen nutin Melkai, su mwen nutin Addai, su mwen nutin Kosam, su mwen nutin Elmodam, su mwen nutin Er, 29 su mwen nutin Jose, su mwen nutin Elie-
zer, su mwen nutin Joram, su mwen nutin Mattat, su mwen nutin Livai, 30 su mwen nutin Simeon, su mwen nutin Juda, su mwen nutin Josef, su mwen nutin Jonan, su mwen nutin Elaiekim, 31 su mwen nutin Melea, su mwen nutin Me-nan, su mwen nutin Matteta, su mwen nutin Netan, su mwen nutin Devid, 32 su mwen nutin Jesse, su mwen nutin Obed, su mwen nutin Booz, su mwen nutin Sal-mon, su inwen nutin Neas-
son, 33 su mwen nutin E-mi-nadab, su mwen nutin Eram, su mwen nutin Esrom, su mwen nutin Feres, su mwen nutin Juda, 34 su mwen nu-

tin Jekob, su mwen nutin Aisaak, su mwen nutin Ebream, su mwen nutin Te-ra, su mwen nutin Nakor, 35 su mwen nutin Seruk, su inwen nutin Regu, su mwen nutin Felek, su mwen nutin Heber, su mwen nutin Sela, 36 su mwen nutin Keinan, su mwen nutin Arfaksed, su mwen nutin Šem, su mwek nutin Noa, su mwen nutin Lemek, 37 su mwen nutin Matusala, su mwen nutin Enok, su mwen nutin Jered, su mwen nutin Male-leel, su mwen nutin Keinan, 38 su mwen nutin Enos, su mwen nutin Set, su mwen nutin Adam, su mwen nutin God.

SAPTER 4.

A JISUS tiñtiñinu ke Nun Mutal el foloko Jordan mi, à Nun kolol nu yin mesis, 2 devil el srifwel ke len añaaul. À in len iño wañinu ma El mono: à ke elos ſom tari, el musinsral tuk.

3 À devil el fwak nu sel, Kom fwin Mwen nutin God, sap eot si iñi in efia bred.

4 À Jisus el tupok nu sel, fwakañ, Ma ſimusla, Met elos tiu mol ke bred mugenu, tu ke kas nu kemwu lnn God.

5 À devil, ke el wis el ak nu fwin eol fulat, el lutu nu

sel kitin misiñi togusaï nu kemwu fwalu.

6 Á devil el fwak nu sel, Mwol iñi nu kemwu ná fwa siot nu sum, à ma mwowo lalos: tu ma etuku nu sik;

à ná suñ nu sin su ñia luñsik. 7 Ke ma iñi, kom fwin ali nu sik, a fwa lom nu kemwu.

8 Á Jisus el tupok à fwak nu sel, Fwala liki yu Setan, tu ma simusla, Kom ali nu sin Jeova, God lom, à oru nu sin mugenu.

9 Á el wis el nu in Jerusalem, à fili'lye on fwin mañon imwen tempel, à fwak nu Sel, Kom fwin Mwen nutin God, kom sifwanu sis kom la nu ten.

10 Tu ma simusla, El sapot nu sin lipufon lal, in karwuñin kom; 11 à elos fwa tapuk kom wi in paolos, fwin tiu ou iñi kom tufwa kontaye nium ke eot.

12 Á Jisus el tupokoña fwak nu sel, ma fwak, Nik kom srifwe Jeova God lom.

13 Á ke devil el orek sri-fwe nu kemwu tari, el som luk El ke kutu pal.

14 ¶ Á Jisus el folokla nu Galili ke ku lun Nun: à puñal fwaselik yin nu kemwu apneni.

15 Á El luti in lolñok lalos, elos nu kemwu kakšakin El.

16 Á El tuku nu Nazaret, yin El matula we; à, oanu manu lal, El ilyuk nu in imwen lolñok ke len sabat, à tuyuk in rid.

17 Á suñ nu sel buk lun Esaias met palu. Á ke El lakunalik buk, El konoiock on ya ma simusla, 18 Nunin Jeova on fwuk tu El si mwol nu sik in lutu mwo ñašu nu sin met sigasrup; El sipe yu la in akkeielia met ašor inšielos, in lutu tulala nu sin met kopur, à in igasla mutun met kun, in tula'los la met kos, 19 in lutu yiu mwowo lun Leum.

20 Á El limani buk, à sie-fwil suñ nu sin met kulansap, à mutu. Á mutalos nu kemwu su in imwen lolñok elos sui'lye.

21 Á El mutamwauk in fwak nu selos, Len si iñi ma simusla iñi payikin in sreu-mwos.

22 Á elos nu kemwu orek ma lo ke'l, à lut ke kas kulañ tuke liki óalul, Á elos fwak, Ya El iñi tiu mwen nutin Josef?

23 Á El fwak nu selos, Payi komwos a fwak kas si iñi matu nu sik, "Met satal, kom sifwanuunuwe kom la;" ma kem loñ ma orala in Keperneum, kom ore pe nu yin sum.

24 Á El fwak, Payinu Na

fwak nu sumwos, An sin met palu tiu as al.

25 Á Na fwak ma payi nu sumwos, kotinmas ma pus-pis in Israel ke len lun Elalias, ke kosao kauli yiu tolu à malem onkos, ke sral lulap yin nu kemwu an ſa : 26 à tiu sipa'l la Elalias nu sin sie selos, tu nu Serepta, mugenu, sie siti lun Saidon, nu sin sie kotinmas.

27 Á ma puspis leper in Israel ke pal si lun Eliseus met palu; à wañin sie selos nasnasla, tu Neaman met Siria mugenu.

28 Á elos nu kemwu in lolñok, ke elos loñ ma iñi, elos tiñtiñinu ke mulat, 29 à elos tuyuk, à sisel la liki siti, à kol ol nu sisken eol sisik siti lalos muña on we, tu elos fwa kupurtowi'lye sisla nu ten.

30 Á El fwas sasla luk elos, šomla.

31 ¶ Á El oatu nu Keper-neum, siti lun Galili, à lutu nu selos ke len Sabat.

32 Á elos lut ke ma lutu lal ; tu kas lal pen.

33 Á in lolñok met si mutu, ſu ñun lun devil fokfok yu-rol, à el wowoyuk ke pusra lulap, 34 fwakañ, We ! mea kem a oru nu Šum, Jisus lun Nazaret ? ya kom tukú in kanaos kem la ? ña etu la ſuo komwun; sie Mutual lun God.

35 Á Jisus el kaiyuk nu sel, fwakañ, Nimit kas, à fwasu luk el. Á ke devil el siselañ nu infulwe, el fwas Luk el, à tiu akkoluki el.

36 Á elos nu kemwu lut, à elos kaskas sie sin sie, fwakañ, Kas ſušu iñi, tu ke pen à ku El ſap nu sin ñun fokfok, à elos fwala liki.

37 Á puñal fwaselik yin nu kemwu fwal apneni.

38 Á El tuyuk liki imwen lolñok, à ilyuk nu in lom sin Saimon. Á nine kiel mutan kiel Saimon, el mwaiok ma lulap ke mas fwol ; à elos siyuk Sel kē'l.

39 Á El tu yetal, à kai mas fwol ; à ma wañinla luk el ; à kitin misiñi el tuka-kak à oru nu selos.

40 Á ke fwatu tili, elos nu kemwu ſu met mas yurolos ke kutenu mas wis elos nu yurol ; à El filiye paul fwe-los nu kemwu, à akkei elos la.

41 Á devil elos pe fwala liki ma puspis, wowoyuk, à fwak, Kom Kraist Mwen nutin God. A El kai elos à lela elos in tiu kas ; tu elos etu tu el Kraist.

42 Á ke lenelik El ſomla, à fwas nu yin mesis ; à met elos ſok ol, à tuku nu yurol à igol ol, lun tiu ſon luk elos.

43 Á el fwak nu selos, Me

orekma luk in luti togusaï lun God nu yin kutenu siti ouyape; tu ke ma iñi pen yu mi.

44 Å el lut in lolñok lun Galili.

SAPTER 5.

AM A te oru, tu, ke met elos eok sel'ani in loñkas lun God, El tu ke lulu Genesaret, 2 å liye oak sisik lugue on ke lulu: å met kwa elos srola liki å olla ok lalos.

3 Å El sroauk nu in sugo oak, ma lun Saimon, å siyuk sel, lun kolla kute sisik liki annu. Å el mutu fwin oaku å lutu nu sin metu.

4 Å ke El kaskas tari, El fwak nu sel Saimon, Kom kolot liki annu, å sisla ok lom in kwa.

5 Å Saimon el tupok å fwak nu Sel, Met Luti, Kem patur foñ nu len, å pusinpo: measis, ke kas lom ña sie-fwil sisla ok.

6 Å ke elos oru ma iñi tari, elos eal ik puspis: å ok lalos misalla.

7 Å elos ponsitamu met wi alos, su mutu in sugoe pe oak, tu elos in tuku å kas'-elos. Å elos tuku, å nakla oak lugue, oanu tu muta-mwaak in tili.

8 Ke Saimon Piter el liye, el putatla nu intel Jisus,

fwakañ, O Leum, fwala liki yu tu ña met koluk.

9 Tu el lut, å elos nu kemwu oelul, ke ik in kwa ma elos es.

10 Å ouyape Jemes, å Jon, mwen nutin Zebedi, su oelul Saimon. Å Jisus el fwak nu sel Saimon, Nik kom sañeñ, tu tuk kom fwa kwa met.

11 Å ke elos wis oak okalos nu fwin meši, elos aliki ma nu kemwu å fwas tuk ol.

12 ¶ Å ma te oru ke El mutu in sie siti, liye, sie met afianu ke musin leper: ke el liye'l Jisus, el fokakinye mutal, å siyuknu nu Sel fwakañ, Leum, kom fwin luñsom, Kom ku in ore yu in nasnas.

13 Å El sralot paul, å kali-lye, fwakañ, Na ke, Kom in nasnas. Å kitin misiñi mas leper wañinla luk el.

14 Å El kaiyuk nu sel lun tiu fwak nu sin met: å kom ñom, å lutu komyuñ nu sin met tol, å suñ kiše ke ma orek kom in nasnas, oanu Moses el sap, in akulin elos ye.

15 Å puñal yoknu fwaselik ke'l; å met p-u-s-pis elos tukeni in loñ, å tu El akkei elos la ke mas lalos.

16 Å El sifwanu som nu yin mesis å pre.

17 ¶ Å ma te oru ke sie

len, ke El lutu, tu kutu met Farisi a met lutu lun manu elos mutanu we, su tuke like an nu kemwu met mutu we lun Galili, a Judea, a Jerusalem; a ku lun Leum os we in akkei elos la.

18 A, liye, met elos wis sie met mas matoltol on fwin külüs si; a elos šuk an ya elos in wisalak nu we, a in liki'lye ye mutual.

19 A ke elos koflanu konioik an elos wis al ak nu we ke met puspis, elos utsuk nu fwin mañon lomwu, a ko el la nu in lüf si, on fwin külüs sisik nu infulwé ye mutual Jisus.

20 A ke El liye lalalfuñi lalos, El fwak nu sel, Met, ma koluk lom nunok munas nu šum.

21 A met sim a met Farisi elos mutamwauk in papu, fwakañ. Met šusu si iñi su kaskas ko nu ke God? Su ku in nunok munas ke ma koluk, tu God mugenu?

22 A ke Jisus etu nunk'ulos, El tupok a fwak nu selos, Mea komwos pu inšiumwos?

23 Mea fusas liki in fwak, Ma koluk lom nunok munas nu šum; ku in fwak, Tukakak a fwas?

24 A tu komwos fwa etu tu Mwen nutin met ku lal on fwalu in nunok munas ke

ma koluk (El fwak nu sin met mas matoltol,) Kom tukakak, a srükak külüs kium, a fwas nu in lom šum.

25 A kitin misiñi el tuyuk ye mutualos, a srükak ma el on fwe, a šom nu lom sel, kašakin God.

26 A elos nu kemwu lut, a kakšakin God; a elos tiñtiñi-nu ke ſañeñ, fwakañ, Kut liye ma šokuruk misiñi.

27 ¶ A tukin ma iñi El šom ot, a liye met rošo, e Livai, el mutu in imwen rošo: a El fwak nu sel, Kom fwas tukuk.

28 A el aliki ma nu kemwu, tuyuk, a fwas tuk ol.

29 A Livai el oru nu Sel sie kofwo lulap in lom sel: ma puspis sin met rošo, a sin kutenu met su oelulos foñla mutu.

30 A met sim lalos a met Farisi elos torkaskas lain met tumal lutlut, fwakañ, Efwo komwos ku moño a nim yurin met rošo a met koluk?

31 A Jisus el tupokoña fwak nu selos, Elos su ku tiu enenu met šatal; tu elos su mas.

32 Na tiu tuku in pañon mu met payi, tu met koluk in auliyuk.

33 A elos fwak nu sel, Efwo ku met tumal lutlut lun Jon elos lalo pal puspis,

ā orek ali, ā ouyape sin met Farisi ; ā ma lom elos moñō ā nim ?

34 Ā El fwak nu selos, Ya komwos ku in orek tulig nutin met pusla in lālo, ke met pusla yurolos ?

35 Ā, len a fwa tuku ke met pusla eyela luk elos, ā na elos fwa lālo in len iñō.

36 Ā El kaskas pe sie pupulyuk nu selos ; Wañin met likiye ipen nuknuk sašu nu ke nuknuk ma, fwin ou iñi ip sašu miselik, ā ip sašu tiu fwol nu ke ip ma.

37 Ā wañin met filiye wain sašu nu in sifwa matu ; fwin ou iñi wain sašu foklūlik sifwa matu, ā sirorla, ā sifwa misalsalla.

38 Tu filiye wain sašu nu in sifwa sašu ; ā kemwu a fwa mwo.

39 Ā wañin met ſu nim wain matu kitin misiñi el lunsel ma sašu ; tu el fwak, Ma matu mwo liki.

SAPTER 6.

Ā MA te oru ke sabat A akluo tukin ma si meta, tu el fwak nu selos, Efwo komwos korn, ā moñō, ulle mao in pauelos.

12 Ā kutu sin met Farisi fwak nu selos, Efwo komwos ku oru ma oul in oru ke len sabat ?

3 Ā Jisus el tupok nu selos ā fwak, Ya komwos tiu rid ma iñi, ma Devid el oru, ke el musinsral, ā elos ſu oelul ?

4 fuka el ilyuk nu in lom sin God, ā es, ā moñō bred lut, ā ſuñ pe nu selos ſu oelul ; ma oul in moñō, tu ma lun met tol mugenu ?

5 Ā El fwak nu selos, Tu Mwen nutin met El Leum pe lun sabat.

6 Ā ma te oru ke sie pe len sabat, tu El ilyuk nu in imwen lolñok ā lut : ā iñō met si ul lana paul leyut.

7 Ā met ſim ā met Farisi elos sano'l, el a la kela ke len sabat ; tu elos fwa konoiok ma kou lain ul.

8 Ā El etu nunkolos, ā El fwak nu sin met ſu ul lanu paul, kom tuyuk, ā tu infulwe. Ā el tuyuk ā tu.

9 Na Jisus el fwak nu selos, Na siyuk nu ſumwos, la oul ke len sabat in orek mwo, ku in orek koluk ? in molüla mol, ku in kanaosla ?

10 Ā ke El ñetañ nu selos nu kemwu, El fwak nu sel met si, kom sralot poum. Ā el oru ou iñi ; ā paul kela oanu leyenu.

11 Ā elos tiñtiñinu ke mulat ; ā elos papu sie sin sie, mea elos fwa oru nu sin Jisus.

12 ¶ Ā ma te oru ke len iñō, tu El som nu fwin eola

in pre, à El mutu foñ fon si
in pre nu sin God.

13 Á ke len El pañon mu
met tumal lutlut: à El su-
lula sie-ñul-luo selos, su El
suñ elos met sap; 14 Sai-
mon, (su El suñ pe El Piter,) à Andru ma lel, Jemes à Jon,
Filip à Bartolomu, 15 Mattu
à Tomas, Jemes nutin Alfe-
us, à Saimon pañpañ Zelo-
tes, 16 à Judas ma lel Jemes,
à Judas Iskariot, su pe met
tukakunak.

17 Á El oelulos oatu, à tu
yin tupaspas, à ma puspis
sin met tumal lutlut, à elun
met lulap si elos tuke liki
Judea mi nu kemwu à Jeru-
salem, à fwin we nu mwea
mi lun Tair à Saidon, in loñ
ol, à in kela ke mas lalos;
18 à elos su keok ke ñun
fokfok; elos kela.

19 Á elos nu kemwu tuke-
ni sriki in kali'lye: à ku
fwas luk el, à akkei elos la
nu kemwu.

20 ¶ Á El keyuk mutal
nu fwin met tumal lutlut,
à fwak, Inši mwowo kom-
mwos met sigasrup; tu to-
gusaï lun God ma lomwos.

21 Inši mwowo komwos
su musinsral iñi; tu kom-
mwos fwa kùp. Inši mwovo-
wo komwos su tuñ iñi; tu
komwos fwa isas.

22 Inši mwowo komwos ke
met fwa sruñe komwos, à ke

elos fwa sis komwos la luk
elos, à fwa kas ko ke'umwos,
à sisla e'umwos oanu ma
koluk, ke Mwen nutin met.

23 Komwos eñun in len si
iñi, à srosro ke eñun; tu,
liye, mol lulap lomwos in
kosao; tu ou iñi papa tuma-
los oru nu sin met palu met.

24 Á we nu šumwos su
gasrup! tu komwos es par
lomwos met.

25 We nu šumwos su kùp!
tu komwos fwa musinsral.
We nu šumwos su isas iñi!
tu komwos fwa ašor à tuñ.

26 We nu šumwos, ke met
e nu kemwu fwa kas mwo
ke'umwos! tu ouyape papa
tumalos oru nu sin met palu
sito met.

27 Á tu Na fwak nu su-
mwos su loñ, Komwos luñ-
Somwos met lokwalok lo-
mwos, orn mwo nu selos su
sruñe komwos, 28 ali mwo
ke'los su kas ko nu šumwos,
à pre ke'los su orek koluk
lanu nu šumwos.

29 Á el su pukil kom ke
olum kom suñ pe leyenu nu
sel; à el su esla nuknuk lik
lom, kom tiu igolol in es
nuknuk lù pe.

30 Á suñ nu sin met nu ke-
mwu su siyuk sum; à el su
esla ma lom, kom tiu siefwil
siyuk sel ka.

31 Á oanu komwos luñ-
Somwos met in oru nu su-

mwos, komwos ore pe oaye
nu selos.

32 Tu komwos fwin luñ-
somwos elos šu luñši ko-
mwos, mea kulu lomwos ?
tu met koluk pe elos luñse-
los elos šu luñši elos.

33 Å komwos fwin orek
mwo nu selos šu orek mwo
nu šumwos, mea kulu lo-
mwos ? tu met koluk elos
oru ouyape.

34 Å komwos fwin osroa
nu selos fwensok lomwos in
es tuk, mea kulu lomwos ?
tu met koluk elos osroa nu
sin met koluk, tu elos fwa
es ouyape.

35 Å komwos luñšomwos
met lokwalok lomwos, å orek
mwo, å osroa, tiu fwensok
lom in siefwil es pe tuk ; å
me mol lomwos tufwa ma
lulap, å komwos tufwa tulig
nutin Fulat liki nu kemwu:
tu El kulañ nu selos šu tiu
kulu, å šu koluk.

36 Ke ma iñi komwos pa-
koten, oanu Papa tumomwos
El pakoten pe.

37 Komwos tiu nunok ko-
luk å a fwa tiu nunek ko-
luk nu šumwos : komwos tiu
lusla, å a fwa tiu lis komwos
la : komwos nunok munas,
å a fwa nunok munas nu
šumwos.

38 Komwos ašuñ, å a fwa
siot nu šumwos ; srigusrok
mwo, tanye, oskoini nu sie,

å kakla, met elos tufwa siot
nu in imwomwos. Tu sri-
gusrok si ma komwos sriki
ka, fwa sriki ouyape nu
šumwos.

39 Å El kaskas pupulyuk
si nu selos : Ya met kun el
ku in kol met kun ? Ya
eltal tiu putatla nu inluf si ?

40 Met lutlut el tiu fulat
liki met luti lal : ke lutlut
šumwosnu el a fwa oanu
met luti lal.

41 Å efwo kom ku liye
kutkut ma on in mutun
lium, å sak ma on in mutom
kom tiu etu ka ?

42 Fuka kom ku in fwak
nu sin met lium, Ma lik, lela
ña in esla kutkut ma on in
mutom, ke kom ſifwanu tiu
liye sak ma on in mutom ?
Kom mwošounkas, met kom
sisla sak liki mutom, å na
kom tufwa liye mwo in esla
kutkut liki mutun lium.

43 Tu sak mwo a tiu isüs
fwako koluk ; ouyape sak
koluk a tiu isüs fwako mwo.

44 Tu etu sak nu kemwu
ke fwako lal. Tu met tiu
es fokin fig ke mu, ouyape
elos tiu es fokin grep ke ko-
kol.

45 Met mwo el wisla ma
mwo liki tatü mwo inšiel : å
met koluk el wisla ma koluk
liki tatü koluk inšiel ; tu ke
ma puspis inšiel oalul kaskas
ka.

46 Ā efwo komwos ku pañon yu, Leum, Leum, à tiu oru ma Ña fwak ?

47 Kutenu šu tuku nu yuruk, à lon kas luk, à oru mao, Ña fwa luti nu šumwos el oanu šu : 48 El oanu sie met šu muša lom, à pukin luäl, à likiye mao on ten on fwin eot : à ke kof lapak, à sronot fuñla ma lulap nu ke lom iñō, à koflanu kususkuk mao, tu muša on fwin eot.

49 Ā el šu loñ, à tiu oru, el oanu sie met wañin mao on ten el muša lom on fwin fok ; sronot fuñla ma lulap nu ke mao, à kitin misiñi iguri ; à lom iñō mišalla ma lulap.

SAPTER 7.

KE El kaskas ma iñi nu kemwu tu met in loñ, tuk El utsuk nu in Keperneum.

2 Ā sie senturion met kulansap lal, šu oi sel, el mas, à akurun nu misi.

3 Ā ke el loñ ke'l Jisus, el sipaot nu Sel met elder lun met Ju, in pre siyuk Sel lun oatu à akkei el la met kulansap lal.

4 Ā ke elos tuku yurin Jisus, elos siyuknu Sel ma lulap, fwakañ, Tu el mwø el su oru ma iñi ka ; 5 tu el luñsel met las, à el muša imwen lolñok ses.

6 Na Jisus oelulos som. Ā

ke El tiu lüsla liki lomwu, senturion el sipaot met kawuk nu Sel, in fwak nu Sel, Leum, kom tiu lokoluke kom ; tu ña tiu mwo tu Kom ilyuk ye külüf sik.

7 Ke ma iñi ña tiu nunku tu ña mwo in tuku nu yurum : à kom fwaknu kas si, à met kulansap luk fwa kela.

8 Tu ña pe akos leum, met meun elos akos yu, à ña fwak nu sin sie, Kom šom, à el šom ; à nu sin sienu, Kom fwasu, à el tuku ; a nu sin met kulansap luk, Kom oru ma iñi, à el oru.

9 Ke Jisus el loñ ma iñi El lut ke'l, à El siswanu tapulla, à fwak nu sin met su fwas tukol, Ña fwak nu šumwos, Ña tiu konoiok lalafuñi lulap ou iñi met, mo, tiu in Israel.

10 Ā elos su sipeyuku, ke folokla nu in lomwu, elos konciok met kulansap su mas kelanu.

11 ¶ Ā ma te oru len siti tuk, tu El ilyuk nu in sie siti pañpañ Nain ; à met tumal lutlut puspis oelul fwas, à ma puspis metu.

12 Ā ke El tuku apkurun nu mutun oaoa lun siti, liye, elos wisla met misi liki, mwen si wunu nutin nine kiel, à el kotinmas ; à mā puspis met lun siti elos oeluk

13 Ā ke Leum liye'l, El pakomutal, ā fwak nu sel, Kom tiu tuñ.

14 Ā El tuku kalye ra: ā elos ſu wiſ el tu. Ā El fwak, Met fwus, Na fwak nu ſum, Tukakak.

15 Ā el ſu miſi mutu, ā mutamwauk in kaskas. Ā El asalañ nu sin nine kiel.

16 Ā ſañen tuku nu fwelos nu kemwu; ā elos kakſakin God, fwakañ, Met palu lulap ſi ſikini nu yuros, ā God tuku nu yurin met sran.

17 Ā puñal iñi fwaselik ſasla yin nu kemwu Judea, ā yin nu kemwu apneni.

18 ¶ Ā met tumal lutlut lun Jon elos luti nu sel ke ma nu kemwu ma iñi.

19 Ā Jon ke el pañon mu met tumal lutlut luo el ſipa'italot nu yurin Jisus, fwakañ, Ya kom El ſu a fwa tuku? ku kem a ſuk ſienu?

20 Ke met eltal tuku nu yurol, eltal fwak, Jon Baptist el ſipe ketal mu nu yurum, in fwak, Ya kom El ſu a fwa tuku ku kem a ſuk ſienu.

21 Ā ke auu ſi iñi El ak-keiela ma puspis ke munas ā mas lalos, ā ke ñun koluk; ā nu sin ma puspis met kun El ora'los in liye.

22 Na Jisus tupok ā fwak nu ſeltal, Komtal fwasot, ā luti nu sel Jon ma komtal

liye ā loñ; fuka met kun elos liye, met ul elos fwas, met leper elos nasnas, met siloñkas loñ, met miſi mol-yuk, mwo ſaſu luti nu sin met sigasrup.

23 Ā inſi mwovo kutenu ſu tiu tugulkul ke Na.

24 Ā ke met ſap lun Jon eltal ſomla, El mutamwauk in kaskas nu sin met ke'l Jon, Mea komwos ſom nu yin mesis in liye? Ya a ſugo kususus ke eñu?

25 Ā mea komwos ſom in liye? Ya met ſi nukomañ nuknuk fusas? Liye, elos ſu nukomañ nuknuk mwo-lanu, ā me moño nelos mwo pe, elos mutu in loñ sin togusa.

26 Ā mea komwos ſom in liye? Ya met palu? Aok Na fwak nu ſumwos, ā yok liki met palu.

27 El iñi, el ſu ma ſimusla ka, Liye, Na ſipaot met ſap luk, ye mutom, ſu fwa akou inek lom ye mutom.

28 Tu Na fwak nu ſumwos, Yurolos ſu mutan iſuſla wañin ſie met palu yok luk el Jon Baptist: ā el ſu ſrik liki in togusañ lun God, el yok luk el.

29 Ā met e nu kemwu ſu loñ ol, ā met roſo, elos payi-kin God, in baptaisla tari ke baptais lun Jon.

30 Ā met Farisi ā met

manu elos kanaosla papu lun
God lain elos, tu elos in tiu
baptais ke'l.

31 Ke ma iñi, Ka mea Na
fwa pupulyuki met lun fwil
si iñi ? à elos oanu mea ?

32 Elos oanu tulig šu mutu
niin kutakot, à pañon mu-
sie sin sie, à fwak, Kem nig-
rara nu šumwos, à komwos
tiu srosro ; kem ašor nu šu-
mwos, à komwos tiu tuñ.

33 Tu Jon Baptist el tuku
tiu moño bred tiu nim wain ;
à komwos fwak, Devil yu-
rol.

34 Mwen nutin met El
tuku moño à nim ; à komwos
fwak, Liye, met kain moño,
à nim wain, kawuk lun met
roso à met koluk !

35 À Lalmetmet el payi ke
tulig natal nu kemwu.

36 ¶ À sie sin met Farisi
el luñsel tu El oelul moño.
À El ilyuk nu in lom sin
Farisi, à El foñyuñ nu ke
tebue.

37 À liye, sie mutan in siti,
su koluk, ke el etu tu Jisus
el foñyuñ nu ke tebue in lom
sin met Farisi, el wis bok in
alabaster me akmusra, 38 à
el tu yakul ke niel tuñ, à
mutamwauk in tanla niel ke
srulinmit, à éla mao ke aun
siufwel, à fiok niel, à mwos-
wela ke me akmusra.

39 À ke met Farisi su
suloimu, liye, el kaskas in-

siel, fwakañ, Met si iñi el
fwin met palu El etu su à
la fuka mutan si iñi su kalul
tu el koluk.

40 À Jisus el tupokoañ
fwak nu sel, Saimon, kutu
ma on sik in fwak nu šum.
À el fwak, Met Luti, ora-
mu.

41 Sie met kutakot šuñ
mao, luo met lal es šumwe
mol ; sie ke penni lum-foko,
à sie ke lum-ñaul.

42 À ke wañin me mol lal-
tal, el nunok munas nu sel-
tal. Ke ma iñi kom fwak
nu sik, su seltal luñsi el
yok ?

43 Saimon el tupok à fwak,
Na mu el su el nunok mu-
nas yok sel. À El fwak nu
sel. Payi ma nununku lom.

44 À El ella nu sin mutan,
à fwak nu sel Saimon, Ya
kom liye mutan si iñi ? Na
ilyuk nu in lom šum met,
kom tiu si nu sik kof in
tanla niuk : à el tanla niuk
ke srulinmit, à éla ke aun
siufwel.

45 Kom tiu ñok yu ; à mu-
tan si iñi tukin pal si Na
ilyuk el ñoknu niuk.

46 Kom tiu šuñ ſifwa in
mwosuela ſiufwuk ; à mutan
si iñi el mwoswela niuk ke
me akmusra.

47 Ke ma iñi Na fwak nu
šnm, Ma koluk lal, ma pus-
pis, nunok munas nu sel ; tu

el luñsi ma lulap; à nu sin
su nunok munas ma sisik,
el luñsi ma sisik.

48 Á El fwak nu sel, Ma
koluk lom nunok munas nu
sum.

49 Á elos su oelul foñyuñ
nu ke tabel mutamwauk in
fwak inšielos, Met šušu si
iñi su nunok munas ke ma
koluk pe?

50 Á El fwak nu sin mu-
tan, Lalalfuñi lom moli kom;
kom šom eñun.

SAPTER 8.

Á MA te oru tuk tu El
Á fwas nu in siti à an sisik
met mutu we tiu sisla sie,
kaskas à luti mwo šasu lun
togusai lun God: à sie-nul-
luo elos oelul; 2 à kutu mu-
tan su kela met ke ñun
koluk à munas, Meri pañpañ
Magdalen à devil itkos šom
luk el, 3 à Joanna mutan
kiel Šuza, met tutafpo lun
Erod, à Susanna, à ma pus-
pis pe, su oru nu sel ke ma
lalos.

4 ¶ Á ke met puspis elos
tukeni, à tuku nu yurol liki
siti nu kemwu, El kaskas ke
sie pupulyuk: 5 Sie met
takunalik el šom in takuna-
lik fute lal; à ke el takuna-
lik, kutu putatla nu pupa-
neku; à loñya mao, à mwen
yin eñyeñu elos koñla mao.

6 Á kutu putatla on fwin

eot; à ke kapak, paoala, tu
wañin eou ka.

7 Á kutu putatla nu yin
kokol; à kokol wi kapak, à
puani mao.

8 Á kutepe putatla nu in
fok mwo, à kapak, à isüs
fwako sie-fok ka. Á ke El
kaskas ma iñi tari, El fwak,
El su sra in loñ lela lun loñ.

9 Á met tumal lutlut elos
siyuk Sel, fwakañ, Mea pu-
pulyuk si iñi?

10 Á El fwak, Ma šiot nu
šumwos in etu ma foñla lun
togusai lun God: à nu sin
kutenu in pupulyuki; tu liye
elos a tiu liye, à loñ elos a
tiu etu.

11 Á pañi ma pupulyuk;
Fute kas lun God.

12 Elos pupaneku elos su
loñ; na devil el tuku, à esla
kas liki inšielos, tu elos in
tiu lalalfuñi à mol.

13 Elos on fwin eot, ke elos
loñ, elos es kas ke eñun; à
wañin oka lalos, kutu pal
elos lalalfuñi, à ke pal mel
elos putatla.

14 Á mao putatla nu ke
kokol, ke elos loñ, elos šom,
inšie à gasrup à eñun ke
fwalu sruukeni mao, à elos
tiu iñus fwako mwo.

15 Á mao on in fok mwo,
elos su ke inšielos payi à
mwo, elos loñ kas à srukien,
à isüs fwako ke moñfusas.

16 Wañin met, ke el ako-

sak lamu, el afwinye mao ye maši, ku filiye ye bed si; à el likiye ke sikon lamu, tu elos su ilyuk fwa liye kalem.

17 Tu wañin mao afwinye a fwa tiu igasla; à mwukunla, à a fwa tiu etauk à fwaselik.

18 Ke ma iñi komwos liauñ, fuka komwos loñ; tu kutenu šu os ma lał, a fwa šuñ nu sel; à kutenu šu wañin ma lał, fwa esla luk el ma el nunku ma lał.

19 ¶ Iñi nine à met lel elos tuku nu yurol, à koflanu utyuk nu yurol ke met puspis.

20 À kutu oru nu Sel fwakañ, Nine kiüm à met lium elos tu likin umwe, kenu liye Kom.

21 À El tupok à fwak nu selos, Nine kiuk à met lik elos su loñ kas lun God, à oru mao.

22 ¶ À ma te oru ke sie len, tu El wi met tumal lut-lut sroauñ nu fwin oaku; à El fwak nu selos, Lela kut in šom nu leyeno liki lulu. À elos kolot.

23 À ke elos kol, El motul; à eñ lulap tumi nu fwin lulu; à elos seseslanu ke kof, à senšenak.

24 À elos tuku nu yurol, à oksa'lak, fwakañ, Met Luti, met luti, kut a miši. Na El

tukakak, à kutuñye eñ à namwot; à elos tu misla.

25 À El fwak nu selos, Paya lalalfuñi lomwos? À elos sañeñ lut, fwakañ sie sin sie, Met sušu met šen! tu El šap nu šin eñ à kof, à elos aksol.

26 À elos tuku nu yin sin met Gadara, an tulon an Galili.

27 À ke El srola nu fwasi, sie met lun siti, devil yurol ma patpat, à el tiu nukomañ nuknuk, tiu mutu in lom, tu inkulyuku, el sun ol.

28 À ke el liye'l Jisus, el wowoyuk, à putatla yé mutal, à fwak ke pusra lulap, Mea ña oru nu šum, Jisus, Mwen nutin God fulat liki nu kemwu? Ña kenu tu Kom tiu ore yu in keok.

29 (Tu el šap ñun fokfok in fwala liki met si. Tu pal puspis el sruki'lye: à el kopur ke kapinkosláp à fetter, à el otalik me kopur, à devil sipa'l ot nu yin mesis.)

30 À Jisus siyuk sel, fwakañ, Èwošoun? À el fwak, Lišion: tu ma puspis devil ilyuk nu in el.

31 A elos siyuknu nu Sel, lun tiu sipa'los wot nu yin lüäl.

32 À un kusro pig lulap si elos moño fwin eola; à elos siyuknu nu Sel, tu lela e'los

in utyuk nu in elos. Ā El fule'los la.

33 Na devil elos ſom liki met si, ā utyuk nu in piga; ā un pig si elos kasus ma keku yin oatu nu in lulu, ā ma'l.

34 Ke elos ſu kitauñ piga liye ma orala, elos kaiñla, ā ſom ā fwakak mao nu in siti ā in anu.

35 Na elos ſom in liye ma orala; ā tuku nu yurol Jisus, ā konoiock met si, devil ſom liki met, el mutu ye nien Jisus, nukomañ nuknuk, ā tiu mwul: ā elos ſañeñ.

36 Elos pe ſu liye mao fwak nu selos fuka mao el ſu devil yurol kela.

37 Na met nu kemwu appneni an sin met Gadara elos siyuknu nu Sel lun fwala luk elos: tu elos ſañeñ ma lulap: ā El sroauk nu fwin oaku, ā siefwil folokla.

38 Ā met si ſu devil ſom luk el met, el siyuknu nu Sel lun mutu yurol: ā Jisus sipa'lot, fwakañ, 39 kom folokla nu lom ſum, ā fwakak fuka ma lulap ma God oru nu ſum. Ā el ſomot, ā lutin in siti nu kemwu fuka ma lulap Jisus oru nu sel.

40 ¶ Ā ma te oru, tu ke Jisus folokla, met elos eñun in as El; tu elos nu kemwu mutu ſan ol.

41 Ā, liye, sie met tuku, ēl Jairus, ā el leum lun lolñok; ā el putatla nu ke nien Jisus, ā siyuknu nu Sel lun tuku nu in lom sel: 42 tu an siewunu natal akurun matu yiu sie-ñul-luo, ā el akurun nu miši. Ā ke El ſom met elos eok Sel.

43 Ā sie mutan mas ke sa ſiror yiu sie-ñul-luo, ſu kitela ma nu kemwu ma lal ke met ſatal, ā elos kofianu akkei el la, 44 el tuku tuk'ol, ā kalye ſisken nuknuk lal; a kitin misiñi ſa'l ſiror wañinla.

45 Ā Jisus el fwak, ſu kal yu wi? Ke elos nu kemwu laflafwekin, Piter ā elos ſu oelul fwak, Met Luti, met puspis apinkom weni ā eokis kom, ā kom fwak, ſu kal yu wi?

46 Jisus el fwak, Sienu kal yu wi; tu Na etu tu mwo fwas liki yu.

47 Ā ke mutan liye tu el tiu mwukin, el tuku rarrar, ā putatla ye mutual, el fwak nu Sel ye mutun met nu kemwu, ke ma el kal'ilye ka, ā fuka el kela kitin miſiñi.

48 Ā El fwak nu sel, An, kom eñun, tu lalalfuñi lom orek kom in kela; kom ſom in misla.

49 Ke El kaskas, sie met el tuku in lom mi sin leum lun lolñok, fwak nu sel, An nu-

tum misi ; tiu lokoluki Met Luti.

50 Ā ke Jisus loñ, El tupoñ nu sel, fwakañ, Nik kom ſañeñ ; lalalfuñi mugenu, à el tufwa kela.

51 Ā ke El tuku nu in lomwu, El lela met in tiu utyuk, Piter, à Jemes, à Jon, à papa à nine lun tulig elos mugenu.

52 Ā elos nu kemwu tuñ, à asro'l. Ā El fwak, Nik komwos tuñ ; el tiu miši, tu motul.

53 Ā elos isasunkusa nu Sel, etu tu el miši.

54 Ā El lus elos la nu kemwu, à es paul, à pañon, fwakañ, Mutan fwus, tukakak.

55 Ā ñunal siefwil tuku, à kitin mišiñi el tukakak : à El sap in šuñ ma nel.

56 Ā kiel tumal eltal lut. Ā El kaiyuk nu seltal tu eltal in tiu fwak nu sin met ma orala.

ŠAPTER 9.

NA El paññoni nu sie met tumal lutlut sie-ñul-luo, à šuñ nu selos ku, à sap ke devil nu kemwu, à in akkei-ela mas.

2 Ā El sipa'los wot in lut togusaï lun God, à in akkei-ela met mas.

3 Ā El fwak nu selos, Komwos tiu es mao ke. fwas,

tiu sikal, tiu nuk, tiu bred, tiu muni; tiu kais luo koat.

4 Ā kutenu lom komwos ilyuk nu we, mutu we, à som liki.

5 Ā kutenu šu tiu es komwos, ke komwos šom liki siti si iñó, fotoñla fok ke niuwos ke sie akul lain alos.

6 Ā elos šomla, à fwas sasla an met mutu we, lutu mwo šasu, à akkeiela yin nu kemwu.

7 ¶ Ā Erod tetrark el loñ ma nu kemwu ma El oru : à el toninfoñ, tu kutu fwak, Jon el molyuk yin miše mi ; 8 à kutu, Elalias el sikmi : à kutenu, sie sin met palu el siefwil molyuk.

9 Ā Erod el fwak, Na tala ſiufwin Jon ; ka šu iñi, sin šu ña loñ kutu ma. Ā el kenu liye'l.

10 Ā met sap, ke elos fololla, elos fwak nu Sel ma nu kemwu elos oru. Ā El es elos, à šom muku yin mesis, an lun siti pañpañ Betsaida.

11 Ā met, ke elos etu, elos fwas tuk ol ; à El es elos, à kaskas nu selos ke togusai lun God, à akkei elos la elos šu enenu in kela.

12 Ā ke len mutamwauk in foñuni, sie-ñul-luo elos tuku à fwak nu Sel, Kom sipaot metu, tu elos fwa šom nu yin met mutu we à an

apneni, à mutu we, à es manelos; tu kem mutu yin mesis.

13 Á El fwak nu selos, Komwos ſuñ ma nelos. Á elos fwak, Srukwalun nu bred limikos à ik lugue mugenu yuros; kut nikin kut à la ſom mol me moño nun met iñi nu kemwu.

14 Tu met elos akurun tausen limikos. Á El fwak nu sin met tumal lutlut, Ora'los in mutu kais lum ñaul srupin met.

15 Á elos oru ou iñi, à ora'los nu kemwu in mutu.

16 Na El es srukwalun nu bred limikos à ik lugue, à ñetak nu in kosao, El ali ke mao, à kunšalik, à ſuñ nu sin met lutlut in filiye ye mutun metu.

17 Á elos moño, à nu kemwu kùp; à elos srukak kuom sie-ñul-luo luin me moño ma on yurolos.

18 ¶ Á ma te oru, ke El muku pre, met tumal lutlut elos oelul; à El siyuk selos, fwakañ, Met elos mu, Na ſu?

19 Elos tupokoñañ fwak, Jon Baptist; à kutu Elaias; à kutenu mu, sie sin met palu umet el siefwil molyuk.

20 El fwak nu selos, Ya komwos mu ſu Na? Piter el tupokoñañ fwak, Kom Kraist lun God.

21 Á El kaiyuk nu selos ma lulap, à ſap elos in tiu fwak ma iñi nu sin sienu met; 22 fwakañ, Mwen nutin met keokiuñ ke ma pus-pis, à met elder à leum tol à met ſim elos tufwa sis El la, à uniye, à siefwil molyuk len si aktolu.

23 Á El fwak nu selos nu kemwu, Sienu fwin luñsi fwas tukuk, lela lun ſifwanu laflafwekun al, à srukak ſaksiñ sugo lal piñanu len, à fwas tukuk.

24 Tu kutenu met ſu luñsi laño mol lal tufwa tula mao: à kutenu met ſu luñsi tula mol lal keik, El iñi tufwa laño mao.

25 Tu mea mwo sin met, el fwin es fwal nu kemwu, à el ſifwanu tula, ku sisila?

26 Tu kutenu met a fwa mekin sik à ke kas luk, Mwen nutin met fwa mekin sel ke El a fwa tuku in ma mwowo lal, à ma lun Papa, à ma lun lipufon mutual.

27 Á Na fwak nu ſumwos payi, kutu ſu tu iñi, elos tiu pulakin miši nu ke pal si elos liye togusaï lun God.

28 ¶ Á ma te oru akurun len oalkos tukin kas iñi, El es Piter à Jon à Jemes, à fwasyuk nu fwin eola in pre.

29 Á ke El pre, mutual ekla, à nuknuk lal fwosfwos à ſarom.

30 Ā liye, met luo, Moses à Elaias, eltal oelul kaskas ;
31 eltal sikini in ma mwowo à kaskas ke miši El tufwa oru nu Jerusalem.

32 Ā Piter à elos su oelul toas ke metkel. Ā ke elos nūtalik, elos liye ma mwowo lal, à met luo su tu yurol.

33 Ā ma te oru, ke eltal som luk El, Piter el fwak nu sin Jisus, Met Luti, mwo nu ses in mutanu iñi ; à lela kut in muša lom sra tolu ; sie sum, à sie sin Moses, à sie sin Elaias : el nūkin ma el fwak.

34 Ke el kaskas ou iñi, sie pukunieñ tuku, à lololosi ; à elos sañeñ ke elos ilyuk nu in pukunieñ.

35 Ā pusra si tuke liki pukunieñ, fwakañ, El iñi Mwen kulu nutig ; komwos loñ ol.

36 Ā ke pusra somla tari, Jisus mugenu mutu. Ā elos mwukin mao, à tiu fwak nu sin sie met in len iñó ke mao ma elos liye.

37 ¶ Ā ma te oru, ke len si tuk ke elos oatu fwin eola mi, met puspis elos sun ol.

38 Ā, liye, sie met yurolos el wowoyuk, fwakañ, Met Luti, Na siyuknu nu sum, kom in ñetañ nu sin mwen nutig ; tu el tulig siewunu nutig.

39 Ā, liye, sie ñun el es el,

à kitin misiñi el wowoyuk ; à el ora'l lun lulek à atinfu-lak ; à el tupurplelik, upa in som luk el.

40 Ā ña siyuknu nu sin met tunom lutlut in sis el la, à elos koflanu.

41 Ā Jisus tupokoañ fwak, O fwil silalafuñi à koluk, putaka Na mutu yurumwos, à mutañ komwos ? wisi mwen nutom.

42 Ā ke el fwasu devil el sisi'lye nu in foko, à ora'l lun lulek. Ā Jisus kaiyuk nu sin ñun fokfok, à El akkei el la tulig, à siefwil asa'lañ nu sin papa tumal.

43 Ā elos nu kemwu lut ke ku lulap lun God. Ā ke elos nu kemwu lut ke ma nu kemwu ma Jisus el oru, El fwak nu sin met tumal lut-lut, 44 Lela kas iñi in utsuknu in sreumwos, tu Mwen nutin met a fwa etükyuñ nu in pon metu.

45 Ā elos tiu etu kas si iñi, à mao mwukmwuk ke'los tu elos tiu etu mao : à elos sañeñ in siyuk Sel ke kas si ino.

46 ¶ Na elos tukeni asiuki sie sin sie, su selos fwa yok liki.

47 Ā Jisus, etu ma asiuki inšielos, El es sie tulig, à fili'lye yurol, 48 à fwak nu selos, Kutenu met su es tulig si iñi in Ek el es yu ; à

el su es yu, es El su sipe yu mi : tu el su srikliki yurumwos, el iñi fwa yok.

49 Ā Jon el tupokoāñ à fwak, Met Luti, kem liye sie sisla devil in Ēum ; à kem mu lun tiu ou iñi, tu el tiu wi kem fwas.

50 Ā Jisus el fwak nu sel, Nik kom ou iñi nu sel ; tu el su tiu lain kit el wi kit.

51 ¶ Ā ma te oru, ke pal si a fwol a fwa utūkyuk El nu lun, El nunkol ūmwoś in ūmnu Jerusalem, 52 à El sipaot met ūsap ye mutal : à elos ūm, à ilyuk nu yin sisik lun met Samaria, tu elos in ako ke'l.

53 Ā elos tiu es El, tu mutal oanu El kenu ūm nu Jerusalem.

54 Ā ke met tumal lutlut Jeines à Jon liye ma iñi, eltal fwak, Leum, kom luñ ūm tu ketal ūsap e in tuku in kosaoe mi, à fur'elos yuk, oanu Elaias el oru met ?

55 Ā El tapnlla, à kai'eltal, à fwak, Komtal tiu etu ūnumtal.

56 [Tu Mwen nutin met el tiu tuku in kanaosla mol lun met, tu in mol elos la.] Ā elos ūm nu sienu an sisik.

57 ¶ Ā ma te oru, tu, ke elos fwas inganeku, sie met el fwak nu Sel, Leum, ña tufwa fwas tukum yin nu kemwu kom fwas nu we.

58 Jisus el fwak nu sel, Inluf lun fok, à añ kien mwon yin eñyeñu ; à Mwen nutin met wañin an El likiye siufwel on we.

59 Ā El fwak nu sin sienu, Kom fwas tukuk. Ā el fwak, Leum, lela ña'n ūm met à pukinye papa tumak.

60 Jisus El fwak nu sel, Lela met miši in pukinye met miši lalos : à kom ūm à luti togusaï lun God.

61 Ā sienu el pe fwak, Leum, ña tufwa fwas tukum ; à lela ña'n ūm met ūsun mwilkas nu selos mutu in lom sik.

62 Ā Jisus El fwak nu sel, Met si fwin likiye paul nu ke plau, à tapulla, el tiu fwol nu ke togusaï lun Go .

SAPTER 10.

TUKIN ma iñi Leum El filiye kutenu met it-ñul pe, à sipa'los wot kais luo fwas ye mutal, nu in siti nu kemwu à an, a El fwa si-fwanu tuku nu we.

2 Ke ma iñi El fwak nu selos, Payi kapak masla ma lulap, à pu met orekma ; ke ma iñi komwos pre nu sin Leum lun ma kapak masla, tu El sipaot met orekma nu yin ma kapak masla Lal.

3 Komwos ūm ; liye, Na sipe komwos la oanu kosrolam nu yurin kosro wolf.

4 Komwos tiu wis nukin muni, tiu nuk ke fwafasyis, tiu faluk; à tiu païñ met inganeku.

5 À in kutenu lom komwos ilyuk nu we, komwos fwak met, Misla nu ke lom si iñi.

6 À mwen nutin misla el fwin mutu iñi, misla lomwos fwa mutu fwe; fwin tiu ou iñi, fwa siefwil foloko nu yurumwos.

7 À komwos mutanu in lom si iñi, moño à nim mao elos aşıot. Tu mwo in šuñ me mol nu sin met orekma. Komwos tiu šom liki lom iñi nu lom iñi.

8 À in kutenu siti komwos ilyuk nu we, à elos es komwos, moño mao ma elos likiye ye mutomwos; 9 à akkei el la met mas šu mutu we, à fwak nu selos, Togusaï lun God tuku apkurun nu šumwos.

10 À in kutenu siti komwos ilyuk nu we, à elos tiu es komwos, komwos fwasot nu in inek lun siti si iñi, à fwak, 11 Aok pukpuk lun siti lomwos, ma fulful ke nius, kem èlla lain komwos; à ouyape komwos etenu ma iñi, tu togusaï lun God apkurun nu šumwos.

12 À ña fwak nu šumwos, tu in len si iñi an Sodom mwo liki siti si iñi.

13 We nu sum Koresin ! we nu sum Betsaida ! tu fwin orek me orek ma lulap in Tair à Saidon met, ma orek yin šumtal iñi, eltal au- liyuk u-met in nuknuk mwa señšeñ à apat.

14 À an Tair à Saidon in ošun mwo liki šumtal.

15 À kom Keperneum, ma akfulatyé nu in kosao, fwa sisikla nu in hell.

16 El su loñ komwos, loñ yu; el šu sruñe komwos, sruña yu; à el šu sruña yu, sruñ el šu sipe yu mi.

17 À it-ñul elos siefwil folokla ke eñun, fwakañ, Leum, aok devil elos akos kem ke È'um.

18 À El fwak nu selos, Ña liye Setan el putatla in kosaoe mi oanu šarom.

19 Liye, Ña šiot nu šumwos ku in loñye fwin serpent à skorpion, à ke ku nu kemwu lun lokwalok; à waninu ma ku in akkoluki komwos.

20 À tu ke ma iñi komwos tiu eñun, tu ñun elos akos komwos; à tu komwos eñun ke ma iñi, tu èumwos šimla in kosao.

21 ¶ In auu si iñi Jisus el eñun in ñun, à fwak, Ña kulu nu Šum, O Papa, Leum in kosao à fwalu, tu Kom mwukin ma iñi liki lalmet- met à lalkuñ, à oaliñalik

mao nu sin kitin tulig; aok O Papa, tu ou iñi mwo ye mutom.

22 [Ā el forla nu sin met tumal lutlut à fwak,] Papa tumuk El aśi nu Eik ma nu kemwu; à wañin met etu su Mwen, tu Papa mugenu; à su Papa, tu Mwen mugenu, à nu sin su Mwen tufwa fwakulak.

23 Ā El sifwanu tapulla nu sin met tumal lutlut mu-ku à fwak, Inši mwovo mu-talos su liye mao ma ko-mwos liye.

24 Tu Ña fwak nu šumwos, ma puspis met palu à togusa elos kenu liye mao ma ko-mwos liye, à elos tiu liye; à in loñ mao ma komwos loñ, à elos tiu loñ.

25 ¶ Ā, liye sie met manu el tuyuk, à srifwel, fwakañ, Met luti, mea ña oru tu ña fwa es mol ma patpat?

26 El fwak nu sel, Mea simusla in manu? fuka kom rid?

27 Ā el tupokoña fwak, Kom luñšom Jeova God lom ke inšium kemwu, à ke ñu-num kemwu, à ke ku lom kemwu, à ke nunkom ke-mwu; à met tulon lom oanu kom sifwanu.

28 Ā El fwak nu sel, Payi ma kom tupok; oru ma iñi, à kom tufwa mol.

29 Ā ke el luñsel sifwanu

payikunal, el fwak nu sin Jisus, Ā su met tulon luk? 30 Ā Jisus tupokoña fwak, Sie met el oatu Jerusalem mi nu Jeriko, el tuku nu yurin met iñunyar, su šaru-kla quknuk lal, à kunta'lye à fili'lye akurún nu misi, somla.

31 Ā ma te oru tu sie met tol el oatu nu iñ inek iñó; à ke el liye'l el fwas alukela nu leyeno.

32 Ā ouyape sie met Livait, ke el mutu iñó, el tuku à ñetañ nu sel, à fwas alukela nu leyeno.

33 Ā sie met Samaria, ke el fwafwasyis, el tuku yin el mutu we; à ke el liye'l el pakomuta'l, 34 à tuku nu yurol, à lolüni kinit ke'l, oküye kaki à wain nu ke, à fili'lye fwin kosro natal, à wis el nu in imwen met fwas, à liye'lañ.

35 Ā lutu ke el somla, el es akurun kwater si in šuñ nu sin su liye'lañ, à fwak nu sel, Kom liye'lañ; à kom fwin siefwil es kutepe, ke ña siefwil tuku, ña fwa mol nu sum.

36 Kom nunku su ka met tolu iñi met tulon lal, su fwas nu yurin met iñunyar?

37 Ā el fwak, El su pakomuta'l, Na Jisus el fwak nu sel, Kom fwasot, à oru ou-yape.

38 ¶ Á ma te oru ke elos fwafwasyis tu El utyuk nu in sie an sisik met mutu we; á sie mutan è Marta el es El nu in lom sel.

39 Á sie tael pañpañ Meri, su muta pe ke nien Jisus, á loñ kas lal.

40 Á Marta el kafoso ke orek ma lulap, á el tuku nu yurol, á fwak, Leum, ya kom pulesu tu ma taik el fili yu wi mugenu in oru? ke ma iñi kom sipa'l lun kase yu.

41 Á Jisus el tupok á fwak nu sel, Marta, Marta, kom nunkauk á lokolok ke ma puspis: 42 á sie me enenu; á Meri el šulula ma mwo, ma a tiu etükla luk el.

SAPTER 11.

A MA te oru, tu ke El pre in sie an, ke pre tari, sie sin met tumal lutlut el fwak nu Sel, Leum, luti nu šes in pre, oanu Jon el lute pe tumal lutlut lal.

2 Á El fwak nu selos, ke komwos pre, fwak, Papa tumus su in kosao, È'los oul payi. Togusai Lalos tuku. Lela Elos luñselos in oru, ou in kosao, ouyape nu fwalu.

3 Kite kit mi me mono piñanu len.

4 Á nunok munas nu šes ke ma koluk las; tu kut pe nunok munas nu selos nu kemwu su tiu payi nu šes.

Á tiu kol kit kut in mel; [tu es kitla liki ma koluk.] 5 Á El fwak nu selos, Su sumwos fwa sie met kawuk lal, á fwa šom nu yurol infulwin foñ, á fwak nu sel, Met kawuk, si nu sik sruwal tolu; 6 tu sie met kawuk luk ke el fwafwasyis tuku nu yuruk, wañin nu ma ñ'un likiye ye mutual.

7 Á el su lomwu fwa tupokoñ á fwak, Kom tiu lokoluki yu; mutun oaoa kauli, á tulig nutig elos on yuruk fwin kùlùs; Na koflanu tukakak in šiot nu šum.

8 Na fwak nu sumwos, El fwin tiu tukakak á suñ nu sel tu el met kawuk lal, á tu ke siyuknu siyuknu el tufwa tukakak á suñ nu sel yikas el enenu.

9 Á ñia fwak nu sumwos, Siyuk, á a fwa šiot nu sumwos; suk, á komwos tufwa konoio; tomwolak, á a fwa igasla nu sumwos.

10 Tu elos su siyuk es; á el su suk konoio; á nu sin su tomwolak a fwa igasla.

11 Sie mwen el fwin siyuk bred sin sie sumwos su papa, ya el fwa suñ eot nu sel? ku el fwin siyuk ik, ya el fwa suñ serpent nu sel in aolla, ik?

12 Ku el fwin siyuk atro, ya el fwa suñ skorpion nu sel?

13 Ke ma iñi komwos met koluk fwino etu in šuñ ma mwowo nu sin tulig nutumwos ; fuku ma yoknu Papa tumomwos šu in kosao a fwa šuñ Nun Mutal nu selos šu siyuk sel.

14 ¶ Á El sisla devil liki, à El sikas. Á ma te oru, ke devil el šom liki, ma sikas el kaskas ; à met elos lut.

15 Á kutu selos fwak, El sisla devil like ke Beelzebul leum lun devil.

16 Á kutenu srifwel, elos siyuk Sel akul si in kosaoe mi.

17 Á El etu nunkolos à fwak nu selos, Togusaï nu kemwu šifwanu aes tufwa wañinla ; à lom šifwanu aes iguri.

18 Ouyape Setan el fwin šifwanu aes, fuka togusaï lal tufwa tu ? tu komwos mu Na sisla devil liki ke Beelzebul.

19 Á Na fwin sisla devil liki ke Beelzebul, ke šu mwen nutomwos sis elos la ? ke ma iñi elos tufwa met nununku lomwos.

20 Á Na ke kufin paul God fwin sisla devil liki, payi togusaï lun God tuku nu yuromwos.

21 Ke met ku šifweni me meun el liauñ lom sel, ma lal on misla : 22 à ke sie ku luk el tuku nu fwel, a kutñu'l

la, el esla luk el nu kemwu me meun lal ma el lalalfuñi ke, à kitelik ma el es.

23 El šu tiu wi yu el lain yu ; el šu tiu wi yu wiseni el luselik.

24 Ke ñun fokfok fwala liki met si, el fwafwasyis sasla an paoala, šuk moñla ; à tiu nu konoiock, el fwak, Na fwa folokla nu lomsik yin ñia fwas we mi.

25 Á ke el tuku, el konoiock la imom à yinla.

26 Na el šom, à es kutenu ñun itkos koluk luk el ; à elos ilyuk à mutu we : à ma tuk lun met si iñi koluk liki ma meta.

27 Á ma te oru, ke El kas-kas ma iñi, sie mutan yurin met puspis tukeni el strukak pusral, à fwak nu Sel, Inši mwowo inšien su oswe kom la, à mutun titi ma kom titi ka.

28 Á El fwak, Aok, mwo pe elos šu loñ kas lun God, a liauñ mao elos inši mwowo liki.

29 ¶ Á ke met puspis tukeni tiñtiñi, El mutamwauk in fwak, Fwil si iñi fwil koluk. Elos suk sie akul ; à wañin akul fwa šiot nu ka, tu akul si lun Jonas met palu.

30 Tu oanu Jonas el sie akul nu sin met Nineva, ouyape Mwen nutin met fwa nu sin fwil si iñi.

31 Kosoa yin eur el fwa tuyuk yin ošun yurin met lun fwil si iñi, à lus elos la; tu el tuku yin tafwun fwale mi in loñ lalmetmet lun Solomon; à liye, sie yok luk el Solomon mutu iñi.

32 Met Nineva elos tufwa tuyuk in ošun yurin fwil si iñi, à fwa lusla mao: tu elos auliyuk ke ma lutti lun Jonas; à, liye, sie yok luk el Jonas mutu iñi.

33 À wañin met, ke el akosyuk lamu, el filiye niin mwukma, tiu ye tup si, tu on fwin sikon lamu, tu elos su utyuk fwa liye kalem.

34 Kalem lun mano muta: ke ma iñi ke mutom mwo, monum nu kemwu tiñtiñinu ke kalem; à ke koluk, monum pe tiñtiñinu ke los.

35 Ke ma iñi liauñ tu kalem ma in kou a tiu los.

36 Ke ma iñi fwin monum nu kemwu tiñtiñinu ke kalem, wañin an los ke, ma nu kemwu fwa tiñtiñinu ka kalem, oanu ke lam akkalemye kom mwo.

37 ¶ À ke El kaskas, sie met Farisi siyuknu sel lun oelul moño; à El utyuk nu lü, à foñyuñ.

38 À ke met Farisi liye, el lut tu El tiu tanla met moño tuk.

39 À Leum el fwak nu sel, Iñi komwos met Farisi orek

likin kup à pulet in nasnas; à inšiumwos tiñtiñinu ke kanaosten à koluk.

40 Komwos lalfon, ya El su orek ma lik El tiu orek ma lü pe?

41 Mwo tu komwos šuñ me pakomutu ke kutu ma os yurumwos; à, liye, ma nu kemwu fwa nasnas yurumwos.

42 À we nu šumwos met Farisi: tu komwos aksieñulye mint à ru, à šak keñ kemwu, à aksitoiyela ma nununku à luñ lun God: mwo tu komwos in oru ma iñi, à tiu sisla ma iñi.

43 We nu šumwos met Farisi! tu komwos luñšomwos me mutu fulat in lolnok, à pañ niin kitakot.

44 We nu šumwos [met sim à met Farisi mwosounkas!] tu komwos oanu luf kiin mas, wañin akulinye, à met su fwafwasyis fwe elos tiu etu mao.

45 Na sie sin met manu el tupok à fwak nu Sel, Met Luti, ke kas si iñi kom kas ko pe ke's.

46 À El fwak, We nu šumwos pe, met manu! tu komwos likiye mao fwin met ma toas lanu in wis, à komwos ſifwanu tiu kal ma elos wis ke sie kufin poumwos.

47 We nu sumwos! tu ko-

mwos inuša inkulyuk lun met palu, à papa tumomwos elos on'elos la.

48 Ke ma iñi komwos orekma lo tu komwos mu payi me orekma lun papa tumomwos: tu payi elos on'elos la, à komwos muša inkulyuk lalos.

49 Ke ma iñi pe lalmetmet lun God fwak, Na tufwa sipaot met palu à met ſap, nu selos, à kutu selos elos tufwa uniye à kolyai.

50 Tu sa lun met palu nu kemwu ma ſiror ke mutamwauk fwalu nu iñi, fwa ſiyuk fwil si iñi ka; 51 sa lun Ebel mi nu ke sa lun Zakaraias, ſu miſi infulwin lañ à tempel: Payinu Na fwak nu ſumwos, a fwa ſiyuk fwil si iñi ke mao.

52 We nu ſumwos met manu! tu komwos esla ki lun lalmetmet; komwos ſi-fwanu tiu ilyuk, à elos ſu ilyuk komwos igulye.

53 À ke El kaskas ma iñi nu selos, met ſim à met Farisi elos mutamwauk in ora'l ma lulap, à in akmu lun kaskas ke ma puspis; 54 elos mutu ſan ol, à ſuk in ſrukje kutu ma ke oalul, tu elos fwa kas lain ul.

SAFTER 12.

INFULWIN pal sa, ke met puspis nu puspis elos tu-

keni, oanu tu elos loñye sie sin sie, El mutamwauk umet in fwak nu sin met tumal lutlut, Komwos liauñ me pulolak lun met Farisi, ma mwoſounkas.

2 Tu wañin kutu ma afwin ma a fwa tiu igakla; à mwukin, ma a tiu etauk.

3 Ke ma iñi, kutenu ma komwos kaskas in los a fwa loñ in kalem: à ma kaskas nu in sre in fukil a fwa fwakak fwin mañon lomwu.

4 À Na fwak nu ſumwos met kawuk luk, Nik komwos ſañeñ selos ſu uniye mano, à tuk wañin kutenu ma elos ku in oru.

5 À Na luti nu ſumwos ſu komwos fwa ſañeñ: Komwos ſañeñ Sel, ſu tukin pal si El uniye El ku in sisla nu in hell; aok, Na fwak nu ſumwos, komwos ſañeñ nu Sel.

6 Ya tiu kuko kitin mwon ſisik liníkos ke kitin muni luo, à ſie selos tiu mulkuṇla ye mutual God?

7 Aok tu aun ſiuſwomwos nu kemwu oaoala. Ke ma iñi nik komwos ſañeñ; komwos mwo liki mwon ſisik puspis.

8 Ouyape Na fwak nu ſumwos, kutenu met ſu tufwa fwak yu yuk ye mutun met, Mwen nutin met el tufwa

fwakulak ye mutun lipufon lun God.

9 Å el šu lafwekin yu ye mutun met, fwa lafwekunal ye mutun lipufon lun God.

10 Å el šu kaskas sie kas lain Mwen nutin met, a fwa nunok munas nu sel : å el su kaskas ko lain Nun Mutual a fwa tiu nunok munas nu sel.

11 Å ke elos wis komwos nu niin lolñok, å nu niin leum sisik, å ma ku, komwos tiu nunkauk fuka å mea ma komwos tufwa tupok, ku ma komwos tufwa fwak ; 12 tu Nun Mutual el fwa luti nu šumwos ke auu sa, ma mwo komwos tufwa fwak.

13 ¶ Å sie sin un met el fwak nu selos, Met Luti, kom fwak nu sin ma lik, tu el wi yu kitelik mwurinpunu.

14 Å El fwak nu sel, Met šu ore yu met nununku, ku met kitelik nu šumtal ?

15 Å El fwak nu selos, Komwos liauñ å sismouk ma rapku ; tu mol lun met tiu ke ma puspis ma lal.

16 Å El kaskas sie pupulyuk nu selos fwakañ, Fwal sin sie met gasrup kapak ma puspis : 17 å el nunkauk insiel, fwakañ, Mea ña fwa oru, tu wañin an ña likiye ma kapak luk on we ?

18 Å el fwak, Ña fwa oru ma iñi ; Ña tufwa kanaosla imwen ma kapak luk, å muša yok liki ; å iñó ña tufwa filiye nu kemwu ma kapak luk å ma luk.

19 Å ña tufwa fwak nu sin ñunik, Nunik, ma puspis ma lom on nu ke yiu puspis ; es moña lom, moño, nim å eñunak.

20 Å God fwak nu sel, Kom lalfon, foñ si iñi elos siyuk šum ke ñunum : na lun šu ma iñó, ma kom likiye ?

21 Ou iñi el šu likiye ma lal ke'l sifwanu, å tiu gasrup nu ke'l God.

22 Å El fwak nu sin met tumal lutlut, Ke ma iñi Ña fwak nu šumwos, Komwos tiu nunkauk ke mol lomwos, ma komwos fwa moño ; tiu ke monumwos, ma komwos a nukomañ.

23 Mol mwo liki me moño, å mano mwo liki nuknuk.

24 Komwos nunkauk mwon reven ; tu elos tiu takunalik tiu kosróni ; wañin lom sin ma lalos å sin ma kapak ; å God kiti nu selos : å fuka komwos a yok å mwo liki mwon ?

25 Å šu šumwos ke nunkauk el fwa aklüsye ke sie kubit ?

26 Ke ma iñi komwos fwin tiu ku in oru kutu ma ke

ma sisik, efwo komwos ku nunku ke kuteau ?

27 Komwos nunku ke kiuf, elos kapak fuka : elos tiu orekma, elos tiu isap ; à Na fwak nu šumwos, tu Solomon in nu kemwu ma mwowou lal el tiu yinla oanu sie selos.

28 Na God el fwin akkapye ma ouiñye, ma on in ima si misiñi, à lutu sisla nu in fwunyoy ; mea yok El tufwa nukom komwos yuñ, O komwos lalalfuñi ma sisik ?

29 À komwos tiu ūuk ma komwos a moño, à ma komwos a nim, à komwos tiu fosña.

30 Tu metu lun fwal nu kemwu elos ūuk ke ma iñi ; à Papa tumomwos El etu tu komwos enenu ma iñi.

31 À mwo tu komwos ūuk togusaï lun God ; à ma iñi nu kemwu tufwa ūiot pe nu šumwos.

32 Nik komwos ūaneñ, u sisik ; tu Papa tumomwos El kenu ūiot togusaï nu šumwos.

33 Komwos kuko ma lomwos, à kitala me pakomtu ; komwos orek nu šumiwos nukin muni ma tiu matula, ma mwowo in kosao ma a tiu wañinla, yin wañin met pusupas utyuk nu we, à mwotil tiu akkoluki.

34 Tu yin ma mwowo lo-

mwos on we, iñó pe insiu-mwos fwa on we.

35 ¶ Lela komwos in loseni kapinšiomwos, à lam lomwos in fururiuk ; 36 à komwos ūifwanu oanu met ūu mutu ūano leum lalos, ke el ūom nu ke akonkon tuku ; tu ke el tuku à tomwolak, elos ūilaklak in igasla nu sel.

37 Inši mwowo met kulansap iñó, ūu ke leum tuku el fwa konoiock la ūano. Payinu ña fwak nu ūumwos, el a fwa losi'lye, à ora'los in foñyuñ nu ke tebue, à el tufwa tuku à kulansap alos.

38 À el fwin tuku in ūano akluo, ku tuku in ūano aktolu, à konoiolosyuk ou iñi, inši mwowo met kulansap iñó.

39 À etu ma iñi, tu met kato el fwin etu auu ūu met pusupas a tuku, el tufwa ūano, à in tiu pulesu lom sel in mušalla.

40 Ke ma iñi komwos in ake pe ; tu Mwen nutin met el tuku auu si ke komwos tiu nunku.

41 ¶ Na Piter el fwak nu Sel, Leum; kom kaskas pupulyuk si iñi nu ke's, ku pu ke kewanu ?

42 À Leum fwak, Na ūu met tutafpo mwo à lalmetmet, ūu leum lal el tufwa ora'l lun liauñ sou lal, in ašuñ nu selos me moño nelos ke pal mwo si ?

43 Inši mwówo met tutafpo iñó, su leum lal ke el tuku el fwa konoik in oru ou iñi.

44 Payi Na fwak nu su-mwos, el a fwa ora'l lun liauñ ma nu kemwu ma lal.

45 Á met kulansap iñó el fwin fwak inšiel, Leum luk patlanu in tuku ; á el fwa mutamwauk in poukol met kulansap mogul á mutan, á in moño á nim, á in srui ; 46 Leum lun met kulansap iñó el tufwa tuku in len si ke el tiu ſan ol, á in auu si ke el tiu etu, á el a fwa otalalik á a fwa likiye ma lal yurin ma silalafuñi.

47 Á met kulansap iñó, su etu ma luñsi lun leum lal, á tiu ako, á tiu oru ma luñsi lal, tufwa poukol ka puspis.

48 Á el su tiu etu, á oru ma puspis ke popo, tufwa poukol ka pu. Tu nu sin su ašuñ ma lulap, tufwa suk ma lulap ke'l ; á nu sin su met filiye ma puspis yurol elos tufwa siyuk yok liki ke'l.

49 ¶ Na tuku in sis e nu fwalu ; á mea Na luñsik, fwin ma tanak iñi ?

50 Á sie baptais luk in baptaisla ka ; á fuka Na keokiun nu ke pal si orek tari !

51 Ya komwos nunku tu Na tuku in sipaot misla nu

fwalu ? Na fwak nu su-mwos, Mo ; tu in eselik.

52 Tu tuko met limikos in sie lom elos eselik, tolu lain luo, á luo lain tolu.

53 Papa tufwa eselik lain mwen, á mwen lain papa ; nine lain an, á an lain nine ; sienu nine lain sienu an, á sienu an lain sienu nine.

54 ¶ Á el fwak pe nu sin un met si, Ke komwos liye pukunieñ si sikuuk kepín kosao, kitin misiñi komwos fwak, lañ kakla ; á ma ouyape.

55 Á ke eñ eur tu mi, komwos mu, Tufwa fwol : á tufwa ouyape.

56 Komwos mwošounkas, komwos ku in etu mutun kosao á fwalu ; á fuka tu komwos tiu etu pal si iñi ?

57 ¶ Áok, á efwo komwos ku ſifwanu tiu nunkauk kuntu ma payi ?

58 Ke kom wi met añañ lom fwaz nu sin leum sisik, ke fwaz ineku, kom sriki ma lulap tu el in tula kom la ; fwin tiu ou iñi el fwa wis kom nu sin met nununku, á met nununku el fwa es kom yuñ nu sin met rošo, á met rošo el sis kom yuñ nu in prison.

59 Na fwak nu ſum, kom koſlanu fwala liki, nu ke pad si kom ſuñ mol nu ke kitin muni sisik utuko.

SAPTER 13.

KUTU met mutaiñi ke pal si iñó su fwak nu Sel ke met Galili, sa'n su Pailat el toeni nu ke kiše lalos.

2 Á Jisus tupokoañ fwak nu selos, Ya komwos nunku mu tu met Galili iñi elos koluk liki met Galili nu kemwu, tu elos keokiuñ ke ma iñi ?

3 Na fwak nu šumwos, Mo: tu komwos fwin tiu auliyuk, komwos nu kemwu tufwa miši ou iñi.

4 Ku elos met sie-ñul-oalkos imwen ſan Sailoam putatla nu fwe, à on'elos la, Ya komwos nunku mu tu elos koluk liki met nu kemwu su mutu Jerusalem ?

5 Na fwak nu šumwos, Mo: tu komwos fwin tiu auliyuk, komwos nu kemwu tufwa miši ou iñi.

6 ¶ El kaskas pe pupulyuk si iñi; Sie met el eoki sak fig in ima fain si lal ; à el tuku à suk fwako ka, à tiu konoiock.

7 Na el fwak nu sin met liauñ iña fain si lal, Liye, yiu tolu iñi ña tuku in suk fwako on wulin sak iñi, à tiu konoiock; kom pokiyemao; efwo el ku akkoluki foko ?

8 Á el tupokoañ fwak nu Sel, Leum lela in on ke yiu

si iñi pe, nu ke pal si ña fwa pukpuk apneni, à ſuñ fok mwo nu ke ; 9 à el fwin isüs fwako, tari: à fwin wañin, tuko kom tufwa pokiyemao.

10 ¶ Á El lutti in sie imwen lolñok ke len sabat.

11 Á, liye, sie mutan iñó el mas ke ñun munas yiu sie-ñul-oalkos, à el foiñyuk, à el kofianu sifwanu keyuk.

12 Á ke Jisus liye'l, El pañnol mu, à fwak nu sel, Mutan, mas lom tulala liki kom.

13 Á El filiye paul fwel; à kitin misini el šumwoselik, à kakšakin God.

14 Á leum lun lolñok el tupokoañ ke mulat, tu Jisus akkei el la ke len sabat, à el fwak nu sin metu, Len onkos len orekma lun metu ; ke ma iñi komwos tuku in len iñó in kela, à tiu ke len sabat.

15 Na Leum tupok nu sel, à fwak, Mwošounkas, ya komwos nu kemwu ke len sabat tiu tulala kau mogul natal ku ass liki an el moño we, à kolol nu yin el nim kof we ?

16 Ya tiu mwo tu mutan si iñi, an nutin Ebream, su Setan el loseni, liye, yiu sie-ñul-oalkos iñi, in tula'l la liki me kopur iñi ke len sabat ?

17 Á ke El fwak ma iñi tari,

met añañ lal nu kemwu elos mekin; à met e nu kemwu elos eñun ke mwo nu kemwu ma El oru.

18 ¶ Na El fwak, Togusai lun God oanu mea? pupulyuk su Na tufwa polyauk ka?

19 Ma oanu futin mustard si, ma met si es, à sisla nu in kolkol lal; à ma kapak, à tufwa sak lulap; à mwon yin eñyeñu elos mutu fwin lešak ka.

20 ¶ Á El siefwil fwak, Ke pupulyuk su Na fwa polyauk togusai lun God?

21 Ma oanu me pulolak, ina mutan si es à mwukin nu in me srigusrok flour tolu, nu ke pal si ma nu kemwu pulolak.

22 ¶ Á El fwas sasla siti à an sisik met mutu we, lutí, à fwafwasyis nu Jerusalem.

23 Na sie el fwak nu Sel, Leum, ya met pu fwa mol? Á El fwak nu selos, 24 Komwos kaifwauñ in ilyuk nu in mutan oaoa ousriksrik; tu Na fwak nu sumwos, ma puspis elos sriki in ilyuk, à koflanu.

25 Ke met kato el tuyuk, à kaliye mutun oaoa tari, à komwos mutamwauk in tulikin umwe, à in tomwolak sruñul, fwakañ, Leum, Leum, igasla nu ses; à el tufwa tupok à fwak nu su-

mwos, Na tiu ete komwos an komwos tu we mi.

26 Na komwos tufwa mutamwauk in fwak, Met kem moño à niin ye mutom, à met kom luti in inganek las.

27 Á El tufwa fwak, Na fwak nu sumwos, Na tiu ete komwos an komwos tu we mi; fwala liki yu, Komwos nu kemwu su orek ma koluk.

28 Iñó tufwa tuñnu à ñañorñor in mwusi, ke komwos tufwa liye Ebream à Aisaak, à Jekob, à met palu nu kemwu, in togusai lun God, à komwos sisila liki.

29 Á elos tufwa tuku yin kutulap tu we mi, à yin roto tu we mi, à yin epuñ tu we mi, à yin eur tu we mi, à fwa foñyuñ yin tebue in togusai lun God.

30 Á, liye, masi tuko elos fwa metla, à masi meta elos fwa tukla.

31 ¶ Á len si iñi kutu sin met Farisi tuku, fwak nu Sel. Kom tuyuk liki, à fwasot; tu Erod el kenu uni kom wi.

32 Á El fwak nu selos, Komwos fwasot, à fwak nu sin alopeksi'ño, Liye, Na sisla devil liki; à Na akkeiala misiñi à lutu, à len si aktolu Na orek tari.

33 Á mwo tu Na fwafwasyis misiñi, à lutu, à mwulilia: tu ma koflanu oru tu

met palu uniye likin Jerusalém.

34 O Jerusalem, Jerusalem, su uniye met palu, à tuñ lalos su sipeyuku nu šum; fuka pal puspis Na luñsik ūloini tulig nutum nu sie, oanu mwonyen el ūloini trokrok natu ye paul, à komwos siluñsi !

35 Liye, lom šum on wanin karwuñnye: à payi Na fwak nu šumwos, Komwos tufwa tiu liye yu tuk, nu ke pal si ke komwos a fwak, Inši mwowo el su tuku in El Leum.

SAPTER 14.

A MA te oru, tu ke El ut-
yuk nu in lom sin sie leum lun met Farisi in moño
bred ke len sabat, elos ūsan ol.

2 A liye, sie met ye mutal su mas pulunsron.

3 A Jisus el tupokoañ fwak nu sin met manu à met Farisi, fwakañ, Ya oul ku tiu oul in kela ke len sabat ?

4 A elos misla. A El as al, à akkeiel la, à lela lun ūom ; 5 à tupok nu selos, fwakañ, ūsu šumwos ass nata ku kau mogul putatla nu inluf si, à el tiu ūlaklak in sruklulak ke len sabat ?

6 A elos koflanu siefwil tupokoañ nu sel ke ma iñi.

7 ¶ A El fwakak sie pupul-yuk nu selos ūloimu, ke El

liye fuku elos ūli an fulat: fwakañ nu selos, 8 Ke sienu met el ūli kom nu ke akon-kon, kom tiu mutu yin fulat liki nu kemwu ; tu el fwin ūloimu sie met fulat liki koñ ; 9 à el su ūli komtal tuku à fwak nu šum, Tuyuk el lun in mutu iñi ; à kom mutamwauk ke mekin in mutu yin pusisel.

10 Tu ke kom ūliyukmi, kom ūom mutu yin pusisel lanu ; tu ke el su ūli kom mi tuku, el tufwa fwak nu šum, Met kawuk, fwasu nu meta ; na elos ūli wi kom moño tufwa ūnakin kom.

11 Tu el ūli ūifwanu akfulye'l el tufwa pusisel : à el ūli ūifwanu akpusiselye el tufwa fulat.

12 Na el ouyape fwak nu sel ūli ūlo'i'mu, Ke kom orek dinner ku supper, kom tiu ūloimu met kawuk lom, ku ma lium, ku met sou lom, ku met gasrup tulon lom : tu elos pe tufwa siefwil ūli kom, à tufwa moli kom ka.

13 Tu ke kom orek kofwo, kom ūloimu met sigasrup, met fuka, met ul, met kun, 14 à kom tufwa inši mwowo ka ; tu elos koflanu moli kom la ; tu kom tufwa es mol ke molyuk lun met payi.

15 ¶ A ke sie selos ūli

oelul foñyuñ nu ke tebue
loñ ma iñi, el fwak nu Sel,
Inši mwowo el šu tufwa
moño in togusai lun God.

16 Na El fwak nu sel, Sie
met el orek supper lulap, à
šuloimu ma puspis.

17 À ke pal si supper el
sipaot sie met kulansap lal
in fwak nu selos šu el šuli,
Fwasu, tu ma nu kemwu
ako iñi tari.

18 À elos nu kemwu mutamwauk
in fwak ma igololosi.
Masi meta el fwak nu sel,
Na mol sie an tari, ña kenu
šom liye; Na kenu tu kom
igul yu wi.

19 À sie pe el fwak, Na
mól kais limikos kau mogul,
à ña šom srik alos: ña kenu
tu kom igul yu wi.

20 À sienu el fwak, Na
mari mutan kíuk, à ke ma
iñi ña koflanu tuku.

21 À met kulansap iñi
tuku, à fwakak ma iñi nu
sin leum lal. Na met kato
el mulat à fwak nu sin met
kulansap lal, Kom šilaklak
in šom nu inek lulap à ma
sisik lun siti à wisalmu met
sigasrup, à met fuka, à met
ul, à met kun.

22 À met kulansap el
fwak, Leum ña oru oanu
kom šap, à kutenu an fwos.

23 À leum el fwak nu sin
met kulansap, Kom fwala
nu inek lulap à ma sisik, à

kaifwe'los in tuku, tu lom
sik tufwa tiñtiñinu.

24 Tu ña fwak nu šumwos,
Tu wañin sie sin met šu ña
šuloimu elos tufwa pulakin
supper nuk.

25 ¶ À un met lulap si
oelul fwas: à El tapulla, à
fwak nu selos, 26 Met sinu
fwin tuku nu yuruk, à tiu
srufu papa tumal, à nine, à
mutan kiel, à tulig, à lel, à
loul, aok, à mol lal pe, el ko-
flanu met tumuk lutlut.

27 À el šu tiu wis šaksiñ
sugo lal, à fwas tukuk, el
koflanu met tumuk lutlut.

28 Tu šu šumwos, el nunku
in muša imwen šan, el tiu
mutanu met à nunkauk me
mol in orek, el la os ku tiu
os?

29 Fwin tiu ou iñi, tukin
pal si el mutamwauk, à tiu
ku in orek tari, elos nu ke-
mwu šu liye, mutamwauk
in aksruksrukai, fwakañ, 30
Met si iñi el mutamwauk in
muša lom, à el tiu ku in
orek tari.

31 Ku togusa šu, ke el šom
in meun lain sienu togusa,
el tiu mutanu met, à papu
el a la ku ke sie-ñul tausan
in šun ol šu tuku lain ul ke
lo-ñul tausan?

32 Fwin tiu ou iñi, ke
sienu el lüs lanu luk el, el
sipaot met eumwel, à kenu
etu ma ora'l lun misla.

33 Ke ma iñi ouyape, el šu šumwos tiu aliki ma nu ke-mwu ma lal, el koflanu met tumak lutlut.

34 ¶ Sol mwo : à solu fwin tiu emak, à fwa solela ya ?

35 Ma a fwa tiu mwo ke an, à tiu mwo ke elosak fok lun kau; à met elos sisla. El šu sra in loñ lela lun loñ.

SAPTER 15.

NA met rošo à met koluk elos nu kemwu fwas apkurun nu yurol in loñ ol.

2 Ā met Farisi à met šim elos torkaskas, fwakañ, Met si iñi El es met koluk, à oelulos moño.

3 Ā El kaskas pupulyuk si iñi nu selos, fwakañ, 4 Met šu šumwos šip sie-fok nata, el fwin tūla sugo selos, ya el tiu likiye eu-eu yin mesis, à fwas tukin ma sugo tūla, nu ke el konoilok ?

5 Ā ke el konoilok, el eñun likiye on fwinpisel.

6 Ā ke el tuku nu yin sel, el pañnoini nu sie met kawuk lal à met tulon, fwakañ nu selos, Komwos wi yu eñun ; tu ña konoik sugo šip nutig ma tūla.

7 **N**a fwak nu šumwos, tu ouyape fwa eñun in kosao ke sie met koluk šu auliyuk, yoklik ke met payi eu-eu šu tiu fwos ke auliyuk.

8 ¶ Ku mutan šu ipen silver sie-ñul yurol, sie ip fwin tūla, ya el tiu akosyuk lamu, à immomla lomwu, à šuknu šuknu nu ke el konoik ?

9 Ā ke el konoik, el pañon mu met kawuk, à met tulon nu sie, fwakañ, Komwos wi yu eñun ; tu ña konoik ip si tūla.

10 Ouyape **N**a fwak nu šumwos, eñun ye mutun lipufon lun God ke sie met koluk šu auliyuk.

11 ¶ Ā El fwak, Sie met mwen luo natal.

12 Ā el šu fwus seltal fwak nu sin papa tumal, Papa, kom si nu sik ma luk ke mao. Ā el eselik nu seltal ma lal.

13 Ā tiu len puspis tuk, mwen fwus si el orani nu sie ma nu kemwu, à el šom nu yin lüsila à sinunte ma lal nu kemwu in orek ma koluk.

14 Ā ke el kitala nu kemwu, sral ma lulap tuku nu fwal si iñó; à el mutamwauk in lis ma lal.

15 Ā el šom mutu yurin sie met lun an si iñó; à el sipa'l la nu in ima lal lun kite piga.

16 Ā el kenu koñ kutu pus nun pig lun küp; à wañin met kite'l.

17 Ā ke el šifwanu mutu nunku, El fwak, Fuka met orekma puspis yurin papa os

me moño yurolos à sisi kutu,
à ña miši ke musinsral !

18 Na a tuyuk à šom nu
yurol papa tumak, à a fwak
nu sel, Papa ña orek ma koluk
lain kosao à ye mutom,
19 à tiu mwo tuk in pañon
yu mwen nutum : ore yu
oanu sie sin met orekma
lom.

20 À el tuyuk, à tuku nu
yurin papa tumal. À ke el
iñó mi lüsila, papa tumal el
liye'l, à pakomutu, à kasus,
à keiyuñ nu in kaiwel, à
ñok ol.

21 À mwen el fwak nu sel,
Papa, ña orek ma koluk lain
kosao, à ye mutom, à tiu
mwo tuk in pañon yu mwen
nutum.

22 À papa el fwak nu sin
met kulanšap lal, Komwos
usi nuknuk kato ma mwo
lanu, à nukmu'lañ; à ſuñ
riñ nu ke paul, à faluk nu
ke niel ; 23 à usi sugo kaf
puspusinu, à uniye; à lela
kut in moño, à eñun ; 24 tu
mwen si nutig iñi el miši, à
siefwil mol; el tula, à sie
fwil lo. À elos mutainwauk
in eñun.

25 Iñi mwen matu natal el
os in ima si; à ke el tuku à
apkurun nu lomwu, el loñ
on à srosro.

26 À el pañon mu sie sin
met kulanšap, à siyuk, mea
ma iñi ?

27 À el fwak nu sel, Ma
lium el tuku ; à papa tumom
el uniye kaf puspusinu, tu el
es el mol à mwo.

28 À el mulat, à tiu luñsel
in utyuk nu lü : Ke ma iñi
papa el tuke liki, à siyuknu
nu sel.

29 À el tupokoñ fwak nu
sin papa tumal, Liye, yiu
puspis ña kulanšipe kom, à
wañin palsi ña folokunla ſap
lom ; à wañin pal si kom si
nu sik tulig nutin goat, tu
ñá fwa orek eñun yurin met
kawuk luk ; 30 à kitin mi
siñi ke mwen nutum iñi
tuku su aknunta me mol lom
yurin met kosro, kom uniye
kaf puspusinu ke'l.

31 À el fwak nu sel, Mwen,
kom mutu yuruk ma patpat,
à ma nu kemwu ma luk ma
lom.

32 Mwo tu kut orek eñun
à inšimwowo; tu el iñi ma
lium el miši, à siefwil mol ;
à el tula, à siefwil lo.

. SAPTER 16.

À EL fwak pe nu sin met
tumal lutlut, Sie met
gasrup, su met tutafpo lal ;
à kutu met tukakunulañ nu
sel, tu el sinuntei ma lal.

2 À el pañol mu à fwak
nu sel, Fuka ma iñi ma ña
loñ ke'uñ ? fwakak ma kom
oru ke tutafpo lom ; tu ña'n
nükkin kom a la tutafpo tuk.

3 Na met tutafpo el fwak nu inšiel, Mea ña oru? tu leum el asla tutafpo liki yu; ña koflanu pukpuk: à ña mekin in ñus.

4 Na nunkauk ma ña oru, tu, ke el sis yu la liki tutafpo, elos tufwa es yu nu in lom selos.

5 Na el pañon mu met nu kemwu ſumwe mol lun leum lal, à fwak nu sin el meta, Ma yikas yurum lun leum luk?

6 À el fwak, srigusrok in oil sie-fok. À el fwak nu sel, Es peper lom, à silaklak in mutu, à ſimusla lum-ñaul.

7 Na el fwak nu sin sie pe, À ma yikas yurum ſumwe mol? À el fwak, Srigustrok in wit sie-fok. À el fwak nu sel, Es peper lom, à ſimusla oal-ñul.

8 À leum lun met tutafpo sito el kakšakin al, tu el oru lalmetmetnu: tu tulig nutin fwalu in fwil lalos elos lalmetmet liki tulig nutin kalem.

9 À ña fwak nu ſumwos, Komwos oru nu ſumwos met kawuk ke mamon ma sito: tu ke ma wañinla, elos tufwa es komwos nu in lom kamwul.

10 El ſu payi ke ma sisik, el payi pe ke ma lulap; à el ſu sito ke ma sisik, el sitoe pe ke ma lulap.

11 Ke ma iñi komwos fwin tiu payi ke mamon sito, ſu a fwa ſiot nu ſumwos in liauñ ma payi?

12 À komwos fwin tiu payi ke ma lun sienu met, ſu a fwa ſiot nu ſumwos ma lo-mwos?

13 Wañin met kulanšap ku in oru nu sin luo leum; tu el a fwa sruñu sie, à luñsi sienu; fwin tiu ou iñi el a fwa srukje sie, à sisila sienu. Komwos koflanu oru nu sin God à mamon.

14 ¶ À met Farisi pe ſu rapku, loñ ma iñi nu kemwu; à elos aksruksruk al.

15 À El fwak nu selos, Komwos elos ſu akšumwosyi komwos ye mutun metu; à God etu inšiumwos; tu ma mwolanu yurin met, ma koluklanu ye mutual God.

16 Manu à ma palu nu ke'l Jon: tukin pal si iño lutu ma togusaï lun God, à met e nu kemwu eoigusyuk nu lü.

17 À kosao à fwalu wañin-la fusas liki kitin ma sisik lun manu in wañinla.

18 El ſu sisila mutan kiel, à mari sienu, el orek kosro: à el ſu mari el ſu met tumal sis el la, el orek kosro.

19 ¶ Sie met gasrup, ſu nukomañ nuknuk sienu sisa à linen srik eðu, à el eðnu nel piñanu len.

20 À sie met sigasrup è

Lazarus, ſu likiye nu ke mutun oaoa lal, tiñtiñinu ke ruf, 21 à kenu elos in ſuñ nel kutkut in moño ma putatla liki tebu lun met gasrup; à kutepe, kosro ñaliñul elos tuku à lou ruf ke'l.

22 À ma te oru, tu met si-gasrup el miši, à lipufon elos wis el nu in ûmwel Ebream: met gasrup el miše pe, à pukpuki.

23 À in hell el ñetak mutal, mutu yin mwaiknu, à liye Ebream lüselä, à Lazarus in ûmwel.

24 À el wowoyuk à fwak, Papa Ebream, pakomutuk, à ſipa'nu Lazarus, tu el isuñye mutun kufin paul nu in kof, à in eou lo'k; tu ña ñalnu in furur iñi.

25 À Ebream el fwak, Mwen, esam tu ke pal kom mol kom es ma mwo lom, à ouyape Lazarus ma koluk; à iñi el mwo oi el, à kom koluk oi yum.

26 À kutepe yok liki ma iñi nu kemwu, maslo kotal elik, sie an lual lulap on; oanu tu elos ſu luñsi ſom iñi mi nu yurum koflanu; ouyape elos koflanu fwas nu yuros ſu luñsi fwas iñó mi.

27 Na el fwak, ke ma ifñi ña pre nu ſuin, papa, tu kom ſipa'lot nu lom ſin papa tumuk; 28 tu met limikos lik; tu el fwa orek ma lo nu

ſelos, fwin tiu ou iñi elos pe tuku nu yin si iñi lun ñalnu. 29 Ebream el fwak nu sel, Moses à met palu yurolos: lela elos in loñ olos.

30 À el fwak, Mo, papa Ebream, tu fwin ſie ſom nu yurolos yurin miše mi, elos tufwa auliyuk.

31 À el fwak nu sel, Elos fwin tiu loñ Moses à met palu, ouyape fwin ſie mol-yuk yurin miše mi el ko-flanu kutoñ olosi.

SAPTER 17.

NA El fwak nu ſin met tumal lutlut, Ma ko-flanu oru tu ma tugulkul a tku tuku; à we nu sel, ke ſu elos a tuku!

2 Fwin ſripsrip eot in tete in kaiwel à ſisella nu mwea, mwo liki tu el aktugulkulye ſie ſin ma ſisik iñi.

3 Komwos liye komwos yuñ; Ma lium el fwin orek ma koluk nu ſum, kom kaiyuk nu sel; à el fwin auliyuk, kom nunok munas nu sel.

4 El fwin orek ma koluk nu ſum pal itkos ke len ſi, à pal itkos ke len ſi el fwin ſiefwil forla nu ſum fwakañ, Na auliyuk; kom fwa nunok munas nu sel.

5 À met ſap elos fwak nu ſin Leum, Kom aklapye la-lafuñi las.

6 Ā Leum el fwak, Lalal-fuñi lom fwin oanu futin mustard si, komwos ku in fwak nu sin ſak sikemain iñi, Kom fwusak ke oka, à eoki nu mwea, à a fwa akos komwos.

7 ¶ Ā ſu ſumwos met kulanſap lom orek ima, ku kitauñ kau, fwa fwak nu sel piyañu, ke el tuku in ima si, Kom ſom à foñyuñ nu ke tebue ?

8 Ku kom a la fwak nu sel, Kom akoala supper nuk, à los kom weni, à oru nu sik, nu ke ña moño à nim tari, à tuk kom tufwa moño à nim ?

9 Ya el kulu nu sin met kulanſap iñó tu el oru me ſap ? Na mu mo.

10 Ā ouyape komwos, ke komwos tufwa oru ma iñó nu kemwu ma ſap nu ſumwos, komwos fwak, Kem met kulanſap tiu mwo, Kem orenu ma mwo simem in oru.

11 ¶ Ā ma te oru, ke El ſom nu Jerusalem, tu El fwas sasla Samaria à Galili.

12 Ā ke El ilyuk nu in sie an sisik met mutu we, Met leper sie-ñul, ſu tu u-iñó elos ſun ol.

13 Ā elos ſrukak pusralos à fwak, Jisus, Met Luti, pakomutas.

14 Ā ke El liye'los, El fwak nu selos, Komwos ſom à lutि komwos nu sin met tol.

Ā ma te oru, tu, ke elos ſom elos nasnas.

15 Ā sie selos, ke el liye tu el kela, el folokla, à ke pusra lulap el kakšakin God, 16 à el putatla fokšiufwi nu ke niel, ſuñ kulu nu Sel. Ā el met Samaria.

17 Ā Jisus tupokoañ fwak, Ya tiu ma sie-ñul nasnasla ? ka pa ya eu ?

18 Ma a tiu konoiok ſu folokla in kakšakin God, metsa iñi mugenu.

19 Ā El fwak nu sel, Kom tuyuk à ſom ; lalalfuñi lom moli komla.

20 ¶ Ā ke met Farisi elos siyuk Sel, pal ña togusaï lun God a fwa tuku, El tupokoañ nu selos à fwak, Togusaï lun God tiu tuku ke ma lik.

21 Elos a tiu fwak, Liye iñi ! ku, liye iñó ! tu, liye, togusaï lun God inſiumwos.

22 Ā El fwak nu sin met lutlut, Len a fwa tuku, ke komwos fwa kenu liye sie sin len lun Mwen nutin met, à komwos a tiu liye.

23 Ā elos a fwak nu ſumwos, Liye iñi ; ku, liye iñó : nik komwos ſom tuk olos, tiu fwas tuk olos.

24 Tu oanu ſarom sikmi ye kusra iñi à akkalemye ye kusra iñó ; Mwen nutin met a fwa ouyape in len lal.

25 Ā umet El keokiuñ ke

ma puspis à fwil si iñi sis
El la.

26 Á oanu ke len lun Noa,
fwa ouyape ke len lun Mwen
nutin met.

27 Elos moño, elos nim,
elos mari, elos šuñ in mari,
nu ke len si Noa el ilyuk nu
in oaku, à šaloña tuku, à
kanaos elos la nu keinwu.

28 Á ouyape ke len lun
Lot; elos moño elos nim,
elos kuko, elos kitala, elos
eoki, elos muša: 29 à ke len
si Lot el šom liki Sodom ma
eaf e à brimston in kosaoe
mi, à kanaos elos la nu ke-
mwu.

30 Fwa ouyape ke len
si Mwen nutin met a fwa
sikmi.

31 In len si iñi, el šu on
fwin mañon lomwu, à ma-
lal on in lomwu, lela lun tiu
fwuni in esla mao; à el šu
in ima si, lela el pe lun tiu
folokla.

32 Komwos esam mutan
kiel Lot.

33 El šu šuk in laño mol
lal, fwa tūla mao; à el šu
tūla mol lal fwa laño mao.

34 Na fwak nu šumwos, in
foñ si iñi met luo on fwin
külüs si; esla sie, à sie fwa
on.

35 Mutan luo tukeni ilil,
esla sie, à sie mutu.

36 Met luo mutu in ima si;
esla sie, à likiye sie.

37 Á elos tupok à fwak nu
Sel, Leum, oiya? Á El
fwak nu selos, Iñó yin mano
on we, mwon igul elos tuke-
ni šoksok.

ŠAPTER 18.

A EL kaskas sie pupulyuk
nu selos ke ma iñi, tu
mwo met pre pal e nu ke-
mwu, à tiu tutola ke; 2
fwakañ, Sie met nununku el
mutu in sie siti, el tiu šañeñ
sin God, à tiu šunakin ke
met.

3 Á sie kotinmas mutu in
siti si iñi; à el tuku nu yu-
rol, fwakañ, Kom akšumwos-
ye yu ke met añañ luk.

4 Á el tiu luñsel ke kutu
pal; à tuk el fwak insiel, Á
ña fwin tiu šañeñ sin God, à
tiu šunakin met: 5 à tu ko-
tinmas si iñi el lokoluki yu,
ña fwa akšumwosye'la, fwin
tiu ou iñi ke pal puspis el
tuku, el aktutoye yu.

6 Á Leum El fwak, Ko-
mwos loñ ma met nununku
sito fwak.

7 Ya God el tiu akšumwos-
ye met El šulüla lal, šu wo-
woyuk nu Sel len à foñ, à el
san olos ma patpat?

8 Na fwak nu šumwos El
šilaklak in akšumwosy'elos
la, à tu ou iñi, ke Mwen nu-
tin met a tuku, ya El ko-
noiok lalalfuñi on fwalu?

9 ¶ Á El kaskas pupulyuk

si iñi nu sin kutu su sifwanu foñyuñ nu selos tu elos met payi, à sruñu kutenu.

10 Met luo eltal utyuk nu in imwen tempel in pre; sie met Farisi, à sienu met roño.

11 Met Farisi el tu à pre ou iñi insiel, God, ña kulu nu ſum, tu ña tiu oanu kutenu met, met iñunyar, met tiu payi, met kosro, ku tiu oanu met roño iñi.

12 Na lalo pal luo ke wiksí, ña kitela aksie-ñulle ke ma nu kemwu ma luk.

13 Á met roño tu lüsila el tiu keyuk mutal nu in kosao, tu el tuk inumwel, fwakañ, O God, pakomutuk ña met koluk.

14 Na fwak nu ſumwos, met iñi el oatü nu lom sel, payi liki sienu: tu elos nu kemwu su sifwanu akfumatye, tufwa pusisel: à el su sifwanu akfwokpapye'l, el a tufwa fulat.

15 ¶ Á elos wis pe nu yurol kitin tulig, tu El fwa ka'-elosi; à ke met tumal lutlut elos liye, elos kai elos yuk.

16 Á Jisus el pañolos mi, à fwak, Lela kitin tulig in tuku nu yurak, à tiu igulolosi; tu sin ma ou iñi ma lun togusai lun God.

17 Payinu Na fwak nu ſumwos, El su tiu es togusai lun God oanu kitin tulig el koflanu ilyuk nu lü.

18 ¶ Á sie leum el siyuk Sel, fwakañ, Met Luti Mwo, Mea ña oru tu mol mu patpat fwa usru luk?

19 Jisus El fwak nu sel, Efwo kom ku pañon yu Mwo? Wañin mwo, siewunu, God.

20 Kom etu ma sap, Nik kom kosro, Nik kom akmus, Nik kom pusupas, Nik kom kikiap, oru mwo nu sin papa tumom à nine kiúm.

21 Á el fwak, Ma iñi nu kemwu ña liauñ ke ña tulig nu iñi.

22 Á ke Jisus el loñ ma iñi, El fwak nu sel, Á sie ma sito ſum; kom kuko ma nu kemwu ma lom, à kitelik nu sin met sigasrup, à a fwa os ma lom in kosao; à fwatu, fwatu tukuk.

23 Á ke el loñ ma iñi el pakomutu ma lulap: tu el met gasrup lanu.

24 Á ke Jisus el liye tu el pakomutu ma lulap el fwak, Fuka ma upa nu selos su gasrup fwa ilyuk nu in togusai lun God!

25 Tu kosro kamel el fwatasla kor ke nilel fusas liki met gasrup ilyuk nu in togusai lun God.

26 Á elos su loñ mao, elos fwak, Na su ku tu el tufwa mol?

27 Á El fwak, Mao met elos koflanu oru, God el ku in oru.

28 Na Piter el fwak, Liye, kem likiye ma nu kemwu, à fwas tukum.

29 Á El fwak nu selos, Payinu Na fwak nu šumwos, Wañin met šu likiye lom, ku kietuma, ku lel, ku kien natu, ku tulig, ke togusai lun God, 30 el a tiu es ma pusliki ke pal si iñi, à in fwak fwas tukum mol ma patpat.

31 Na El es sie-nul-luo, à fwak nu selos, Liye, kut fwasyuk nu Jerusalem, à ma nu kemwu ma met palu simüsla ke Mwen nutin met fwa orek tari.

32 Tu fwa asalañ nu sin met Pegan, à aksruksrukal, à aknuntal, à anel : 33 à elos tufwa sruñlul, à uni'lye : à len si aktolu el fwa siefwil molyuk.

34 Á wañinu ma iñi elos etu : à kas si iñi mwukla luk elos, à elos tiu etu ma iñi ma kaskas ke.

35 ¶ Á ma te oru, ke El fwas apkurun nu Jeriko, sie met kun el mutu pupaneku ñus.

36 Á ke el loñ met puspis fwas alukela, el siyuk, Mea si iñi.

37 Á elos fwak nu sel, Jisus lun Nazaret fwas alukela.

38 Á el wowoyuk, fwakañ, Jisus Mwen nutin Devid, pakomutuk.

39 Á elos šu fwas met kaiyuk nu sel lun misla ; à el wowoyuk yokliki, Mwen nutin Devid, pakomutuk.

40 Á Jisus tu à ſap elos in wis el nu yurol. Á ke el tuku apkurun, El siyuk sel, 41 fwakañ, Mea kom luñsom Na'n oru nu sum ? Á el fwak, Leum, tu ña'n ñutalik.

42 Á Jisus el fwak nu sel, Kom ñutalik : lalalfuñi lom moli kom.

43 Á kitin misiñi el ñutalik, à fwas tuk ol, kakšakin God : à met e nu kemwu ke elos liye, elos on nu sin God.

SAPTER 19.

A JISUS el utsuk à fwas sasla Jeriko.

2 Á liye, sie met è Zakeus, šu leum yurin met rošo, à el iñi met gasrup.

3 Á el ūk in liye'l Jisus, šu El ; à kofianu ke met puspis, tu el met futoto.

4 Á El kasus nu met, à fwunyuk nu wulin ūk sikamor in liye'l ; tu El tufwa fwas alukela.

5 Á ke Jisus tuku nu yin si, El ñetak, à liye'l, à fwak nu sel, Zakeus, kem ūlaklak in fwuni : tu misiñi Na mutu in lom sum.

6 Á el ūlaklak, à fwuni, à eñun as El.

7 Á ke elos liye, elos nu kemwu torkaskas, fwakañ, Tu El som in kawuk sin sie met su koluk.

8 Á Zakeus el tu, à fwak nu sin Leum, Liye, Leum, tafwu ma luk ña suñ nu sin met sigasrup; à ña fwin es kutu ma liki sienu met, ke ma sito, ña aolla pe à suñ nu sel ma akosle ka.

9 Á Jisus fwak nu sel, Len si iñi ma laño tuku nu lom si iñi, tu el ouyape mwen nutin Ebream.

10 Tú Mwen nutin met El tuku in ūtuk à mol ma túla.

11 ¶ Á ke elos loñ ma iñi, El laesla à kaskas sie pupul-yuk, tu El apkurun nu Jerusalem, à tu elos nunku mu tu togusai lun God fwa siki mi kitin misiñi.

12 Ke ma iñi El fwak, Sie leum el som nu yin lüsila in siswanu es mwulal togusai, à tufwa foloko.

13 Á el pañon mu met kulanšap sie-ñul lal, à suñ nu selos muni paun sie-ñul, à fwak nu selos, Komwos kukakin nu ke pal si ña tufwa tuku.

14 Á met yin sel elos sruñ al, à sipaot sie kas tuk ol, fwakañ, Kem sañes tu met si iñi togusa lumem.

15 Á ma te oru, tu ke el foloko, el es togusai lal tari,

na el sap in pañon mu met kulanšap iñó nu sel, nu sin su el suñ muni nu sel met, tu el fwa etu ma yikas elos nu kemwu laesla ke kuko.

16 Á masi meta tuku, fwakañ, Leum, paun si lom laesla paun sie-ñul.

17 Á El fwak nu sel, Mwonu, kom met kulanšap mwo; tu kom payi ke kitin ma sisik, kom tufwa es mwol lun siti sie-ñul.

18 Á masi akluo tuku, fwakañ, Leum, paun si lom laesla paun limikos.

19 Á el fwak ouyape nu sel, Kom pe mwol lun siti liunikos.

20 Á sienu tuku, fwakañ, Leum, liye, pa iñi paun si lom ma ña liauñ likiye on in napkin; 21 tu ña shañeñ sum, tu kom met upa si; kom srukak ma kom tiu likiye, à kosroini ma kom tiu takunalik.

22 Á el fwak nu sel, Likin olum ña tufwa nununke kom, kom met kulanšap koluk. Kom etu tu ña met upa si, srukak ma ña tiu likiye, à kosroini ma ña tiu takunalik; 23 ke ma iñi, efwo kom ku tiu suñ muni luk nu in bank, tu ke ña foloko ña tufwa es ma luk wi kutepe?

24 Na El fwak nu selos su tu apkurun, Esla luk el

paun si, à ſuñ nu sel ſu
paun ſie-nul ma laſ.

25 (À elos fwak nu sel,
Leum, paun ſie-nul yurol.)

26 Tu ña fwak nu ſumwos,
Nu ſelos nu kemwu ſu os
ma la, ſuñ pe ; à el ſu wa-
ñin ma laſ eſla ma laſ luk el.

27 À tu met lokwalok iñō
luk, ſu ſañes tu ña togusa
laſos, wiſ elos mi, à onelosi
ye mutuk.

28 ¶ À ke El kaskas ma
iñi tari, El fwaz met, fwaz-
yuk nu Jeruſalem.

29 À ma te oru, ke El tuku
apkurun nu Betfes à Betani,
nu ke eol pañpañ Oliv, El
ſipaot luo tumal lutlut, 30
fwakañ, Komtal fwazot yin
ſisik meto : ke komtal utyuk
nu lü komtal tufwa konoiok
kolt kopuri, wañin met mutu
fwe met; tula'l la, à usi.

31 À fwin ſienu met ſiyuk
ſumtal, Efwo komtal ku
tula'l la? komtal fwak nu
ſel ma iñi, Tu Leum luñſi
el.

32 À eltal ſu El ſipaot,
eltal ſomot, à konoiok oanu
El fwak nu ſeltal.

33 À ke eltal tulala kolt,
elos ſu ma natu fwak nu
ſeltal, Efwo komtal ku tulala
kolt?

34 À eltal fwak, Tu Leum
el luñſi el.

35 À eltal wiſ el nu yurin
Jiſus; à elos fili'ye nuknuk

laſos on fwin kolt, à elos
liki'lye Jiſus fwe.

36 À ke El ſom, elos laku-
nalik nuknuk laſos ineku.

37 À ke El fwaz apkurun
nu yin oatu fwin eol Oliv
mi, elos nu kemwu ſin met
lutlut mutamwauk in eñun
à on nu ſin God ke puſra
lulap ke ma nu kemwu me
orek ma lulap ma elos
liye met; 38 fwakañ, Inſi
mwovo Togusa ſu tuku in
é Jeova; miſla nu in koſao,
à mwolanu yin fulat liki nu
kemwu.

39 À kutu ſin met Farisi
yurin met puſpis tukeni elos
fwak nu Sel, Met Luti,
kaiyuñ met tumom lutlut.

40 À El tupokoñañ à fwak
nu ſelos, Na fwak nu ſum-
wos, tu elos iñi fwin miſla,
kitin miſiñi eot elos tufwa
wowoyuk.

41 ¶ À ke El fwaz apkurun,
El liye siti, à tuñ nu
ke, 42 fwakañ, Kom fwino
etü met, aok kom, aok in len
si iñi len lom, ma oma lun
miſla lom! pa iñi mwuknu-
los la liki mutom.

43 Tu len tufwa tukü nu
fwom, ke met lokwalok lom
elos tufwa orauk niin ſan
apin komweni, à mutu apin
kom la, à kulus kom la ap-
neni nu kemwu.

44 À elos fwa akfwelye
kom la nu ke fok, à tulig

nutum wi kom lū; à in kom elos tiu likiye sie eot fwin sie: tu kom tiu etu pal si Lenum el tuku nu yurum.

45 Á El utyuk nu in tempel, à mutamwauk in sisla elos šu kitala à elos šu kuko; 46 fwakañ nu selos, Ma ši-musla, Loin Sik imwen pre, à komwos orala ma inluf lun met iñunyar.

47 Á El lutlut piñanu len nu in tempel. Á met tol fulat à met šim à leum lun metu, elos šuk in uni'lye, 48 à elos koflanu konoiock ma elos fwa oru; tu met e nu kemwu kenu ma lulap in loñ ol.

SAPTER 20.

Á MA te oru, ke sie sin len iñó, ke El luti nu sin met nu in tempel, à luti mwo šašu, met tol fulat à met šim wi met elder elos tuku nu yurol, 2 à kaskas nu Sel, fwak añ, Kom oru nu šes, ke šap šu kom oru ma iñi? ku šu šiot nu Šum šap si iñi?

3 Á El tupokoña à fwak nu selos, Na pe siyuk ſumwos ke masi; à tupok mu nu sik.

4 Baptais lun Jon, ya in kosaoe mi, ku yurin met mi?

5 Á elos ſifwanu asiuki sie sin sie, fwakañ, Kem fwin fwak, In kosaoe mi; El tu-

fwa fwak, Ke ma iñi efwo komwos ku tiu lalalfuñ ol.

6 Á kem fwin fwak yurin met mi; met e nu kemwu tufwa tuñal kit; tu elos nunku mu Jon el met palu.

7 Á elos tupok, elos koflanu fwak ma ya.

8 Á Jisus el fwak nu selos, Na pe tiu oru nu ſumwos ke šap šu Na oru ma iñi.

9 ¶ Na El mutamwauk in kaskas nu sin met pupulyuk si iñi; Sie met el'eok ima fain si, à filauñ nu sin met ima, à ſom nu yin lüsila ke pal lülis.

10 Á ke pal fwol el ſipaot met kulansap nu sin met in ima si, tu elos ſipamu nu ſel fwako in ima fain si; à met in ima si elos ſruñlul, à ſipa'lot pusinpo.

11 Á el ſiefwil ſipaot sie pe met kulansap; à elos ſruñlul pe, à ora'l koluk, à ſipa'lot pusinpo.

12 Á el ſiefwil pe ſipaot ma si aktolu; à elos konta'lye pe, à ſis el la liki.

13 Na leum lun ima si el fwak, Mea ña fwa oru? Na tufwa ſipaot mwen kulu si nutig; elos a la ſunakunal ke elos liye'l.

14 Á ke met in ima si liye'l, elos ſifwanu asiuki sie sin sie, fwakañ, El iñi met usru; fwasu, kut in uni'lye, à usru tufwa las.

15 Ā elos sis el la liki ima fain si, à uni'lye. Ke ma iñi, mea leum lun ima fain si tufwa oru nu selos ?

16 El a fwa, tuku à on'elos la met in ima fain si, à el tufwa šuñ ima fain si nu sin kutenu. Ā ke elos loñ, elos fwak, Mo, tiu ou iñi.

17 Ā El so elosi à fwak, Ke ma iñi, mea ma iñi ma simusla ? Eot si ma met muša sisila met, ma iñi on in srumwosrik in eot.

18 El šu tufwa putatla fwin eot si iñi tufwa mušala ; à on fwin šu mao fwa putatla, tufwa ili'lye nu ma sisik.

19 ¶ Ke auu si iñi met tol fulat à met šim olos sriki in filiye paolos fwel ; à elos sañen sin metu : tu elos etu tu El kaskas pupulyuk si iñi lain alos

20 Ā elos šan ol, à sipaot met kwakas šu šifwanu sri-fwe in ora'los met payi, tu tufwa srukie kas lal, ou tu elos tufwa asalañ nu in ku à nu šap lun leum.

21 A elos siyuk Sel, fwakañ, Met Luti, kem etu tu kom fwak à luti payi, à tiu pulesu metu, tu kom luti inek lun God ma šumwos.

22 Ya oul ku tiu oul kut in šuñ kiše nu sin Sisar ?

23 Ā El etu sruf lalos, à fwak nu selos, Efwo komwos ku srifwe yu ?

24 Luti nu sik penni si, mutun šu, à šim šu on ke ? Ā elos tupokoñañ à fwak, Lun Sisar.

25 Ā El fwak nu selos, Ke ma iñi, šuñ nu sel Sisar ma lun Sisar, à nu sin God ma lun God.

26 Ā elos koflanu srukie kas lal ye mutun metu : à elos lut ke ma El tupok, à elos misla.

27 ¶ Na kutu sin met Sad-dusi elos tuku nu yurol, šu fwak wañin siefwil molyuk ; à elos siyuk Sel, 28 fwakañ, Met Luti, Moses el šim nu ses, Met sinu fwin met lel miši, mutan kiel, à mogul miši wañin tulig, tu met lel el es mutan kiel, à orek fute nu sin met lel.

29 Ke ma iñi tamulel itkos ; à masi meta el es mutan kiel, à miši wañin tulig.

30 Ā masi aktluo es el pe kiel, à el miši wañin tulig.

31 Ā masi aktolu es el ; à ouyape met itkos ; à elos tiu likie tulig, à elos miši.

32 Ā tuk olos mutan el miše pe.

33 Ke ma iñi ke pal molyuk el mutan kien šu selos ? tu met itkos as al mutan kielos.

34 Jisus el tupokoñañ fwak nu selos, Tulig nutin fwalu elos mari à šuñ in mari : 35 à tu elos šu mwo ou tu elos fwa es fwal iño à molyuk

yin miše mi, elos tiu mari, à tiu šuñ in mari.

36 Tu elos koflanu siefwil miši; tu elos oanu lipufon; à elos tulig nutin God, à tulig nutin siefwil molyuk.

37 À tu met miši siefwil molyuk, aok Moses el luti nu ke tušak, ke el pañon Jeova, God lun Ebream, à God lun Aisaak, à God lun Jekob.

38 Tu El tiu God lun met miši, tu lun met mol: tu met nu kemwu mol nu Sel.

39 Na kutu sin met šim elos tupokoāñ fwak, Met Luti, kom kaskas' mwo.

40 À tukin ma iñi elos tiu pulaik in siyuk Sel kutu mao.

41 À El fwak nu selos, Fuka elos Fwak Kraist Mwen nutin Devid?

42 À Devid el ſifwanu fwak in buk in Psalm, Jeova el fwak nu sin Leum luk, Kom mutu on le pouk leyut, 43 nu ke pal si Na orek met lokwalok lom me lañon nium.

44 Ke ma iñi Devid El pañnol Leum, na fuka El mwen natal?

45 Na ke met e nu kemwu loñ, El fwak nu sin met tu-mal lutlut, 46 Komwos liauñ met šim, su kenu fwafwasyis in nuknuk lulis, à luñsi pañuk in imwen kutakot, à niin mutu fulat in imwen

lolñok, à ye op niin kofwo: 47 Su kanaosla lom sin kotinmas, à ke kiapun pre lulis: elos iñi es lusla ma lulap.

ŠAPTER 21.

À EL ñetak, à liye met gasrup šuñ kiše lalos nu in niin fwil tatù.

2 À El liye pe sie kotinmas sigasrup el šuñ nu lù kitin muni sisik luo.

3 À El fwak, Payi Na fwak nu ſumwos, tu kotinmas sigasrup iñi el šuñ nu lù yok luk elos nu kemwu.

4 Tu elos iñi nu kemwu ke ma puspis lalos šuñ nu ke kiše lun God; à el ke sigasrup lal šuñ nu lù ma nu kemwu me mol lal.

5 ¶ À ke kutu kaskas ke tempel, fuka ma yinla ke eot mwo à me kiše El fwak, 6 ke ma iñi ma komwos liye, len a fwa tuku in len sa sie eot fwa tiu on fwin sie, mae a moguklanu.

7 À elos siyuk Sel, fwakañ, Met Luti, à ma iñi a orek na? à akul su ke ma iñi tufwa orek?

8 À El fwak, Liauñ tu met tiu kiape komwos la; tu met puspis fwa tuku in Ek, fwakañ, Na Kraist; à apkurun pal si: [ke ma iñi] komwos tiu ſom tuk olos.

9 À ke komwos loñ meun

ā mogukū, nik komwos sa-
ñen; tu ma iñi fwa tuku
met; tu tiu kitin misiñi
safla.

10 Na El fwak nu selos,
Sie an, tufwa tuyuk lain sie
an, ā togusai lain togusai.

11 Ā rarrar ma lulap, in
kutu an, ā sral, ā lolo; ā me
aklañuñ lulap ā akul lulap
sikmi in kosaoe mi.

12 Ā met ma iñi tuk, elos
tufwa likiye paolos on fwo-
mwos, ā kolyai komwos, in
es komwos yuñ nu ke lolñok,
ā nu in prison, ā in kol ko-
mwos la ye mutun togusa ā
leum ke Ek.

13 Ā ma iñi fwa oru nu
sumwos ke ma lo.

14 Ke ma iñi, komwos oru
inšiumwos, in tiu nunkauk
met ma komwos tufwa tupok
tuk.

15 Tu Na fwa siot nu su-
mwos oalu ā lalmétemet, ma
met lokwalok nu kemwu
komwos elos koflanu mu sito,
ā koflanu tupuk ka.

16 Ā kie turia, ā met lili, ā
met sou, ā met kawuk, elos
tufwa tukakin komwos yuk;
ā elos fwa oru tu katu su-
mwos fwa misi.

17 Ā met e nu kemwu tu-
fwa sruñe komwos la ke Ek.

18 Ā sugo aunsiu fwomwos
a fwa tiu wañinla.

19 Komwos mol ñanumwos
ke moñfusas komwos.

20 Ā ke komwos a fwa liye
un met meun apneni Jeru-
salem, na komwos etu tu
apkurun in muñal lanu mao.

21 Na lela elos su mutu in
Judea in kasus nu fwin
eola; ā lela elos su mutu
infulwe fwala liki; ā lela
elos su mutu in kutenu an
in tiu fwas utyuk nu lu.

22 Tu len iñi len in anwuk,
tu ma nu kemwu ma šimul-
la met fwa payikin.

23 Ā we nu selos su pute-
te, ā nu selos su katiti in len
iñó! tu a fwa mwaiok ma
lulap in fwalu, ā siluñ nu
fwin met iñi.

24 Ā elos a fwa putatla ke
mutun kutlas, ā a fwa kol
komwos la met srou nu in
an nu kemwu; ā met Pegan
elos tufwa loñye Jerusalem,
nu ke pal si lun met Pegan
tufwa payikin.

25 Ā a fwa akul in fwatu,
ā malem, ā itu; ā on fwalu
fosña lun metu wi toninfoñ;
mwea ā nua ñurñur; 26 in-
sien met munasla ke ſañeñ,
ā ke ūuk ma a tuku nu
fwalu: tu ku in kosao a fwa
kususus.

27 Ā na elos fwa liye
Mwen nutin met tuku in
pukunieñ ke ku ā ma mwo-
wou ma lulap.

28 Ā ke ma iñi mu-
tamwank in te oru, na
komwos fietak, ā keyuk siu-

fwomwos; tu me mol lo-
mwos apkurun.

29 Ä El fwak nu selos sie
pupulyuk; Liye šak fig, à
šak nu kemwu; 30 iñi ke
elos srunak, komwos liye à
šifwanu etu tu akurun pal
fwol.

31 Ouyape komwos, ke ko-
mwos liye ma iñi te oru, ko-
mwos etu tu togusai lun God
akurun.

32 Payinu Na fwak nu
šumwos, Fwil si iñi a tiu
wañinla, nu ke ma nu ke-
mwu fwa payikin.

33 Kosao à fwalu a wañin-
la, à kas luk a tiu wañin-
la.

34 Ä komwos liye komwos,
fwin tiu ou iñi insiumwos
tufwa toas ke srital koluk, à
srui, à insie ke mol si iñi, à
len si iñó fwa tuku nu fwo-
mwos komwos nükkin ka.

35 Tu oanu sruf el a fwa
tuku on fwelos nu kemwu
su mutu on fwin mutun
fwal e nu kemwu.

36 Ke ma iñi komwos šano,
à pre pal e nu kemwu, tu
komwos fwa mwo in fwala
liki ma nu kemwu fwa te
oru, à in tu ye mutun Mwen
nutin met.

37 Ä ke len El luti nu in
tempel; à ke foñ El šomot,
à mutu fwin eol pañpañ
Oliv.

38 Ä met e nu kemwu elos

tuku u-lutue nu yurol nu in
tempel, tu in loñ ol.

ŠAPTER 22.

1 NI kurun kofwo lun bred
tiu pulolak, pañpañ Alu-
kela.

2 Ä met tol fulat à met
sim elos šuk fuka elos tu-
fwa uni'lye; tu elos šañeñ
sin metu.

3 Na Satan el ilyuk nu in
Judas mwulal Iskariot, el sie
sin sie-ñul-luo.

4 Ä el šomot, à papu yurin
met tol fulat à kaptin, fuka
el tufwa tukakunulak nu
selos.

5 Ä elos eñun, à mwuleuñ
in sun muni nu sel.

6 Ä el tukakunañ à šuk
pal mwo in tukakunulak nu
selos, ke wañinu met si.

7 Na len si lun bred tiu
pulolak tuku, ke uniye me
alukela.

8 Ä El sipaot Piter à Jon,
fwakañ, Komtal šom à ako
alukela nu šes, tu kut fwa
moño.

9 Ä elos fwak nu Sel, An
ya kom luñšom tu ketal
ako?

10 Ä El fwak nu selos,
Liye ke komtal utyuk nu in
siti, sie met el wis ale in kof
si el tufwa sun komtal;
komtal fwas tukol nu in
lom el tufwa utyuk nu we.

11 Ä komtal tufwa fwak

nu sin met kato lun lomwu,
Met Luti el fwak nu šum,
Pa ya fokil sin metsa, yin
Na tufwa moño alukela yu-
rin met tumuk lutlut ?

12 Ā el tufwa luti nu šum-
tal sie fokil lulap lūn ako
tari ; komtal ako iñō.

13 Ā eltal šom à konoiock
oanu El fwak nu seltal : à
eltal akoa alukela.

14 Ā ke auu si tuku, El
foñyuñ nu ke tebue, à met
sap sie-ñul-luo oelul.

15 Ā El fwak nu selos, Na
kenu ma lulap in moño alu-
kela iñī yurumwos met Na
keokjuñ tuk : 16 Tu Na
fwak nu šumwos, Na tiu
siefwil moño ma iñī tuk, nú
ke pal si fwa payikin in
togusai lun God.

17 Ā El es kup, à šuñ
kulu, à fwak, Komwos es
ma iñī, à kitelik yurumwos ;
18 tu Na fwak nu šumwos,
Na a fwa tiu nim fok in
fain, nu ke pal si togusai
lun God a fwa tuku.

19 ¶ Ā El es bred, à šuñ
kulu, à kunšalik, à šuñ nu
selos, fwakañ, Ma iñī mo-
nuk, ma šiot ke komwos ;
oru ma iñī in esam yu.

20 Ouyape kup tukin sup-
per, fwakañ, Kup si iñī
mwilkas šašu ke sa'k, ma
širor ke umwos.

21 Tu, liye, pon šu tukakin
yu yuk wi yu on fwin tubue.

22 Ā payi Mwen nutin
met el šom, oanu ma papu
met ; tu we nu sin met iñō
šu tukakunulak !

23 Ā elos mutamwauk in
siyuk nu selos sie sin sie, šu
selos a fwa oru ma iñī.

24 ¶ Ā ouyape sie akukain
tuku nu yurolos, šu selos
swa fulat liki nu kemwu.

25 Ā El fwak nu selos,
Togusa lun met Pegan elos
leum lalos ; à elos šu leum
lalos elos pañpañ leum kulañ.

26 Ā komwos tiu ou iñī ;
tu el šu fulat yurumwos,
lela lun oanu met fwus ; à
el šu leum oanu el šu ku-
lanšap.

27 Ka šu yok, el šu foñyuñ
nu ke tebue, ku el šu ku-
lanšap ? ya tiu el šu mutu
moño ? à Na yurumwos oanu
el šu kulanšap.

28 Komwos elos šu wi yu
mutu ke mel luk.

29 Na šiot mwol nu šu-
mwos ke togusai oanu Papa
tumak El si mwol nu Sik ;
30 tu komwos tufwa moño à
nim fwin tebu luk in togusai
luk, à mutu fwin me mutu
lun leum, à nununku sruf
sie-ñul-luo lun Israel.

31 ¶ Ā Leum El fwak,
Saimon, Saimon, liye, Setan
el luñsel es kom, tu el lik-
lik i kom eanu wit : 32 Ā
Na pre ke kom, tu lalalfuñi
lom tiu wañinla : tu ke kom

forla, kom akkeiela met lili
lom.

33 Ā el fwak nu Sel,
Leum, ña ako in wi Kom nu
in prison à nu ke miši.

34 Ā El mu, Ña fwak nu
šum, Piter, mwon sisa tiu
kakla misiñi, nu ke pal si
kom fwa lafwekin pal tolu
tu kom tiu ete yu.

35 Ā El fwak nu selos, Ke
Ña sipe komwosla wañin
nukin muni, à tiu nuk ke
fwafwasyis, à tiu faluk, ya
kutu fwos yurumwos? À
elos mu, Wañin.

36 Na El fwak nu selos,
Tu iñi, el šu nukin muni
yurol, lela lun es, à ouyape
nuk ke fwafwasyis: à el šu
wañin kutlas ma lal, lela
lun kukakin nuknuk lal, à
moli sie.

37 Tu Ña fwak nū šumwos,
tu ma iñi ma šimusla a fwa
payikin ke Ña, À elos oakuañ
nu ke met koluk: tu
mao keik a fwa payikin.

38 À elos fwak, Leum, liye,
kutlas luo iñi. À El fwak
nu selos, Tari.

39 ¶ À El fwas liki à som,
oanu El oru met, nu ke eol
Oliv, à met tumal lutlut pe
fwas tuk ol.

40 À ke El tuku nu an si,
El fwak nu selos, Komwos
pre tu komwos tiu ilyuk nu
in mel.

41 À El šom luk elos oanu

eot sisiwot, à sikukmutunti,
à pre, 42 fwakañ, Papa, kom
fwin luñšom, esla kup si iñi
liki yu; à tiu ou Ña luñsik,
tu ou kom luñšom.

43 À sie lipufon sikmi in
kosaoe mi nu yurol, in akkui
El.

44 À El keokiuñ, à inšiauñ
pre ma lulap, à fwiol oanu
sa tul lulap nu in foko.

45 À ke El tuyuk liki pre,
à tuku nu yurin met tumal
lutlut, El konoi olos yuk la
motul ke asor, 46 à El fwak
nu selos, Efwo komwos ku
motul? tukakak à pre, fwin
tiu ou iñi komwos ilyuk nu
in mel.

47 ¶ À iñi ke El kaskas,
liye elun met si, à el šu
pañpañ Judas, sie sin sie-
ñul-luo, el fwas met elos tuk,
à kolikiuñ nu yurin Jisus in
ñok ol.

48 À Jisus El fwak nu sel,
Judas, ya kom tukakunak
Mwen nutin met ke ñok?

49 À ke elos šu tu apnu-
'laini liye ma fwa te oru, elos
siyuk Sel, Leum, ya kem
poki ke kutlas?

50 À sie selos, el poki met
kulansap lun met tol fulat, à
otala sral leyut.

51 À Jisus tupokoña à
fwak, Tarinu ma iñi. À El
kalye sral, à akkei el la.

52 Na Jisus fwak nu sin
met tol fulat, à kaptin lun

tempel, à met elder, su tuku nu yurol, Ya komwos tuke liki oanu lain met iñunyar, ke kutlas à saku ?

53 Ke Na wi komwos in tempel piñanu len, komwos tiu sralmu pomwos lain yu ; tu iñi auu lomwos, à ku lun los.

54 ¶ Na elos es El, à kol ol, à wis El nu in lom sin met tol fulat. À Piter el fwas lüsela tuk.

55 À ke elos tanak e inful-win lomwu, à tukeni mutu, Piter el oelulos mutu.

56 À sie mutan fwus el liye'l ke el mutu mutun e, à el sui'lye, à fwak, Met si iñi el pe oelul.

57 À el lafwekunal, fwakañ, Mutan, ña tiu eta'l.

58 À kitin pal tuk sie pe el liye'l, à fwak, Kom pe sie selos. À Piter el fwak, Met, mo.

59 À akurun auu si tuk, sie pe el fwaknu fwakañ, Payinu el iñi pe oelul ; tu el met Galili.

60 À Piter el fwak, Met, ña tiu etu ma kom fwaku. À kitin misiñi ke el kaskas, mwon sisa kakla.

61 À Leum El tapulle, à ñetañ nu sel Piter. À Piter el esam kas lun Leum fuka ma El fwak nu sel, Met mwon sisa kakla tuk, kom tufwa laflafwekin yu pal tolu.

62 À Piter el som, à tuñ ma lulap.

63 ¶ À met šu sruki'lye Jisus, elos aksruksruk al, à pook ol.

64 À ke elos nukomla mutual tari, elos pukil mutual, à siyuk Sel, fwakañ, Kom polyauk šu pouk kom.

65 À ma puspis pe ma koluk lanu elos kaskas lain ul.

66 À ke lenelik, met elder lun met à met tol fulat à met sim elos tukeni, à kol ol nu in mwolil lalos, fwakāñ, 67 Ya kom Kraist ? fwak nu ses. À El fwak nu selos, Na fwin fwak nu sumwos, komwos a tiu lalalfuñi.

68 À Na fwin siyuk pe nu sumwos, komwos a tiu tupok mu nu sik, tiu lela tu Na in som.

69 Tuko Mwen nutin met El tufwa mutu on le paul leyut lun ku lun God.

70 Na elos nu kemwu fwak, Ke ma iñi, ya kom Mwen nutin God ? À El fwak nu selos. Komwos fwak tu Na el.

71 À elos fwak, Efwo kem ku šuk kutepe ma lo ? tu kem sifwanu loñ ke oaul.

ŠAPTER 23.

À ELUN met nu kemwu à elos tuyuk, à kol ol nu sel Pailat.

2 À elos mutamwauk in ko

al, fwakañ, Kem konoiock met si iñi El aksito'yela met an sa, à oru lun tiu suñ kiše nu sin Sisar, fwakañ, Tu El sifwanu Kraist sie togusa.

3 Á Pailat el siyuk Sel, fwakañ, Ya kom Togusa lun met Ju? Á El tupokoañ nu sel à fwak, Kom fwak mao.

4 Na Pailat el fwak nu sin met tol fulat, à nu sin metu, Wañin ma sito ña konoiock ke met si iñi.

5 Á elos fwaknu, fwakañ, El kaifwinu metu, luti an Ju nu kemwu, mutamwauk Galili mi nu yin si iñi.

6 Ke Pailat El loñ ke Galili, el siyuk El la met Galili ku sito.

7 Á ke el etu tu El ma lun an sin Erod, el sipa'lot nu sin Erod su sifwanu muta pe nu Jerusalem ke pal si iñi.

8 Á ke Erod liye'l Jisus, el eñun ma lulap; tu ma patpat el kenu liye'l, tu el loñ ma puspis ke'l; à fwensok lal in liye kutu menmen ma El oru.

9 Na el siyuk Sel ke kas puspis; à wañin ma El tupoek nu sel.

10 Á met tol fulat à met sim elos tu à kaskas lain ul ma lulap.

11 Á Erod wi met meun lal orek ma koluk lanu nu Sel, à aksruksruk al, à nuk-

mulañ ke nuknuk mwolanu, à siefwil sipa'lot nu sel Pailat.

12 Á len si iñi Pailat à Erod eltal kawukin sie sin sie; tu met eltal eokasei sie sin sie.

13 ¶ Á Pailat, ke el pañon mu nu sie met tol fulat à leum à metu, 14 el fwak nu selos, Komwos wis met si iñi nu yuruk, oanu sie su aksitoeye metu; à, liye, ña siyuk ol met ye mutomwos, à wañin ma sito ña konoiock ke met si iñi, ke mao komwos kaskas lain ul.

15 Áok, Erod ouyape; tu ña sipe komwos nu yurol: à, liye wañinu ma El oru tu El misi.

16 Ke ma iñi ña tufw struñlul, à tula'l la.

17 (Tu ke tupek el tulala sie nu selos ke kofwo.)

18 Á elos takeni nu sie wowoyuk, fwakañ, Eslanu met si iñi, à tula'l la Barabbas nu ses.

19 Ke sie meun in siti, à ke akmus elos sis el la nu in prison.

20 Ke ma iñi Pailat, tu el luñsel tula'l la Jisus, el sie-fwil kaskas nu selos.

21 Á elos wowoyuk, fwakañ, Uni'lye on ke saksiñ sugo, uni'lye on ke saksiñ sugo.

22 Á el fwak nu selos pal

si aktolu, Efwo, mea ma koluk ma El oru? Wañinu ma ña konoiok ke'l tu El miši. Ke ma iñi ña fwa sruñlul, à lela lun šom.

23 Ā elos oru ma lulap ke pusra lulap tu El miši on šaksiñ sugo; à pusralos à pusren met tol fulat elos penla.

24 Ā Pailat el sap in oru oanu elos siyuk.

25 Ā el tulala nu selos el ſu ke sie meun à akmus ſisila nu in prison, ſu elos siyuk ka; à el asalañ Jisus nu ke ma luñsi lalos.

26 ¶ Ā ke elos kololot, elos ſrukic sie Saimon, met Kurene, ke el tuke liki an si, à elos likiye šaksiñ on fwel, tu el wis mao tukin Jisus.

27 Ā elun met ma lulap fwas tuk ol, à mutan, ſu ašor à tuñnu ke'l.

28 Ā Jisus el tapulla nu selos fwak, An nutin Jerusalem, komwos tiu tuñ ke Na, tu tuñ ke komwos, à ke tulig nutumwos.

29 Tu, liye, len a fwa tuku, in len ſu elos tufwa fwak, Inši mwowo mutan mwuskul, à inšie ſu tiu putete, à titi ſu tiu katiti.

30 Na elos fwa mutamwauk in fwak nu ke eol, Komwos putatla nu fwus; à nu ke eol sisik, Komwos afwin kit la.

31 Tu elos fwin oru ma iñi ke šak mol, fuka ke šak masla?

32 Ā ouyape luo pe, met koluk, oelul kokoot in anwuki.

33 ¶ Ā ke elos tuku nu an si pañpañ Kalvari, iño elos uni'lye on ke šaksiñ sugo, à met koluk, sie on le paul leyut, à sie on lesi.

34 Na Jisus el fwak, Papa nunok munas nu selos, tu elos tiu etu ma elos oru. Ā elos eselik nuknuk lal, à ſuk two.

35 Ā met elos tu liye. Ā met leum pe oelulos aksruk-sruk al, fwakañ, El molüla kutenu, lela lun ſifwanu mol El la, El fwin Kraist, ma ſulü lun God.

36 Ā met meun elos ouyape aksruksruk al, tuku nu yurol, à ſuñ finegar nu Sel, 37 à fwakañ, Kom fwin Togusa lun met Ju, Kom ſifwanu moli kom.

38 Ā ma ſimula pe elos ſim, yetal ke letter lun Grik, à Roma, à Hebru, EL INI TOGUSA LUN MET JU.

39 ¶ Ā sie sin met koluk, ſu sriſripyuk, el kas ko nu Sel, fwakañ, Kom fwin Kraist, kom ſifwanu moli kom à ketal.

40 Ā sienu tupokoañ kaiyuk nu sel, fwakañ, Ya kom tiu ſañeñ sin God, tu kom lisyikla ouyape?

41 Ā kital fwol ka; tu ki-

tal es mol ke me orekma las; a met si iñi wañin ma koluk ma El oru.

42 A el fwak nu sin Jisus, Leum, esain yu ke kom fwa tuku nu in togusaï lom.

43 A Jisus el fwak nu sel, Payinu Na fwak nu sum, Len si iñi kom wi yu mutu in Paradais.

44 A akurun auu akonkos, a los on fwal nu kemwu nu ke auu akeu.

45 A fwatu los, a nuknuk lisñe in tempel misalik in fulwe.

46 ¶ A ke Jisus El wowoyuk ke pusra lulap, El fwak, Papa, Na likiye ñunik in poin ! a ke El fwak ma iñi El miši.

47 A ke senturion el liye ma orala, el kakšakin God, fwakañ, Payinu El iñi met payi si.

48 A met e nu kemwu šu tukeni nu sie nu ke mao, ke elos liye ma orala, elos tuk inumwolos, a folokla.

49 A elos nu kemwu šu eta'l, a mutan su fwas tuk ol Galili mi, tu lüsila, liye ma nu kemwu.

50 ¶ A, liye, sie met, e Josef, met papu : el met mwo, a met payi : 51 (el iñi tiu oelulos ke papu a ma elos oru;) el met Arimatea, sie siti lun met Ju ; el ſifwanu ſano ke togusaï lun God.

52 Met si iñi el ſom nu yurol Pailat, a ñuse manol Jisus.

53 A el wis il ye, a nukmula in linen, a liki'lye nu in lufin mas si, ma tufla in eot si, wañin met on lü met.

54 A len si iñi len ako a akurun len Sabat.

55 A mutan pe, ſu oelul tuku Galili mi, elos fwas tuk, a liye lufin mas si, a fuka ke manol likiye.

56 A elos folokla, a ako fokin ſak keñ a me akmusra ; a moñla ke len sabat, oanu ke ma ſap.

SAPTER 24.

A LEN si umet ke wik, ke lu-tutañ, elos tuku nu ke lufin mas si, a wis fokin ſak keñ ma elos ako met, a kuteno oelulos.

2 A elos konoiok eot si epusla liki lufin mas si.

3 A elos utyuk nu lü, a tiu konoiok manol Leum Jisus.

4 A ma te oru, ke elos toninfoñ ka, liye met luo tu yurolos in nuknuk ſaromrom.

5 A ke elos ſañeñ, a foka-kinye mutalos nu in foko, eltal fwak nu selos, Efwo komwos ku ſukun met mol yurin met miši ?

6 El tiu os iñi, tu El mol-yuk. Komwos esamak fuka ma El kaskas nu ſumwos

ke El mutu in Galili met, 7 fwakañ, Mwen nuñin met fwa etükyuñ nu in pon met koluk, à anwuki on ke šaksiñ sugo, à len si aktolu sie-fwil molyuk.

8 Á elos esamak kas lal, 9 à folokla liki lufin mas si, à lutu ma nu kemwu ma iñi nu sin sie-ñul-sie, à nu selos nu kemwu šu lüla.

10 Á Meri Magdalen, à Joanna, à Meri nine kiel James, à kutenu mutan oelulos, šu fwakak ma iñi nu sin met šap.

11 Á kas lalos oanu kas lusroñten nu selos, à elos tiu lalalfuñ olos.

12 Na Piter el tuyuk à kassus nu lufin mas si; à sumwoli el liye nuknuk linen on yin selos, à el šomla, à lut in siel ke ma te oru.

13 Á, liye, luo selos eltal šom len si iñi nu sie an sisik pañpañ Emeus, ma lüs liki Jerusalem akurun furloñ on-nul.

14 Á eltal tukeni kaskas ke ma nu kemwu ma ora-la.

15 Á ma te oru, tu, ke eltal tukeni kaskas à asiyuki, Jisus el ſifwanu fwas apkurun, à oelultal fwas.

16 Á mutaltal srou tu eltal tiu eta'l.

17 Á el fwak nu seltal, Kaskas šu komtal kaskas-

kin sie sin sie, ke komtal fwafwasyis à ašor ?

18 Á sie seltal, šu è Kleopas, tupokoañ fwak nu Sel, Ya kom metša mugenu in Jerusalem, à tiu etu ma te oru iñi in len iñi ?

19 Á El fwak nu seltal, Ka mea ? Á eltal fwak nu Sel, Ke Jisus lun Nasaret, šu met palu ku ke me orekma à kas ye mutual God à met e nu kemwu.

20 Á fuka met tol fulat à leum las elos asalañ nu ke paani lun mas, à uni'lye on ke šaksiñ sugo.

21 Á fwensok lumem tu El iñi El su tufwa molüla met Israel. Á kutepe wi ma iñi, len si iñi len si aktolu tukin ma iñi orekla.

22 Aok, à kutu mutan ouyape šu wi yus orek kem in lut, šu taño lufin mas si ke lututañ : 23 à ke elos tiu konoiok manol, elos tuku, fwakáñ, tu elos pe liye arurumu lipufon, šu fwak mu El mol.

24 Á kutu selos šu wi kem šom nu lufin mas si, à konoiok mao oanu ma mutan fwak ; tu elos tiu liye'l.

25 Na El fwak nu selos, O met lalfon, à matoltol inšiumwos in lalalfuñ ma nu kemwu ma met palu elos kaskas ; 26 Ya tiu mwo tu Kraist el keokiúñ ke ma iñi,

ā in ilyuk nu in ma mwo-wou lal ?

27 Ā mutamwauk mi ke Moses ā met palu nu kemwu, el akkalemye nu selos ma nu kemwu ma simusla ke'l.

28 Ā elos fwas apkurun nu an si, yin eltal šom nu we: ā El oru oanu tu El fwas nu met kutu.

29 Ā eltal igolol, fwakañ, Kom mutanu yurital; tu ma akurun eukela, ā len foñuni. Ā El ilyuk in mutu yuortal.

30 Ā ma te oru ke El foñyuñ nu ke tebue yuortal, El es bred, ā pre, ā kunšalik, ā ſuñ nu seltal.

31 Ā mutatal igakla, ā eltal eta'l; ā El efla ye mutalos.

32 Ā eltal fwak sie sin sie, Ya inšius tiu furur inšius, ke El wi ketal kaskas ineku, ā ke El akkalemye Baibel nu šes ?

33 Ā eltal tuyuk ke auu si iñi, ā folokla nu Jerusalem, ā konoiok sie-ñul-sie tukeni mutu, ā elos ſu oelulos, 34 fwakañ, Payinu Leum El molyuk, ā sikmi nu sel Simon.

35 Ā eltal fwakak ma oru inganeku, ā fuka eltal eta'l ke kunšalik bred.

36 Ā ke elos kaskas ou iñi, Jisus el ſifwanu tu infulwe-

los, ā fwak nu selos, Misla nu ſumwos.

37 Ā elos ſañeñ ā mutok ā nunku mu elos liye sie ñun.

38 Ā El fwak nu selos, Efwo komwos ku toninfoñ ā efwo ku ſilalalfuñi fwasyuk inšiumwos ?

39 Komwos liye po'k ā niuk, tu Ñanu iñi: kal yu wi ā liye ; tu ūn wañin ikwe ā sri, oanu komwos liye keik.

40 Ā ke el kaskas ou iñi tari, El luti nu selos paul a niel.

41 Ā iñi ke elos ſilalalfuñi ke eñun, ā lut, El fwak nu selos, Ya os me moño yuru-mwos yinu ?

42 Ā elos ſuñ nu Sel ipen ik munmun, ā ipen huni komb.

43 Ā El es ā moño ye mutalos.

44 Ā El fwak nu selos, Ma iñi kas ma Na fwak nu ſumwos, ke Na mutu yuru-mwos met, tu ma nu kemwu payikin, ma simusla in manu lun Moses, ā in ma palu, ā in psalm ke Na.

45 Na El igasla etu lalos, tu elos in etu Baibel : 46 Ā fwak nu selos, Ou iñi ma simusla ā ou iñi mwo tu Kraist in keokiun, ā in molyuk yurin miše mi ke len si aktolu : 47 ā tu auliyuk ā ella ma koluk fwa lutiyuk in El

yin an nu kemwu, muta-mwauk in Jerusalem.

48 Ä komwos met lo ke ma iñi.

49 Ä liye, Ña sipaot mwuleuñ lun Papa tumuk nu fwomwos: ä komwos mutanu nu in siti Jerusalem, nu ke pal si komwos tufwa nuknukyuñ ke ku tu lüñ mi.

50 Ä El kololos wot nu ke

Betani, ä El srukak paul, ä akinšimwowoye'los la.

51 Ä ma te oru ke El akinšimwowoye'los la, etükla El luk elos, ä utükyuk nu in kosao.

52 Ä elos ali nu Sel, ä folokla nu Jerusalem ke eñun lulap.

53 Ä pal nu kemwu elos os in tempel kakšakin ä kulunu nu sin God. Amen.

MWO ŠASU MA JON EL ŠIM.

ŠAPTER 1.

KE mutamwauk Kas, ä Kas yurol God, ä Kas God.

2 El iñi ke mutamwauk yurol God.

3 El orala ma nu kemwu; ä wañin nu ma el tiu orala, ke ma oreklae.

4 In el mol; ä mol ma kalem lun metu.

5 Ä kalem kalemalik in los, ä losu tiu etu ma.

6 ¶ God el sipamu met si, el Jon.

7 El iñi tuku ke met lo, in orek ma lo ke Kalem, tu met e nu kemwu fwa lalafuñi k'el.

8 El tiu ma Kalem iño, tu in orek ma lo ke ma Kalem iño.

9 El Kalem payi, su kalme lik met e nu kemwu su tuku nu fwalu.

10 El os fwalu, ä el orek fwalu, ä fwalu tiu etal.

11 El tuku nu ke ma lal, ä ma lal tiu as al.

12 Ä elos su as al, el suñ ku in oru oanu Mwen nutin God, nu selos su lalafuñi in el:

13 Su isüsla, tiu ke sa, tiu ma ke ikü, tiu ma ke met, tu ke God.

14 Ä orala Kas ikü, ä mutu yuros, (ä kut liye ma mwo wo lal, ma mwovo oanu sie wunu isüsla nutin Papa,) tiñtiñinu ma luñ ä ma payi.

15 Jon el orek ma lo k'el, ä wowoyuk, fwakañ, El iñi su ña fwak met, El su tuku

tukuk mwoliki ña; tu el met ña tuk.

16 Á kut nu kemwu es ke ma tiñtiñinu lal, á luñ ke luñ.

17 Tu Moses el asi manu, tu luñ á ma payi tuku ke Jisus Kraist.

18 Wañin met liyel God ke palsi; Mwen siewunu isúsla, su in imwel God, el fwakulak.

19 Á ma iñi ma lo luñ Jon, ke Jus elos sipamu met tol, á met Lifait Jerusalem mi in siyuk sel, Su komwun?

20 Á el fwakak, á tiu lafwekin, á el fwakak, Na tiu Kraist.

21 Á elos siyuk sel, Ka su? Kom Ilaias? Á el fwak, Na tiu el. Kom ma Met Palu? Á el tupokoñ, Mo.

22 Na elos fwak nu sel, Su komwun? tu kut fwa tupokoñ suñ nu selos su sipe kit mi. Mea kom fwak ke ium?

23 El fwak, Na pusren su wowoyuk yin mesis, Akšumwosye inek lun Jeova, oanu Esaias met palu el fwak.

24 Elos ma lun met Farisi su sipeyuku.

25 Á elos siyuk sel á fwak nu sel, Ka efwo kom ku baptaisla, kom fwin tiu ma Kraist, tiu Elaias, tiu ma met palu?

26 Jon el tupokoñ nu selos fwakañ, Na baptais ke kof; á sie yurumwos, komwos nukin su:

27 El sie tuku tukuk mwoliki ña, ña tiu mwo in tulala au los yin faluk lal.

28 Elos oru ma iñi yin Betabera likin yeno Jordan, an Jon el baptaisla we.

29 ¶ Len si tuko Jon el liye'l Jisus tuku nu yurol, á fwak, Liye, lun God su esla ma koluk lun fwalu!

30 El iñi su ña fwak, Met si fwa tuku tukuk su mwoliki ña; tu el met ña tuk.

31 Á ña tiu eta'l; tu ou iñi ña tuku in baptaisla ke kof, tu Israel fwa eta'l.

32 Á Jon el orek ma lo, fwakañ, Na liye Nun sikmi in kosaoemi oanu mulioa, á on fwel.

33 Á ña tiu eta'l met: tu el su sipe yu mi in baptais ke kof, el iñi fwak nu sik, On sin su kom fwa liye Nun sikmi nu we á on fwel, el iñi el su baptais ke Nun Mutual.

34 Á ña liye, á orek ma lo tu el iñi Mwen nutin God.

35 ¶ Siefwilpe len si tuko Jon el tu, á met tumal lute luo;

36 Á ñetañ nu sel Jisus ke el fwafwasies, el fwak, Liye Lam lun God!

37 Á met tumal lute luo

loñol kaskas, à eltal fwas tukol Jisus.

38 À Jisus el tapulla, à liye eltal fwas tuk, el fwak nu seltal, Mea komtal šuk ? Eltal fwak nu sel, Rabbai, (oanu ma kaskas, tafwu met luti,) kom mutu ya ?

39 El fwak nu seltal, Fwasu à liye. Eltal tuku à liye an el mutu we, à mutu yurol len si iñò : tu pal si akurun auu aksiñul.

40 Sie seltal su loñ Jon, à fwas tukol, el Antru, ma lel Saimon Piter.

41 Ma si metu el konoilok tamulel Saimon, à fwak nu sel, Kut konoilok Messaias, su elos tafwu, Kraist.

42 À el wis el na yurol Jisus à ke Jisus el liye'l, el fwak, Kom Saimon Mwen nutin Jonas : met fwa pañun kom Sifas, oanu tafwu ma Eot si.

43 ¶ Len si tuko Jisus el luñsel šomla nu yin Galili, à el konoilok Filip à fwak nu sel, Fwas tukuk.

44 À Filip met Betsaida, yin seltal Antru à Piter.

45 Filip el konoilok Natanael, à fwak nu sel, Kut konoilok Jisus lun Nasaret, Mwen nutin Josef, el su Moses in manu, à met palu simisla met.

46 À Natanael fwak nu sel, Ya kutu mwo tuku yin

Nasaret mi ? Filip el fwak nu sel, Fwasu à liye.

47 Ke Jisus liyel Natanael tuku nü yurol, à fwak nü k'el, Liye met Israel payi si, sin su wañin nü ma sito !

48 Natanael fwak nu sel, Kom ete yu ya ? Jisus el tupokoan à fwak nu sel, Met ke Filip el pañun kom, ke kom mutu ye lulin šak fig, Na liye kom.

49 Natanael tupokoan à fwak nu sel, Rabbai, kom Mwen nutin God ; kom Togusa lun Israel.

50 Jisus el tupokoan à fwak nu sel Tu ña fwak nu šum, Na liye ye lulin šak fig, ya kom lalalfuñi ? kom tufwa liye yokliki ma iñi.

51 À el fwak nu sel, Payinu, payinu ña fwak nu šumwos, Tuko komwos fwa liye in kosao igasla, à lipufon lun God šokaak à towi fwin Mwen nutin met.

SAPTER 2.

A LEN si aktolu elos orek A payuk yin Kena lun Galili ; à nine kiel Jisus os we.

2 À elos pañolmu Jisus, à mét tamul lutlut pe, nu ke payuk.

3 À ke wain lis, nine kiel Jisus fwak nu sel, Wain lis.

4 Jisus el fwak su sel, Mutan, mea na oru nu šum ? auu si luk tiu tuku iñi.

5 Nine kiel fwak nu sin met kulanšap, Ma el fwak nu ſumwos, oru.

6 Tup eot onkos on we, oanu ma tetela lun Jus, buket onkos ku oalkos nekla sie.

7 Jisus el fwak nu selos, Nakla tup ke kof. Ā elos nakla nu kemwu sesesla :

8 Ā el fwak nu selos, Okolia iñi, ā wiſla nu yurin leum lun kofwo. Ā elos wiſ.

9 Ke leum lun kufwo el pulakin kof wainla, ā el tiu etu ma ya : (ā met kulanšap ſu okoila kof elos etu;) leum lun kofwo pañonmu met puſla.

10 Ā fwak nu sel, Met e nu kemwu wiſ wain mwo met; ā ke elos srui kutu, el fwa wiſ ma koluk kutu: kom likie wain mwo nu ke iñi.

11 Jisus el mutamwauk in oru kutu menmen iñi yin Kena lun Galili, ā lotōuñ ma mwowo lal; ā met tumal lutlut lalalfuñi k'el.

12 ¶ Tukin ma iñi oatui nu yin Keperneum, el, ā nine kiel, ā ma lel, ā tumal lutlut: ā elos mutu we tiu len puspis.

13 Ā alukela lun Jus aku-run tuku, ā Jisus el ſumwak nu yin Jerusalem,

14 Ā el konoiolosyuk in imwen ali elos ſu kuko kauu

ā ſip ā mulioa, ā met aola moni mutu we:

15 Ā ke el oru kiten au me ſriñſriñ, el luselosla nu kemwu likin imwen ali, ā ſip, ā kauu mogule; ā okoila moni lun met aola, ā topka-kunla tepue;

16 Ā el fwak nu selos ſu kuko mulioa, Wisla ma iñi; tiu orek lem sin Papa tumuk imwen kuko.

17 Ā met tumal lutlut esamak tu ma ſimisla met, Moniyuk ke lom ſum koñyu a.

18 Na Jus elos tupokoañ ā fwak nu sel, Akul ſu kom lutu nu ſes, tu kom oru kutu ma iñi ?

19 Jisus el tupokoañ ā fwak nu selos, Kanaoselik imwen ali si iñi, ā ke len tolu ña ſiefwil miſaela.

20 Na Jus elos fwak, elos miſa imwen ali si iñi ke yiu añ ñaul onkos, ya kom fwa miſaela ke len tolu ?

21 Ā el kaskas ke imwen ali ſin manol.

22 Tu ou iñi ke Jisus el moliyuk yin miſe mi tak, met tumal lutlut esamak tu el fwak ma iñi nu selos; ā elos lalalfuñi ma ſimisla, ā ma kas ma Jisus el fwak.

23 ¶ Ā ke el os Jerusalem pal ſi kofwo lun alukela, ma puspis lalalfuñi in el, ke elos liye menmen ma el oru.

24 Ā Jisus el ſifwanu oral

tiu foñyuñ nu selos, tu el ete met e nu kemwu šu isūsla nu kemwu,

25 Á el tiu luñsel tu kutu met orek ma lo lun met: tu el etu ma in met.

SAPTER 3.

MET si lun met Farisi, él Nikodimus, leum lun Jus.

2 El iñi tuku nu yurol Jesus ke foñ, á fwak nu sel, Rabbai, kem etu tu kom met luti tuku nu yurol God mi: tu wañin met oru menmen iñi ma kom oere, God el fwin tiu oelul.

3 Jisus el tupokoañ á fwak nu sel, Payinu, payinu, ña fwak nu šum, Met fwin tiu siefwilpe isūsla, el koflanu liye togusaï lun God.

4 Nikodimus el fwak nu sel, Met á isūsla fuka ke matwe? ya el pal si akluo ilyuk in šien nine kielu, á fwa isūsla?

5 Jisus el tupokoañ, Payinu, payinu, na fwak nu šum, Met el fwin tiu isūsla ke kof á ke Nun, el koflanu ilyuk nu yin togusaï lun God.

6 Ma isūsla ke ikü ikü; á ma isūsla ke Nun ñun.

7 Tiu lut tu ña fwak nu šum, Kom siefwilpe isūsla.

8 Eñ á tu yin el luñsel, á kom loñ eñu ke kaskasu, á kom ninukunla an tu we mi, á an á fwas nu we: ou iñi

met e nu kemwu šu isūsla ke Nun.

9 Nikodimus el tupokoañ á fwak nu sel, Fuka ma iñi?

10 Jisus el tupokoañ á fwak nu sel, Ya kom met luti lun Israel, á tiu etu ma iñi?

11 Payinu, payinu, ña fwak nu šum, Kem kaskas ma kem etu, á kem orek ma lo ma kem liye; á komwos tiu es ma lo las.

12 Ña fwin lutu nu sumwos kutu ma fwalu, á komwos tiu lalalfuñi, fuka komwos fwa lalalfuñi ña fwin lutu nu sumwos kutu ma in kosao, ma?

13 Á wañinnu met fwas-yuk nu in kosao, tu el mugenu šu tuku in kosao emi, Mwen nutin met šu in kosao.

14 Á oanu Moses el srukak mwet sugo yin masrasra, ouyape fwa srukak Mwen nutin met:

15 Tu met e ku kemwu šu lalalfuñi k'el elos tiu miše, á mol lalos mapatpat.

16 Tu God el luñsel fwalu ou iñi, tu el kitamu Mwen siewunu isūsla natal, tu met e nu kemwu šu lalalfuñi k'el elos tiu miše, á mol lalos mapatpat.

17 Tu God el tiu sipamu Mwen nutin nu fwalu iñlusla fwalu; á tu fwalu fwa mol ke el.

18 El ſu lalalfuñi k'el tiu lusla: à el ſu tiu lalalfuñi k'el lusla iñi, tu el tiu lalalfuñi ke el Mwen siewunu isüsla nutin God.

19 À ma iñi lusla, tu kalem tuku nu fwalu, à metu luñ ſi losu mwoliki kalem, tu ma elos oru koluk.

20 Tu met e nu keinwu ſu orek ma koluk elos sruñu kalem, elos tiu tuku nu ke kalem, tu elos fwa etu ma koluk ma elos oru à mekin.

21 À et ſu orek ma payi tuku nu ke kalem, tu el fwa etu ma el oru nu sel God la payi ku sito.

22 ¶ Tukin ma iñi Jisus el tuku nu yin Judea à met tumal lutlut oelul; à el mutu iñyo yurolos, à baptaisla.

23 À Jon ouyape baptaisla yin Inon apkurun nu Selim, tu kof lulap on we: à elos tuku, à baptaisla.

24 Tu palsiñi Jon el tiu os in prison.

25 Na met tumal lutlut lun Jon à kutu Jus elos tukeni asiyuki ke ma tetela.

26 À elos tuku nu yurol Jon, à fwak nu sel, Rabbai, el ſu wi kom likin yeno Jordan, nu sin ſu kom orek ma lo, liye, elnu baptaisla, à nu kemwu tuku nu yurol.

27 Jon el tupokoañ à fwak, Wañin met ku in esla kutu

ma, fwin tiu asi nu sel in kosao emi.

28 Komwos ſifwanu orek ma lol nu sik, tu ña fwak, Na tiu Kraist, à tu sipe yu mi met el tuk.

29 El ſu mutan pusla lal el met pusla: à met kawuk lun met pusla, ſu tu à loñol, el eñun ma lulap ke pusren met pusla: ou iñi tiñtiñinu eñun luk.

30 El fwa yokoilik, à ña srikeni.

31 El ſu tuku lúñ mi fulat liki nu kemwu: el ſu lun fwalu ma fwalu, à kaskas ke ma fwalu: el ſu tuku in kosao emi fulat liki nu kemwu.

32 À ma el liye à loñ, ma iñyo el orek ma lo ka; à wañinu met es ma lo lal.

33 El ſu es ma lo lal orek ma akul lal tu God el payi.

34 Tu el ſu God el sipamu el kaskas lun God: tu God el ſuñ Nun tiñtiñinu nu sel.

35 Papa el lunsel Mwen, à el ſuñ ma nu kemwu nu in paul.

36 El ſu lalalfuñi ke Mwen mol ma patpat lal: à el ſu tiu lalalfuñi ke Mwen el tiu liye mol; tu siluñ lun God mutu fwe'l.

SAPTER 4.

O U iñi ke Leum el etu tu met Farisi elos loñ tu

Jesus el oru à baptaisla met akmu, à lufwin kof lal: pa
lutlut pusliki Jon, ya kof mol lom?

2 (À tu Jesus el sifwanu
tiu baptaisla, tu met tumal
lutlut,)

3 El fwas liki an Ju-
dea, à siefwil som nu yin
Galili.

4 À el luñsel fwas sasla nu
an Samaria.

5 Na el tuku nu yin mutu
we lun Samaria, pañpañ Sai-
kar, apkurun kutu fwal ma
Jekob el asi nu sel Josef
Mwen nutin.

6 À lufwin kof lun Jekob
on we. Jesus el makoko ke
fwafwasius, tu ou iñi el mu-
tu fwin lufwin kof: pal si
akurun auu akonkos.

7 Mutan si Samaria el tuku
in akak kof: Jesus el fwak
nu sel, Akmu nimuk.

8 (Tu met tumal lutlut elos
som nu yin met mutu we in
mol me moño.)

9 Na mutan si Samaria
fwak nu sel, Efwo kom ku
met Ju ñuse yu kof, ña mu-
tan Samaria? Tu met Jus
à met Samaria elos tiu tu-
keni kaskas.

10 Jesus el tupokoañ à fwak
nu sel, Kom fwino etu ma
ñuñ lun God, à ñu fwak nu
sum iñi, Akmu nimuk; kom
a siyuk sel, à el fwa ñiot nu
ñum kof mol.

11 Mutan si fwak nu sel,
Leum, wañin buket lom in

akmu, à lufwin kof lal: pa
ya kof mol lom?

12 Ya kom yok liki Jekob
papa tumas, ñu aši lufwin
kof nu ñes, à el sifwanu
numla, à Mwen nutin, à
kosro nutin?

13 Jesus el tupokoañ à fwak
nu sel, Nu kemwu ñu nim
kof iñi à siefwil malu.

14 À el ñu nim kof ma ña
ñuñ nu sel tiu siefwil malu
ma patpat: tu kof ma ña
ñuñ nu sel fwa on insiel lu-
fwin kof unon nu ke mol ma
patpat.

15 Mutan si fwak nu sel,
Leum, si nu sik kof iñi, tu
ñuñ tiu siefwil malu, tiu sie-
fwil tuku nu yinu in akak.

16 Jesus el fwak nu sel,
Fwasot, pañonmu met tu-
mon, à tuku nu yinu.

17 Mutan el tupokoañ à
fwak nu sel, Wañin met tu-
muk. Jesus el fwak nu sel,
Mwo ma kom fwak, Wañin
met tumuk:

18 Tu met met limikos tu-
mom; à el ñu os yurom iñi
tiu met tumom: ke ma iñi
payinu ma kom fwak.

19 Mutan si fwak nu sel,
Leum, ña liye tu kom met
palu.

20 Met papa tumas elos ali
fwin eol si iñi; à komwos
fwak tu yin Jerusalem an
met ali nu we.

21 Jesus el fwak nu sel,

Mutan, lalalfuñi yu, auu si tuku, ke komwos tiu fwin eol si iñi, tiu yin Jerusalem, komwos ali nu sin Papa.

22 Komwos tiu etu ma komwos ali : kem etu ma kem ali: tu mol os yurin met Jus.

23 Tu auu si tuku, à iñi, ke met ali ma payi elos ali nu sin Papa in ñun à in ma payi: tu Papa el šuknu met ou iñi in ali nu sel.

24 God el Nun: à elos su ali nu sel fwa ali in ñun à in ma payi.

25 Mutan si fwak nu sel, Na etu tu Mesaias el à tuku, ſu pañpañ Kraist: ke el tuku el fwa luti ma nu keinwu nu ses.

26 Jisus el fwak nu sel, Na su kaskas nu ſum el.

27 À ke iñi met tumal lutlut tuku, à elos lut tu el kaskas nu sin mutan si : à wan met in fwak, Mea kom ſuk? ka Efwo kom ku kaskas nu sel ella?

28 Na mutan si filiye tipen kof si läl, à som nu yin met mutu we, à fwak nu sin met,

29 Fwasu liye met si, su luti nu sik ma nu keinwu na oru: ya el tiu Kraist payi?

30 Na elos fwas liki an met mutu we, à tuku nu yurol.

31 Ke maslon pal si met tumal lutlut siyuk nu sel, fwakan, Rabbai, moño.

32 À el fwak nu selos, Me

moño nuk in moño ma komwos tiu etu.

33 Tu ou iñi met tumal lutlut tukeni fwak, Ya kutenu met wis kutu me moño nel ?

34 Jisus el fwak nu selos, Me moño nuk in oru ma el luñsel su sipe yu mi, à in oru me orek ma läl tari.

35 Ya komwos tiu fwak, Malem akos sruk fwos, à pal si tuko sifweni tuku ? liye, na fwak nu ſumwos, Netak mutomwos, à liye kutu ima; tu elos fwosfwos iñi in si-fweni.

36 À el su kosrûni es mol, à eseni fwako nu ke mol ma patpat: tu el su takunalik à el su kosrûni eltal tukeni eñun.

37 À ma iñi kaskas payi si, Sie takunalik, à sienu kosrûni.

38 Na sipe komwos wot in kosrûni kutu ma komwos tiu orek nu we: kutenu met orek ma, à komwos iliyuk nu yin me orek ma lalos.

39 À met Samaria ma puspis an si iñi met mutu we elos lalalfuñi k'el tu ma kaskas lo lun mutan su fwak, El luti nu sik ma nu kemwu na oru.

40 Ou iñi met Samaria ke elos tuku nu yurol, elos siyuk sel lun mutu yurolos; à el mutu we len luo.

41 A kutepe met. puspis lalalfuñi k'el ke kas läl;

42 Á elos fwak nu sin mutan, Kein lalalfuñi iñi, tu tiu kaskas lom : tu kem sifwanu loñ, à etu tu el iñi Kraist payi, Laño fwalu.

43 ¶ Á len luo tari el som liki an si iñi, à somla nu Galili.

44 Tu Jisus el sifwanu orek ma lo, tu wañin mwo lun met palu yin sel.

45 Na ke el tuku nu Galili, met Galili elos esal, tu elos liye ma nu kemwu ma el oru nu Jerusalem ke ko-fwo si; tu elos som pe nu ke kofwo.

46 Ou iñi Jisus el siefwil tuku nu yin Kena lun Galili, an si el orek kof wain. Á sie leum os we mwen natal mas yin Keperneum.

47 Ke el loñ tu Jisus el tuku Judea mi nu Galili, el som nu yurol, à siyuk sel in oatui, à unu el la mwen natal: tu el akurun nu miše.

48 Na Jisus el fwak nu sel, Komwos, fwin tiu liye kutu akul à kutu menmen komwos à tiu lalalfuñi.

49 Leum si fwak nu sel, Leum, oatu met Mwen nutig miše tuk.

50 Jisus el fwak nu sel, Fwasot; mwen nutom mol. Á met si lalalfuñi kas ma

Jisus el fwak nu sel, à el somla.

51 Iñi ke el oatu, kutu met kulansap lal sunol, à lutu nu sel, fwakañ, Mwen nutom mol.

52 Na el siyuk selos auu su ke el kela kutu. Á elos fwak nu sel, Nyo ke auu si akitkos mas fwol som luk el.

53 Ou iñi papa el etu tu auu si oanu Jisus el fwak nu sel, Mwen nutom mol: à el sifwanu lalalfuñi, à sou nu kemwu läl.

54 Iñi siefwilpe menmen akluo ma Jisus el oru, ke el tuku Judea mi nu Galili.

SAPTER 5.

TUKIN ma iñi kofwo lun Jus; à Jisus el fawsiyuk nu Jerusalem.

2 In lulu si ma kaskas Ípru pañpañ Betesda os Jerusalem, apkurun mutun pot lun ſip, sraumwalsis limikos on we.

3 Met puspis mas on we, ma munas, ma kunla mutual, ma ul, ma sriila in ſano kof unanaeuk.

4 Tu kutu pal lipufon oatui nu in lulu si, à unanaeuk kof; tukin pal si kof unanaeuk el ſu koluki nu in kof met, el kelanu ke mas lal.

5 Á sie met os we, el mas yiу toliñul à oalkos.

6 Ke Jisus el liyel onu, à etu tu el patlanu ou iñi, el fwak nu sel, Ya kom luñšom in kela ?

7 Met mas si tupokoañ nu sel, Leum, wañin met luk, ke kof unanaeuk, in fili yu wi nu in lulu si: à ke ña tuku, sieno oatui met ña tuk.

8 Jisus el fwak nu sel, Tukakak, srukak kùlus kium, à fwas.

9 À kiten misiñi met iñi kelanu, à srukak kùlus kiel, à fwas: à len iñi len sabat,

10 À tu ou iñi met Jus elos fwak nu sin met kela, Len sabat: oul ke kom wis kùlus.

11 El tupokoañ nu selos, el šu oreyu in kela, elnu fwak nu sik, Srukak kùlus kium à fwas.

12 Na elos siyuk sel, Ka met šu fwak nu šum, Srukak kùlus kium, à fwas ?

13 À el šu kela tiu etu šu : tu Jisus el šomla, met puspis os we.

14 Tukin ma iñi Jisus el konoilok in imwen ali, à fwak nu sel, Liye, kom kela : tiu orek ma koluk tuk, fwin ou iñi koluk liki ma iñi os yuroin.

15 Met si el šomla, à lutu nu sin Jus, tu Jisus el oralak in kela.

16 À tu ou iñi Jus elos kolya Jisus, à šuk in unilye,

tu el oru kutu ma iñi ke len sabat.

17 À Jisus el tupokoañ nu selos, Papa tumuk el orek nu iñi, à ña orek.

18 Tu ou iñi Jus elos šuk osliki in unilye, tu el tiu kanaosla sabat mugenu, el fwak pe tu God el Papa tumal, el šifwanu oralak oanu God.

19 Na Jisus el tupokoañ à fwak nu selos, Payinu, payinu ña fwak nu sumwos, Mwen el koflanu šifwanu oru kutu ma, el fwin tiu liye Papa oru : tu ma nu kemwu ma el oru, ma iñi Mwen fwa ore pe.

20 Tu Papa el luñsel Mwen, à lutu nu sel ma nu kemwu ma el šifwanu oru : à el fwa lutu nu sel ine orekina yok liki ma iñi, tu komwos fwa lut.

21 Tu oanu Papa el okasak met miši, à akmol elos yuk ; ouyape Mwen El fwa akmoli elos yuk šu el luñsel.

22 Tu wañin met Papa el nununku, à el likiye nununku nu kemwu nu sin Mwen.

23 Tu met e nu kemwu oru mwo nu sin Mwen, oanu elos oru mwo nu sin Papa. El šu tiu oru mwo nu sin Mwen tiu oru mwo nu sin Papa šu sipaelmu.

24 Payinu, payinu, ña fwak nu sumwos, El šu loñ ma

kas luk, à lalalfuñi ke'l su
sipe yu mi, mol ma patpat
ma lal, à el tiu tuku nu ke
lusla tuk; tu el fwas liki
miše nu ke mol.

25 Payinu, payinu, ña fwak
nu ſumwos, Auu si fwa tuku,
à iñi, ke met miše fwa loñ
pusren Mwen nutin God; à
elos su loñ fwa mol.

26 Tu oanu mol lun Papa
in el ſifwanu: ouyape el ſuñ
mol lun Mwe in el ſifwanu;

27 À ouyape el ſuñ nu sel
ma ſap in orek ma nununku,
tu el Mwen nutin met.

28 Tiu lut ke ma iñi: tu
auu si fwa tuku, ke met e
nu kemwu on inkuiyuk fwa
loñ pusral,

29 À fwa tuke liki; elos su
oru mwo, nu ke molyuk lun
mol; à elos su orek koluk,
nu ke molyuk lun lusla.

30 Na koſlanu ſifwanu oru
kutu ma: oanu ña loñ, ña
nununku, à nununku luk
payi; tu ña tiu ſuk kutu
ma ña luñsik, tu kutu ma
Papa luñsi su sipe yu mi.

31 Na fwin orek ma lo ke ña,
à ña etu tu ma lo ma el oru
ke ña payi.

32 Sienu orek ma lo ke ña,
à ña etu tu ma lo ma el oru
ke ña payi.

33 Komwos ſipaot nu sel
Jon met, à el orek ma lo nu
ke ma payi.

34 À ña tiu es ma lo yu-
rin met mi: tu ña fwak ku-

tu ma iñi, tu komwos fwa
mol.

35 El lam fururur à ſarom-
rom: à kutu pal komwos
luñsomwos in eñunak ke ka-
lém lal.

36 À ma lo luk yok liki ma
lo lun Jon: tu me orekma
ma Papa el asi nu sik in
orek tari, me orek iñi ma ña
oru, orek ma lo ke ña, tu
Papa el sipe yu mi.

37 À Papa ſifwanu, su sipe
yu mi, el orek ma lo ke ña.
Wañin palsi ke komwos loñ
pusral, à liye ma ouka lal.

38 À ma kaskas lal tiu on
inſiomwos: tu komwos tiu
lalalfuñol su el ſipamu.

39 Šuknu in ma simisla; tu
komwos nunku mu mol ma
patpat lomwos os ke: à ma
iñi orek ma lo ke ña.

40 À komwos tiu luñſo-
mwos in tuku nu yuruk in
es mol lomwos.

41 Na tiu es ma mwo yurin
met mi.

42 Tu ña ete komwos, tu luñ
lal God tiu on inſiomwos.

43 Na tuku in è Papa tu-
muk, à komwos tiu es yu:
sienu fwin ſifwanu tuku in
è lal, komwos fwa es al.

44 Komwos lalalfuñi fuka,
komwos su es ma mwo nu
sin sie sie, à tiu ſuk ma
mwo yurol God mi mugenu?

45 Nik komwos nunku tu
ñá fwa sis nu fwomwos nu

sin Papa: Moses ſu komwos foñyuñ nu sel, el sis nu fwomwos.

46 Tu komwos fwin lalalfuñol Moses met komwos fwa lalalfuñi yu: tu el simisla ke ña.

47 Á koinwos fwin tiu lalalfuñi ma el simisla, fuka komwos fwa lalalfuñi ma kaskas luk?

ŠAPTER 6.

TUKIN ma iñi, Jisus el ſom nu leyen mwea Galili, ma Taibirius.

2 Á met puspis tukeni ſom tukol, tu elos liye menmen lal ma el oru nu sin met mas.

3 Á Jisus el fwasyuk nu fwin eolu, á iñó el á met tumal lutlut tukeni mutu.

4 Á alukela, kofwo lun Jus, akurun iñi.

5 Na ke Jisus el ñetak mutal, á liye met puspis tuku nu yurol, el fwak nu sel Filip, kut á mol bred oiya, tu elos fwa moño?

6 Á el fwak ma iñi srik'el: tu el ſifwanu etu ma el fwa oru.

7 Filip el tupokoañi nu sel, Muni loñul oalkos srikla in mol bred nelos, tu elos nu kemwu fwa es ma sisik.

8 Sie nu sin met tumal lutlut, Andru, ma lel Saimon Piter, el fwak nu sel,

9 Mwen mogul si yinu, srukwal un barli limikos yurol, á kiten ik lugue: tu ma iñi á fuku nun met puspis?

10 Á Jisus el fwak, oru met in mutu. Á ma ma puspis yin si iñi. Tu ou iñi met elos mutu oaoa oanu limu.

11 Á Jisus el es srukwal; á ke el ſuñ kulu, el kitalik nu sin met lutlut, á met lutlut nu sin met mutu: á k ouyape lupanu ma elos luñselos.

12 Ke elos nu kemwu kùp, el fwak nu sin met tumal lutlut, Šifweni luwen moño, nik tula kutu.

13 Tu ou iñi elos ſifweni á nakla kuom si ñul luo ke luwen srukwal un barli limikos, ma on yok liki ma elos moño.

14 Na met iñó ke elos liye menmen iñi ma Jisus el oru, elos fwak, El iñi payinu met palu si ſu tuku nu fwalu.

15 Ou iñi ke Jisus el etu tu elos luñselos tuku á sruki-lye, in ora'l lun togusa, el ſifwanu ſom nu fwin eolu muku.

16 Á ke eukela, met tumal lutlut elos oatu nu mwea,

17 Á sroauk nu in oaku, á ſom nu mwea nu Keperneum. Á iñi losrúni, á Jisus el tiu tuku nu yurolos.

18 Á núa lulap ke eñ upa.

19 Tu ou iñi ke elos kol

mail tolu ku akos, elos liye'l Jisus fwafwasyius nu mwea, à fwas apkurun nu ke oaku: à elos šañeñ.

20 Á el fwak nu selos, Na; nikmit šañeñ.

21 Na elos luñselos in esal nu fwin oaku: à kiten misiñi oaku on fwin meše yin elos šom nu we.

22 ¶ Len tuko, ke met su tu leo nu mwea, elos tiu liye sienu oak os we, oak siewunu met tumal lutlut sroauk nu fwe, à tu Jisus el tiu wi met tumal lutlut nu in oaku, tu met tumal lutlut mugenu šomla;

23 (Tu kutenu oak tuku Taibirias mi, apkurun an si elos moño bred nu we, tukin palsi Leum el šuñ kulu :)

24 Tu ou iñi met elos liye tu Jisus el tiu os we, à met tumal lutlut ouyape, à elos sroauk nu in kutu oaku, à tuku nu Keperneum, in šukol Jisus.

25 Á ke elos koñoilok nu leo mwea, elos fwak nu sel, Rabbai, kom tuku nu yinu ña?

26 Jisus el tupokoña nu selos à fwak, Payinu, payinu, ña fwak nu šumwos, Komwos tiu šuki yu tu komwos liye menmen, à tu komwos moño strukwal, à fwa kùp.

27 Tiu orek ma nu ke me

moño ma sikamwul, tu nu ke me moño ma kamwul nu ke mol ma patpat, ma Mwen nutin met fwa siot nu somwos: tu God Papa el Akulini'lye.

28 Na elos fwak nu sel, Mea kut a oru, tú kut fwa oru me orekma lun God ?

29 Jisus el tupokoña à fwak nu selos, Ma iñi me orekma luñ God, tu komwos lalalfuñi ke'l su el sipamu.

30 Tu ou iñi elos fwak nu sel, Ka akul su kom luti, tu kut fwa liye, à lalalfuñi kom? mea kom orek ma ?

31 Papa tumus met elos moño manna yin musrasra; oanu ma simisla, El suñ nelos bred in kosaoe mi.

32 Na Jisus el fwak nu selos, Payinu, payinu, ña fwak nu šumwos, Moses el tiu siot nu šumwos ma bred in kosaoe mi: tu Papa tumuk el siot nu šumwos bred payi in kosaoe mi.

33 Tu el su oatu in kosaoe mi bred lun God, à suñ mol nu fwalu.

34 Na elos fwak nu sel, Leum, aši nu šes bred iñi ma patpat.

35 Á Jisus el fwak nu selos, Na bred mol: el su tuku nu yuruk fwa tiu musinsral nu tük; à el su lalalfuñi ke ña fwa tiu malu nu tuk.

36 Tu ña fwak nu šumwos

met, tu komwos liye yu pe,
à tiu lalalfuñi.

37 Ma nu kemwu Papa el
si nu sik fwa tuku nu yuruk:
à el šu tuku nu yuruk
ña tianu sisla.

38 Tu na oatu in kosaoe
mi, tiu in oru ma luñsi luk,
tu ma luñsi lal šu sipe yu
mi.

39 Á ma iñi ma luñsi lun
Papa šu sipe yu mi, tu ma
nu kemwu ma el si nu sik
ña fwa tiu tula kutu, tu ña
fwa akomolye'lak ke len si
safla.

40 Á ma iñi ma luñsi lal
šu sipe yu mi, tu elos nu ke-
mwu šu liye Mwen, à lalaf-
fuñi ke'el, fwa mol ma lalos
ma patpat: à ña fwa akmol-
ye'losyuk ke len si safla.

41 Na Jus elos torkaskas
nu ke'l, tu el fwak, Na bred
oatu in kosaoe mi.

42 Á elos fwak, Ya Jisus
iñi el tiu Mwen nutin Josef,
papa šu à nine kut etu? ka
efwo el fwak, Na oatu in
kosaoe mi?

43 Tu ou iñi Jisus el tupo-
koañ à fwak nu selos, Ko-
mwos tiu tukeni torkaskas.

44 Wañin met ku in tuku
nu yuruk, Papa šu sipe yu
mi el fwin tiu amakun'al: à
ñá fwa akmolyelak ke len si
safla.

45 Met palu elos simisla
met, Á God el fwa lotólos nu

kemwu. Tu ou iñi met e
nu šu loñ, à lutlut ma lun
Papa, elos fwa tuku nu yu-
ruk.

46 Tu tiu kutu met liye'l
Papa, el mugenu liye'l Papa,
šu tuku yurol God mi.

47 Payinu, payinu, ña fwak
nu šumwos, el su lalalfuñi ke
ñá mol ma patpat ma lal.

48 Na bred si iñó mol.

49 Papa tumomwos elos
moño manna yin musrasras,
à elos miše.

50 Bred iñi šu tuku in ko-
saoe mi, tu met si fwa moño
ke, à el tiu mise.

51 Ña bred mol šu tuku in
kosaoe mi: sienu met fwin
moño bred iñi, el fwa mol
ma patpat: à bred ma ña
fwa šiot ikük, ma ña fwa
šiot ke mol lun fwalu.

52 Tu ou iñi Jus elos tu-
keni akukuin, fwakañ, Met
si iñi kiti nu šes ikül in
moño fuka?

53 Na Jisus el fwak nu se-
los, Payinu, payinu, ña fwak
nu sumwos, Komwos fwin
tiu moño iküen Mwen nutin
met, à nim sa'l, wañin mol
yuromwos.

54 El šu moño ikük, à nim
sa'k, mol ma patpat ma lal;
à ñá fwe akmolyelak ke len
si safla.

55 Tu ikük me moño payi,
à sak me nim payi.

56 El šu moño ikük, à nim

sa'k, mutu in ñia, à ñia in el.

57 Oanu Papa mol el sipe yu mi, à ñia inol ke Papa: ouyape el su moño ñia, elnu fwa inol ke ñia.

58 Ma iñi bred su tuku in kosaoe mi: tiu oanu papa tumomwos elos moño manna, à miše: el su moño bred iñi fwa mol ma patpat.

59 Ma iñi ma el fwak in lolñok, ke el luti in Keperneum.

60 Tu ou iñi kutu ma puspis met tumal lutlut, ke elos loñ ma iñi, elos fwak, Kas-kas iñi upala, su ku in loñ ma ?

61 Ke Jisus el sifwanu etu tumal lutlut elos torkaskas ke mao, el fwak nu selos, Ya ma iñi tugulkuli komwos ?

62 Ka fuka à komwos fwin liye Mwen nutin met el su-mak nu yin el mute we met ?

63 Ma ñun orauk molyuk; ikù tiu oru mwo: kas ma na kaskas nu sumwos, elos ñun, à elos inol.

64 Tu kutu sumwos tiu lalalfuñi. Tu Jisus el etu ke mutamwauk nu iñi elos su lalalfuñi, à el su fwa tukakunulak.

65 À el fwak, Tu ou iñi ña fwak nu sumwos, tu wañin met ku in tuku nu yuruk,

Papa tumuk el fwin tiu suñ ma nu sel.

66 Tukin pal si iñi kutu ma puspis met tumal lutlut folokla, à tiu oelul fwas nu tuk.

67 Na Jisus el fwak nu sin ma siñul luo, Ya komwos fwa sonpe ?

68 Na Saimon Piter el tupokoañ nu sel, Leum, kem som nu yurin su ? ma kas lun mol ma patpat ma lom.

69 À kem lalalfuñi à etenu tu kom Kraist Mwen nutin God mol.

70 Jisus el tupokoañ nu selos, Ya ña tiu sulu koniwos la siñul luo, à sie sumwos devil ?

71 El fwak ke Judas Iskariot nutin Saimon: tu el sie lun siñul luo, fwa tukakunulak.

SAPTER 7.

TUKIN ma iñi Jisus el fwafwasyis yin Galili: tu el tiu luñsel fwafwasyis nu yin Juri, tu Jus elos suk in uni'lye.

2 À kofwen lom sra lun Jus akurun iñi.

3 Tu ou iñi met lili elos fwak nu sel, Fwas liki an si iñi, à som nu yin Judea, tu met tumom lutlut elos fwa liye pe me orekma ma kom oru.

4 Tu wañin met in oru

kutu ma in lukma, à el si-fwanu ūuk in oru lemtulaiuk. Kom fwin oru kutu ma iñi, kom luti kom nu fwalu.

5 Tu wañin ma lel lalal-fuñi ke'l.

6 Na Jisus el fwak nu selos, Pal si luk tiu tuku iñi: à pal si lomwos in ako pal e nu kemwu.

7 Fwalu tiu ku in sruñe komwos; à fwalu sruñe yu, tu ñia orek ma lo ke mao, tu me orekma ma lal koluk.

8 Komwos fwafwasyuk nu ke kofwa si iñi: ña tiu fwa-fwasyuk iñi nu ke kofwa si iñi; tu pal si luk ūumwe tuku iñi.

9 Ke el fwak nu selos ma kas iñi tari, el mutu yin Galili.

10 À ke ma lel elos fwas-yuk met, el fwasyuk pe tuk nu ke kofwo, tiu lemtulai-yuk, tu oanu ma in lukma.

11 Na Jus elos sukol nu ke kofwo, à fwak, El a ya?

12 À met elos torkaskas malulap ke'l; tu kutu fwak, El met mwo, à kutenu fwak, Mo; tu el kutasrik nu sin metu.

13 Payi, wañin met kaskas lemtulaiuk nu ke'l, tu elos ūañeñ sin Jus.

14 À iñi akurun infulwin kofwo, Jisus el fwasyuk nu in imwen tempel, à lutti.

15 À Jus elos lut, fwakañ, Met iñi wañin pal si el lutlut, el etu me lutlut fuka?

16 Jisus el tupokoañ nu selos, à fwak, Me lutlut luk tiu ma luk, tu ma lal ū sipe yu mi.

17 Met sinu fwiñ luñsel oru ma luñsi lal, el fwa etu ke me lutlut, la ma lun God, ku ma kaskas ke ñia.

18 El ū kaskas ke elnu ūuk ma mwomwo ma lal: à el ū ūuk ma mwowo lal ū sipa el mu, el iñi payi, à wañinu ma sito in el.

19 Ya Moses el tiu ūiot nu ūumwos manu, à wañin ūumwos in orek manu? Efwo komwos ku ūuki yu wi in uni yu wi?

20 Met elos tupokoañ à fwak. Devil wi kom, ū ūuk kom in uni kom?

21 Jisus el tupokoañ à fwak nu selos. Na oru sie me orekma, à komwos nu kemwu lut.

22 Tu ou iñi Moses el ūiot nu ūomwos ma kosraok; (Moses el tiu ūiot, tu tumus;) à ke len sabat komwos kosrōla met si.

23 Ke len sabat met si fwin es kosraok, tu elos tiu kanaosla manu lun Moses: ya komwos mulat nu sik, tu ñia oru met si in kela nu kemwu ke len sabat?

24 Tiu nununku oanu ma

liye, tu nununku oanu nu-nunok payi.

25 Na kutu selos met Jerusalem fwak, Ya tiu el iñi su elos suk in uniye ?

26 Á liye, el kaskas pulaik, á elos tiu fwak nu sel. Ya payi leúm elos etu tu el iñi Kraist payi ?

27 Tu kut etu met si iñi an el fwas we mi: á ke Kraist el tuku, wañin met etu an el fwas we mi.

28 Na Jisus el wowoyuk in imwen tempel ke el luti, fwakañ, Komwos ete yu, á komwos etu an ña fwas we mi: á ña sifwanu tiu tuku, tu el payi su sipe yu mi, komwos tiu eta'l.

29 Á ña eta'l: tu ña tuku yurol mi, á el sipe yu mi.

30 Na elos sokol in sruki'lye: á wañin met filiye pao fwel, tu auu si lal sumwe tuku iñi.

31 Á met puspis lalalfuñi ke'l, á fwak, Ke Kraist el tuku, ya el oru menmen pus liki ma iñi ma met si iñi oru ?

32 Met Farisi elos loñ tu met torkaskas kutu ma iñi ke'l; á met Farisi á met tol fulat elos sipaot met roño in sruki'lye.

33 Na Jisus el fwak nu selos, Piyañ sisik si kutu ña os yuromwos, á ña fwa som nu yurin su sipe yu mi.

34 Komwos fwa suk yu, á tiu konoi yu yuk: á yin ña mutu we komwos koffanu tuku.

35 Na Jus elos tukeñi kaskas, An ya el fwa som nu we, tu kut á tiu konoilok ? Ya el fwa som nu yurolos sin met Greek putakasi, á lutí met Greek ?

36 Fuka kaskas iñi ma el fwak, Komwos fwa suk yu, á tiu konoi yu yuk: á yin ña mutu we, komwos koflanu tuku ?

37 ¶ In len si safla, len lulapsi lun kofwo. Jisus el tu á wowoyuk, fwakan, Met enu fwin malu, lela lun tuku nu yuruk, á nim.

38 El su lalalfuñi ke ña oanu ma Simisla fwak met, Infwal lun kof mol á sirorla liki inšiel.

39 (Á el kaskas iñi ke Nun, su elos fwa es su lalalfuñi ke'l: tu Nun mutual tiu tuku iñi; tu mwolanu ma lun Jisus sumwe orek iñi.)

40 Tu ou iñi met puspis ke elos loñ ma kas iñi, elos fwak, El iñi Met Palu payi.

41 Kutenu fwak, El iñi Kraist. Á kutenu fwak, Ya Kraist el fwa tuku yin Galili mi ?

42 Ya ma Simisla tiu fwak met, Tu Kraist el tuku ke fute lun Devid á an Betleem

mi, an Devid el mutu we met ?

43 Tu ou iñi met elos oru unkas lugwe ke'l.

44 Á kutu selos luñsi sruki'lye; tu wañin met filiye pao fwe'l.

45 Na met rošo elos tuku nu yurin met tol fulfat á met Farisi; á elos fwak nu selos, Ka efwo komwos ku tiu wis el ?

46 Met rošo elos tupokoañ, Wañin met kaskas oanu met si iñi u met nu iñi.

47 Na met Farisi elos tupokoañ nu selos, Ya komwos ouyape kutasrik ?

48 Ya kutu sin met mwol ku met Farisi elos lalalfuñi ke'l ?

49 Tu met iñi, su tiu etu manu, laalosla.

50 Nikodimus, (el su tuku nu yurol Jesus ke foñ, sie selos) el fwak nu selos.

51 Ya manu las nununkauk met si met, á loñol tuk, á etu ma el oru ?

52 Elos tupokoañ á fwak nu sel, Ya kom pe tuku Galili mi ? Šuk á liye, tu met palu tiu sik mi Galili mi.

53 Á met nu kemwu som nu lom selos.

SAPTER 8.

JISUS el fwasiyuk nu fwin eol Olifs.

2 Á lenelik lutue el siefwil

tuku nu in imwen tempel, á met e nu kemwu tuku nu yurol; á el mutu, á luti nu selos.

3 Á met šim á met Farisi elos wis nu yurol mutan si es in orek kosro; á ke elos fili'lye in fulwe,

4 Elos fwak nu sel, Met luti, kut es mutan si iñi in orek kosro, ke el oru.

5 Á Moses el šap nu šes in manu, tu kut tuñol met ou iñi: tu mea kom fwak ?

6 Elos fwak ma iñi in sri-fwel, tu elos fwa sis nu fwel. Á Jisus el šumoli, á šuñ kufinpaul simisla fok Oanu el tiu lon.

7 Á ke elos ekisripi nu sel, el šifwanu keyuk, á fwak nu selos. El su šumwos tiu orek ma koluk tuñ-lal met.

8 Á el siefwilpe šumoli, á šuñ kufinpaul simisla fok.

9 Á elos su loñ ella'los lutu nu selos tu elos koluk, elos sio ku sie šom liki, mutamwauk ke matu, nu ke safia: á Jisus el mugenu mutu, á mutan tu in fulwe.

10 Ke Jisus el šifwanu keyuk, á liye wañin, mutan mugenu, el fwak nu sel, Mutan ka pia met sis nu fwom ? ya wañin met in lis kom la ?

11 Á el fwak, Leum wañin. Á Jisus el fwak nu sel, Na

tiu lis kom la: fwasot, à tiu orek ma koluk tuk.

12 ¶ Na Jisus el siefwilpe kaskas nu selos, fwakañ, Na kalem fwalu: el šu fwas tukuk tiu fwafwasyis in los, tu kalem mol ma lal.

13 Tu ou iñi met Farisi elos fwak nu sel, Kom ſifwanu orekma lo ke ium; ma lo lom tiu payi.

14 Jisus el tupokoañ à fwak nu selos, Na fwin orek ma lo ke ña, ma lo luk payi: tu ña etu an ña tu we mi, à an ña fwas nu we; à komwos koflanu luti an ña tu we mi, à an ña fwas nu we.

15 Komwos nununku ke ikü; wañin met ña nununku.

16 Á na fwin nununku, ma nununku luk payi: tu tiu ña mugenu, tu ña à Papa šu sipe yu mi.

17 Á ma simisla in manu lomwos, tu ma lo lun met luo payi.

18 Na sie šu orek ma lo ke ña, à Papa šu sipe yu mi el orek ma lo ke ña.

19 Na el fwak nu sel, Oiya Papa tumom? Jisus el tupokoañ, Komwos tiu ete yu, tiu Papa tumuk: komwos fwin ete yu met, komwos fwa ete pe Papa tumuk.

20 Jisus el kaskas ma kas iñi niin fwil tatü, ke el luti in imwen tempel: à wañin

met filiye pao on fwel; tu auu si lal sumwe tuku iñi.

21 Na Jisus el siefwil fwak nu selos, Na ſomnu, à komwos à ſuki yu, a fwa miše in ma koluk lomwos: yin ña ſom nu we komwos koflanu tuku.

22 Na Jus elos fwak, Ya el ſifwanu uni'lye? tu el fwak, Yin ña ſom nu we, komwos koflanu tuku.

23 Á el fwak nu selos, Komwos tuku ten mi; Na tu lüñ mi: komwos met fwalu; Na tiu met fwalu.

24 Tu ou iñi ña fwak nu ſumwos, tu komwos fwa miše in ma koluk lomwos: tu komwos fwin tiu lalal-fuñi tu ña el, komwos fwa miše in ma koluk lomwos.

25 Na elos fwak nu sel, Šu komwun? Á Jisus el fwak nu selos, Á el ſu ña fwak nu ſumwos ke mutamwauk.

26 Ma puspis ma luk in kaskas à in nununke komwos: tu el payi ſu sipe yu mi; à ña fwak nu sin fwalu kutu ma ña loñ ke'l.

27 Elos tiu etu tu el fwak nu selos ke Papa.

28 Na Jisus el fwak nu selos, Ke komwos fwa ſrukak nu lüñ Mwen nutin met, na komwos fwa etu tu ña el, à ña ſifwanu tiu oru kutu ma; tu oanu Papa tu-

muk el luti nu sik, ma iñi
ña kaskas.

29 Á el šu sipe yu mi wi yu :
Papa el tiu fili yu wi muge-
nu ; tu pal e nu keinwu ña
oru ma iñó ma el luñsel.

30 Ke el kaskas ma iñi,
ma puspis lalalfuñi ke'l.

31 Na Jisus el fwak nu
sin Jus iñó šu lalalfuñi ke'l,
Komwos fwin oru ma kaskas
luk iñi nu tuk, komwos met
tumuk lutlut payinu ;

32 Á komwos fwa etu ma
payi, à ma payi fwa orek
komwos šugušok.

33 Elos tupokoañ nu sel,
Kem fute lun Abream, à
wañin met orek kit in koš;
fuka kom fwak, Komwos à
sugošok ?

34 Jisus el tupokoañ nu
selos, Payinu, payinu ñafwak
nu šumwos, El šu orek ma
koluk el met kulansap lun
ma koluk.

35 Á met kulansap tiu
mutu in lomwu ma patpat :
Mwen el mutu ma patpat.

36 Tu ou iñi Mwen fwin
orek komwos šugušok, ko-
mwos fwa šugušok payi.

37 Na etu tu komwos fute
lun Abream : tu komwos su-
ki yu in uni yu wi, tu kas-
kas luk tiu on inšiomwos.

38 Na kaskas kutu ma ña
wi Papa tumuk liye : à ko-
mwos oru kutu ma komwos
wi papa tumomwos liye.

39 Elos tupokoañ à fwak
nu sel, Abream papa tumus.
Jisus el fwak nu selos,
Komwos fwin mwen nutin
Abream, komwos à oru me
orekma lun Abream.

40 Á iñi komwos šuk in
uni yu wi, met šu kaskas
nu šumwos ma payi, ma
ña loñ sel God mi : ma iñi
Abream el tiu oru.

41 Komwos oru me orekma
lun papa tumomwos. Na
elos fwak nu sel, Kem tiu
isüsla ke kosro ; Papa siewu-
nu tumas, God.

42 Jisus el fwak nu selos,
God el fwin Papa tumo-
mwos, komwos fwa luñšom-
mwos ña : tu ña fwas liki à
tuku yurol God mi ; ña si-
fwanu tiu tuku, tu el sipe
yu mi.

43 Efwo komwos ku tiu
etu ma kaskas luk ? tu ko-
mwos tiu ku in loñ ma kas
luk.

44 Komwos lun papa tu-
momwos, devil, a ma luñši
lun papa tumomwos komwos
luñšomwos oru : el met ak-
mus ke mutamwauk mi, à
tiu mutu yin payi, tu wañin
ma payi in el. Ke el kaskas
ma kikiap, el kaskas ma lal :
tu el met kikiap, à papa
tuma.

45 Á tu ña luti komwos
ma payi, komwos tiu lalal-
fuñi yu.

46 Šu ſumwos ſifwosikla
ſik ke ma koluk? Ā ūna
fwin fwak nu ſumwos ma
payi, efwo komwos ku tiu
lalalfuñi yu?

47 El ūyu yurol God loñ ma
kas lun God: tu ou iñi ko-
mwos tiu loñ, tu komwos tiu
ma lun God.

48 Na Jus elos tupokoañ, ā
fwak nu sel, Ya kem tiu
kaskas mwo tū kom met
Samaria, ā devil lom?

49 Jisus el tupokoañ, Wa-
ñin devil luk; tu ūna oru
mwo nu sin Papa tumuk, ā
komwos orek ma koluk nu
sik.

50 Ā ūna tiu ūsuk ma
mwowo luk: sie ūsuk ā nu-
nunku.

51 Payinu, payinu, ūna fwak
nu ūsumwos, met fwin ūruk
ma kas luk, el a tiu liye
miše nu tuk.

52 Na Jus elos fwak nu
sel, Iñi kem etu tu devil
lom. Abream el miše, ā met
palu; ā kom fwak, Met fwin
ūruk ma kas luk, a tiu pu-
lakin miše nu tuk.

53 Ya kom yok liki Abream
papa tumus, ūsu miše? ā met
palu ūsu miše: ka ūsu kom
orek kom?

54 Jisus el tupokoañ, ūna
fwin oru mwo nu sik, mwo
luk wañin: Papa tumuk el
oru mwo nu sik; komwos
fwakul tu el God lomwos.

55 Ā komwos tiu eta'l; ā
ūna eta'l; ā ūna fwin fwak,
Na tiu eta'l, ūna fwa met ki-
kiap ou komwos: tu ūna eta'l,
ā ūruk ma kas lal.

56 Abream papa tumomwos
el eñun tu el liye len luk: ā
el liye, ā eñunak.

57 Na Jus elos fwak nu
sel, Kom tiu yiu lum ūaul
matu, ya kom liye'l Abream?

58 Jisus el fwak nu selos,
Payinu, payinu ūna fwak nu
ūsumwos, Na met Abream
tuk.

59 Na elos ūrukak eot in
tuñ lal: ā Jisus el mwuk-
mwuk, ā el ūsom liki imwen
tempel, fwas sasla lukalos, ā
ou iñi fwas alukela.

SAPTER 9.

K E Jisus el fwas alukela,
El liye met si nono kun
mutu ke isūsla.

2 Met tumal lutlut siyuk
sel, fwakañ, Rabbai, ūsu orek
ma koluk, met si iñi, ku met
kiel tumal, tu el nono kun
mutal ke isūsla?

3 Jisus el tupokoañ, Tiu el
orek ma koluk, tiu kiel tu-
mal: tu me orekma lun God
fwa luti nu ūses ke'l.

4 Na orek ma nu me orek-
ma lal ūsu sipe yu mi, ke len:
foñ tuku, ke wañin met ku
in orek ma.

5 Ke ūna os fwalu, ūna kalem
lun fwalu.

6 Ke el kaskas ma iñi, el aniye foko, à orauk sruk-srukiyuk ke ani, à moswela mutun met kun ke fok,

7 Á el fwak nu sel, Fwasot, elak in lulu Siloam (ma tafwu Sipu). Tu ou iñi el somla, à elak, à tuku liye.

8 Na met tulon, à elos su etal met tu el met kun, elos fwak, Ya el iñi tiu el su mutu à ñus ?

9 Kutu fwak, El iñi : kutenu, el oanu el : el fwak, Na el.

10 Ou iñi elos fwak nu sel, Mutom ñutalik fuka ?

11 El tupokoañ à fwak, Met si pañpañ Jisus el orek fok, à mosuela mutuk, à fwak nu sik, Fwasot nu lulu Siloam, à elak : à ña som à elak, à ña liye.

12 Na elos fwak nu sel, El aiya ? El fwak, ña nikin.

13 Elos wis el su met kun met nu sin met Farisi.

14 Á len sabat ke Jisus el orek fok, à igasla mutual.

15 Na met Farisi elos siefwil siyuk sel fuka el liye. El fwak nu selos, El suñ fok on ke mutuk, à ña elak, à liye.

16 Tu ou iñi kutu met Farisi fwak, Met iñi tiu ma lun God, tu el tiu liauñ len sabat. Kutenu fwak, Met koluk si oru kutu menmen

ou iñi fuka ? Á. elos oru unkas lugwe.

17 Siefwilpe elos fwak nu sin met kun, Mea kom fwak ke'l tu el igasla mutom ? El fwak, El met palu.

18 Tu Jus elos tiu lalalfuñi ke'l, tu el met kun met, à liye iñi, nu ke pal si elos pañon mu met kiel tumal met liye.

19 Á elos siyuk seltal, fwa-kañ, Ya el iñi mwen nutom-tal, su komtal fwak tu el nono kun ke isüsla ? na fuka el liye iñi ?

20 Met kiel tumal tupokoñañ nu selos à fwak, Ketal etu tu el iñi mwen netital, à tu el nono kun ke isüsla :

21 Á el liye iñi fuka, ketal tiu etu ; à su igasla mutual, ketal tiu etu : el matu kutu : siyuk sel : à el à sifwanu kaskas.

22 Ma iñi met kiel tumal fwak, tu eltal sañeñ sin met Jus ; tu Jus elos iñi oru unkas sugo, tu met sinu fwin fwakak tu el Kraist, elos fwa sis ella likin imwen lolñok

23 Tu ou iñi met kiel tumal fwak, El matu kutu ; siyuk sel.

24 Na elos siefwilpe pañon-mu met kun met, à fwak nu sel, Kom oru ma mwowo nu sel God : kut etu tu met si iñi met koluk si

25 El tupokoan à fwak, El fwin met koluk si ña tiu etu la payi ku sito : ma siwunu ña etu, tu met ña met kun, iñi ña liye.

26 Á elos siefwilpe fwak nu sel, Mea el oru nu sum ? El igasla mutom fuka ?

27 El tupokoan nu selos, Na fwak nu sumwos met, à komwos tiu loñ : efwo komwos luñsomwos siefwilpe loñ ? ya komwos luñsomwos pe met tumal lutlut lal ?

28 Na elos kolya el à fwak, Kom met tumal lutlut lal ; à kut met tumal lutlut lal Moses.

29 Kut etu tu God el kaskas nu sel Moses : à el iñi, kut tiu etu an el fwas we mi.

30 Met el tupokoan à fwak nu selos, tu ma iñi ma šokruck si, tu komwos tiu etu an el fwas we mi, à el igasla mutuk.

31 Kut etu tu God el tiu loñ met koluk : tu met sinu fwin ali nu sel God, à oru ma luñsi lal, el loñol.

32 Ke sroas fwalu nu iñi kut tiu loñ tu met sinu igasla mutan met nono kun ke isúsla.

33 Met si iñi fwin tiu yuol God mi, el koflanu oru kutu ma.

34 Elos tupokoan à fwak nu sel, Kom isúsla ke ma

koluk mukewunu, ya kom luti nu ses ? Á elos sis ella liki.

35 Jisus el loñ tu elos sis el la liki ; à ke el konoilok, el fwak nu sel, Ya kom lalalfuñi ke Mwen nutin God ?

36 El tupokoan à fwak, Leum, Ka el su, tu ña fwa lalalfuñi ke'l ?

37 Á Jisus el fwak nu sel, Á kom liye'l, à el su kaskas nu sum el.

38 Á el fwak nu sel, Leum, Na lalalfuñi. Á el ali nu sel.

39 Á Jisus el fwak, Na tuku nu fwalu ke ma nununok, tu elos su tiu liye fwa liye ; à elos su liye fwa met kun.

40 Á kutu met Farisi su oelul loñ ma kaskas iñi, à elos fwak nu sel, Ya kem met kun pe ?

41 Jisus el fwak nu selos, komwos fwin met kun, wanin ma koluk lomwos ; à iñi komwos fwak, Kem liye ; tu ou iñi ma koluk lomwos onu.

SAPTER 10.

PAYINU, payinu, ña fwak nu sumwos, el su tiu iliyuk ke mutun pot nu in kolkol sin sip, tu tupalak kutu an in kolkolu, el met pusupas à met iñunyar.

2 Á el su iliyuk ke mutun pot met sropu sip.

3 Met liye mutun pot el igasla nu sel; à sip elos loñ pusral: à el pañon è sip natal, à kololosla.

4 À ke el esla sip natal liki, el fwas ye mutualos, à sip fwas tukol: tu elos etu pusral.

5 À elos tiu fwas tukin metsa, tu elos kaiñla lukel: tu elos tiu etu pusren metsa.

6 Papulyuk si iñi ma Jisus el fwak nu selos: à elos ninkunla ma iñi ma el kaskas nu selos.

7 Na Jisus el siefwil fwak nu selos, Payinu, payinu, ña fwak nu sumwos, Na mutun pot lun sip.

8 Elos nu kemwu su tuku met elos met pusupas à met iñunyar: tu sip tiu loñolos.

9 Na mutun pot: met sinufwin iliyuk aliki yu yuk, el fwa molla, à el à fwafwasyis lü lik, à konoik me moño.

10 Met pusupas tuku in pusrala, à in uniye, à in konaozelik: ña tuku tu elos fwa molla, à mol lulap malalos.

11 Na met sropu mwo: met sropu mwo el suñ mol lal nu sin sip.

12 À el su met künokon, à tiu met sropu, à sip tiu ma lal, el liye kosro wulf tuku, à filiye sip, à kaiñla: a wulf strokolosi, à luselik sip.

13 Met künokon kaiñla, tu

el met künokon, à tiu kar-wuñuñañ sip.

14 Na met sropu mwo, à ña etu ma nutig, à elos ete yu.

15 Oanu Papa el ete yu, ouyape ña etu Papa: à ña filiye mol luk ke sip.

16 Kutenu sip nutig, tiu ma lun kolkol si iñi: ña fwa wis alos mepe, à elos fwa loñ pusrek, à fwa kolkol siewunu, a met sropu siewunu.

17 Tu ou iñi Papa tumuk el luñsel ña, tu ña filiye mol luk, tu ña siefwil srukak.

18 Wañin met esla ma liki yu, tu ña sifwanu likiye. Na ku in filiye, à ña ku in siefwil srukak. Na es ma ñap si iñi lun Papa tumuk.

19 Tu ou iñi siefwilpe unkas lugwe selos Jus ke kutu kaskas iñi.

20 À ma puspis selos fwak, Devil lal, à el mwül: efwo komwos ku loñol?

21 Kutenu fwak, Kuta kaskas iñi tiu ma lal su devil lal. Ya devil el ku in oaliñalik mutun met kun?

22 ¶ À kufwo isisou nu yin Jerusalem, à pal eou si.

23 À Jisus el fwafwasyis in imwen tempel in sraumwassis lun Solomon.

24 Na Jus elos tuku nu apnulaiñi, à fwak nu sel, Putaka kom srukak ma kut

nunku ? Kom fwin Kraist, fwak nu šes lemtulaiyuk.

25 Jisus el tupokoān nu selos, Na fwak nu šumwos, à komwos tiu lalalfuñi : me orekma ma ña oru in ēl Papa tumuk, elos orek ma lo ke ña.

26 À komwos tiu lalalfuñi, tu komwos tiu ma lun ſip nutig, oanu ña fwak nu šumwos.

27 Šip nutig elos loñ pusrek, à ña eta'los, à elos fwas tukuk :

28 À ña šuñ mol kamwul nu selos ; à elos tiu miše nu tuk, à wañin met ku in es elos la liki in pok.

29 Papa tumuk šu aši nu sik, el yok liki nu kemwu ; à wañin met ku in es elos la liki in pon Papa tumuk.

30 Na à Papa siewunu.

31 Na Jus elos siefwilpe srukak kutu eot in tuñlal.

32 Jisus el tupokoān nu selos, Na lutu nu šumwos ma puspis mwo me orekma lun Papa tumuk ; ka šu orek ma iñi komwos ku tuñalyu ?

33 Jus elos tupokoān nu sel fwakañ, Kem tiu tuñal kom ko mwo me orekma ; tu ke enum ; à tu kom, met si sifwanu, orek kom God.

34 Jisus el tupokoān nu selos, Ya tiu simisla in manu lomwos, Na fwak, Komwos godu ?

35 El fwin pañolos godu,

nu selos šu kaskas lun God tuku, à kut koflanu kanaosla ma Simisla :

36 Ya komwos fwak ke'l, šu Papa el oru mutal, à si paot nu fwalu Kom enum ; tu ña fwak, Na Mwen nutin God ?

37 Na fwin tiu oru me orekma lun Papa tumuk, komwos tiu lalalfuñi yu.

38 À ña fwin oru komwos fwim tiu lalalfuñi yu, mwo komwos lalalfuñi me orekma : ou iñi komwos fwa etu, à lalalfuñi, tu Papa in ña, à ña in el.

39 Tu ou iñi elos siefwilpe šokol in uni'lye ; à el kaiñla liki paulos,

40 À el siefwilpe šom nu likin yeno Jordan nu yin Jon el baptaisla we met : à el mutanu iñó.

41 À ma puspis fwas nu yurol, à fwak, Jon el tiu oru menmen : à ma nu kemwu ma Jon el fwak ke met si iñi payinu.

42 À ma puspis iñó lalalfuñi ke'l.

SAPTER 11.

IÑI sie met mas, è Lasurus, lun Beteni, an sel Meri à tael Marta.

2 (Meri iñi el šuñ kwair moswel Leum, à ella nial ke aun šiufwel, met Lasurus mas ma loul.)

3 Tu ou iñi ma loul eltal
šapot nu sel, fwakañ, Leum,
liye, el šu kom luñšom mas.

4 Ke Jisus el loñak, el
fwak, Mas si iñi tiu miše, a
tu ma mwowo lun God, tu
Mwen nutin God tufwa
mwola ke ma iñi.

5 Jisus el luñsel Marta, a
tael, a Lasurus.

6 A ke Jisus el loñ tu el
mas, el mutu len luo anšenu
el mutu we met.

7 Tukin ma iñi el fwak nu
sin met tumal lutlut, Kut
siefwil šom nu Judea.

8 Met lutlut elos fwak nu
sel, Rabbai, akurun iñi Jus
elos šuk in tuñal kom; ya
kom siefwil šom nu iño?

9 Jisus el tupokoñañ, Ya
tiu auu siñul luo len si?
Met sinu fwin fwafwasyis
ke len el tiu tugulkül, tu el
liye kalem lun fwalu.

10 A met si fwin fwafwas-
yis ko foñ, el tugulkül, tu
wañin kalem in el.

11 El fwak ma iñi: a tuko
el fwak nu selos, Lasurus,
met kawuk las el motul; tu
ña šom in oksalak.

12 Na met tumal lutlut
fwak, Leum el fwin motul,
el fwa kela.

13 A Jisus el kaskas ke
miše lal: a elos nunku mu
tu el fwak ke moñle in
motul.

14 Na Jisus el fwak nu

selos lemtulaiuk, Lasurus el
miše.

15 A na eñun šumwos tu
ña tiu os we, ou iñi komwos
lalalfuñi; tu lela kut in šom
nu yurol.

16 Na Tomas, pañpañ Di-
dimus fwak nu sin met lut-
lut lal, Mwo kut wi pe šom,
tu kut oelal miše.

17 Na ke Jisus el tuku, el
konoiock tu el on inkulyuk
len ekos.

18 A Beteni apkurun Je-
rusalem, oanu furloñ siñul
limikos lüše.

19 A Jus ma puspis tuku
nu yuroltal Marta a Meri,
in asor mwowo nu seltal ke
met loultal.

20 Na Marta, kiten misiñi
ke el loñ tu Jisus el fwasue,
el šom a šunol: a Meri el
mutanu in lomwu.

21 Na Marta el fwak nu
sel Jisus, Leum, kom fwino
inutu yinu, ma lauk el tiu
miše.

22 A ña etu, tu ma kom
siyuk sel God iñi, God el
fwa siot nu sum.

23 Jisus el fwak nu sel, Ma
loum el a siefwil tukakak.

24 Marta el fwak nu sel,
Ña etu tu el siefwil tukakak
in molyuk ke len si safla.

25 Jisus el fwak nu sel,
Ña me molyuk, a me mol:
el šu lalalfuñi ke ña, el fwin
miše, fwa mol.

26 Á el šu mol à lalalfuñi ke ña el tiu miše. Ya kom lalalfuñi ma iñi ?

27 El fwak nu sel, Ao Leum ; ña lalalfuñi tu kom Kraist, Mwen nutin God, šu tuku nu fwalu.

28 Ke el fwak ma iñi, el šom, à pañonmu Meri tael lukma, fwakañ, Met lutu tuku, à pañon kom.

29 Á ke el loñak el tukakak kiten misiñi, à tuku nu yurol.

30 Á Jisus el šumwe tuku nu in an si, el srak mutu yin si Marta el šunol.

31 Na Jus šu oelul nu in lomwu, à asor mwowo nu sel, ke elos liye'l Meri, tu el silaklak in tukakak à šom liki, elos fwas tukol, fwakañ, El šom nu inkulyuko in tuñ we.

32 Á ke Meri el tuku yin Jisus el mutu we, à liye'l, el putatla nu ke nial, fwakañ nu sel, Leum, kom fwino os yinu, ma lauk el tiu miše.

33 Á ke Jisus el liye'l tuñnu, à Jus šu oelal tuñpe, el šasaoela in ñunal, à toninfoñ,

34 Á fwak, Komwos fililye ya ? Elos fwak nu sel, Leum, fwasu à liye.

35 Jisus el tuñ.

36 Na Jus elos fwak, Liye, fuka el luñsi el !

37 Á kutu selos fwak, Met si iñi šu oaliñalik mutun met kun, Ya el koflanu oru tu met iñi tiu miše ?

38 Tu ou iñi Jisus el siefwilpe šasao in el tuku nu yin kulyuku. Ma inlufu, à eotsi likie on fwe.

39 Jisus el fwak, Komwos esla eot si liki. Marta, met si loul miše, el fwak nu sel, Leum, ke pal si iñi el pusos: tu el miše len akos.

40 Jisus el fwak nu sel, Ya ña tiu fwak nu sum, tu, kom fwin lalalfuñi, kom fwa liye ma mwovo lun God ?

41 Na elos esla eotsi liki yin met miše on we. Á Jisus el ñetak mutual, à fwak, Papa, ña kulu nu sum tu kom loñ yu.

42 Á ña etu tu kom loñ yu ma patpat: à tu met puspis tu apneninu ña fwak, tu elos fwa lalalfuñi tu kom sipe yu mi.

43 Á ke el fwak ma iñi, el wowoyük ma lulap pusral, Lasurus, fwas nu yinu.

44 Á el šu miše tuku, loluni nial à paul inkulyku; à mutual nukla ke napkin. Jisus el fwak nu selos, Tulalla, à lela lun šom.

45 ¶ Na Jus puspis šu tuku nu yurol Meri, à liye ma iñi ma Jisus el oru, elos lalalfuñi ke'l.

46 Á kutenu selos šom nu

yurin met Farisi, à fwak nu selos ma Jisus el oru.

47 Na met tol fulat à met Farisi tukeni mwolil, à fwak, Mea kem oru ? tu met si iñi orek menmen puspis.

48 Kem fwino lela el ou iñi, nu kemwu fwa lalalfuñi ke'l : à met Rom elos fwa tuku à esla an ses à met las.

49 À sie selos, pañpañ Kaiefas, el met tol fulat yiu si iñi, el fwak nu selos, Ko-mwos tiu etu kiten mea sisik,

50 À tiu nunku mu tu mwo nu ses, tu sie met muše met, à tu tiu met e nu ke-mwu miše.

51 À el kaskas ma iñi tiu ke'l : tu el met tol fulat yiu si iñi, polyauk tu Jisus el muše met iñó ;

52 À tiu met iñó mugenu, à tu el fwa eseni in sie tulig nutin God os putakasi.

53 Na len si iñó nu tuk elos tukeni kaskas fuka in uni'lye.

54 Tu ou iñi Jisus el tiu fwafwasyis lemkulaiuk nu sin met Jus tuk : tu el fwasot nu yin apkurun mu-srasra, yin met mutu we pañpañ Efrem, à el mutu iñó yurin met tumal lutlut.

55 À kofwo alukela lun Jus akurun iñi : à ma puspis fwas liki an si iñi nu Jerusalém elos met alukela tuk, in tetela selos.

56 Na elos sukol Jisus, à tukeni kaskas, ke elos tu in imwen tempel, Mea komwos nunku, tu el fwa tiu tuku nu ke kofwo ?

57 À met tol fulat à met Farisi pe eltotal sapot, tu, met sinu fwin etu an el mutu we, el à lutti, tu elos fwa struki'lye.

SAPTER 12.

NA len onkos met alukela tuk, Jisus el tuku nu Beteni, yin Lasurus met miše mutu we, su el akmolyelak yin miše mi.

2 Iñó elos oru supper nel ; à Marta el kulansap : à Lasurus sie selos su oelal munin tebue.

3 Na Meri el es paun si me akmusra spaiknar, yoklanu molo, à el moswela nial Jisus, à ella nial ke aunsiufwel : à lom tiñtiñinu me akmusra keñ.

4 Na sie sin met tumal lutlut, Judas Iskariot, nutin Saimon, su tukakunulak, el fwak,

5 Efwo ku tiu kukakin me akmusra iñi in mol muni an ñaul, à suñ nu sin met sigasrup ?

6 El tiu fwak ma iñi, tu el nunkauk met sigasrup ; el ou iñi tu el met pusupas, à nuk os yurol, à el wis ma on lú.

7 Na Jisus el fwak, Nimit ora'l : el likeye ma iñi nu ke len si pukpuki ña.

8 Tu met sigasrup mutu yuromwos ma patpat; à ña tiu mutu yuromwos ma patpat.

9 ¶ Tu ou iñi met puspis Jus elos etu tu el iñó : à elos tiu tuku ke'l Jisus mugenu, à tu elos fwa liye'l pe Lasurus, su el akmolyauk yin miše mi.

10 Á met tol fulat elos tukeni papu tu elos fwa uni'lye pe Lasurus;

11 Tu ke'l met Jus puspis som liki, à lalalfuñi ke'l Jisus.

12 Ke len si tuko met puspis su tuku nu kofwo, ke elos loñ tu Jisus el tuku nu Jerusalem,

13 Elos es lešak ulin sak pam, à som in šuñol, à woyuk, Hosana ! Insimwo wo Togusa lun Israel su tuku in El Leum.

14 Á Jisus ke el konoiok ass fwos si, el mutu fwé; oanu ma simisla,

15 Tiu ſañeñ, an nutin Saison ; liye, Togusa lom tuku, mutu on fwin kolt nutin ass.

16 Met tumal lutlut tiu etu ma iñi met : à tuk ke Jisus el mwovo lanu, na elos esamak tu ma iñi simisla ke'l à tu elos oru ma iñi nu sel.

17 Tu ou iñi met su oelal ke el pañolmu Lasurus liki lufin mas si lal, à akmolyelak yin miše mi olos orek ma lo.

18 Á tu ou iñi met elos šunol, tu elos loñ tu el oru menmen si iñi.

19 Met Farisi elos tukeni kaskas ou iñi, Liye etu tu komwos tiu oru kutu mwo ? liye fwal nu kemwu som tukol.

20 ¶ Á kutu met Grik oelulos su tuku in ali nu ke kofwo :

21 Á elos iñi tuku nu yurol Filip, met Betsaida lun Galili, à siyuk sel, fwakañ, Leum, kut kenu liye'l Jisus.

22 Filip el tuku à fwak nu sel Andru : à Andru à Filip eltal siefwil pe fwak nu sel Jisus.

23 Á Jisus el tupokoñ nu selos, fwakañ, auu si tuku, tu Mwen nutin met à mwovo lanu.

24 Payinu, payinu, ña fwak nu šumwos, Fokin wit si fwin tiu putatla in foko à miše, el mugenu muku : à fwin miše, fwako puspis kapak we.

25 El su luñsi mol lal fwa tula mao ; à el su sruñu mol lal fwalu, el fwa likiye mao nu ke mol ma patpat.

26 Sienu met fwin oru nu sik, lela lun fwas tukuk ; an

ya ñia mutu we, an ya pe
met tutafpo luk mutu we:
met sinu fwin oru nu sik,
Papa el fwa oru mwo nu
sel.

27 Iñi ñunik añañ; à mea
ña fwak? Papa, moli yu
mi ke auu si iñi: à tu ke
ma iñi ña tuku nu ke auu si
iñi.

28 Papa, oru mwolanu éum.
Na pusra si tuku in kosaoe
mi, fwakañ, Na oru mwola-
nu mao met, à ña siefwil pe
oru mwolanu tuk.

29 Tu ou iñi met šu tu we,
à loñ, elos fwak, we pulal:
kutenu fwak, Lipufon kas-
kas nu sel.

30 Jisus el tupokoañ à
fwak, Pusra si iñi tiu tuku
ke ña, tu ke komwos.

31 Iñi nunuku ke fwalu:
iñi sisla leum fwalu liki.

32 À elos fwin sruk yu yuk
fwale mi, ña fwa amakin
met nu kemwu nu yuruk.

33 El fwak ma iñi, in aku-
linye fuka ke el fwa miše.

34 Met elos tupokoañ nu
sel, Kem loñ ke manu tu
Kraist el mutu ma patpat:
à fuka kom fwak, Elos fwa
srukulak Mwen nutin met?
šu Mwen si iñi nutin met?

35 Na Jisus el fwak nu
selos, À kiten pal sisik ka-
lem wi komwos. Fwafwas-
yis ke kalem os yuromwos;
fwin tiu ou iñi los tuku nu

yuromwos: el su fwafwasysis
in los tiu etu an el fwas nu
we.

36 Ke kalem os yuromwos
lalalfuñi ke kalem, tu ko-
mwos fwa tulig nutin ka-
lem. Jisus el kaskas ma
iñi, à fwasot, à mwuknalosla.

37 ¶ Tu ke el oru kutu
menmen puspis ye mutualos,
elos tiu lalalfuñi ke'l;

38 Tu kas lun Isaias met
palu fwa payikin, ma el
fwak, Leum, šu lalalfuñi ma
kas las? Jeova lumak paul
nu sin šu?

39 Tu ou iñi elos tiu ku in
lalalfuñi, tu Isaias el siefwil-
pe fwak.

40 El konüla mutualos, à
oru upa insielos; tu elos à
tiu liye ke mutualos, à tiu etu
insielos, à tufwa forla, à ña
ora'los in kela.

41 Ma iñi ma Isaias el
fwak, ke el liye ma mwowo
lal, à kaskas ke'l.

42 À ke ma iñi ma puspis
selos mwol elos lalalfuñi
ke'l; à tu ke met Farisi,
elos tiu fwakulak, tu fwin
ou iñi fwa sis elos la liki
imwen lolñok:

43 Tu elos luñselos kullu
lun met mwo liki kullu lun
God.

44 ¶ Jisus el wowoyuk à
fwak, el šu lalalfuñi ke ña,
tiu lalalfuñi ke ña, tu ke'l šu
sipe yu mi.

45 Ä el šu liye yu liye'l šu sipe yu mi.

46 Na kalem tuku nu fwalu, tu el šu lalalfuñi ke ña a tiu mutu in los.

47 Ä met sinu fwin loñ ma kas luk, ä tiu lalalfuñi, ña tiu nununkal: tu ña tiu tuku in nununku fwalu, tu in molüla fwalu.

48 El šu sis yu la, ä tiu es ma kaskas luk, sie lal šu nununkal: ma kas ma ña kaskas, ma iñi fwa nununkal ke len si safla.

49 Tu ña tiu kaskas ke ña: tu ke Papa šu sipe yu ini, el si nu sik me šap, kutu ma ña a fwak, ä kutu ma ña a kaskas.

50 Ä ña etu tu me šap lal mol ma patpat: tu ou iñi ma nu kemwu ña kaskas, oanu Papa el luti nu sik, ou iñi ña kaskas.

SAPTER 13.

AMET ke kofwo, lun alu-kela, ke Jisus el etu tu auu si lal tuku tu el a šom liki fwalu nu sin Papa, el luñsel met lal šu os fwalu, el luñsel elos nu ke safla.

2 Supper tari, iñi devil el likie inšiel Judas Iskariot, nutin Saimon, in tukakunulak,

3 Jisus el etu tu Papa el ašuñ ma nu kemwu in paul,

ä tu el tuku yurol God mi, ä šom nu yurol God:

4 El tukakak liki supper, el filiye nuknuk lal; ä el es tawel si, ä losi'lye.

5 Tukin ma iñi el okoila kof in ale si, ä mutamwauk in tetekunla nien met tumal lutlut, ä in ela ke tawel si ma el šuñ losi'lye.

6 Na el tuku nu yurol Saimon Piter: ä el fwak nu sel, Leum, ya kom tetekunla niyuk?

7 Jisus el tupokoñ a fwak nu sel, Kom tiu etu ma ña oru iñi; ä tukin ma iñi kom fwa etu.

8 Piter el fwak nu sel, Kom tiu tetekunla niyuk iñi nu tuk. Jisus el tupokoñ nu sel, Na fwin tiu tetekin kom la, wañinu ma luk os yurom.

9 Saimon Piter fwak nu sel, Leum, tiu niyuk muge-nu, tu pok pe ä šiufwuk.

10 Jisus el fwak nu sel, El šu yiylia met a nasnas lanu, tiu tanla nial tuk: ä komwos nasnas, ä tiu nu kemwu.

11 Tu el etu šu tukakunulak; tu ou iñi el fwak, Tiu komwos nu kemwu nasnas.

12 Ou iñi ke el tanla nialos tari, ä es nuknuk lal, ä sie-fwil mutu, el fwak nu selos, Ya komwos etu ma ña oru nu šumwos?

13 Komwos pañon yu, Met lutí a Leum; a komwos kas-kas mwo; tu ña ou iñi.

14 Na ña Leum a Met lutí fwin tanla niumwos; mwo komwos tukeni tanla niu-mwos sie sin sie.

15 Tu na siot nu sumwos ma lumlumu, tu komwos fwa oru oanu ña oru nu sumwos.

16 Payinu, payinu, ña fwak nu sumwos, Met kulansap tiu yok liki leum lal; a met sap tiu yok liki el su sipa el mu.

17 Komwos fwino etu ma iñi, inshimwowo lomwos komwos fwin oru ma iñi.

18 Na tiu kaskas ke yu-mwos nu kemwu: ña etalos su ña sulula: ña ou iñi tu ma simisla fwa payikin, El su wi yu moño bred srukak kapinnial lain yu mi.

19 Iñi ña fwak nu sumwos met ma te oru tuk, tu, ke ma te oru tuk, komwos a la-lafuñi tu ña el.

20 Payinu, payinu, ña fwak nu sumwos, El su esa'l su ña sipaot esyu pe: a el su esyu esa'l su sipe yu mi.

21 ¶ Ke Jisus el fwak ma iñi, el toninfoñ in ñunal, a orek ma lo, a fwak, Payinu, payinu, ña fwak nu sumwos, tu sie sumwos fwa tukakin yu yuk.

22 Na met lutlut elos tu-

keni ñetani nu sie, ninukun-la su ke selos el fwak.

23 A sie selos met tumal lutlut, su Jisus el luñsel, el fuñla in imwel Jisus.

24 Tu ou iñi Saimon Piter el ponsit el in siyuk su ke el fwak.

25 A el su fuñla in imwel Jisus fwak nu sel, Leum, el su?

26 Jisus el tupokoañ, El su, nu sin ña fwa suñ sop ke ña tenya. A ke el tenya sop, el suñ nu sel Judas Iskariot, natal Saimon.

27 A tukin sop Setan el iliyuk nu in el. Na Jisus el fwak nu sel, Ma kom oru, oru akpuspusye.

28 A wañin met ke tebu etu efwo el ku fwak ou iñi nu sel.

29 Tu kutu nunku, tu nuk os yurol Judas, tu Jisus el fwak nu sel, Moli kutu mä las nu ke kofwo; ka, el fwa suñ kutu ma nu sin met sigasrup.

30 Na el, ke el es sop, kiten misiñi somla: a foñ.

31 Tu ou iñi ke el somla, Jisus el fwak, Iñi Mwen nutin met mwolanu, a God el mwolanu in el.

32 A God el fwin mwola-na in el, God el fwa sifwa-nu mwolapanu el, a fwa mwolanu el kiten misiñi.

33 Kitén tulig kitén pal

sisik ña wi komwos. Komwos ä suki yu: ä oanu ña fwak nu sin Jus, ouyape ña fwak nu sumwos, Yin ña fwas nu we, komwos kofla-nu tuku.

34 Ma šap šašu ña siot nu sumwos, Tu komwos luñšomwos sie sin sie. Tu oanu ña luñsik komwos met, komwos ouyape luñsi sie sin sie.

35 Ke ma iñi met e nu kemwu fwa etu tu komwos met tumuk lutlut, fwin ma luñsi lomwos sie sin sie.

36 Saimon Piter el fwak nu sel, Leum, kom som nu ya? Jisus el tupokoañ nu sel, Yin ña som nu we, kom tiu ku in fwas tukuk iñi; ä tuk kom a fwas tukuk.

37 Piter el fwak nu sel, Leum, efwo ña ku tiu in fwas tukum iñi? Na fwa filiye mol luk ke yum.

38 Jisus el tupokoañ ñu sel, Ya kom filiye mol lom ke ik? Payinu, payinu, ña fwak nu sum, Mwon sisatiu kakla nu ke kom a lafla-fwekin yu pal tolu.

ŠAPTER 14.

KOMWOS tiu taos inšiomwos: komwos fwin lalalfuñi ke God, lalalfuñipe ke ña.

2 In lom sin Papa tumuk fokil puspis: fwin tiu ou iñi

ñá fwak nu sumwos met. Na som in ako an sumwos.

3 Ä ña fwin som ä ako an sumwos, ña siefwil tuku ä es komwos ye nu yuruk; tu yin ña mutu we, komwos ä mutu we pe.

4 Ä yin ña som nu we komwos etu, ä inganek komwos etu.

5 Tomas el fwak nu sel, Leum, kem tiu etu yin kom fwas nu we; ä fuku kem etu inganek?

6 Jisus el fwak nu sel, Na inganek, ä payi, ä mol: wanin met tuku nu yurin Papa, fwin tiu ke ña.

7 Komwos fwino ete yu met, komwos ete pe Papa tumuk: ä iñi nu tuk komwos eta'l, ä liye'l.

8 Filip el fwak nu sel, Leum lotöl nu šes Papa, ä tari nu šes.

9 Jisus el fwak nu sel, Ya ña mutu yuromwos lüsa nu iñi, ä kom tiu ete yu Filip? el šu liye yu liye'l Papa; ä fuka kom fwak, Lotöl nu šes Papa?

10 Ya kom tiu lalalfuñi tu ña in Papa, ä Papa in ña? kas ma ña kaskas nu sumwos ña ſifwanu tiu kaskas: ä Papa šu mutu in ña, el oru me orekma.

11 Lalalfuñi yu tu ña in Papa, ä Papa, in ña: fwin

tiu ou iñi lalalfuñi yu ke
me orekma.

12 Payinu, payinu, ña fwak
nu sumwos, El su lalalfuñi
ke ñia, me orekma ma ñia oru
el fwa ore pe; à yokliki ma
iñi el fwa oru; tu ñia som
nu yurin Papa tumuk.

13 Á ma nu kemwu ko-
mwos siyuk in èk ma iñi
ña fwa oru, tu Papa el fwa
mwolanu in Mwen.

14 Komwos fwin siyuk
kutu ma nu kemwu in èk,
ña fwa oru.

15 Komwos fwin luñšo-
mwos ñia, liauñ ma sap luk.

16 Á ñia fwa siyuk sin
Papa, à el fwa sipa el mu-
sien Akmwoyauk nu su-
mwos, tu el a mutu yuro-
mwos ma patpat;

17 Nun payi: su fwalu
koflanu es, tu fwalu tiu
liye'l, tiu eta'l; à komwos
eta'l, tu el wi komwos matu,
à fwa in komwos.

18 Ña a tiu fili komwos
ye met mukaintal: ñia fwa
tuku nu yuromwos.

19 Tuko kut, à fwalu tiu
liye yu nu tuk; à komwos
liye yu: tu ñia mol, à ko-
mwos mol pe.

20 Ke len si iñó komwos
fwa etu tu ñia in Papa tu-
muk, à komwos in ñia, à ñia
in komwos.

21 El su ma sap luk os
yurol, à liauñ mao, el met

su luñsi ña: à el su luñsi
ñia Papa tumuk fwa luñsi
el, à ñia fwa luñsik el, à ñia
luti yu nu sel.

22 Judas, tiu Iskariot, el
fwak nu sel, Leum, fuka
kom lutu kom nu ses, à tiu
nu fwalu?

23 Jisus el tupokoan à
fwak nu sel, Met si fwin
luñsi ñia, el fwa liauñ ma
kas luk: à Papa tumuk fwa
luñsi el, a kut fwa tuku nu
yurol, à oelul mutu.

24 El su tiu luñsi ñia tiu
liauñ ma kas luk: à kas ma
komwos loñ tiu ma luk, tu
ma lun Papa su sipe yu
mi.

25 Ma iñi ñia kaskas nu
sumwos, ke ñia wi komwos
mutu.

26 Á Akmwoyauk, oanu
Nun Mutal, su Papa fwa
sipamu in èk, el fwa lutu
komwos ma nu kemwu, à
akesmakiye ke ma nu ke-
mwu ma ñia fwak nu su-
mwos.

27 Ña filiye misla yuro-
mwos, misla luk ñia šiot nu
sumwos: ñia šiot nu su-
mwos, tiu oanu fwalu šiot.
Nikmit toas inšiomwos, nik-
mit sañeñ.

28 Komwos loñ fuka ñia
fwak nu sumwos, Ña somla,
à siefwil tuku nu yuromwos.
Komwos fwin luñšomwos
ña, komwos fwa eñun, tu

ñā fwak, Na ſom nu yurin Papa; tu Papa tumuk el yokliki yu.

29 Ā iñi ñā fwak nu ſumwos met ma te oru tuk, tu, ke ma te oru, komwos fwa lalalfuñi.

30 Na tiu wi komwos kaskas puspis tuk: tu mwol lun fwalu el tuku, ā wañin ma lal in ñā.

31 Na ou iñi tu fwalu fwa etu tu ñā luñsik Papa ā oanu Papa el aši nu sik ma ſap ou iñi ñā oru. Tuiyuk, kut ſom liki an si iñi.

SAPTER 15.

NA ſak fain payi, ā Papa tumuk el met kato.

2 Leſak nu kemwu in ñā fwin tiu isüs fwako el esla: ā nu kemwu fwin isüs fwako, el luslusla tu el fwa isüsla fwako pusliki.

3 Iñi komwos nasnas ke me kas ma ñā kaskas nu ſumwos.

4 Komwos mutu in ñā, ā ñā in komwos. Leſak ka-flanu ſifwanu isüs fwako, fwin tiu on wulin ſak fain; komwos ouyape, komwos fwin tiu mutu in ñā.

5 Na fain, komwos leſak: el ſu muṭu in ñā, ā ñā in el, elnu isüs fwako puspis: tu ñā fwin wañin komwos ka-flanu oru kutu ma ſisik.

6 Met si fwin tiu mutu

in ñā, tufwa ſis el la oanu leſak, ā paoala; ā met ſi-fweni, ā ſis elos la nu in e, ā elos fururiuk.

7 Komwos fwin mutu in ñā ā ma kas luk mutu in komwos, ma nu kemwu ma komwos luñſomwos in siyuk, a fwa oru nu ſumwos.

8 Ma iñi mwolanu lun Papa tumuk, tu komwos isüs fwako puspis; ou iñi komwos fwa met tumuk lutlut.

9 Oanu Papa el lunsel ñā, ouyape ñā luñsik komwos: mwo komwos mutu in ma luñ luk.

10 Komwos fwin liauñ ma ſap luk, komwos fwa mutu in ma lun luk; oanu ñā liauñ ma ſap lun Papa tumuk, ā mutu in ma lun lal.

11 Ma iñi ñā kaskas nu ſumwos, tu eñun luk fwa mutu in komwos, ā eñun lomwos fwa tiñtiñinu.

12 Ma iñi ma ſap luk, tu komwos luñſomwos sie ſin ſie, oanu ñā luñsik komwos.

13 Wañin lun yokliki ma iñi, tu met filiye mol lal nu ke met kawuk lal.

14 Komwos met kawuk luk, komwos fwin oru ma nu kemwu ma ñā ſap nu ſumwos.

15 Tuku ñā tiu pañun komwos met kulanſap; tu met kulanſap tiu etu ma leum

lal oru : à ña pañun komwos met kawuk : tu ma nu kemwu ma ña loñol Papa tumuk ña luti nu šumwos.

16 Komwos tiu šuli yu la ña, tu ña suli komwos la à šuñ mwo'lomwos, tu komwos fwa šom à isüs fwako, à fwa-ko lomwos on : tu ma nu kemwu ma komwos siyuk sin Papa tumuk in èk, el fwa siot nu šumwos.

17 Ma iñi ña ſap nu ſumwos, tu komwos luñſo-
mwos sie sin sie.

18 Fwalu fwin ſruñe ko-
mwos, komwos etu tu fwalu ſruñe, yu met à komwos tuk.

19 Komwos fwin ma lun
fwalu, fwalu fwa luñsi ma
lal ; à tu komwos tiu ma lun
fwalu, tu ña šuli komwos la
liki fwalu ; tu ou iñi fwalu
ſruñe komwos.

20 Esamye kas ma ña fwak
nu ſumwos, Met kulanšap
tiu yokliki leum lal. Elos
fwin kolyaiyuk met, elos
fwa kolyai komwos tuk ;
Elos fwin liauñ ma kas luk,
elos fwa liauñpe ma kas lo-
mwos.

21 Tu ou iñi ma nu ke-
mwu ma iñi elos fwa oru nu
ſumwos ke èk, tu elos tiu
eta'l ſu sipe yu mi.

22 Na fwin tiu tuku à kas-
kas nu selos, elos in tiu ko-
luk : à iñi wañin kutu ma
afnani ma koluk lalos.

23 El ſu ſruñe yu ſruñal
pe Papa tumuk.

24 Na fwin tiu oru me orek-
ma nu selos ma kutenu met
koſlanu oru, elos in tiu ko-
luk : à iñi elos liye à ſruñu
ña à Papa tumuk.

25 Ma iñi te oru, tu kas ma
simisla in manu lalos fwa
payikin, elos ſruñe yu ke
wañin.

26 À ke Akmwoyauk tuku,
ſu ña fwa ſipa mu nu ſu-
mwos yurol Papa mi, el fwa
orek ma lo ke ña :

27 À komwos orek pe ma
lo, tu komwos wi yu ke mu-
tamwauk nu iñi.

ŠAPTER 16.

MA iñi ña kaskas nu ſu-
mwos, tu komwos à tiu
tugulkùl.

2 Elos fwa ſis komwos la
liki imwen lolñok : aok, pal
si à tuku, ke elos ſu uni ko-
mwos ye nunku mu tu elos
orek ma ali nu sin God.

3 À ma iñi elos fwa oru nu
ſumwos, tu elos tiu etu Papa
à ña.

4 Tu ma iñi ña kaskas nu
ſumwos, tu ke pal si à tuku
komwos fwa asamak ma ña
fwak nu ſumwos. À ma
iñi ña fwak nu ſumwos ke
mutamwauk, tu ña wi ko-
mwos.

5 À iñi ña ſom nu yurin ſu
sipe yu mi ; à wañin ñu

mwos siyuk sik, Kom ſom nu ya?

6 Ou iñi tu ña kaskas ma iñi nu ſumwos, tiñtiñinu pokamutu inšiomwos.

7 Ā ou iñi ña fwak payi nu ſumwos; mwo nu ſumwos tu ña ſomla; tu ña fwin tiu ſomla, Akmwoyauk el a tiu tuku: a ña fwin ſom, ña fwak ſipa el mu nu yuro-mwos.

8 Ā ke el tuku el tupokia fwalu ke ma koluk, a ke ma payi a ke ma nununku:

9 Ke ma koluk, tu elos tiu lalalfuñi ke ña;

10 Ke ma payi, tu ña ſom nu yurin Papa tumuk, a komwos tiu liye yu nu tuk;

11 Ke ma nununku, tu a fwak nununkauk mwol lun fwalu.

12 Ma puspis luk in fwak nu ſumwos tuk, tu komwos tiu ku in etu iñi.

13 Ā ke el, Nun payi, tuku, el fwak kol komwos nu ke ma payi nu kemwu: tu el a tiu kaskas ke'l; tu ma el fwak loñ, el fwak kaskas: a el fwak lutu komwos kutu ma tuku tuk.

14 El a ore yu mwolanu: tu el fwak es ma luk, a lutu nu ſumwos.

15 Ma nu kemwu ma lun Papa ma luk: tu ou iñi ña fwak, tu el fwak es ma luk, a lutu nu ſumwos.

16 Kiten pal, a komwos a tiu liye yu: a siefwil pe, kiten pal, a komwos fwa liye yu, tu ña ſom nu yurin Papa.

17 Na kutu sin met tumal lutlut tukeni fwak, Mea ma iñi ma el fwak nu ſes, Kiten pal, a komwos a tiu liye yu: a siefwil pe, kiten pal, a komwos fwa liye yu: a, tu ña ſom nu yurin Papa ?

18 Tu ou iñi elos fwak, Mea ma iñi ma el fwak, Kiten pal? kut kofianu etu ma el fwak.

19 Na Jisus el etu tu elos luñselos in siyuk sel, a el fwak nu selos, Ya komwos siyuk ſumwos ke ma ña fwak, Kiten pal, a komwos a tiu liye yu: a siefwil pe, kiten pal, a komwos fwa liye yu?

20 Payinu, payinu, ña fwak nu ſumwos, Tu komwos fwa tuñnu, a wowoyuk, a fwaku fwa eñun: a komwos fwa pakauk mutu, tu pakauk loñwos fwa eñunak.

21 Mutan si ke el akurun isüsla el pakauk mutu, tu auu si lal tuku: a kiten misiñi ke tulig isüsla, el tiu esamak ma ñal tuk, ke eñunak tu mwen si isüsla nu fwalu.

22 Ā ou iñi pakauk loñwos iñi: a ña fwak siefwil pe liye komwos a inšiomwos

fwa eñunak, à wañin met esla eñun lomwos liki komwos.

23 À ke len si iñó komwos a tiu siyuk sik kiten ma sisik. Payinu, payinu, ña fwak nu šumwos, Ma nu keinwu ma komwos fwa siyuk sin Papa in èk, el fwa siot nu šumwos.

24 Nu ke iñi komwos tiu siyuk kiten ma sisik in èk ; siyuk, à komwos fwa es, tu komwos fwa tiñtiñinu ke eñun lomwos.

25 Ma iñi ña kaskas nu šumwos ke pupulyuk : tu pal si a tuku, ke ña tiu kaskas nu šumwos ke pupulyuk nu tuk, tu ña fwa lutinu šumwos lem tulaiuk' ke'l Papa.

26 Len si iñó komwos fwa siyuk in èk : à ña tiu fwak nu šumwos, tu ña fwa pre nu sin Papa ke iumwos :

27 Tu Papa el sifwanu luñsel komwos tu komwos luñšomwos ña, à komwos laalfuñi tu ña tuku yurol God mi.

28 Ña tuku yurol Papa mi, à ña tuku nu fwalu : siefwil pe ña likiye fwalu, à šom nu yurol Papa.

29 Met tumal lutlut fwak nu sel, liye, iñi kom kaskas lem tulaiuk, à tiu kaskas ke pukulyuk.

30 Iñi kut etu tu kom ete

nu kemwu, à tiu enenu tu knt in siyuk sum : ke ma iñi kut laalfuñi tu kom tuku yurol God mi.

31 Jisus el tupokoñ nu selos, Ya komwos laalfuñi iñi ?

32 Liye, auu si a tuku, aok, tuku iñi, tu komwos a fwaselik, sie nu yin sin sie, à fwa liki yu wi mugenu ; à tiu ña mugenu muku, tu Papa él wi yu.

33 Ña kaskas ma iñi nu šumwos, tu ke ña tufwa misla lomwos. Nu fwalu tufwa toninfoñ lomwos, tu komwos eñunak : ña kutunla fwalu.

SAPTER 17.

MA iñi ma Jisus el kaskas, à ñetak mutual nü in kosao, à fwak, Papa, auu si tuku ; oru mwolanu sin Mwen nutom, tu Mwen nutom fwa ore pe mwolanu nu sum.

2 Oanu kom ašuñ nu sel ku ke ikù nu keinwu, tu el fwa šuñ mol ma patpat nu selos šu kom ašuñ nu sel.

3 À ma iñi mol ma patpat, tu elos fwa ete kom God payi mugenu, à Jisus Kraist, šu kom sipa mu.

4 Ña oru mwolanu nu šum on fwalu : me orekma kom aši nu sik in oru, ña orek tarí.

5 À iñi, O Papa, oru mwo-

lanu nu sik, sifwanu wi kom, ke mwolanu luk wi kom met sroas fwalu tuk.

6 Na lotūun ēum nu sin met su kom aši nu sik liki fwalu: elos ma lom met, à kom asalosmi nu sik; à elos liauñ ma kas lom.

7 Iñi elos etu tu ma nu kemwu ma kom aši nu sik tu yurom mi.

8 Tu ña ašuñ nu selos kas ma kom aši nu sik; à elos es, à etenu tu ña tuku yurom mi, à elos lalalfuñi tu kom sipe yu mi met.

9 Na pre k'ulos: ña tiu pre ke fwalu, tu k'ulos su kom aši nu sik; tu elos ma lom.

10 À ma nu kemwu ma luk ma lom, à ma lom ma luk; à ña mwolanu k'ulos.

11 À ña tiu os fwalu tuk, à elos os fwalu, à ña tuku nu yurom. Papa Mutual, liauñ in ēum nu los su kom aši nu sik, tu elos fwa sie, oanu kut.

12 Ke ña oelalos os fwalu, ña liyelosyuñ in ēum: elos su kom aši nu sik ña liauñ, à wañin sie selos tula, à mwen tinyinu mugenu; tu ma simisla fwa payikin.

13 À iñi ña tuku nu yurom; à ma iñi ña kaskas nu fwalu, tu eñun luk tiñtiñinu nu selos.

14 Na a suñ kaskas lom nu selos; à fwalu sruñ'ulos-

la, tu elos tiu ma lun fwalu, oanu ña tiu mu lun fwalu.

15 Na tiu pre tu kom esa-losla liki fwalu, tu kom in liye'ulos mi ke ma koluk.

16 Elos tiu ma lun fwalu, oanu ña tiu ma lun fwalu.

17 Oralos in mutual ke ma payi lom: tu kas lom ma payi.

18 Oanu kom sipe yu mi nu fwalu, pa ña fwa sipa'los me pe nu fwalu.

19 À k'ulos ña ore yu in mutual, tu elos fwa mutual pe ke ma payi.

20 Na tiu pre k'ulos mu-genu, tu k'ulospe su lalafuñi ke ña ke ma kas lalos;

21 Tu elos nu kemwu fwa sie; 'oanu kom, Papa, in ña, à ña in kom, tu elos pe fwa sie in kut: tu fwalu fwa lalafuñi tu kom sipe yu mi.

22 À mwolanu ma kom aši nu sik ña suñ nu selos; tu elos fwa sie oanu kut sie:

23 Na in elos, à kom in ña, tu elos fwa sumwoswos lanu in sie; à tu fwalu fwa etu tu kom sipe yu mi, à luñsom elos, oanu kom luñsom ña.

24 Papa, ña kenu tu elos pe su kom aši nu sik, fwa wi yu yin ña mutu we; tu elos fwa liye ma mwolanu luk ma kom aši nu sik: tu kom luñsom ña met sroas fwalu tuk.

25 O Papa payi, fwalu tiu ete kom : à ña ete kom, à elos iñi etu tu kom sipe yu mi.

26 Á ña luti nu selos éum met, à fwa luti tuk : tu luñ ma kom luñsom ña ke fwa in elos, à ña in elos.

SAPTER 18.

KE Jisus el fwak ma iñi, el wi met tumal lutlut somwot likin yeno suñonya Kedron, yin kolkol we, yin el, à met tumal lutlut, iliyuk nu we.

2 Á Judas, su tukakunulak, el ete pe an si iñi : tu pal puspis Jisus wi met tumal lutlut tuku nu yinu.

3 Na Judas, ke el es elunmet si à rošo yurolos met tol fulat à Farisi mi, el tuku nu yinu wis lamnuk à folòk à me anwuk.

4 Tu ou iñi Jisus, etenu ma nu kemwu ma a tuku nu yurol, el šom, à fwak nu selos, Šu komwos šukun ?

5 Elos tupokoañ nu sel, Jisus lun Nasaret. Jisus el fwak nu selos, El a ñao. Á Judas, su tukakunulak, el pe oelalos tu.

6 Na ke el fwak nu selos, El a ñao, elos totülükla fwas, à topla nu in foko.

7 Na el siefwil siyuk nu selos, Šu komwos šukun ? Á elos fwak, Jisus lun Nasaret.

8 Jisus el tupokoañ, Na fwak nu šumwos met tu El a ñao : komwos fwin suki yu, lela elos in šomla :

9 Tu ma el fwak fwa payikin ; Elos su kom aši nu sik sie tiu tula.

10 Na Saimon Piter el fwauk kutlas natal, à ſuñ otala sral leyut lun kulanšap lun met tol. È met kulanšap Malkus.

11 Na Jisus el fwak nu sel Piter, Filiye kutlas nutom in ma nukmaen : ale si ma Papa tumuk el aši nu sik, ya ña tiu numla ?

12 ¶ Na elunmet si à kapten à met rošo lun Jus elos es al Jisus à kopyuri'lye,

13 Á kololot nu yurol Annas met ; tu Kaiafas, su met tol fulat yiu si iño, el talapnal.

14 Na Kaiafas iñi el fwak nu sin Jus, tu mwo met si muši metu.

15 Á Saimon Piter el fwas tukol Jisus, à sienu met lutlut wi : met tol fulat el etu met lutlut si iñi, à el oelal Jisus iliyuk nu in lom sin met tol fulat.

16 Á Piter el tu mutun oaoa likin iumwe. Na met lutlut si iñi, su met tol fulat el etu, el šom à fwak nu sel su karwuñun mutun oaoa, à wisalak Piter.

17 Na mutan si su karwu-

ñun mutun oaoa el fwak nu sel Piter, Ya kom pe tiu met tumal lutlut sin met iñi? El fwak. Tiu ña.

18 Å met kulanšap ä met rošo elos tu iñó, ä orek e molut; tu musis: ä elos lañluñ, ä Piter oelalos tu lañluñ.

19 Na met tol fulat, el siyuk sel Jesus ke met tumal lutlut, ä ke ma luti lal.

20 Jesus el tupokoañ nu sel, Na kaskas lemtulaiuk nu fwalu; ña luti ma patpat in lolñok, ä in imwen ali, yin Jus fwas nu we pal nu kemwu; ä ña tiu kaskas in lukma.

21 Efwo kom ku siyuk sik? siyuk selos šu loñ yu, ma ña kaskas nu selos: liye, elos etu ma ña fwak.

22 Å ke el fwak ma iñi, sie sin met rošo šu tu we el puokol Jesus ke paul, fwa-kañ, Ya kom tupokoañ sin met tol fulat ou iñi?

23 Jesus el tupokoañ nu sel, Na fwin kaskas koluk, kom orek ma lo ke ma koluk: ä fwin mwo, efwo kom ku puok yu?

24 Na Annas el kopuri'lye sipalot nu sel Kaiafas met kol fulat.

25 Å Saimon Piter el tu lañluñ. Na elos fwak nu sel, Ya kom pe tiu met tu-

mal lutlut? el laflafwekin, ä fwak, Tiu ña.

26 Sie sin met kulanšap Jun met tol fulat, met si soun met si Piter el otala sra el fwak, Ya ña tiu liye kom oelal in kolkol si?

27 Na Piter el siefwil pe laflafwekin: ä kiten misiñi mwon si kakla.

28 ¶ Na elos kolol Jesus lukel Kaiafas nu in fokil nununku: ä tafwun lutuwe; ä elos tiu ſifwanu utyuk nu in fokil nununku, fwin ou iñi elos akpakaiye; ä tu elos fwa moño alukela.

29 Na Pailat el šom nu yurolos, ä fwak, mea komwos pu in lain met si iñi?

30 Elos tupokoañ ä fwak nu sel, El fwin tiu met koluk, kem tiu asalot nu sum.

31 Na Pailat el fwak nu selos, Komwos as al, ä nununk al, oanu ke manu lomwos. Tu ou iñi Jus elos fwak nu sel, Oul nu šes in uni'lye metu:

32 Tu ma kas sin J Jesus fwa payikin, ma el fwak, in akulin fuka el fwa miše.

33 Na Pailat el siefwil utyuk nu in fokil nununku, ä pañnol J Jesus, ä fwak nu sel, Ya kom Togusa lun Jus?

34 J Jesus el tupokoañ nu sel, Ya kom ſifwanu fwak ma iñi, tu kutenu met fwak ma iñi nu sum ke ña?

35 Pailat el tupokoāñ, Ya
ña met Ju? Met wigom à
met tol fulat elos wis kom
mi nu yuruk: mea kom oru?

36 Jisus el tupokoāñ, To-
gusaï luk tiu fwala mi: to-
gusaï luk fwin fwala mi, na
met luk elos fwa anwuk, tu
Jus elos tiu sruk yu yuk: à
iñi togusaï luk tiu iñi mi.

37 Tu ou iñi Pailat el fwak
nu sel, Ya payi kom togusa?
Jisus el tupokoāñ, Kom fwak
tu ña togusa. Ke ma iñi ña
isüsla met, à ke ma iñi ña
tuku nu fwalu, tu ña fwa
orek ma lo nu ke ma payi.
Elos nu kenwu su lun ma
payi loñ pusrek.

38 Pailat, el siyuk sel,
Mea ma payi? A ke el fwak
ma iñi, el siefwil som nu
yurolos met Jus, à fwak nu
selos, Wañin ma sito ña
konoioik in el

39 À usñuknu lomwos, tu
ña tulala sie nu šumwos ke
alukela: ya komwos luñšo-
mwos tu ña in tulala nu šu-
mwos Togusa lun Jus?

40 Na elos siefwilpe wo-
woyuk, fwakañ. Tiu met si
iñi, tu Barabbas. À Barab-
bas el met iñunyar.

SAPTER 19.

NA tu ou iñi Pailat el es-
al Jisus, à sruñlal.

2 À met meun elos orek
tefuro otunme si, à filiye fwin

siufwel, à elos nukmulañ
nuknuk sisa,

3 À fwak Pain, Togusa
lun Jus! à elos puokol ke
paulos

4 Na Pailat el siefwil pe
som, à fwak nu selos, Liye,
ña wiselot nu yuromwos, tu
komwos fwa etu tu ña tiu
konoioik kiten ma sisik ma
sito in el.

5 Na Jisus el fwasot liki,
tefuro otunme si on fwin
siufwel, à nuknuk sisa si.
À Pailat el fwak nu selos,
Liye met si.

6 Tu ou iñi ke met tol
fulat à met rošo liye'l, elos
wowoyuk, fwakañ, Uni'lye
on ke šaksiñ sugo, uni'lye
on ke šaksiñ sugo. Pailat
el fwak nu selos, Komwos
esa'l, à uni'lye on ke šaksiñ
sugo: tu ña tiu konoioik
kiten ma sisik ma sito in
el.

7 Na Jus elos tupokoāñ
nu sel, Manu las, à ke manu
las mwo el miše, tu el šifwa-
nu ora'l Mwen nutin God.

8 Tu ou iñi ke Pailat loñ
kas si iñi, el ſañeñ pe kutu;

9 À el siefwilpe utyuk nu
in fokil nununku, à fwak nu
sel Jisus, Kom ouya mi? À
Jisus el tiu siefwil tupokoāñ
nu sel.

10 Na Pailat el fwak nu
sel, Ya kom tiu kaskas nu
sik? kom tiu etu tu ña ku

in uni kom on ke šaksiñ
sugo, à ku in tula kom
la?

11 Jisus el tupokoan, Wañin ku lom in lain yu, fwin
tiu ašiot nu šum ma lūñ mi:
tu ou iñi el su es yu wot nu
šum koluk kutu liki.

12 Ā tuko Pailat el suk in
tula'l la: à Jus elos wowoyuk,
fwakañ, Kom fwin tulala met si iñi, Kom
tiu met kawuk luk Sisa: el ſifwanu
šu oral togusa el fwak lain
Sisa.

13 Na ke Pailat el loñ iñi,
el wisalot Jisus, à mutu
fwin me muta nununke si,
an si pañpañ Fwinsrosrot, à
Ipru Gabata.

14 Ā pal si in ako alukela,
à akurun auu onkos: à el
fwak nu sin Jus, Liye To-
gusa lomwos!

15 Ā elos wowoyuk, Wis
alot, wis alot, uni'lye on ke
šaksiñ sugo! Pailat el fwak
nu selos, Ya ña uni'lye To-
gusa lomwos on ke šaksiñ
sugo? Met tol fulat elos
tupokoan, Wañin togusa las
Sisa mugenu.

16 Ke ma iñi el wis alot
nu selos lun uni'lye on ke
šaksiñ sugo. Ā elos es al
Jisus, à wis el la.

17 ¶ Ā ke el srukak šaksiñ
sugo lal el šomot nu an si
pañpañ aleinšiuf, ma Ipru
pañpañ Golgota:

18 An si iñi elos uni'lye we
on ke šaksiñ sugo, à met luo
pe oelal, sie le sie le, Jisus
infulwe.

19 Ā Pailat el makauk
akulinye, a filiye on ke
šaksiñ sugo. Ā ma in ma-
kauk, JISUS LUN NASA-
RET TOGUSA LUN JUS.

20 Ā Jus puspis rid akul si
iñi: tu an si elos uni'lye
Jisus on ke šaksiñ sugo ap-
kurun yin met mutu we:
à makauk simis in Hebru,
Greek, à Rom.

21 Na met tol fulat lun
Jus elos fwak nu sel Pailat,
Tiu simisla, Togusa lun Jus;
à tu el fwak, Na Togusa lun
Jus.

22 Pailat el tupokoan, Ma-
ña simisla ña simisla tari.

23 Na met meun ke elos
uni'lye Jisu on ke šaksiñ
sugo tari, elos es nuknuk
lal, à orek ip akos, ipsi lun
sie met meun; à koat: à
koat tolla nu kemwu, wañin
kai tuto.

24 Tu ou iñi elos tukeni
kaskas, Mwo kut tiu luselik
ma iñi, tu koto srifwe, lut in
liye lun šu: ou iñi ma si-
misla fwa payikin, ke fwak,
Elos eselik nuknuk luk la-
los, à ke koat luk olos koto
strifwe. Ā tu ma iñi met
meun elos oru.

25 Ā nine kiel à taiñ kiel,
Meri lun Kliopas, à Meri

Magdalin, elos tu ke šaksiñ
sugo lun Jisus.

26 Ma ke Jisus el liye nine
kiel, à met lutlut su el luñ-
sel, tu ke, el fwak nu sin
nine kiel, Mutan, liye mwen
nutom !

27 Na el fwak nu sin met
lutlut, Liye nine kiúm ! À
tukin auu si iñi met lutlut
iñi wis al nu yin sel.

28 Tukin ma iñi, Jisus, ke
el etu tu ma nu kemwu orek
tari, tu ma simisla fwa payi-
kin, el fwak, Na malu.

29 Na ale in finiger sisesla
os we ; à elos nakla insral ke
finiger, à filiye on šak his-
sup, à šuñ nu ke oelul.

30 Tu ou iñi ke Jisus el es
finiger, el fwak, Ma tari : à
el kupata kaiwel, à miše.

31 ¶ Na Jus, ke pal si ako,
tu manoltotal tiu on ke šak-
siñ sugo ke len sabat, (tu
sabat iñi len lulap si) elos
siyuk sel Pailat lun kotülik
niel total, à tufwa wis elos
la.

32 Na met meun elos tuku,
à kotülik nien ma si metu, à
nien sienu su oelul miše on
ke šaksiñ sugo.

33 À ke elos tuku nu yurol
Jisus, à liye tu el miše iñi
elos tiu kotülik niel :

34 Tu sie sin met meun el
fokisi la siel ke musra, à ki-
ten misiñi sa à kof širorla.

35 À el šu liye orek ma lo,

à ma lo lal payi ; à el etu tu
el fwak payi, tu komwos fwa
lalaſfuñi.

36 Tu ma iñi oru, tu ma
simisla fwa payikin, Wañinu
sugo srel koptalik.

37 À siefwilpe sienu ma
simisla fwak, Elos fwa ñetañ
nu sel su elos fokisi.

38 ¶ À tukin ma iñi Josef
lun Ariñetia, met lutlut tu-
mal Jisus, à lukma tu el ša-
ñeñ sin Jus, el siyuk sin
Pailat tu el fwa esla manol
Jisus : à Pailat el šuñ. Na
el tuku, à wisla manol Jisus.

39 À Nikodimus el tukepe,
el su umet tuku nu yurol
Jisus ke foñ, à el wis mur à
alos toen nu sie, akurun
paun siefok.

40 Na eltal es manol Jisus,
à srukmulani ke nuknuk li-
nen kutu ma keñ wi oanu
Jus ke elos pukpuki.

41 Na an kolkol si yin el
miše we on ke šaksiñ sugo ;
à in kolkol si iñi lufin mas
šašu on we, wañinu met on
lù met.

42 Na yin si iñi elos fili'lye
Jisus pal si ako lun Jus : tu
inluf si apkurun.

SAPTER 20.

LEN si umet ke wik Meri
Magdalin el tuku tafwun
luluwe, ke los, nu inkulyuk,
à liye eot si esla liki lufin
mas si.

2 Na el kasus ä tuku nu yurol Saimon Piter, ä nu yurol sienu met lutlut, šu Jisus el luñsel, ä fwak nu seltal, Elos esla Leum liki lufin mas si, ä kut niken an elos liki'lye we.

3 Na Piter ä met lutlut si ño eltal šom ä tuku nu lufin mas si.

4 Ä eltal tukeni kasus: ä sienu met lutlut mula lukel Piter, ä tuku met nu lufin mas si.

5 Ä el, sumwoli, liye nuknuk linen on we; ä el tiu iliyuk nu we.

6 Na Saimon Piter el tuku tukol ä iliyuk nu lufin mas si ä liye nuknuk linen on we.

7 Ä napkin si, ma nukmen šiufwel, tiu on ke nuknuk linen, tu lumani on sienu an.

8 Na sienu met lutlut, šu tuku nu lufin mas si met el iliyuk pe nu we, ä liye, ä lalalfuñi.

9 Tu ini elos tiu ma simisla, tu el a siefwil mol yuk yin misé mi.

10 Na met lutlut eltal siefwil šom nu yin seltal.

11 ¶ Ä Meri el tu la liki lufin mas si tuñnu: ä ke el tuñ, sumwoli nu lufin mas si.

12 Ä liye lipufon luo in fwosfwos mutanu, sie ke šiu-fwel, ä sie ke niel, yin manol Jisus on we met.

13 Ä etal fwak nu sel, Mutan, efwo kom ku tuñ? El fwak nu seltal, Tu elos wis la Leum luk, ä ña tiu etu an elos liki'lye we.

14 Ä ke el fwak ou iñi, el tapula nu tuk, ä liye'l Jisus tu, ä el nikin la Jisus.

15 Jisus el fwak nu sel, Mutan, efwo kom ku tuñ? šu kom šukun? El nunku mu el met karwuñunyuk, el fwak nu sel, Leum, kom fwin wis el la, kom luti nu sik an kom likiye we, ä na fwa wis el la.

16 Jisus el fwak nu sel, Meri. El tapula, ä fwak nu sel, Rabbonai; oanu ma fwak Met luti.

17 Jisus el fwak nu sel, Nikmit kal yu wi; tu ña tiu šomwak iñi nu yurin Papa tumuk: ä kom šom nu yurolos ma lik, ä fwak nu selos, ña šomwak nu yurin Papa tumuk, ä Papa tumomwos, ä nu sin God luk, ä God lomwos.

18 Meri Magdalin el tuku ä luti nu sin met lutlut tu el liye'l Leum, ä el fwak ma iñi nu sel.

19 ¶ Na len si iñi oyuku, len si umet ke wík, ke mutun oaoa kauli yin met lutlut mutu we tu elos šañeñ sin Jus, Jisus el tuku, ä tu infulwe, ä fwak nu selos, Misla nu šumwos.

20 Ā ke el fwak ou iñi, el luti paul à la siel nu selos. Na met lutlut eñun, ke elos liye'l Leum.

21 Na Jisus el siefwil fwak nu selos, Misla nu sumwos: oanu Papa el sipe yu mi, ouyape ña sipe komwos la.

22 Ā ke el fwak ma iñi, el moñyuñ nu selos, à fwak nu selos, Komwos es Nun Mutual:

23 Komwos fwin nunok munas ke ma koluk lun metu, fwa nunok munas ke ma koluk lalos; komwos fwin tiu nunok munas, fwa tiu nunok munas ke ma koluk lalos.

24 Ā Tomas, sie sin sinul luo, pañpañ Didimus, el tiu oelulos ke Jisus el tuku.

25 Tu ou iñi kutenu met lutlut fwak nu sel, Kut liye'l Leum. Ā el fwak nu selos, Na fwin tiu liye an musra patikiye in paul, a filiye kufin pok in an musra patikiye we, à suñ pok nu le siel, ña a tiu lalalfuñi.

26 Ā tukin leñ oalkos, met tumal lutlut siefwilpe mutulu, à Tomas oelulos: Jisus el tuku, mutun oaoa kauli, à tu infulwe, a fwak, Misla nu sumwos.

27 Na el fwak nu sel Tomas, Sralmu kufin pom, à liye pok; à sralnu pom, à suñ nu ke le siyuk: à tiu si lalalfuñi, tu lalalfuñi.

28 Ā Tomas el tupokoañ à fwak nu sel, Leum luk à God luk.

29 Jisus el fwak nu sel, Tomas tu kom liye yu, kom lalalfuñi: inšimwowo selos su tiu liye à lalalfuñi.

30 ¶ Ā kutenu akul puspis payi ma Jisus el oru ye mutun met tumal lutlut, ma tiu simisla in buk si iñi :

31 Ā simisla ma iñi, tu komwos fwa lalalfuñi tu Jisus el Kraist, Mwen nutin God; à tu, lalalfuñi ma mol fwa lomwos ke él.

ŠAPTER 21.

TUKIN ma iñi Jisus el siefwilpe ſifwanu lotöl nu sin met lutlut nu mwean an Taibirias; à el lotöl ou iñi.

2 Saimon Piter, à Tomas pañpañ Didimus, à Natanael met Kena yin Galili, à nutin Zebedi, à luo pe selos met tumal lutlut, elos tukeni inutu.

3 Saimon Piter fwak nu selos, Na šom kwa. Elos fwak nu sel, kut wi kom pe. Elos šom, à kiten misiñi sroauk nu fwin oaku; à foñ si iñi elos pusinpo.

4 Ā ke lututan Jisus el tu fwin meši: à met lutlut elos tiu etu la Jisus.

5 Na Jisus el fwak nu selos, Tulig kutu me moño

yuromwos? Elos tupokoañ nu sel, Mo.

6 Ä el fwak nu selos, Sisla neku nu yem, ä komwos fwa konoik. Tu ou iñi elos sisla, ä iñi elos koflanu amakin tu ik puspis.

7 Tu ou iñi met lutlut šu Jesus luñši el fwak nu sel Piter, We Leumwu. Ä ke Saimon Piter el loñ tu el Leum, el ſuñ nuknuk nukmulla, (tu el koflusol) el ſifwanu srola nu in kofwo inwea.

8 Ä wiyu met lutlut tuku nu fwin oak sisik; (tu elos tiu lusla nu fwin me i, oanu ñeñu lum ñaul) amakin nek ik wi.

9 Ä ke elos tuku nu fwin meši, elos liye e molut, ä ik on fwe, ä bred.

10 Jesus el fwak nu selos, Usi kutu ik ma komwos srukie.

11 Saimon Piter el fwasiu, ä amakin nek nu fwin meši tiñtiñinu ik lulap, siefok luñ ñaul tolu: ä tu ik puspis nek tiu mišalla.

12 J Jesus el fwak nu selos, Fwas umoño. Ä met lutlut elos ſañeñ in siyuk sel, ſu komwun? elos etu tu el Leum.

13 Na J Jesus el tuku, ä es bred, ä ſuñ nelos, ä ik ouyape.

14 Iñi pal si aktolu ma

Jesus el lotöl nu sin met tumal lutlut, tukin pal si ke el molyuk yin mišemi.

15 ¶ Ou iñi ke elos moño tari, J Jesus el fwak nu sel Saimon Piter, Saimon, nutin Jonas, kom luñšom ña yoklukelos? El fwak nu sel, Ao, Leum; kom etu tu ña luñsik kom. El fwak nu sel, Kiteuñ lam nutig.

16 El siefwil fwak nu sel pal si aktluo, Saimon, nutin Jonas, kom luñšom ña? El fwak nu sel, Ao, Leum; kom etu tu ña luñsik kom. El fwak nu sel, Kiteuñ ſip nutig.

17 El fwak nu sel pal si aktolu, Saimon, nutin Jonas, kom luñšom ña? Piter el pakomutu tu el fwak nu sel pal si aktolu, Kom luñšom ña? Ä el fwak nu sel, Leum, kom etu ma nu kemwu; kom etu tu ña luñsik kem. J Jesus el fwak nu sel, Kiteuñ ſip nutig.

18 Payinu, payinu, ña fwak nu ſum, ke kom met fwus, kom ſifwanu los kom eni, ä fwas yin kom luñšom fwas nu we: ä ke kom fwa matu, kom fwa ſralot pom, ä ſienu fwa los kom eni, ä wis kom yin kom tiu luñšom fwas nu we.

19 El fwak ma iñi, in akulinye miše ſu el fwa oru mwolanu sel God. Ä ke el

OREKMA, 1.

fwak ma iñi, el fwak nu sel,
Fwas tukuk.

20 Na Piter tapula, liye
met lutlut šu Jisus el luñsel,
fwas tuk; à el šu fuñla nu
in imwel ke supper, à fwak,
Leum, el šu fwa tukakin
kom yuk?

21 Ke Piter liye'l, el fwak
nu sel Jisus, Leum, mea met
iñi oru?

22 Jisus el fwak nu sel,
Ña fwin luñsik tu el mutanu
nu ke ña tuku, mea nu šum?
Kom fwas tukuk.

23 Na kas iñi šom na yurin
ma lel, tu met lutlut iñi fwa
tiu miše; à Jisus el tiu fwak
nu selos, El a tiu miše; tu,
Ña fwin luñsik tu el mutanu
nu ke ña tuku, mea nu šum?

24 ¶ El iñi met lutlut šu
orek ma lo ke ma iñi, à el
simisla ma iñi: à kut etu tu
ma lo lal payi.

25 Á kutenu ma puspis pe
ma Jisus el oru, ma kut fwin
simisla nu kemwu, ña menu
mu fwalu tiñtiñinu buk ma
simisla. Amen.

OREKMA LUN MET ŠAP.

ŠAPTER 1.

O TEOPILUS, buk si meta
ña oru ke ma nu kemwu
ma Jisus el mutamwauk in
oru à lutí, 2 nu ke len si
utukiuk el, tukin pal si El
sap tari ke Nun Mutal nu
sin met sap šu El es meta.

3 Á tukin pal si ke el miši
El sifwanu luto'l nu selos ke
akul puspis šumwos, elos
liye'l len añaul, à El kaskas
kutu mao ke togusaï lun
God: 4 à elos tukeni nu yu-
rol, El sap nu selos tu elos
in tiu šom liki Jerusalem, à
tupon tukakunañ lun Papa,
ma komwos loñ keik.

5 Tu payi met Jon el bap-
taisla ke kof; à komwos a
fwa baptaisla ke Nun mutal
tiu len puspis tuk.

6 Tu ou iñi ke elos tuke-
ni, elos siyuk Sel, fwakañ,
Leum, ya ke palsi'ñi Kom
siefwil folokunak togusaï lun
Israel?

7 Á El fwak nu selos. Tiu
ma lomwos in etu pal à pulon
ma Papa el likiye in kuenu
Lal.

8 Á komwos fwa es ku tu-
kin pal si Nun Mutal tukunu
fwomwos; à komwos a fwa
met lo sik nu in Jerusalem,
à yin Judea nu kemwu, à yin
Samaria, à yin lüsella fwalu.

OREKMA, 1.

9 Ā ke elos kaskas ma iñi tari, ke elos liye, utukiuk El; à pukunieñ si as al liki mutualos.

10 Ā ke elos šuiye nu in kosao ke El šom, liye met luo tu yurolos in nuknuk fwosfwos; à etal fwak, 11 Komwos met Galili, efwo komwos ku tu šuiye nu in kosao? Jisus iñi etukiuk liki komwos nu in kosao, El a fwa tuku oanu komwos liye'l šom nu in kosao.

12 ¶ Na elos foloko nu Jerusalem liki eol pañpañ Olivet, apkurun Jerusalem oanu fwas ke len sabbat.

13 Ā ke elos tuku nu lü tari, elos utsyuk nu in siefokil lüñ yin Piter, à Jemes, à Jon, à Andru, Filip, à Tomas, Bartolomu, à Mattu, Jemes nutin Alfeus, à Simon Zelotes, à Judas ma lel Jemes elos mutu we.

14 Elos nu kemwu nunok-sugo-wunnu ke šikalaninu siukye, wi mutan, à Merikiel Jisus, à wi met lel.

15 Ā in len iñi Piter el tuyuk in maslon met tumun luti, à fwak, (oaoa elos šu-tukeni oanu siefok-loñol).

16 Met lili, enenu tu ma šiinusla iñi payikin, ma Nun Mutual ke olin Devid fwak met ke Judas, el šu kol olos šu es El Jisus.

17 Tu el wi kit oaoala, à es kutu me orekma iñi.

18 Tu ke ma iñi met si iñi el mol ima si ke kukakin ma koluk; à putatla wis siufwe, el fugūlik siel, à kwanon nu kemwu raki.

19 Elos nu kemwu šu mutu Jerusalem etu ma iñi, oanu tu elos pañpañ ima si iñi, in kaskas lalos, Aseldama, oanu ma fwak, Ima lun sa.

20 Tu šimla in buk Psalm, Lela lom sel in pusin ma, à lela tu wañin met mutu lü; à, lela sienu met es me orekma lal.

21 Ke ma iñi šu sin met iñi šu wi kit pal e nu kemwu ke Leum Jisus fwafwasyus lü lik yuros, 22 mutamwauk ke baptais mi lun Jon, nu ke len si utakla El liki kit, mwo kut pokiyie sie tu el met lo yuros lun ma siefwil molyuk.

23 Ā elos šulüla luo, Josef pañpañ Barsabas, šu mwulal Justus, à Mattaias.

24 Ā elos pre, à fwak Leum, Elos etu inšien met e nu kemwu, lutu šu ke seltal Elos es, 25 tu el fwa es kutu me orekma iñi à me sap iñi, ma Judas el putatla liki ke koluk, tu el fwa šom nu yin sel.

26 Ā elos šuñ fwó lalos; à oayuñ nu sel Mattaias; à Elos oakulañ nu ke sie-nul-sie met sap.

SAPTER 2.

A KE len Pentekost fwolnu, elos nu kemwu tukeni nu sie an nunok sugowunu.

2 Ā pusra si tiku in kosaoemi pūspūs oanu kušan eñ lulap, ā tiñilyenu lom elos mutu we.

3 Ā lo siñalik oanu e sikmi nu selos, ā mutu fwin sie sin sie.

4 Ā elos nu kemwu seslanu ke Ñun Mutal, ā mutamwauk in kaskas ke kutenu lo, oanu Ñun oru nu selos in kas.

5 Ā met Ju, met mwo, mutun an nu kemwu ye kosaoemi, elos mutu Jerusalem.

6 Ke pusra si iñi kašak, met puspis tukeni, ā elos toninfoñ, tu met nu kemwu loñ olos kaskaskin kas lalos.

7 Ā elos nu kemwu lut, ā mañolñola, fwak nu sin sie sin sie, Liye, ya elos nu kemwu šu kaskas tiu met Galili?

8 Ā fuka kem nu kemwu loñ in lo lumem, yin kem isüsla we?

9 Met Partia, ā met Media, ā met Elam, ā elos šu mutu yin Mesopotamia, ā yin Judea, ā Kapadosia, yin Pontus, ā Asia, 10 Prišia, ā Pampulia, yin Isip ā yin

kutu an Libia apneni Kurenne, ā metša lun Roma, met Ju ā met forla, 11 met Kret, ā met Arabia, kem loñ olos kaskas in lomein me orekma lulap lun God.

12 Ā elos nu kemwu lut, ā ninukunla, fwakañ nu sin sie sin sie. Mea si iñi?

13 Kutenu aksriksrik ā fwak, Met iñi elos kūp ke wain Šašu.

14 ¶ Ā Piter, ke el tuiuk yurin sie-ñul-sie, el strukak pusrat, a fwak nu selos, Komwos met Judea, ā nu kemwu šu mutu Jerusalem, mwo komwos etu ma iñi, ā poroño kusak: 15 tu elos iñi tin spuï, oanu komwos nunku, tu auu si aktolu ke len.

16 Tu ma iñi ma Joel, met palu, el kaskas ka; 17 ā God el fwak, Ma iñi te oru in len safla, Na a fwa okoiot Ñunik nu fwin ikwe nu kemwu; ā mwen nutum ā an nutum Elos a fwa polyi, ā met mogul fwus lomwos elos a fwa liye arurumu, ā met inatu lomwos elos a fwa memei memi.

18 Ā in kutu len iñó Na tufwa okoiot Ñunik on fwin met kulanšap mogul luk, ā met kulanšap mutan luk, ā elos tufwa polyi.

19 Ā ña tufwa oru menmen in kosao lüñ, ā akul on fwaluten: sa ā e, ā okun kulas.

20 Å fwatu a fwa ekla los, à malem ekla sa, met len lulap si à menmen si lun Jeova a fwa tuku tuk.

21 Å a fwa ma iñi, tu el šu ali nu ke El Jeova el a fwa mol.

22 Komwos, met Israel, loñ kas iñi; Jisus lun Nazaret, met si God El aksumwosyeot nu yuromwos ke kuu à menmenu à akulu, ma God El oru ke'l in maslomwos, oanu komwos ſifwanu etu; 23 Tule'lot ke papu à etenu lun God, komwos as el, à ke pon koluk uni on ke šaksiñ sugo à onela.

24 God El akmolye'lak, ke tulala mwaiokun miši met, tu a tiu ku in sruki'lye.

25 Tu Devid el kaskas ke'l, Na liye Jeova pal e nu kemwu ye mutuk; tu El on le pok leyut, tu ñun tiu mogukù.

26 Ke ma iñi išiuk eñunak, à louk inšimwowo; kutepe tu ikuk à fwa moñla in fwensok.

27 Tu Kom à tiu likie ñunik in hell, à tiu fuleot Ma Mutual Lom in liye ma kolak.

28 Met Kom lutu nu sik inganek mol; Kom a fwa ore yu tiñtiñinu eñun ke muton.

29 Met lili, lela ña in kaskas nu šumwos lem tulaiuk ke papa Devid, tu el miši à

pukpuki, à inkulyuk sel os yuros nu ke len si iñi.

30 Ke ma iñi el met palu, à etu tu God el fulak ke fulak nu sel, tu ke futen inšiel ke ikwe, El fwa akmolye'lak Kraist, tu El mutu on niñ mutu lal; 31 ke liye ma iñi met, el kaskas ke molyuk lun Kraist, tu ñunal tiu fili nu in hell, à ikwe'l tiu liye kolak.

32 God El akmolye'lak Jesus iñi, à kut nu kemwu met lo ke'l.

33 Ke ma iñi le paul leyut sin God srukulak, à El es sin Papa mwuleuñ lun Nun Mutual, El okoit ma iñi, ma komwos liye à loñ iñi.

34 Tu Devid el tiu utiuk nu in kosao; à el ſifwanu fwak, Jeova el fwak nu sin Leum luk, Kom mutu on le pok leyut, 35 nu ke pal si ña orek met mwesral laño ye nium.

36 Ke ma iñi lela sou lun Israel nu kemwu in etu ma šumwos, tu God el oru Jisus iñi, šu komwos uni'lye on ke šaksiñ sugo, tu El Leum à Kraist.

37 ¶ Å ke elos loñ ma iñi šuñ inšielos, à elos fwak nu sel Piter à nu sin kutenu sin met šap, Met lili, mea kem a oru?

38 Na Piter el fwak nu selos, Komwos auliyuk, à

OREKMA, 3.

baptaisla koinwos nu ke mwu in Êl Jisus Kraist ke sisla ma koluk, à komwos tufwa es ma suñ lun Nun Mutual.

39 Tu mwuleuñ ma nu šumwos, à nu sin tulig nutumwos, à nu selos nu kemwu šu mutu lüsla, à nu selos nu kemwu šu Leum God las El tufwa pañon.

40 À ke kutenu kas puspis el luti ma lo à kaiyuk, fwa-kañ, Komwos ſifwanu moli komwos liki fwil koluk si iñi.

41 Na elos šu eñun in es kas lal, elos baptaisla; à ke len si iñi elos ſifwauk oanu met tol-šin.

42 À elos mutu ku in luti à luñ lun met ſap, à in kun-ſalik bred, à in pre.

43 À ſañeñ tuku nu fwelos nu kemwu; à met ſap elos orek menmen à akul puspis.

44 À elos nu kemwu šu lalalfuñi tukeni mutu, à toe ni nu kemwu ma lalos.

45 À elos kukakunla fwal lalos à ma lalos, à kitelik nu selos nu kemwu, oanu met e nu kemwu enenu.

46 À piñanu len ke nunok sugo wunu in tempel, à kun-ſalik bred in lom lalos, elos inoño me mono nelos ke eñun à payi inſielos, 47 kak-ſakin God; à luñ lun met e nu kemwu yurolos. À

Leum El filfil nu ke ſurš piñanu len elos ſu fwa mol.

SAPTER 3.

K E sie pal Piter à Jon eltal tukeni fwasyuk nu in tempel ke auu si lun pre, auu akeu.

2 À sie met nuno ul ke isūsla utukla à elos fili'lye piñanulen nu ke mutun oaoa lun tempel pañpañ Mwonu, tu el siyuk me pakomutu nu selos ſu utiuk nu in tempel.

3 Ke liye'ltal Piter à Jon, apkurun utiuk nu in tempel, el siyuk seltal me pakomutu.

4 À Piter el sui'lye wi Jon, à fwak Netmu nu sital.

5 À el loñ oltal, nunku mu el tufwa es kutu ma seltal.

6 Na Piter el fwak nu sel, Wañin silver à gol yuruk, à ma nu luk ñia siot nu ſum; In Êl Jisus Kraist lun Nazaret kom tuyuk à fwas.

7 À el srukie le paul leyut, à srulkulak; à kiten misiñi niel à sri in akonkonon niel kela.

8 À el sroauk tu, à fwas, à oelultal utiuk nu in tempel, fwas, srosro, à kaksakin God.

9 À elos nu kemwu liye'lfwafwasyis à kaksakin God: 10 à elos eta'l tu el iñi el ſu mutu ke pakomutu nu ke mutun oaoa mwonus lun tempel; à elos tiñtiñinu ke

OREKMA, 3.

fwefwela à lut ke ma te oru
nu sel.

11 ¶ Á ke el su ul kela
sruki'lye Piter à Jon, met e
nu kemwu kasus tukeni nu
yurolos in sraumwalsis pañ-
pañ Solomon, fwefwela ma
lulap.

12 Á ke Piter el liye, el tu
pokoanu nu sin metu, Ko-
mwos met Israel, efwo ko-
mwos ku fwefwela ke ma
iñi? ka efwo komwos ku
sui kiti, oanu tu ke ku à
mutal las kut orek met si iñi
in fwas?

13 God lun Abraam, à lun
Aisaak, à lun Jekob, God
lun papa tuinas, El akmolye-
lak Mwen natal Jisus; su
komwos as'ot, à lafwekun al
ye mutal Pailat, ke el nunku
in tula'la.

14 Á komwos lafwekin Ma
Musal à Ma Payi, à kenu
lun as'ot met akmus nu yu-
rumwos; 15 à komwos uniye
Leum lun mol, su God el
akmolyauk yin miše mi,
kem met lo ke.

16 Á El, ke lalalfuñi in
El, orek met si iñi ku, su
komwos liye à etu: aok la-
lalfuñi ke El añañ nu sel ku
nu sumwosmwos ye muto-
mwos nu kemwu.

17 Á iñi ma lili, ña etu tu
komwos oru ma iñi ke ninu-
kin, oapanu leum lomwos.

18 Á ma iñi ma God El

polyi met ke olin met palu
nu kemwu lal, tu Kraist El
tufwa keok, o iñi El payikin.

19 Ke ma iñi komwos au-
liyuk, à forla, tu ma koluk
lomwos fwa Ella, ke pal in
mwola a fwa tuku ye mutun
Leum mi; 20 à El tufwa
sipaot Jisus Kraist, su lutiyuk
nu sumwos met; 21 su
kosao fwa es nu ke pal lun
akmolyauk ma nu kemwu,
ma God El kaskas ke olin
met palu mutual lal nu ke-
mwu, yin mutamwauk fwalu
nu iñi.

22 Tu payi ma Moses el
fwak nu sin papa, Jeova
God lomwos El tufwa ak-
molyauk Met Palu nu sum-
wos sin ma liumwos oanu
ña; komwos tufwa loñ ol
ke ma nu kewwu El tufwa
fwak nu sumwos.

23 Á ma fwa te oru, tu
nunin met nu kemwu, su a
tiu loñ Met Palu iñi, fwa
kanawis la liki metu.

24 Á met palu nu kemwu
ke Samuel mi à elos su tukol,
aok elos su kaskas, elos pol-
ye pe ke len iñi.

25 Komwos tulig nutin met
palu, à nutin mwuleuñ ma
God El oru nu sin papa tu-
mus, ke El fwak nu sel
Abraam, Á in fute lom ña
fwa orek sou nu kemwu
fwalu inshi mwowo.

26 Nu sumwos met, God

OREKMA, 4.

El akmolyauk Mwen natal Jisus tari, El sipaot in ak-mwoye komwos, ke furok komwos la nu kemwu liki ma koluk lomwos.

ŠAPTER 4.

A KE elos kaskas nu sin metu, met tol, a kaptin lun tempel, a met Saddusi, elos tuku nu fwelos, 2 mulat tu elos luti nu sin metu, a tafwu ke Jisus molyuk yin miše mi.

3 A elos sruk elosi ke pa-ulos, fulé'losi nu in prison nu lutu, tu pal si iñi ekela.

4 A ma puspis selos su loñ kas elos lalalfuñi; a pišen metu oanu limu.

5 A ma te oru ke lutu, tu met leum lalos, a met elder, a met sim, 6 a Annas met tol fulat, a Kaiafas, a Jon, a Aleksander, a elos lun sou lun met tol fulat, elos tukeni nu Jerusalem.

7 A ke elos file'losi inful-we, elos siyuk, Ka ku su, ka e su, komwos orek ma iñi ?

8 Na Piter, tiñtiñinu ke Nun Mutal, el fwak nu se-los, Komwos leum lun metu, a met elder lun Israél, 9 ko-mwos fwin siyuk ses len si iñi ke mwo oru nu sin met ul, ke mea el kelanu; 10 lela komwos nu kemwu, a met nu kemwu lun Israel in

etu, tu ke El Jisus Kraist lun Nazaret, su komwos uni'lye on ke saksiñ sugo, su God El akmolyauk yin miše mi, aok ke El met si iñi el tu ye mutomwos kelanu.

11 El iñi eot si ma komwos met muša sisila, El mutun sumwosrik.

12 A wañin me mol ke sienu; tu wañin sienu E ye kosao eyeyuñ nu sin metu, kut tufwa mol ka.

13 A ke elos liye pulaik lun Piter a Jon, a etu tu eltal tiu lutlut a met silakuñ, elos lut; a elos etu tu eltal yurin Jisus met.

14 A elos liye met si kela tu yuoldtal, elos koflanu fwak lain mao.

15 A ke elos ſap tu elos ſom liki mwolil, elos ſifwanu papu, 16 fwakañ, Mea kut oru nu sin met iñi ? tu men-men lulap si elos orala, met nu kemwu su mutu Jerusalem elos etu; a kut koflanu fwak sito.

17 A tu ma iñi tiu fwaselik kutu yurin metu, mwo tu kut kaï elos la me ſumwos-mwos, tu elos in tiu kas tuk nu sin sie met in E iñi.

18 A elos pañnoltal, a ſap nu seltal in tiu fwak kiton ma ſisik a lutu in El Jisus.

19 A Piter a Jon eltal tul-pokoñañ a fwak nu selos, Komwos nununku la payi

ku sito tu ketal loñ komwos
yokliki God.

20 Tu ketal koflanu tiu
fwak kutu ma ketal liye met
ä loñ.

21 Ä ke elos siefwil pe kai
elos tari, elos tula'los la, tu
ke metu elos koflanu ko-
noiok fuka ma in unelos la:
tu met e nu kemwu kakša-
kin God ke ma orekla.

22 Tu met si yutunyuk yiu
añaul matu, su kela ke men-
men si iñi.

23 ¶ Ä ke tulala tari elos
som nu yurin met lalos, ä
fwakak ma nu kemwu ma
met tol fulat ä met elder
fwak nu selos.

24 Ä ke elos loñ ma iño,
elos strukak pusrilos nu sie
nu sin God, ä fwak, Leum,
Elos God, su orala kosao, ä
fwalu, ä mwea, ä ma nu ke-
mwu lu; 25 su fwak met ke
olin met lolos Devid, Efwo
met Pegan ku koskusok, ä
met elos nunku ma pusa?

26 Togusa lun fwalu elos
tuiuk, ä leum elos tukeni
lain Jeova, ä lain Kraist lun.

27 Tu payinu, Herod, ä
Pontius Pailat, wi met Pe-
gan, ä met Israel, elos tukeni
lain tulig mutual natolos Ji-
sus, su Elos mwolak, 28 tu
elos oru ma paulos ä papu
lolos nunku u-met in oru.

29 Ä iñi, Leum, Elos liye
kaiiyuk lalos; ä oru nu sin

met lolos, tu ke pulaiik lu-
lap elos in fwak kas lolos,
30 ke sralot paulos tu in
kela; ä tu akul ä menmen
fwa orala ke tulij mutual na-
tolos Jisus.

31 Ä ke elos pre tari, an
elos tukeni we kusüsyuk; ä
elos nu kemwu tiñtiñinu ke
Nun Mutual, ä elos pulaik in
fwak kas lun God.

32 Ä ma puspis selos su tu-
keni lalalfuñi ä insie siewunu,
ä ñun siewunu, tu wañin
sie selos fwak kutu ma lal,
ma lal mugenu, tu ma nu
kemwu ma lalos.

33 Ä ke ku lulap met sap
elos lo ke molyuk lun Leum
Jisus; ä luñ lulap on fwelos
nu kemwu.

34 Tu wañin sie selos wa-
ñin ma la: ä elos su fwal
lalos ku lom selos elos kuka-
kin, ä wis me mol ma kuka-
kin ka, 35 ä likiye mao nu
ke niel met sap: ä elos kite-
lik nu sin met nu keinwu
oanu elos enenu.

36 Ä Joses, su met sap elos
mwulal Barnabas, (ma ta-
fwu, mwen nutin akmwo
yauk,) met Livai, ma yin
Saiprus, 37 fwal lal, el ku-
kakunla, ä wis moni, ä liki-
ye mao nu ke nien met sap.

SAPTER 5.

A SIE met è Ananaias, wi
A Sapfaira mutan kiel, el-

tal kukakunla sie an, 2 à mwukunla kutu me mol, mutan kiel ete pe, à wis kutenu, à likiye nu ke nien met sap.

3 À Piter el fwak, Ananaias, Efwo Setan el ku nakla inšium tu kom kiapala Nun Mutal, à mwukunla kutu me mol lun annu?

4 Ya ke onnu tiu ma lom? à tukin pal si kukakunla yatiu in ku lom? efwo kom ku nunkauk ma iñi inšium? kom tiu kiapala nu sin met, tu nu sin God.

5 À Ananaias ke el loñ kas iñi el putatla, à miše. À sañefi lulap tuku nu fwełos nu kemwu su loñ ma iñi.

6 À met fwus elos tuyuk, srukmulani, à wis el la, à pukini'lye.

7 À oanu auu tolu tuko, kemutan kiel, ninükkin ma orala, el ilyuk.

8 À Piter el tupokoñañ nu sel, Oramu nu sik komtal la kukakuña an ke ma iñi ku sito? À el fwak, Aok, ke ma iñi.

9 Na Piter el fwak nu sel, Efwo komtal ku tukeni nunku in srifwe'l Nun lun Leum? liye, nielos su pukini'lye met tumom pu mutun oaoa, à a fwa wis kom la.

10 Na kiten misiñi el putatla ke niel, à miši: à met fwus elos ilyuk, à elos konoi-

lok la miši, à wis al ot, pukini'lye nu ke met tumal.

11 À sañefi lulap tuku nu fwin šurš nu kemwu, à nu fwełos nu kemwu su loñ ma iñi.

12 À met sap elos oru akul à menmen puspis ke paolos yurin metu. (À elos nu kemwu mutu in sraumwasis lun Solomon ke nunok sugo wunu.

13 À sin kutenu wañin met pulaik in ſifwanu oelulosyuñ: tu met kaksakin olos.

14 À kutepe met lalalfuñi oeñi nu sin Leum, ma puspis sin mogul à sin mutan.)

15 Oanu tu elos wis met mas nu inganeku, à fil'elosi on fwin kilüs, à me mutu, tu ñunñunal Piter ke el fwas alukela fwa luliye kutu selos.

16 À ma .puspis pe elos tuke liki siti apneni Jerusalem, wis met mas, à elos su keok ke ñun fokfok; à elos nu kemwu kela.

17 ¶ Na met tol fulat tuyuk, à elos nu kemwu su oelul (un met lun Saddusi) à elos tiñtiñinu ke mulat. 18 à sruuk olosi met sap, à fil'elosi nu in prison.

19 À lipufon lun Leum ke foñ el igasla mutun oaoa lun prison, à wis elos la, à fwak, 20 Komwos šom, tu a kas-kas in tempel nu sin metu kas nu kemwu lun mol iñi.

21 Á ke elos loñ ma iñi, elos ilyuk nu in tempel ulutue, á luti. Á met tol fulat el tuku, á elos šu oelul, á pañnuni met papu, á met matu nu kemwu sin nutin Israel, á sipaot nu prison in wis elos mi.

22 Á ke met rošo elos tuku, á tiu konoilosyuk nu in prison, elos folokla, á luti, 23 fwakañ, Payi kem konoik prison kauli ku, á met ſan elos tu likin mutun oaoa: á ke kem igasla, kem tiu konoik sie met lú.

24 Á ke met tol fulat á kaptin lun tempel á met tol elos loñ ma iñi, elos nükin ke'los ma kapak ia ma iñi.

25 Na sie tuku á oraun nu selos, fwakañ, Liye, met ſu komwos likiye nu in prison, elos tu in tempel á luti nu sin metu.

26 Na kaptin wi met rošo elos ſom, á wis elos tiu upa; tu elos ſañeñ sin metu a fwatuñla'los.

27 Á ke wis elos mi, elos mutañ olosi ye mutun met papu; á met tol fulat el siyuk nu selos, 28 fwakañ, Ya kein tiu ſap nu ſumwos nu ſumwosinwos, tu komwos in tiu luti in È iñi? á, liye, komwos nakla Jerusalem ke lutlut lomwos, á nunku tu komwos wisi sa'n met si iñi nu fwes.

29 Na Piter á kutenu met ſap elos tupokoañ á fwak, Mwo tu kem akos God yok liki metu.

30 God lun papa tumus El akmolyauk Jisús, ſu komwos uniye á sripusak on ke ſaku.

31 God El orallak ke le pañl leyut tu El Leum á Laño, tu El ſuñ aaliyuk nu sin Israel, á nunok munas ke ma koluk.

32 Á kem met lo lal ke ma iñi; á ouyape Nun Mutal, ſu God El ſuñ nu selos ſu'akos.

33 Ke elos loñ ma iñi, fokisie insielos, á elos papu in unelos la.

34 Na sie tuyuk in un met papu, el met Farisi, è Gafamliel, met luti ke manu, met nu kemwu kaksaknal, el oru lun sipala met ſap kiten pal; 35 á fwak nu selos, Komwos met Israel, komwos ſifwanu liye komwos yuñ ma komwos nunku in otu nu sin met iñi.

36 Tu met len iñi, Teudas el sikuñ, ſifwanu kaksakun al; oanu met añ foko elos oelulañ: el anwuki; á nu kemwu ſu lajalfuñol elos fwaselik á wañinla.

37 Tukin met si iñi Judas lun Galili el sikuñ ke len oaoa, á el painla met puspis tukol: el pe anwuki; á nu

OREKMA, 6.

kemwu ſu lalalfuñol, elos fwaselik..

38 Ā iñi ña fwak nu ſumwos, Fwas liki met iñi, nimit oru nu ſelos; tu fwin papu iñi ku me orekma iñi ma lun metu, ma tufwa waninla : 39 & fwin ma lun God, komwos koſlanu kana-wisla ; fwin ou iñi komwos tufwa meun lain God.

40. Ā elos nunka'l pe : & ke elos pañolos mi met sap, & ſruñlulos tari, elos ſap tu elos in tiu kas in El Jisus, & tulalosla.

41. Ā ke ma iñi elos fwas liki ye mutun met papu, eñun tu fulerlosyuñ in keok ke El.

42. Ā piñanu len in tempel, & in lom nu kemwu, elos tiu sisla lutti & fwakulak Jisus Kraist.

SAPTER 6.

IN len iño, ke oaoala A met lutlut pusliki, met Grik elos torkaskas lain met Heberu, tu elos tiu liauñ met kotiñmas lalos ke kitakot piñanu len.

2 Na met sie-nul-luo elos pañon mu met lutlut puspis, & fwak, Ā tiu mwo tu kem likiye kas lun God & oru nu ke tebue.

3 Ke ma iñi, ma lili, komwos, ſokak kutu ſumwos met itkos ma met fwak

mwo, tiñtiñinu ke Nun Mutual & lalmetmet, ſu kem fulen nu ke me orekina iñi.

4 Ā kem ſifwanu orek kem nu ke pre, & nu ke orekma ke kas.

5 Ā elos nu kemwu eñun ke kas si : & elos srella Stefen met si tiñtiñinu ke lalalfuñi & Nun Mutual, & Filip, & Prokorus, & Nikenor, & Timon, & Parmenas, & Nikolas met forla lun Antiok ; 6 elos fulerlosi ye mutun met ſap : & ke elos pre tari, elos filiye po nu fwelos.

7 Ā kas lun God yokoilik ; & oaoala met lutlut pusliki ma lulap in Jerusalem ; & met puspis sin met tol elo akoš ma lalalfuñi.

8 ¶ Ā Stefen, tiñtiñinu ke lalalfuñi & ku, el orek akul & menmen lulap yurin metu.

9 Na kutu sin imwen loñok, pañpañ Libertins, & sin met Sairinia, & sin Aleksandria, & elos sin Silišia, & sin Ašia, elos akukain yurol Stefen.

10 Ā elos tiu ku in fwunkulla lalmetmet & ñun ma el kaskas ka.

11. Na elos akkiap elos la kutu met ſu fwak, Kem loñol in kas kutu kas ko lain Moses, & lain God.

12 Ā elos pauk metu, & met elder, & met ſim, & tuku

nu fwe'l, à sruki'lye, à wis el la yurin met papu, 13 à elos orauk met lo sito, su fwak, Met si iñi el tiu misla in kas ko lain an mutal si iñi, à manu ; 14 tu kẽm loñ ol fwak, tu Jisus iñi lun Nasaret El tufwa kanawis la an si iñi, à fwa aola manu ma Moses el aši nu ses.

15 Á elos nu kemwu šu mutu in mwolil ūetañ su ilye, liye mutal oanu mutun lipufon.

ŠAPTER 7.

NA met tol fulat el fwak,
Ya ou ma iñi ?

2 Á el fwak, Met lili, à papa, komwos poroño ; God mwolanu El sikmi nu sin Abraam papa tumas, ke el mutu yin Mesopotamia met el mutu Karran tuk, 3 à fwak nu sel, Kom fwala liki an ūum, à liki sou lom, à tuku nu fwal si Na fwa lutu nu ūum.

4 Na el tuke liki fwal lun met Kaldea, à el mutu yin Karran : à iñi mi, ke papa tumal misi tari, El wis al la nu in fwal si iñi, yin komwos mutu we iñi.

5 Á El tiu ašuñ nu sel kutu ma we, tiu an fwol kul on we : à El mwuleuñ tu El fwa ūuñ nu sel tu ma lal, à nu sin fute lal tukol, ke pal si wañin tulig natal.

6 Á God El fwak ou iñi, Tu fute lal fwa mutu yin fwal sa ; à elos fwa ora'los in kos, à orek ma koluk nu selos yiu añfuko.

7 Á togusaï ūuora'los in kos God El mu, Na fwala elos la : à tukin palša elos tufwa fwas liki, à oru nu sik yin si'iñi.

8 Á El ašuñ nu sel mwuleuñ lun kosraok : à ke ma iñi Abraam el oswela Aisaak, à kosroela ke len si ak oalkos ; à Aisaak el oswela Jekob, à Jekob el oswela ma sie-ñul-lus met lupu.

9 Á met lupu, ke elos ūok sel, elos kukakunul la Josef nu yin Işıpt : à God el oelul, 10 à as al liki añnol nu kemwu, à aši nu sel lun à lalalmet ye mutal Faro togsa lun Işıpt ; à el ora'l in Leum lun Işıpt à ma nu kemwu in lom sel.

11 Á sral tuku on fwal nu kemwu Işıpt à Kanaan, à añañ lulap : à papa tumas elos tiu konoiok kutu me moño.

12 Á ke Jekob el loñ tu os korn in Işıpt, el sipaot papa tumas met.

13 Á ke pal si akluo lutauñ Josef nu sin met lel ; à lotauñ sou lal Josef nu sin Faro.

14 Na Josef el sipaot, à pañnol mu Jekob papa tu-

mal, à sou lal nu kemwu, met itñul-limikos.

15 Ou iñi Jekob el oatnu Isipt, à miši, el, à papa tumas, 16 à utukla elos nu Saikem, à filiye nu inkulyuk ma Abraam el molüla sin mwen nutin Emmor tumun Saikem ke kutu monni.

17 Á ke pal si lun mwuleuñ a tuku, ma God el fulak nu sin Abraam, met elos kapak à puspisla in Isipt, 18 na ke sienu togusa sikyuk su tiu eta'l Josef.

19 El iñi srifwenu met las, à orek ma koluk nu sin papa tumas, oanu tu elos sislanu tulig fwus natalos, ou tu elos in tiu mol.

20 Ke pal si'ño Moses el isüsla, à el mwo lanu, à katitiuk el in lom sin papa tumal malem tolu.

21 Á ke sis el la, an nutin Faro el sruklulak, à liye'lañ oanu tulig natal.

22 Á Moses el lalmetmet ke lalmetmet nu kemwu lun met Isipt, à ku ke kas à ke me orekma.

23 Á ke el oanu yiu añaul matu, ma on inšiel tu el som nu sin met lel ma nutin Israel.

24 Á ke el liye sie selos el keok ke tiu payi, el wilein el su munas, à uni'lye met Isipt.

25 Tu el nunku tu met lel

elos fwa etu fuka ma God ke paul fwa suñ in es elos la; à elos tiu etu.

26 Á len si tuko el sifwanu lotö'l nu selos ke elos anwuk, à kenu ora'los in misla, fwakañ, Met, komtal tamulel; efwo komtal ku orek koluk sie sin sie ?

27 Á el su orek ma koluk nu sin ma lel, el Sinakunal, fwakañ, Su orek kom leum à met nununku fwe kit ?

28 Ya kom luñsom uni yu wi ou koñ uni'lye met Isipt fiyo ?

29 Na Moses el kaiñla ke kas si'ñi, à el metša yin fwal Midian, yin el oswela mwen luo.

30 Á ke yiu añaul som tari, lipufon lun Leum sikmi nu sel yin musrasra lun eol Sainai in e furur in kupo.

31 Ke Moses el liyauk, el lut ke mao : à ke el kolikiuñ in liye, pusren Leum tuku nu yurol, 32 fwakañ, Na God lun papa tumom, God lun Abraam, à God lun Ai-saak, à God lun Jekob. Na Moses el rarrar, à tiu pulaik in liye.

33 Na Leum el fwak nu sel, Esla faluk liki niuum, tu yin kom tu wean, fwal mutual.

34 Na liye, Na liye ma añauñ lun met luk su mutu Isipt, à Na loñ sao lalos, à

Na oatuwi in as alos la. Ä iñi fwasu, Na sipe kom la nu Işıpt.

35 Moses iñi šu elos sañes, fwakañ, Šu orek kom leum ä met nununku? el iñi God El sipaot tu el leum ä met laño ke pon lipufon ſu sikmi nu sel in kupo.

36 El wis elos la, tukin pal si ke el orek menmen ä akul in fwal Işıpt, ä in mwea sisa, ä yin an mesis yiu añaul.

37 Moses iñi el ſu fwak nu sin tulig in Israel, Leuin God lomwos El tufwa orauk sie Met Palu nu ſumwos sin ma liumwos, oanu ña; komwos tufwa loñol.

38 El iñi El ſu in ſurš yin mesis yurin lipufon ſu fwak nu sel fwin eol Sainai, ä yurin papa tumas: ſu es kas mol in aña nu ſes.

39 Papa tumas elos tiu aksol, ä sis el la luk elos, ä inſielos siefwil folokla nu in Işıpt, 40 fwakañ nu sel Aron, Kom orek god nu ſes in fwas ye mutas: tu Moses iñi ſu wis kit la liki fwal Işıpt, kut nukin el aiya.

41 Ä in len iñō elos orek kaf, ä aña kiſeella nu sin aidol, ä elos eñun ke me orekma lun paulos.

42 Na God El forla, ä as alos in ali nu sin u ma in kosao; oanu ma ſim in buk

luñ met palu, O komwos met Israel, ya komwos aña nu Sik kosro uniye ä kiſe ke yiu añaul yin mesis?

43 Aok, komwos ſrukak lom lun Molok, ä itu lun god lomwos Remfan, me ſrulela ma komwos oru in ali nu ka: ä Na fwa wis komwos la likin yen Babylon.

44 Lom lun ma lo yurin papa tumas yin mesis, oanu El oru met ke El fwak nu sel Moses, tu el fwa orala mao oanu lumun el liye met.

45 Ma papa tumas ſu tuku tuk elos wi Joſua wis nu ke an sin met Pegan, ma God el lusla ye mutun papa tumas, nu ke ten lun Devid; 46 ſu konoiok lun ye mutun God, ä el kenu konoiok lom lun God lun Jekob.

47 Ä Solomon el muña lom Sel.

48 Tu Fulat Lanu El tiu mutu in tempel ma po oru; oanu met palu fwak, 49 Kosao niin mutu Luk, ä fwalu niin faluk Luk: lom ſu komwos tufwa muña Sik? Leuin El fwak: ku an ya Na moñla we?

50 Ya pok tiu oru ma iñi nu kemwu?

51 Komwos keiki kaiuw-mwos ä tiu kosroala inſiumwos ä sreumwos, pal nu kemwu komwos folokin Nun

Mutal: oanu Papa tumo-mwos, komwos ouyape.

52 Met palu su papa tumomwos tiu kolyai? a elos onelosi elos su polyi. Met Payi si su tuku; komwos iñi met tak a met akinus ke'l; 53 su es manu ke me orekma lun lipufon, a komwos tiu liauñ.

54 ¶ Ke elos loñ ma iñi fokisie insielos, a elos nali-seni mwuselos ke'l.

55 A el tiñtiñinu ke Nun Mutal, ssiye nu in kosao, a liye mwolanu lun God, a Jisus El tu fwin la po leyut sin God, 56 a fwak, Liye, na liye in kosao igakla, a Mwen nutin met El tu fwin la po leyut sin God.

57 Na elos wowoyuk ke pusra lulap, a fonosye sralos, a kasus nu fwel nunok sugo wunu, 58 a sis el la liki siti, a tuñ lal; a met lo elos likiye nuknuk lalos, ye niin met fwus si, el Soul.

59 A elos tuñ la'l Stefen ke el pre nu sin God, a fwak, Leum Jisus, es ñunik.

60 A el sikukmutuntiyuk a wowoyuk ke pusra'l lulap, Leum, tiu suñ ma koluk iñi nu selos. A ke el fwak ma iñi tari, el motul.

SAPTER 8.

A SOUL el nunok oanu ke misi lal. A ke pal si

iñi kolya lulap lain surš in Jerusalem; a elos nu kemwu fwaselik nu yin Judea a Samaria, met šap tiu wi.

2 A met mwo elos wis Stefen nu inkulyku, a elos orek asor lulap nu ke'l.

3 A Soul el kanaosla surš, ilyuk nu in lom nu kemwu, el amakin met mogul a inutan a fule'losi nu in prison.

4 Ke ma iñi elos su fwaselik som yin nu kemwu in lutikas.

5 Na Filip el oatuñ nu in siti lun Samaria, a lotoil Kraist nu selos.

6 A met puspis tukeni elos loñ ke nunok sugo wunu ma iñi ma Filip kaskas ka, loñ a liye menmen ma el øru.

7 Tu ñun fokfok, wowoyuk ke pusra lulap, elos tuke liki met puspis; a met puspis mas inatoltol, a ul, elos kela.

8 A eñun lulap in siti si iñi.

9 A sie met, pañpañ Simon, su orek šatal umet in siti si iñi, a aklutye met lun Samaria, el ſifwanu ora'l tu el sie met lulap.

10 Elos nu kemwu, ke elos srik nu ke elos matu, loñ ol, fwakañ, Met si iñi ku lulap lun God.

11 A elos loñ ol, tu ma patpat el akluti elos ke šatal.

12 A ke elos lalalfuñol Filip, ke el lotaun ma lun

togusaï lun God, à ma lun
El Jisus Kraist, elos baptaisla, met mogul à mutan.

13 Na Saimon el sifwanu lalalfuñi ; à ke el baptaisla tari, el mutu yurol Filip, à lut ke el liye akul à menmen lulap ma orala.

14 À ke met sap, su mutu Jerusalem, elos loñ tu Maria es kas lun God, elos sipaot nu selos Piter à Jon.

15 Ke eltal oatu tari, eltal pre ke'los, tu elos fwa es Nun Mutual.

16 Tu nu ke pal si iñi El tiu putatla nu ke sie selos : elos baptaisla in El Leum Jisus mugenu.

17 Na eltal filiye paultal nu fwelos, à elos es Nun Mutual.

18 À ke Saimon el liye tu ke filiye pon met sap, Nun Mutual etikiuñi, el suñ monni nu seltal, 19 fwakañ, Si nu sik pe ku iñi, tu on fwin suña filiye pok, el à fwa es Nun Mutual.

20 À Piter el fwak nu sel, Monni lom wi kom nu miši, tu kom nunku tu ma suñ lun God fwa kukakin ke monni.

21 Wañin kutu ma à wañin sie two lom in kas si iñi : tu inšium tui payi ye mutual God.

22 Ke ma iñi kom auliyuk ke ma koluk lom iñi, à pre

nu sin God, El a la ma koluk lom fwa nunok munas nu sum ku sito.

23 Tu ña liye tu kom in a menlanu, à in loluni koluk.

24 Na Saimon el tupokoñi, à fwak, Komtal siyuk sin Leum ke ña, tu wañin ma iñi ma komtal kas ka fwa tuku nu fwuk.

25 À ke elos orek ma lo a luti kas lun Leum tari, elos folokla nu Jerusalem, à luti mwo šašu inkal sisik puspis lun met Samaria.

26 ¶ À lipufon lun Leum el kaskas nu sel Filip, fwakañ, Kom tuyuk à som nu yin Eur, nu inganek oatuí Jerusalem mi nu Gaza, ma an mesis.

27 À el tuyuk à som : à liye, sie met Etopia, el yunuk leum sropu puspis sran Kandase kosoa lun met Etiopia, el liauñ niin fok nu kemwu ma lal, el tuku nu Jerusalem in ali tari, 28 el folokla ; à mutu fwin šariot lal el rid Esaias met palu.

29 Na Nun El fwak nu sel Filip, Kom kolikiuñi, à sifwanu wi fwas ke šariot iñi.

30 À Filip el kasus nu yurol, à loñ ol rid met palu Esaias, à fwak, Ya kom etu ma kom rid ?

31 À el fwak, Na ku fuka, fwin wañin met luti yu ? À

el kenu tu Filip lun sroauk
ā mutu yurol.

32 An in Baibel ma el rid
ma iñi, El kol la oanu šip
ke uni; ā oanu lamb el ſu-
loñkas ye mutun met kolkil,
ouyape el tiu oaliñalik oalul.

33 Ke fwokpap lal nu-
nunku lal as la: ā ſu fwak-
ot fwil lal? tu mol lal asla
liki fwalu.

34 Ā yunuk el tupok Filip,
ā fwak, Na siyuk ſum ke
ſu met palu kaskas ma iñi?
ke'l, ku ke sienu met?

35 Na Filip oaliñalik oalul,
ā mutamwauk ke ma ſimla
iñi, ā lutı Jisus nu sel.

36 Ā ke eltal ſom inek,
eltal tuku nu ke an kof on
we: ā yunuk el fwak, Liye,
kof iñi, mea ſruki yuwi in
tiu baptaisla?

37 Ā Filip el fwak, Kom
fwin lalalfuñi inſium ke-
mwu, mwo. Ā el tupok ā
fwak, Na lalalfuñi tu Jisus
Kraist Mwen natal God.

38 Ā el ſap ſariot in tui,
ā eltal oatu nu in kofo,
Filip ā yunuk; ā el baptais
el la.

39 Ā ke eltal fwasyuk liki
kofo, Nun lun Leum el wis el
la Filip, tu yunuk el tiu liye'l
tuk. Ā el ſom ineku eñun.

40 Ā konoiok Filip nu
Azotus. Ā fwas ſasla el
luti in siti nu kemwu, nu
ke el tuku nu Sesarea.

ŠAPTER 9.

A SOUL, ou meta oswek
kas ko ā akmus lain met
tumal lutlut lun Leum, el
ſom nu yurin met tol fulat,
2 ā siyuk sel letter nu Da-
maskus nu imwen lolñok, tu
el fwin konoiok kutu lun
inek si iñi, la mogul ma
mutan, el fwa kopuriye ā
wis elos nu Jerusalem.

3 Ā ke el ſom, el tuku
apkurun nu Damaskus; ā
kiten misiñi kalem in ko-
saoe mi ſarom apnulaini.

4 Ā el putatla nu in foko,
ā loñ pusra si fwak nu sel,
Soul, Soul, efwo kom ku
kolyaī yu?

5 Ā el fwak, Leum, ſu
elos an? Ā Leum el fwak,
Na Jisus el ſu kom kolyaī:
upa nu ſum tu kom futoñ
nu ke ma kosro.

6 Ā el rarrar ā mañolñol
fwak, Leum, mea Elos lun-
ſelos laut in oru? Ā Leum
El fwak nu sel, Kom tuyuk,
ā ſom nu in siti, ā a fwa lutı
nu ſum, ma kom fwa oru.

7 Ā met ſu oelul fwas, elos
tu misla, loñ pusra si, ā tiu
liye met.

8 Ā Soul el tuyuk in fokey-
uk; ā ke el ñutalik, el tiu
liye met. Ā elos kol ol ke
paul, ā wis el nu Damaskus.

9 Ā ke len tolu el tiu liye,
ā tiu moño ā tiu nim.

10 Ā sie met lutlut mutu Damaskus, ēl Ananaias;

Leum el fwak nu sel in arurumu, Ananaias. Ā el fwak, Leum, liye, elu ñao.

11 Ā Leum el fwak nu sel, Kom tuyuk, à som nu sie inek pañpañ Šumwos, à siyuk in lom sel Judas ke sie met ēl Soul lun Tarsus : tu, liye, el pre ; 12 à el liye ke arurumu met si ēl Ananaias utsuk, à filiye paul on fwel, tu el a siefwil liye.

13 Na Ananaias el tupok, Leum, laut loñ sin met puspis ke met si iñi, fuka ma koluk ma el oru nu sin met mwo lolos nu Jerusalem.

14 Ā ſap lun met tol fulat yurol lun kopur elos ye nu kemwu ſu pre in Ělos.

15 Ā Leum el fwak nu sel, Kom fwala : tu el kufwen-sroas emun luk, in wis Ěk ye mutun met Pegan, à to-gusa, à tulig nutin Israel.

16 Tu Na fwa luti nu sel fuka el keokiun ma puspis lulap ke Ěk.

17 Ā Ananaias el ſomot, à ilyuk nu in lomwu ; à filiye paul on fwel el fwak, Soul, ma lili, Leum, Jisus ſu sikmi nu yurum ineku ke kom tuku, El sipe yu mi tu kom fwa liye, à seseslanu ke Nun Mutal.

18 Ā kiten misiñi putatla liki mutual oanu unin ik : à

kiten misiñi el liye, à tuyuk, à baptaisla.

19 Ā ke el es me moño tari, el keyuk. Na kutu len Soul el wi met lutlut ſu mutu Damaskus.

20 Ā kiten misiñi el luti Kraist in lolñok tu El Mwen nutin God.

21 Ā elos nu kemwu ſu loñ ol lut ka, à fwak ; Ya el iñi tiu el su onelosla ſu pre ke El iñi in Jerusalem, à tuku nu yinu ke ma iñi, tu el fwa kopur'elos ye à wis nu sin leum tol ?

22 ¶ Ā Soul el yok yokak, el akmisi elos la met Ju ſu mutu Damaskus, à akfwol-yel la tu el iñi Kraist pa-yinu.

23 ¶ Ā tukin len puspis tari, met Ju elos papu in uni'lye : 24 à Soul el etu papu lalos. Ā elos ſano mutun pot len à foñ in uni'lye.

25 Na met lutlut elos as al ke foñ à koel la pe potu in kuompal si.

26 Ā ke Soul el tuku nu Jerusalem el sriki in oeñ met lutlut ; à elos ſañeñ sel, à tiu lalalfuñi tu el met lutlut.

27 Ā Barnabas el as al à wis el nu yurin met ſap, à fwak nu selos fuka el liye Leum in neku, à tu el kas-kas nu sel, à fuka el lutlut

OREKMA, 10.

pulaik nu Damaskus in El Jisus.

28 Ä el oelulos fwas lū lik nu Jerusalem.

29 Ä el kaskas pulaik in El Leum Jisus, ä akukain yurin met Grek: ä elos sruinsrumwunmael in unilye.

30 Ke ma lili etu elos wisillye nu Sesarea, ä sipa'lot nu Tarsus.

31 Na şurs elos moñla nu yin Judea nu kemwu ä Galili ä Samaria; ä elos mušaïyuk: ä orekma ke şaneñ sin Leum, ä ke par sin Nun Mutal, ä yokoilik.

32 Ä ma te oru ke Piter el fwas sasla yin nu kemwu, el ouyape oatu nu sin met mwo şu mutu Lidda.

33 Ä iño el konoiock sie met él Eneas, şu on kilüskiel yiu oalkos, ä mas ke matoltol.

34 Ä Piter el fwak nu sel, Eneas, Jisus Kraist El orek kom kelanu: kom tuyuk ä orek kilüs kium. Ä kiten misiñi el tuyuk.

35 Ä elos nu kemwu şu mutu Lidda ä Saron liye'l, ä forla nu sin Leum.

36 Sie met lutlut mutu Joppa él Tabita, ma ke tafwa pañpañ Dorkas: mutan si iñi seseslanu ke me orekma mwo ä me pakoten ma el oru.

37 Ä ma te oru ke len iño, tu él mas, ä miši; şu ke elos tetekunla tari, elos filiye fokil lüñ.

38 Ä tu Lidda apkurun nu Joppa, ä met loñ tu Piter el os we, elos sipaot met.luo nu sel, kenu tu el tiu pat in tuku nu yurolos.

39 Na Piter el tuyuk oelatal şom. Ke el tuku tari, elos wis el nu in fokil lüñ: ä kotinmas tu yurol tuñ, ä elos luti koat ä nuknuk ma Dorkas oru, ke el mutu yurolos.

40 Ä Piter el sipa'los la nu kemwu, ä sikukmutuntiyuk, ä pre: ä el ella nu ke manol fwak, Tabita, tukakak. Ä el ñutalik: ä ke el liye'l Piter, el tukakak mutu.

41 Ä el şuñ paul nu sel, ä tulokunulak; ä ke el pañnomu met mwo ä kotinmas, el fwakulañ la molyuk.

42 Ä ma iñi eteyuk elik Joppa nu kemwu: ä ma puspis lalalfuñi ke Leum.

43 Ä ma te oru tu el mutu len puspis nu Joppa yurol Saimon met tanner.

SAPTER 10.

SIE met in Sesarea él Korñilius, el met senturion si un met meun si pañpañ Italia, 2 met oawi, ä el şaneñ sin God wi sou lal nu kemwu, şu şuñ me pakon-

OREKMA, 10.

mutu ma lulap nu sin metu,
ā pre nu sin God pal e nu
kemwu.

3 El liye ke arurumu ma
malem, akurun auu eu ke
len, lipufon lun God ilyuk
nu yurol ā fwak nu sel, Kornilius.

4 Ā ke el ūetañ nu sel, el
šañeñ ā fwak, Measi Leum ?
Ā el fwak nu sel, Pre lom ā
me pakomutu lom ūumwak
me esmakin ye mutual God.

5 Ā iñi sipaot met nu
Joppa, ā pañnol Saimon,
mwulal Piter.

6 El mutu yurol sienu Saimon
met tanner, lom sel
leyen nu mwea ; el a kaskas
nu ūum ma mwo ma kom
fwa oru.

7 Ā ke lipufon, ūu kaskas
nu sel Kornilius, el ūom
tari, el pañon mu luo met
kulansap lal, ā sie met meun
oawi selos ūu kulansipal ma
patpat ; 8 ā ke el fwakak ma
nu kemwu ma iñi nu selos
tari, el sipa'loswot nu Joppa.

9 Ā lutu, ke elos ūom, ā
apkurun nu siti, Piter el
fwasyuk nu fwin mañon
lomwu in pre ke auu akon-
kos.

10 Ā el musinsral ma lu-
lap, ā kenu moño ; ā ke elos
ako, el putatla nu in aruru-
mu, 11 ā liye kosao igakla,
ā maši sikmi nu yurol, oanu
me katou lulap si ol orekla

ke ūrumwosrik akos, kukla
nu in foko.

12 Ma on lū kain nu ke-
mwu kosro nie akos fwalu,
ā kosro lemnok, ā ma mwu-
rakrak, ā mwon yin eñeñu.

13 Ā pusra si tuku nu
yurol, fwak, Piter, tuyuk ;
uni ā moño.

14 Ā Piter el fwak, Tiou
ou iñi, Leum ; tu ūa tiu
moño ma oul, ā ma tiu
mutal.

15 Ā pusra si siefwil kas
nu sel pal si akluo, Ma God
el aknasnasye, kom tiu pa-
ñon oul.

16 Ma iñi oru pal tolu : ā
maši siefwil utukyuk nu in
kosao.

17 ¶ Na Piter el ūifwanu
ninukunla fuka arurumu iñi
ma el liye, liye, met ūu Kornilius
el sipamu elos siyuk
ke lom sin Saimon, ā tu ye
mutun oaoa, 18 ā pañon, ā
siyuk la Saimon, mwulal
Piter, mutu yinu ku tiu
mutu.

19 Ke Piter el nunku ke
arurumu, Nun el fwak nu
sel, Liye, met tolu ūuk kom.

20 Ke ma iñi kom tuyuk,
ā oatu nu ten, ā oelulos ūom,
tiu allolo ; tu Na sipa'los mu.

21 Na Piter el oatu nu
yurolos, ūu Kornilius sipamu
nu sel ; ā fwak, Liye, ūa el
ſu komwos ūuk : komwos
tuku ke mea ?

OREKMA, 10.

22 Á elos fwak, Kornilius met senturion, met payi si, á el ſañeñ sin God, á met Ju nu kemwu elos kas mwo nu ke'l lipufon mutual el orauñ nu sel ſap ma nu ſum nu in lom sel, á i i loñ kušom.

23 Ke ma iñi el ſulu'los yuk, á karwuñun alos. Á lutu Piter el oalulos ſom, á kutu ma lili lun Joppa oelul.

24 Á mwulili elos utyuk nu in Sesarea. Á Kornilius tañ elos, á el pañnoni tari met sou lal á met kawuk kulu.

25 Á ke Piter el utyuk, Kornilius el ſuñ ol á putatla nu ke niel, á ali.

26 Á Piter el tulokunulak, fwakañ, Kom tuyuk; ña met pe.

27 Á ke el kaskas nu sel, el utyuk, á konoiok met puspis ſu tukeni.

28 Á el fwak nu selos, Komwos etu fuka ma oul ke met Ju tukeni mutu, á fwas nu yurin kutenu met; á God El lutu yu tu ña tiu pañon kutu met oul, á tiu nasnas.

29 Ke ma iñi ña ſa in tuke nu yurumwos, ke komwos sipeyu mi. Ke ma iñi ña siyuk, komwos ſuli yu insika?

30 Á Kornilius el fwak, Len akos met ña lalo nu ke auu si iñi; á ke auu akeu

ñá pre in lom sik, á, liye, met si tu ye mutuk in nuk-nuk fwosfwos, 31 á fwak, Kornilius, pre lom loñ, á me pakomutu lom in esmakinye ye mutun God.

32 Ke ma iñi sipaot, á pañon mu Saimon mwulal Piter; el mutu in lom sin sie Saimon met tanner leyen nu mwea: ke el tuku el tnfwa kaskas nu ſum.

33 Kiten misiñi ke ma iñi ña sipaot nu ſum; á kom oru mwo tu kom tuku. Iñi ke ma iñi kem nu kemwu mutu iñi ye mutun God, in loñ ma nu kemwu ma God el oru nu ſum.

34 ¶ Na Piter el mañalik, á fwak, Payinu ña liye tu God el tiu wiwikas; 35 tu yurin met nu kemwu el ſu ſañeñ sin, á orek ma payi, El mu mwo.

36 Kas ma God el sipaot nu sin tulig nutin Israel, luteuñ misla ke Jisus Kraist; El Leum lun nu kemwu.

37 Kas iñi komwos etu, ma lutlutelik yin Judea nu kemwu, á mutamwauk Galili mi, tukin baptais ma Jon el lutu ka; 38 fuka God el armwul Jisus lun Nazaret ke Nun mutual á ke ku: ſu fwafwasyis in orek mwo, á ak-kei elos la nu kemwu ſu devil el akkoluki; tu God yurol.

39 Ä kem met lo ke ma nu
keinwu ma El oru in fwal
lun met Ju, ä in Jerusalem ;
su elos uni'lye ä sripusak
ulin šaku.

40 God el akmolye'lak len
si aktolu, ä lotö'el lem tulai-
yuk ; 41 tiu nu sin met nu
kemwu, tu nu sin met lo ma
God šulüla met, aok nu šes,
su moño ä nim yurol tukin
pal si El molyuk yin miše
mi.

42 Ä El sipe kit in luti nu
sin metu, ä in orek ma lo,
tu El iñi El su God filiye
in nununku sin mol ä sin
miši.

43 Met palu nu kemwu
elos orek ina lo ke'l, tu ke
El elos su lalalfuñi in El
fwa es ella ke ina koluk.

44 Ke Piter el kaskas kas
iñi, Nun Mutal putatla nu
fwelos nu kemwu su loñ
kas.

45 Ä elos sin met kosraok
su lalalfuñi lut, tu ma ašuñ
lun Nun Mutal okoima pe
nu fwin met Pegan.

46 Tu elos loñ olos kaskas
ke loa, ä kakšakin God.

47 Na Piter el tupok, Ya
kutenu met ku in tiu šuñ
kof tu elos iñi tiu baptais, su
es Nun Mutal oanu kem ?

48 Ä el šap in baptais elos
la in El Leum. Na elos pre
siyuk sel lun mutanu kutu
len.

ŠAPTER 11.

A MET šap ä ma lili su
mutu Judea elos loñ tu
met Pegan es pe kas lun
God.

2 Ä ke Piter el fwasyuk
nu Jerusalem, met sin kos-
raok elos akukain nu yurol,
3 fwakañ, Kom utyuk nu
yurin met tiu kosraok, ä mo-
ño yurolos.

4 Na Piter el nekauñ mao
ke mutamwauk, ä fwakak
ma šumwos nu selos, fwa-
kañ, 5 Na mutu in siti Joppa
ä pre ; ä ña arurumu ä liye,
Sie mao sikmi, oanu me ka-
toat, ma kukla in kosaoe mi
ke sumwosrik akos ; ä tuku
nu yuruk.

6 Ke ña šuwiye nu ke, ña
nunkank, ä liye kosro nie
akos lun fwalu, ä kosro lem-
nok, ä ma mwurakrak, ä
mwon yin eñeñu.

7 Ä ña loñ pusra si fwak
nu sik, Tuyuk, Piter ; uniye
ä moño.

8 Ä ña fwak, Tiou ou iñi
Leum : tu wañin nu ma ouł
ä tiu mutual fwas nu in olik.

9 Ä pusra si siefwil tupok
nu sik in kosaoe mi, Ma God
el orek nasnas, kom tiu fwak
oul.

10 Ä ma iñi orek pal tolu,
ä ma nu kemwu siefwil
amauk nu in kosao.

11 Ä, liye, kiten misiñi met

OREKMA, 11.

tolu tuku tari nu yin lom ña
mutu we, sipeyuk Sesarea
mi nu sik.

12 Ā Nun fwak nu sik in
oelulos ſom, tiu allolo. Ā
ke ma iñi met lili onkos iñi
wi yu, à kem ilyuk nu in
lom sin met sa; 13 à el lutu
nu šes fuka el liye met lipu-
fon si in lom sel, ſu tu à
fwak nu sel, Sipaot met nu
Joppa, à pañon mu Saimon
mwulal Piter; 14 El fwa oru
nu ſum kas, ma kom, à sou
lom nu kemwu fwa mol la ka.

15 Ā ke ña mutamwauk
in kas, Nun Mutual putatla
fwełos, oanu fwus ke muta-
mwałuk.

16 Na ña esamak kas lun
Leum, fuka ma El fwak,
Payi Jon el baptaisla ke
kof; à komwos fwa baptais
ke Nun Mutual.

17 Na ke ma iñi tu God el
ſuñ nu selos me kiša, oanu
nu šes, ſu lalalfuñi ol Jisus
Kraist, fuka ña, ya ña ku in
igulye God?

18 Ke elos loñ ma iñi, elos
misla, à kakšakin God, fwa-
kañ, Na God el ſuñ nu sin
met Pegan auliyuk nu ke
mol.

19 ¶ Iñi elos ſu fwaselik
ke kolyai ma tuku ke Ste-
fen, elos fwas nu Finis, à
Saiprus, à Antiok, lutu kas
tiu nu sin sieno met, tu nu
sin met Ju mugenu.

20 Ā kutu selos met Sai-
prus à Sairene, ke elos tuku
nu Antiok, elos kaskas nu
sin met Grik lutlut kunul
Leum Jisus.

21 Ā pon Leum oelulos; à
ma puspis lalalfuñi à forla
nu sin Leum.

22 Na kas ke ma iñi tuku
nu sren ſurš ſu mutu Jeru-
salem; à elos sipa'lot Barna-
bas, tu el ſom nu Antiok:

23 Ke el tuku el liye kulañ
lun God, el eñun, à kaiuñ
nu selos nu kemwu, tu ke
ku inšielos elos fulsôl Leum.

24 Tu el met mwowo, à
seseslanu ke Nun Mutual à
ke lalalfuñi: à met puspis
oeuñ Leum.

25 Na Barnabas el ſom nu
Tarsus, in ſuk Soul: 26 à
ke el konoi'lok, el wis el nu
Antiok. Ā ma te oru tu yiu-
fon si elos ſifwanu tukeni nu
in ſurš, à lutu met puspis.
Ā in Antiok pañpañ met lut-
lut kristin met.

27 ¶ Ā in len iñi met palu
elos tuku Jerusalem mi nu
Antiok.

28 Ā sie selos tuyuk él
Agabus, à el polyi ke Nun
tu pal pao ma lulap yin
fwal e nu kemwu; ma te
oru ke len lun Klaudius
Sisar.

29 Na met lutlut, elos nu
kemwu oanu elos ku, nun-
kauk in sipaot me kasu nu

sin ma lili ſu mutu in Ju-dea.

30 Ā elos oru ma iñi, à ſipaot mao nu yurin met elder ke pon Barnabas à Soul.

SAPTER 12.

A KE pal si iñó Herod to-gusa ſralot paul in akko-lukye kutu lun ſurš.

2 Ā el uni'lye Jemes tamulel Jon ke kutlas.

3 Ā tu el liye tu ma iñi akeñunye met Ju, el ora pe in es Piter. Pal si iñi len lun bred tiu pulolak.

4 Ā ke el ſruki'lye tari, el fili'lye nu in prison, à as al nu sin met meun ſie-ñul-onkos in liye'lañ. El nunku tukin alukela in wiſ el mu nu sin metu.

5 Ke ma iñi ſruki'lye Piter nu in prison: à ſurš elos prenu, prenu, nu sin God ke'l.

6 Ā ke Herod nunku in wiſ el mu, foñ si iñi Piter el motul in maslon met meun luo, koperi ke kapinkaslap luo; à met sropu ye mutun oaoa elos liauñ prison.

7 Ā, liye, lipufon lun Leum el tuku nu fwe'l, à kalem ſi ſaromromla nu in prison; à el puki'lye ſiel Piter, à tulok-unulak, fwakañ, Ki tuka-kak. Ā kapinkaslap lal putatla liki paul.

8 Ā lipufon fwak nu sel, Kom ſifwanu ſuñ me lol lo-süni, à losüni faluk lom; à el oru ou iñi. Ā el fwak nu sel, ſuñ nuknuk in kato lom nukemañ, à fwaz tukuk.

9 Ā el fwaz liki, à fwaz tuk ol; el nükin la payi ma lipufon oru; el nunku mu tu el liye arurumu.

10 Ke eltal fwaz alukela ſan ſi meta à akluo, eltal tuku nu ke mutun oaoa musra, ma kol nu yin siti; ma iñi ſifwanu igakla nu ſelos: à eltal fwaz liki à fwaz ſasla ſie inek; à kiten miñi lipufon el ſom luk el.

11 Ā ke Piter el ſifwanu eta'l, el fwak, Iñi ña etenu, tu Leum ſipamu lipufon lal, à es yu la liki pon Herod, à liki nunke nu kemwu lun met Ju.

12 Ā ke el nunkauk tari, el tuku nu lom sel Meri nine kiel Jon mwulal Mark; yin ma puspis elos tukeni in pre.

13 Ā ke Piter el tumwolak nu ke ſriñlin mutun oaoa; mutan fwus ſi el tuku in loñ, el Roda.

14 Ā ke el etu pusral Piter, ke eñun el tiu igasla ſruñul, à el kasusus lü, à fwakañ fuka Piter el tu ye mutun oaoa.

15 Ā elos fwak nu sel, Kom mwul. Ā el fwaknu payinu

ma ña fwak. Na elos mu Lipufon lal.

16 Ā Piter el sikalañ tu-mwolye; à ke elos igasla, à liye'l, elos lut.

17 Ā Piter el masrik nu selos ke paul tu elos in mis-la, el fwak nu selos fuka Leum wis el mu liki prison. Ā el fwak, Komwos fwasot à oru ma iñi nu sel Jemes, à nu sin ma lili. Ā el som à fwas nu sienu an.

18 Ā ke lenelik, omwoni ma lulap sin met meun, fuka ke Piter.

19 Ā ke Herod sok ol, à tiu konoi'lok, el siyuknu met san, à sap in onelosla. Ā el oatu Judea mi nu Sesarea, à mutu we.

20 ¶ Ā Herod el mulat lulap nu selos sin Tair à Sait-don: à elos nunok sugo wunu tuku nu yurol, à ke elos ora'l Blastus met tutafpo lun togusa, met kaiwuk la-los, elos kenu misla; tu an sin togusa kasu an selos.

21 Ā ke sie len Herod nu-komañ nuknuk in togusa, à mutu fwin niin mutu lal, à oru kas lulap nu selos.

22 Ā met elos sao fwakañ, Pusra si lun god, tiu ma lun met.

23 Ā kiten misiñi lipufon lun Leum el onel, tu el tiu kakksakin God, à mwet elos kuñ al la, à el miši.

24 Ā kas lun God kapak à yokoilik.

25 Ā Barnabas à Soul eltal folokë liki Jerusalem, ke el-tal payikin me orekma latal, à es oelultal Jon mwulal Mark.

ŠAPTER 13.

A KUTU met palu à met luti lun šurs Antiock; oanu Barnabas, à Simeon su pañpañ Naiger, à Lušius lun. Sairene, à Manaen su kapak oelulañ Herod titrak, à Soul.

2 Ā ke elos oru nu sin Leum, à lalo, Nun Mutual fwak, Komwos fulela nu sik Barnabas à Soul nu ke me orekma Na pañnoltal mu ke.

3 Ā ke elos lalo a pre, à filiye paulos on fwe'ltal, elos sipa'ltalu.

4 Tu Nun Mutual sipa'ltalu, ke ma iñi eltal som nu Se-leušia; à eltal kol iñi mi nu Saiprus.

5 Ā ke eltal mutu Salamis, eltal luti kas lun God in lol-nok lun met Ju: à Jon el oelultal pe in orekma.

6 Ā ke elos fwas sasla tuka si nu Pafos, elos konoilok sie met satal, met palu sito, met Ju, el Bar-jesus.

7 El wi met aol lun anša, Seršius Paulus, met lalmet met; el pañon Barnabas à Soul, à kenu in loñ kas lun God.

8 Å Elimas met šatal (tu ou iñi tafwa ēl) el tuyuk lain elos, sriki in forokunma met aol liki ma lalalfuñi.

9 Na Soul, pañpañ pe Poul, tiñtiñinu ke Nun Mutal, el sui'lye, 10 å fwak, O kom tiñtiñinu ke sito nu kemwu å šiollel nu kemwu, tulig nutin devil, mwusral ke ma payi nu kemwu, ya kom tiu tari in akkuiala inek payi lun Leum ?

11 Å iñi liye, pon Leum on fwom, å kom fwa kunla, tiu liye fwatu kutu pal. Å kiten misiñi putatla fwe'l ok å los; å el fwafwasyis in šuk kutu in kol ol ke paul.

12 Na met aol, ke el liye ma oru, el lalalfuñi, å lut ke me lutlut lun Leum.

13 Na ke Poul å elos oelul šom liki Pafos, elos tuku nu Perga lun Pamfilia: å Jon el fwas luk elos folokla nu Jerusalem.

14 Å ke elos šom liki Perga, elos tuku nu Antiok lun Pisidia, å ilyuk nu in lolñok ke len sabat, å mutu.

15 Å tukin ma rid manu å ma palu, leum lun lolñok elos sipaot nu seltal, fwakañ, Komtal, met lili, fwin kutu kas in lutlut yurumtal ke metu, fwakak.

16 Na Poul el tuyuk, å ponsit ke paul fwak, Met

Israel, å komwos šu šañeñ sin God, porono.

17 God lun met iñi lun Israel šulüla papa tumas, å ora'losyuk met ke elos metša mutu in Isip, å ke po fulat El wis elos la liki mao.

18 Å akurun pal si yiu añaul El kol olos yin mesis.

19 Å ke El kanaosla an itkos yin fwal Kanan, El kitelik fwal lalos nu selos ke koto srifwe.

20 Å tukin ma iñi El šuñ nu selos met nununku akurun pal si yiu añfuko å lumnaul, nu ke pal si Samuel met palu.

21 Å tuko elos luñselos sie togusa; å God asi nu selos Soul mwen natal Sis, met si lun sruf Benjamin, ke yiu añaul.

22 Å ke El es el la, El oraük nu selos Devid in togusa lalos; El šuñ pe ma lo nu sel å fwak. Na konoiok Devid nutin Jesse, met ou ma inšiuk, el tufwa payikin ma ña luñsik nu kemwu.

23 Ke futin met si iñi, God oanu ke mwuleuñ lal, El oraük nu Israel, Jisus Laño.

24 Ke met El tuku tuk, Jon el luti baptais lun auliyuk nu sin met Israel nu kemwu.

25 Å ke Jon el payikin me orekma lal, el fwak, Komwos nunku šu ña? Na tiu El.

Tu liye, sie tuku tukuk, fa-luk ke niel ña tiu mwo in tulala.

26 Met lili, tulgut nutin sou lun Abraain, à elos su sumwos sañen sin God, kas mol si iñi sipeyuku nu sumwos.

27 Tu elos su mutu Jerusalem, à leuin lalos, tu elos tiu eta'l, à tiu etu pusren met palu, ma rid piñanu len sabat, elos payikin mao ke elos paani lun mas.

28 Á tu elos tiu konoiockutu ma sripauk ke miši, à elos kenu Pailat lun mu in uni'lye.

29 Á ke elos payikin tari ma nu kemwu ma šim ke', elos es il ye liki ſaku, à fili'lye nu in lufin mas.

30 Á God akmolyelak yin miše mi.

31 Á elos su oelul fwas-yuk Galili mi nu Jerusalem, liye'l len puspis, à elos met lo lal nu sin metu.

32 Á kem lutu nu šumwos mwo ſaſu, fuka ma mwuleuñ ma oru nu sin papa met, 33 God El payikin ma iñi nu ſes, tulig natalos, tu El siefwil akmolye'lak Jisus: oanu ma šim in psalm akluo, Kom Mwen nutig, len si iñi Na oswe kom.

34 Á tu El akmolye'lak yin miše mi tu El a tiu folokla nu ke punoela, El fwak ou

iñi, Na tufwa ſiot nu ſumwos ma mwuleuñ mutual lun Devid.

35 Tu ou iñi El fwak pe insienu psalm, Kom a tiu lela El su Mutual nutum tu El liye punoela.

36 Tu Devid tukin pal si el oru ma God oere, el miši à liki'lye nu yurin papa tumal, à el liye punoela.

37 Á el su God akmolye'lak El tiu liye punoela.

38 Ke ma iñi komwos nu kemwu, met lili, etu tu ke met si iñi kem lutu nu ſumwos nunok munas ke ma koluk.

39 Á ke'l elos nu kemwu ſu lalalfuñi elos payi ke ma nu kemwu, komwos koſlanu payi ke manu lun Moses.

40 Ke ma iñi liauñ, fwin tiu ou iñi ma fwa tuku nu yurumwos, ma kaskas in met palu; 41 Liye, komwos ſu ſruñu, à lut, à miši: tu Na orek me orekma in len ſumwos, me orekma ma komwos koſlanu laſalfuñi, met si fwin fwak mao nu ſumwos.

42 ¶ Á ke met Ju elos ſom liki imwen lolñok, met Pegagan elos siyuknu tu kas iñi in lutlut nu selos ke sabat tuko.

43 Á ke mwolil olalik, ma puspis sin met Ju à met forla mwo elos fwas tuk ol Poul à Barnabas; ke kaskas

nu selos, eltal ora'los in fwas-i ma luñ lun God.

44 Ā len sabat tuko akurun yin siti nu kemwu tukeni in loñ kas lun God.

45 Ā ke met Ju elos liye met puspis tukeni, elos tiñ-tiñinu ke šok, ā kaskas lain ma iñø ma Poul el kaskas ke, akukain ā kaskas koluk.

46 Na Poul ā Barnabas eltal pulaiknu, ā fwak, Mwo tu kas lun God lutlut met nu ſumwos: ā tu komwos nununke komwos in tiu mwo nu ke mol ma patpat, liye, kem forla nu sin met Pegan.

47 Tu ou iñi Leum El ſap nu ſes, fwakañ, Nā fili komwi me kalem lun met Pegan, tu kom fwa me mol nu yin lusela fwalu.

48 Ā ke met Pegan elos loñ ina iñi, elos inšimwowo, ā kakšakin kas lun Leum: ā elos ſu God filiye nu ke mol ma patpat lalalfuñi.

49 Ā kas lun Leum fwaselik sasla nu kemwu yin si iñi.

50 Ā met Ju elos papani mutan inšie ā kato, ā met leum lun siti, ā orauk me kolya lain Poul ā Barnabas, ā sis eltalu liki siskin an selos.

51 Ā eltal pukula fokun nieltal lain olos, ā tuku nu Ikonium.

52 Ā met lutlut elos tiñ-tiñinu ke eñun, ā ke Nun Mutual.

SAPTER 14.

A MA te oru nu in Ikonium, tu eltal tukeni ilyuk nu in imwen lolñok lun met Ju, ā kaskas ou tu met puspis, met Ju ā met Grik pe elos lalalfuñi.

2 Ā met Ju silalalfuñi elos papani met Pegan, ā ora'los in nunok koluk lain met lili.

3 Tu ou iñi eltal mutu ma patpat kaskas pulaik in Leum, ſu ſuñ lo nu ke kas ſamu lal, ā ſuñ akul ā menmen in oru ke paultal.

4 Ā met puspis yin siti unkas lugwe; ā kutu wi met Ju, ā kutu wi met ſap.

5 Ā ke met Pegan, ā met Ju pe wi met leum, elos tukeni in akkoluki eltal, ā tuñ-la'ltał, 6 eltal etu ā kasus nu Listra ā Derbe siti nu in Laikeonia, ā nu yin apneni.

7 Ā iñø eltal luti mwo ſaſu.

8 ¶ Ā sie met mutu yin Listra, mas ke niel, ulnu ke el isūsla, ſu t'una fwas: 9 el iñi loñ Poul el la kaskas; ſu ſui'lye, ā etu tu lalalfuñi lal in kela, 10 el fwak ke pusra lulap, Kom tuyuk fwin nium. Ā el srosro ā fwas.

11 Ā ke metu liye ma Poul

el oru, elos fuleuk pusrilos
in kas Laikaonia, fwakañ,
Enut elos oatu nu yuros oanu
lumun met.

12 Ā Barnabas elos pañpañ
Jupiter; ā Poul, Merkurius,
tu el kaskas puspis.

13 Na met tol lun Jupiter
su mutu ye mutun siti lalos,
el wis kau mogul ā me
mwolmwol nu ke mutun pot,
ā luñsi wi met puspis tukeni
orek kiše.

14 Ma ke met sap, Poul
ā Barnabas eltal loñ, eltal
šelik nuknuk latal, ā kasus
nu infulwin metu, wowoyuk,
15 ā fwakañ, Met, efwo kom-
mwos ku orek ma iñi? Ke-
tal met pe ou komwos, ā lutu
nu šumwos tu komwos forla
liki ma sito iñi nu sin God
mol, ſu orek kosao, ā fwalu,
ā mwea, ā ma nu kemwu lü:
16 Šu ke pal meta lela met
an nu kemwu in fwas yin
elos luñselos.

17 Ā tu ke ma iñi El tiu
liki'lye ke wañin ma lo, tu
El orek mwo, ā aši nu ſes
eaf in kosaoe mi, ā pal mut
seseslanu insius ke me moño
ā eñun.

18 Ā ke kas iñi eltal akun-
run tiu igulye met, tu elos
orek kiše nu seltal.

19 ¶ Ā kutu met Ju elos
tuku nu Antioch mi ā Ikonium
mi ſu kaifwi metu, ā, ke
tuñlol Poul tari, elos amakun

al likin siti, nunku mu tu el
miši.

20 Ā ke met lutlut elos tu
apnulaini, el tuyuk, ā tuku
nu yin siti; ā len si tuko el
wi Barnabas ſom nu Derbe.

21 Ā ke eltal luti mwo ſaſu
nu yin siti si iñi, ā oru met
lutlut puspis tari, eltal sie-
fwil folokla nu Listra, ā Iko-
niūm, ā Antioch, 22 akkeyela
ñunin met lutlut, ā kaifwe-
'los in srukie ma lalalfuñi, ā
tu ke kolya ma lulap kut
fwa ilyuk nu in togusai lun
God.

23 Ā ke eltal filiye met
elder nu selos in ſurš nu ke-
mwu, ā pre wi lalo tari, eltal
fule'los yuñ nu sin Leum, ke
ſu elos lalalfuñi.

24 Ā tukin pal si eltal fwas
ſasla Pisidia, eltal tuku nu
Pamfilia.

25 Ā ke eltal luti kas in
Perga tari, eltal oatu nu
Atalia.

26 Ā iñi mi eltal kol nu
Antioch, yin si iñi mi met
ſurš ful'ltalu nu ke luñ lun
God ke me orekma eltal ak-
fwolye ke.

27 Ā ke eltal tuku, ā ſulū-
ni ſurš nu sie tari, eltal fwak
ma nu kemwu ma God el
oru nu ke'ltal, ā fuka El
igasla mutun oaoa lun lalal-
fuñi nu sin met Pegan.

28 Ā eltal mutu iñi ma
patpat yurin met lutlut.

SAPTER 15.

AKUTU met šu oatu Ju-dea mi elos lut met lili, ā fwak, Komwos fwin tiu kosroala ou manu lun Moses, komwos koflanu mol.

2 Tu ou iñi ke Poul ā Barnabas eltal akukain ā kaskasnu yurolos tiu ma sisik, elos nunku mu tu Poul ā Barnabas, ā kutenu selos, elos fwasyuk nu Jerusalem nu sin met ſap ā met elder ke me siyuk iñi.

3 Ā tu ou iñi ſurš oelulos fwas kutu, elos fwas sasla Finis ā Samaria, fwakañ met Pegan la forla; ā elos akeneunye ma lulap met lili nu kemwu.

4 Ā ke elos tuku nu Jerusalem, ſurš, ā met ſap, ā met elder, elos es elos la, ā elos fwak ma nu kemwu ma God el oru nu ke'los.

5 Ā kutu sin un met Farisi ſu lalalfuñi elos tuyuk, fwakañ, Tu mwo elos in kosrao'los la, ā ſap elos in liauñ manu lun Moses.

6 ¶ Ā met ſap ā met elder elos tukeni in papu ke ma iñi.

7 Ā ke elos kaskasnu ma lulap, Piter el tuyuk, ā fwak nu selos, Met lili, komwos etu fuka u-met, tu God el ſulula sin ſes, tu ke olik met Pegan fwa loñ kas lun mwo ſašu, ā lalalfuñi.

8 Ā God, ſu etu inſi, El orek ma lo nu selos, ſuñ Nun Mutual nu selos, oanu ma nu ſes; 9 ā El tiu sielanu ſes ā selos, aknasnasye inſielos ke lalalfuñi.

10 Iñi ke ma iñi efwo komwos ku srifwe God, in likiye enu in kaiwen met lutlut, ma papa tumas ā kut koflanu wis?

11 Tu kut lalalfuñi tu ke luñ lun Leum Jisus Kraist kut fwa mol ou elos.

12 Na met puspis tukeni elos kemwu misla, ā loñ sel-tal Barnabas ā Poul, ke eltal fwak ma menmen ā ſokruk ma God oru yurin met Pegan ke'ltal.

13 Ā tukin pal si ke eltal misla, Jeines el tupok, fwakañ, Met lili poroñøyu; 14 Simeon el fwak fuka God el tuku nu sin met Pegan, in es kutu met sin selos ke'l.

15 Ā kas sin met palu fwol-nu ke ma iñi, oanu ma ſim,

16 Tukin ma iñi Ña fwa foloko, ā fwa siefwil muša lom sin Devid, ma putatla; ā Ña fwa siefwil muša ma miſalla ke; ā Ña siefwil orauk mao, 17 tu met lula ka fwa ſuk Leum, ā met Pegan nu kemwu, sin ſu Êk pañpañ, ma Leum fwak, ſu orek ma iñi nu kemwu.

18 God etu ma nu ke-

mwu me orekma lal ke mutamwauk fwale mi.

19 Ke ma iñi ma nunku luk, tu kut tiu akkoluk elos, šu sin met Pegan forla nu sin God; 20 tu kut ſimusla nu selos, tu elos ſisila ma koluk lun enut sito, à ma kosro, à ma uniye ke sa tiu ſiror, à sa.

21 Tu Moses umet yin siti mu kemwu kutu met lal šu lutlut ke'l len sabat nu kemwu.

22 ¶ Na ma iñi mwo sin met ſap à met elder, wi ſurš nu kemwu, tu elos ſipaot met ſilüla sim u lalos nu Antiok wi Poul à Barnabas; ma Judas mwulal Barsabas, à Sailas, met kaki yurin met lili.

23 À elos ſim leter ke elos ou iñi, Met ſap à met elder à ma lili elos ſipaot luñ nu sin met lili sin met Pegan ſu mutu Antiok à Siria à Silia; 24 tu ke ma iñi ma kem loñ tu kutu ſu ſom liki kem elos akkoluki komwos ke kas, à aksitoïye ñunumwos, fwakañ, Komwos kosroala, à liauñ manu; kem tiu ſuñ ſap ou iñi nu selos.

25 Ma mwo nu simem, tukeni ke nunok sugo, tu kem ſipaot met ſilüla nu ſumwos wi kulu las Barnabas à Poul, 26 met ſu aši mol lalos ke È lun Leum las Jisus Kraist.

27 Tu ou iñi kem ſipaot Judas à Sailas, ſu a fwak pe ma iñi nu ſumwos ke kas.

28 Tu ma mwo nu sin Nun Mutual, à nu simem, tu kem likiye nu fwomwos ma tiu toas liki ma iñi mwo; 29 Tu komwos ſisila ma kiše lun enut sito, à ma sa, à ma miši ke sa tiu ſiror, à ma kosro. Komwos fwin fili komwos la liki ma iñi, komwos fwa oru mwo. Komwos mutu.

30 Tu ou iñi ke elos alalik tari, elos tuku nu Antiok; à ke elos ſulöni nu sie met puspis tukeni, elos as'ot leter.

31 Ma ke elos rid tari, elos inši mwowo ke kas in lutu.

32 À Judas à Sailas, eltal pe met palu, lutu met lili ke kas puspis, à akkuü elos la.

33 À ke eltal mutanu kutu pal, met lili fuléltalu ke eñun nu sin met ſap.

34 À Sailas el mu mwo tu el mutawun.

35 Poul à Barnabas eltal muta pe nu Antiok, lutlut à lutu kas lun Leum, wi kute pe met puspis.

36 ¶ À tukin kutu len, Poul el fwak nu sel Barnabas, Lela kital in siefwil ſom à liye met lili las yin siti nu kemwu yin kital lutu kas lun Leum, à liye fuka ma elos oru.

37 À Barnabas el luñsel

in es oelultal Jon, Mwulal
Mark.

38 Ā Poul el nunku tiu
mwo in es el oelultal, ſu
ſom lukeltal liki Pamfilia,
ā tiu oelultal ſom nu ke
orekma.

39 Ā eltal akukain oanu tu
eltal fwas liki sie sin sie; ā
Barnabas el es Mark ā kol
nu Saiprus

40 Ā Poul el ſilūla Sailas,
ā ſomla, met lili fulēltalu
nu ke luñ lun God.

41 Ā el fwas ſasla Siria ā
Silisia, akkei elos la ſurš.

SAPTER 16.

NA el tuku nu Derbe ā
Listra. Ā, liye, sie met
lulutl iñō, ē Timoteus, Mwen
nutin sie mutan, ſu met Ju,
el lalalfuñi; ā papa tumal
met Grik.

2 Met lili ſu mutu Listra ā
Ikonium elos kas mwo ke'l.

3 Poul el luñsel tu el oelul
ſom; ā el es ā kosroa'l la tu
ke met Ju ſu mutu yin iñō;
tu elos nu kemwu etu tu
papa tumal met Grik.

4 Ā ke elos fwas ſasla an
ſiti, elos añañ nu selos kas in
liauñ, ma met ſap ā met
elder oru ſu mutu Jerusalem.

5 Ā ke ina iñi ſurš elos ku
in lalalfuñi, ā yoknu fwa-
fwaselik piñanu len.

6 Ā ke elos fwas ſasla Fri-
ſia ā Galasia, ā Nun Mutual

ora'los in tiu lutti kas in Asia,
7 ke elos tuku nu Mišia tari,
elos ſriki in ſom nu yin Bi-
tinia; ā Nun lela elos in tiu
ou iñi.

8 Ā elos alukela Mišia
oatu nu Troas.

9 Ā arurumu ſikmi nu sel
Poul ke foñ; Sie met Mase-
donia tu, ā siyuk sel. Kom
fwasu nu Masedonia, ā kase
kit.

10 Ā ke el liye arurumu
tari, kiten misiñi kem ſriki
in ſom nu Masedonia, nunku
mu tu Leum pañon kem in
lutti mwo ſašu nu selos.

11 ¶ Tu ou iñi ke kol liki
Troas, kem tuku ſumwos nu
Samotraſia, ā len si tuko nu
Neapolis; 12 ā iñō mi nu
Filipai, ma siti maſi meta
lun kuenu an Masedonia,
koloni si. Ā kem mutanu
yin siti si iñi kutu len.

13 Ā ke len ſabat kem ſom
liki siti nu pupon fwal, yin
met tukeni pre; ā kem mutu,
ā kaskas nu ſin mutan ſu
tukeni iñi.

14 Ā sie mutan ē Lidia, el
kuko ſienu ſralſral, lun siti
Taiataira, ſu ali ſin God, el
loñ kem; inſien ſu Leum
igasla, tu el lalalfuñi ma
Poul el kaskas ke.

15 Ā ke el baptais tari, ā
ſou lal, el siyuknu, fwakañ,
Komwos fwin nunku mu tu
ña payi nu ſin Leum, utyuk

OREKMA, 16.

nu in lom sik, à mutanu. Á el igul kemi.

16 ¶ Á ma te oru ke kem tukeni pre, sie mutan fwus ñun susfwe yurol el šuñ kem, su wis nu sin leum lal ma puspis ke susfwe.

17 El iñi fwas tuk ol Poul à kem, à wowoyuk, fwakañ, Met iñi met kulanšap lun God fulat liki nu kemwu, su lutu nu šes inek lun mol.

18 Á el oru ma iñi len puspis. Á Poul, ke pakomtu, el forla, à fwak nu sin ñun, Na šap nu šum in È Jisus Kraist in ſom luk el. Á el ſom luk el ke auu si iñi.

19 Á ke leum lal elos liye, tu fwensok lalos ke es mao wañinla, elos srukie Poul à Sailas, à amakun ultal nu yin kutakot nu sin leum, 20 à wis eltal nu sin met liauñ annu, fwakañ, Met iñi, met Ju, eltal lokalok ma lulap siti šes, 21 à lutu manu ma tiu payi tu kut in es à oru, kut met Roma.

22 Á met puspis tukeni tuyuk lain alos; à met liauñ annu elos šelik nuknuk lalos, à šap in sruñ latal.

23 Á ke elos sruñ latal ka puspis, elos sis eltal nu in prison, kaii nu sin met liauñ prison lun liye'lalu akmwoye.

24 Su ke el es šap si iñi, sis eltal nu infalwin prison,

à kopuriye nieltal in maslon saku.

25 Á ke infülwin foñ Poul à Sailas eltal pre à on nu sin God; à met prison elos loñ oltal.

26 Á kiten misiñi fwal rarrar ma lulap, oanu tu ma ekasek prison kususyuk: à kiten misiñi sruñul nu kemwu igakla, à me kopur lalos nu kemwu tultul la.

27 Á met liauñ prison ñutalik, à liye sruñul prison igakla, el fwauk kutlas natal, à lukuna ſifwanu uni'lye, nunku mu tu met prison kaiñla.

28 Á Poul el wowoyuk ke pusrall lulap, fwakañ, Kom tiu akkoluki kom, tu kem nu kemwu mutae.

29 Na el pañon mu lamp, à sroa nu lü, à tuku rarrar, à putatla ye mutual Poul à Sailas, 30 à wis altal ot, à fwak, Leumwu, mea ña oru tu ña fwa mol?

31 Á eltal fwak, Lalalfuñi ke Leum Jisus Kraist, à kom fwa mol, à sou lom.

32 Á eltal kaskas nu sel kas lun Leum, à nu selos nu kemwu in lom sel.

33 Á el es eltal ke auu si iñi foñ à tanla inke srñsrñ ke'lalu; à baptaisla, el à mal nu kemwu kiten misiñi.

34 Á ke el es eltal mu nu in lom sel tari, el filiye me

moño ye mutaltal, à eñun, lalalfuñi ke God, wi sou lal nu kemwu.

35 Á ke lenelik, met liauñ annu, elos sipaot met rošo, fwakañ, Tulala met luo iñō in šom.

36 Á met liauñ prison el oru kas si iñi nu sel Poul, Met liauñ annu elos ſapot in tulala komtal in šom; iñi ke ma iñi komtal fwasot, à fwas mwo.

37 Á Poul el fwak nu selos, Elos srñul ketal lemtulaiuk ke tiu lusla, ketal met Roma, à sis ketal nu in prison; ya elos sis ketal la lukma? Sitoenu; tu lela elos in ſifwanu tuku à wis kit la.

38 Á met rošo elos fwak kas iñi nu sin met liauñ annu; à elos ſañeñ, ke elos loñ tu eltal met Roma.

39 Á elos tuku à kaifwe'l-tal, à wis eltal ot, à siyuknu eltal fwala liki siti.

40 Á eltal šom liki prison, à ilyuk nu in lom sin Lidia; à ke eltal liye met lili tari, eltal lutlut nu selos, à šomla.

ŠAPTER 17.

A KE eltal fwas sasla Amfipolis, à Apolonia tari, eltal tuku nu Tesalonica, oiya imwen lolñok lun met Ju.

2 Á Poul, oanu ma el oru, el ilyuk nu yurolos, à ke len

Sabat tolu el luti nu selos kutu ma ke Baibel, 3 kalemalik à fwaknu, tu mwo tu Kraist keokiuk, à siefwil molyuk yin miše mi; à tu Jisus iñi, su ña luti nu sumwos, El Kraist.

4 Á kutu selos lalalfuñi, à oelultal Poul à Sailas; à sin met Grik inſie ma puspis, à sin mutan kato tiu pu.

5 Á met Ju su tiu lalalfuñi, ke ſok, es nu yurolos kutu met ſilolel ſin met alsañes, à ſulõni ſie mwolil nu ſie, à akkoluki siti fwonu, à kasus nu ke lom sel Jeson, à ſriki in es eltalañ nu ſin metu.

6 Á ke elos tiu kono'i'talu, elos amakunal Jeson à kutu met lili nu ſin met liauñ siti, wowoyuk, Elos su luñasla fwalu tuke pe nu yinnu; 7 à Jeson el es elos. Á elos nu kemwu ſañesoa nu ke ſap lun Sisar, fwak tu ſienu togusa, Jisus.

8 Á elos lokoluki metu à met liauñ siti, ke elos loñ ma iñi.

9 Á ke elos es ma sueñi ſin Jeson, à sin kutenu tari, elos lela elos in šom.

10 Á kiten misiñi met lili elos ſipaot Poul à Sailas ke foñ nu Berea; à ke elos tuku elos ilyuk nu in lolñok lun met Ju.

11 Elos iñi mwo luk elos su in Tesalonika, tu elos

silaklak in es kas, à ūk in Baibel piñanu len, ma iñi la payi ku sito.

12 Ke ma iñi ma puspis selos lalalfuñi ; à sin mutan Grik kato, à sin mogul tiu pu.

13 Å ke met Ju lun Tesonika elos etu tu Poul el luti kas lun God nu Berea, elos tuke pe nu yinnu, à purakak metu.

14 Na kiten misiñi met lili elos sipa'l la Poul lun ūom oanu nu mwea ; à Sailas à Timoteus eltal mutanu iñó.

15 Å elos ū su atlol Poul wis el nu Atens ; à elos es ūap nu sin Sailas à Timoteus in silaklak in tuku nu yurol, elos ūomla.

16 ¶ Na ke Poul el mutu ūsan oltal nu Atens, ūnunal lañuñuñla, ke el liye siti tñtiñinu ke enut sito.

17 Tu ou iñi el tukeni kaskas in inwen lolñok yurin met Ju, à yurin met inšie, à yin kutakot piñanu len yurolos ū el ūsunol.

18 Na kutu lalmetmet sin met Epikurus, à sin met Stoik, elos tukeni kaskas yurol. Å kutu fwak, Mea olinkas si iñi el fwak ? kuten mu, El oanu el luti enut ūa ; tu el luti nu selos Jisus, à siefwil molyuk.

19 Å elos as al, à wis el nu Areopagus, fwakañ, Ya

mwo tu kem etu ma lutlut ūašu si iñi ma kom kaskas ke ?

20 Tu kom wis kutu ma ūa nu ke sremeim ; tu ou iñi kem kenu etu ja fuka ma iñi.

21 Tu met Atens nu kemwu muta siewunu, tu in fwakak à loñ kutu ma ūašu.

22 Na Poul el tu infulwin Areopagus, à fwak, Komwos met Atens, ūa liye tú ke ma nu kemwu komwos orek ali.

23 Tu ke ūa fwas sasla à liye enut lomwos, ūa konoiok sie lañ ma iñi ūimla on ke, NU SIN GOD KUT NUKIN. Tu ou iñi el ū su komwos ali ninukin, ūa luti nu ūimwos.

24 God ū orek fwalu à ma nu kemwu lü, tu El Leum in kosao à fwalu, tiu mutu in lom ali orek ke po ; 25 à pon met tiu ali nu Sel oanu tu El luñsel kutu mao, El ašuñ nu sin nu kemwu mol, à moñ, à ma nu kemwu ; 26 tu El orek ke sa siewunu met an nu kemwu tu elos mutu fwin mutun fwal e nu kemwu, à nun-kauk tari pal met El oru tuk, à akul lun an selos : 27 tu elos a ūk Leum, elos fwin kalimun ul, à konoi'lok, tu El tiu lus liki kit nu kemwu ; 28 tu in El kut mol, à mogükü, à mutu ; oanu

kutu ſumwos orek on elos fwak, Tu kut tulig nutin pe.

29 Tu ou iñi tu kut tulig nutin God, tiu mwo tu kut nunku mu tu God oanu gol, ku silver, ku eot, srulüla oanu met nunku mu.

30 Ke ma iñi God pulesu pal si nukin iñō, à iñi El sap met e nu kemwu in auliyuk.

31 Tu El orala len si, ke ſu El a fwa nununku fwalu ke ma payi ke met ſu El filiye; El ſuñ ma lalalfuñi nu sin nu kemwu tu El akmolye'lak yin miše mi.

32 À ke elos loñ ma siefwil molyuk yin miše mi, kutu aksruksruk: à kutenu fwak, Kem tufwa siefwil loñ kom ke ma iñi.

33 Tu ou iñi Poul el ſomla liki infulwe'los.

34 À kutu met fulyuñ nu sel, à lalalfuñi; sin ſu Daioniſius met Areopagus, à sie mutan è Damaris, à kutenu oelultal.

ŠAPTER 18.

TUKIN ma iñi Poul el ſom liki Atens, à tuku nu Korint;

2 À el konoiok sie met Ju è Akula, isūsla Pontus, tufwa tuku Italia mi, wi inutan kiel Prisila, (Lutu Klaudius el ſap met Ju nu kemwu fwala liki Roma,) à tuku nu yurolos.

3 À tu me orekma lal oanu, el mutu yurolos, à orekma; tu me orekma lalos lom nuknuk.

4 À el kalimalik in imwen lolñok len sabat nu kemwu, à kaifwi met Ju à met Grik.

5 À ke Sailas à Timoteus eltal tuku Masedonia mi, Poul el tiftiñinu in ñunal, à orek ma lo nu sin met Ju tu Jisus El Kraist.

6 À ke elos ſifwanu oru lain ul, à kas nu ko God, el osrokla nuknuk lal, à fwak nu selos, Samwos on fwin-ſiufumwos; ña nasnas; tukin pal si iñi ña ſom nu yurin met Pegan.

7 À el ſomla, à ilyuk nu in lom sin sie met, è Justus, ſu ali nu sin God, lom sel apkurun imwen lolnok.

8 À Krispus, leum in lolnok, el lalalfuñi ke Leum wi sou lal nu kemwu; à ma puspis sin met Korint elos loñ lalalfuñi, a baptaisla.

9 Na Leum el fwak nu sel Poul in foñ ke arurumu, Nuk kom ſañeñ, tu fwak, tiu misla; 10 tu Na wi kom, à wañin met a tuku nu yurum in akkoluki kom: tu met puspis srak yin siti si iñi.

11 À el mutu iñi yiu si à malem onkos, luti kas lun God yurolos.

12 ¶ À ke Gallio el met

OREKMA, 19.

liauñ an Akaia, met Ju nu-nok sugo ewunu nu kasani nu ke'l Poul, à wis el nu niin nununku, 13 fwakañ, El iñi oru met in ali nu sin God tiu ou manu.

14 Á ke Poul el akurun mañalik, Gallio el fwak nu sin met Ju, Fwin kutu ma-sito, ku ma šilollel, O met Ju, mwo tu ña kase komwos: 15 à fwin kutu ma-siyuk ke kas, ku è, à manu lomwos, komwos liauñ ke; tu ña tui luñsik in nununku ke kutu ma iñi.

16 Á el sipa'los wot liki niin nununku.

17 Na met Grik nu kemwu elos es Sostenes, leum in lolnok, à srñi lal ye mutun niin nununku. Á Gallio el pulesu ke ma iñi.

18 ¶ Poul el mutu iñi len puspis, tufwa mwilkas nu sin met lili, à kol la nu Siria, à Prisila à Akula oelul; kolkilla ſiufwel nu Senkrea; tu sie mwuleuñ lal.

19 Á el tuku nu Efesus à fuléltalu iñó: à el ſifwanu ilyuk nu in lolnok, à kas-kasnu yurin met Ju.

20 Ke elos luñselos tu el mutawun kutu pal, el sañes; 21 tu el mwilkas nu selos, fwakañ, Mwo lulap sik to ña liauñ kofwa si fwasue nu in Jerusalem: à ña sie-

fwil tuku nu yurumwos, God el fwin luñsel. Á el kol la liki Efesus.

22 Á ke el srola nu Serea, à fwasiuk, à pain šurš, tari, el oatu nu Antiok.

23 Á ke el mutu iñi kutu pal, tuko el ſomla, à fwa-fwasyus ſumwos yin Galatia à Frišia, à akkeiela met lutlut nu kemwu.

24 ¶ Á sie met Ju è Apollos, isüsla Aleksandria, met etu kas, à lalmetmet ke ma Baibel, el tuku nu Efesus.

25 Met si iñi el lutlut ke inek lun Leum; à tu fwol in ñun, el kaskas à lutí ma lulap ke mao lun Leum, el etu baptais lun Jon mugenu.

26 Á el mutamwauk in kaskas pulaik in lolnok: ke Akula à Prisila eltal loñ ol, eltal es el nu yurotal, à lutí nu sel inek lun God mwo liki.

27 Á ke el luñsel ſom nu Akaia, met lili ſimisla, fwakañ nu sin met lutlut in es el. Ke el tuku el kas'elos ma lulap ſu lalalfuñi ke luñ.

28 Tu el akmisyela ma lulap met Ju lemtulaiyuk, in lutí ke ma Baibel tu Jisus El Kraist.

SAPTER 19.

A MA te oru tu, ke Apolos
A el mutu Korint Poul

fwas sasla nu yin lūñ tari
el tuku nu Efesus; à ke el
konoick kutu met lutlut, 2
el fwak nu selos, Ya komwos
es Nun Mutual tukin pal si
komwos lalalfuñi? À elos
fwak nu sel, Kem tiu loñ
la Nun Mutual ku tiu Nun
Mutual.

3 À el fwak nu selos, Ka
komwos baptais nu ke mea?
À elos fwak, Nu ke baptais
lun Jon.

4 Na Poul el fwak, Aok
Jon el baptais ke baptais
lun auliyuk, fwakañ nu sin
met, tu elos in lalalfuñi ke'l
su tuku tuk ol, oanu ke
Jisus.

5 Ke elos loñ ma iñi elos
baptaisla in È Leum Jisus.

6 À ke Poul el filiye paul
fwe'los tari, Nun Mutual tuku
nu fwe'los; à elos kaskas ke
kutu lo, à polyi.

7 À met nu kemwu oanu
sie-nul-luo mu.

8 À el ilyuk nu in lolñok,
à kaskas pulaik ke malem
tolu, kaskasnu à kaifwi kutu
ma togusai lun God.

9 À ke kutu upala à tiu
lalalfuñi, à kaskas ko ke
inek iño ye mutun ma pus-
pis tukeni, el fwas luk elos,
à sipalik met lutlut, kas-
kasnu piñanu len in skul
lun sie Tiranus.

10 À ma iñi orek ke yiu
luo; oanu tu elos nu kemwu

su mutu in Asia loñ kas lun
Leum Jisus, met Ju à met
Grik.

11 À God el oru menmen
šokuruk ke paul Poul; 12
oanu tu wisla hañkeršif ku
nuknuk apun nu sin met
mas, à mas wañinla luk elos,
à ñun koluk šom luk elos.

13 ¶ Na kutu sin met Ju
fwafwasyis, met in sisila, elos
sriki in pañpañ È Leum Jisus
swin met su ñun koluk
lalos, fwakañ, Kem šap nu
šumwos ke Jisus su Poul el
lutlut ke.

14 À mwen itkos nutin
Siva, met Ju, leum lun met
tol su oru ou iñi.

15 À ñun koluk el tupo-
koñañ, à fwak, Jisus ña etu,
à Poul ña etu; ka su komwosen?

16 À met su ñun koluk in
el, el srola fwe'los, a kutuñ
elos la, à ku luk elos, oanu
tu elos kaiñla liki lom iñó
kolüfol à kinit.

17 À nu kemwu met Ju à
met Grik pe mutu Efesus,
elos etu ma iñi; à sañeñ
putatla nu fwe'los nu ke-
mwu, à È lun Leum Jisus
kakšakinelik.

18 À ma puspis su lalal-
fuñi elos tuku, à fwakak, à
luti me orekma lalos.

19 À ma puspis selos su
orek me šokuruk elos wiseni
buk natalos, à furre'losyuk

OREKMA, 19.

ye mutualos nu kemwu; à
elos oekla me mol lalos, à
konoioik lum ñaul šiu ipen
silver.

20 Ou iñi kas lun God
kapak ma lulap, à kuñu.

21 ¶ Tukin ma iñi orek
tari, Poul el nunku in ñu
nal, ke el fwas sasla Mase
donia à Akaia tari, el tufwa
fwasyuk nu Jerusalem, fwa
kañ, Tukin ña mutu iñó, ña
fwa muta pe nu Roma.

22 À el sipaot nu in Mase
donia luo selos šu oru nu sel,
Timoteus à Erastus; à el
sifwanu mutu in Asia kutu
pal.

23 À ke pal si iñó akukain
tiu ma sisik ke inek si iñó.

24 Tu sie met, è Demetrius,
silver smit, šu orek lom sil
ver lun Daiana, el wis tiu
ma sisik me mol nu sin met
orekma; 25 šu el pañnolo
seni wi met orek ou iñi, à
fwak, Met, komwos etu tu
ke me orekma iñi kut es ma
las.

26 À komwos liye à loñ,
tu tiu in Efesus mugenu, tu
yin Asia nu kemwu, Poul
iñi el kaifwi à furokla met
puspis, fwakañ tu elos tiu
god šu orekla ke po.

27 Ke ma iñi tiu orekma
las mugenu a tufwa wañinla,
tu ouyape imwen godes lulap
Daiana fwa sruñala, à ma
mwowo lal kanaosla, ma

Asia nu kemwu à fwalu
ali ke.

28 À ke elos loñ ma iñi,
elos tiñtiñinu ke koskusok, à
wowoyuk fwakañ, Ma lulap
Daiana lun met Efesus.

29 À siti nu kemwu tiñ
tiñinu ke me lüsroñ. À sru
kie Gaius à Aristarkus, met
Masedonia, wi el Poul ke
fwafwasyis, elos nunok sugo
wunnu kasus nu in imwen
srital.

30 À ke Poul el luñsel
utyuk nu yurin metu, met
lutlut elos sañes.

31 À kutu sin leum lun
Asia, šu met kawuk lal, elos
sapot nu sel, kenu tu el tiu
sifwanu utyuk nu in imwen
srital.

32 Tu ou iñi kutu wovo
yuk ke sie, à kutu ke sieno;
tu mwolil lüsroñla; à ma
puslikí elos nukin efwo elos
ku tukeni.

33 À elos amakun al Alek
sander likin met puspis tu
keni, met Ju wis el nu met.
À Aleksander el ponsit ke
paul, à kenu sifwanu ak
sumwosye'l la nu sin metu.

34 À ke elos etu tu el met
Ju, ma nu kemwu ke pusra
siewunu, akurun auu luo
wowoyuk, Ma lulap Daiana
lun met Efesus.

35 À ke met sim el akmis
yela metu, el fwak, Komwos
met Efesus, ka met šu nukin

fuka tu siti lun met Efesus
ali nu sin godes lulap Daiana,
ā lumun ma putatla Jupiter
mi?

36 Ā tu wañin met ku in
fwak lain ma iñi, mwo tu
koinwos misla, ā tiu orek
kutu ma inuñyar.

37 Tu koinwos wis nu yinu
met iñi, šu tiu pusrala ma
lun imwen ali, ā tiu kas ko
nu ke godes lomwos.

38 Tu ou iñi fwin Demetrius, ā met orekma šu oelul,
kutu ma lalos lain sienu met,
manu igakla, ā met liauñ;
lela elos in šuñ kas lain sie
sin sie.

39 Ā komwos fwin siyuknu
ke kutenu mao, fwa akšumwosye mao in mwolil lun
manu.

40 Tu kut Šañeñ elos in
siyuk ke lüsroñ misiñi, tu
wañinu ma kut fwak ke
mwolil si iñi.

41 Ā ke el kaskas ma iñi
tari, el sipalik mwolil.

ŠAPTER 20.

A TUKIN lüsroñ wañinla,
A Poul el pañon mu met
lutlut nu yurol, ā añokmeti,
ā ſomla tu in fwas nu in
Masedonia.

2 Ā ke el fwas sasla kutu
an iño tari, ā kaifwi nu selos
ma lulap, el tuku nu in
Gris, 3 ā mutu iñi malem
tolu. Ā ke met Ju elos papu

lain ul, ke el akurun kol nu
in Siria, el nunku mu in fu-
lokla sasla Masedonia.

4 Ā oelul nu in Asia So-
peter met Bërea; ā sin met
Tessalonika Aristarkus ā Se-
kundus; ā Gaius met Derbe,
ā Timoteus; ā sin met Asia
Tikikus ā Trofaimus.

5 Elos iñi ſom met ſane
kit nu Troas.

6 Ā kem kol liki Filippai
tukin len lun bred tiu pulo-
lak, ā tuku nu yurolos nu
Troas in len limikos; kem
mutu iñio len itkos.

7 Ā ke len ſi umet ke wik
ſi, ke met lutlut elos tukeni
in kunſalik bred, Poul el
luti nu selos, ako in ſom nu
luta; ā el kaskas nu ke in-
fulwin foñ.

8 Ā lamp puspis in fokil
lūñ yin elos tukeni mutu.

9 Ā ſie met fwus, ē Euti-
kus, el mutu in windo, el
motul fuloſumwosla: ā tu
patlanu lutlut lal Poul, el
toasnu ke motul, ā putatla
in fokil aktolu, ā toiyuk tu
nu miši.

10 Ā Poul el fwuni, ā kui
fwe'l, ā kaukulani el fwak,
Nuk komwos tuñ, tu mol
lal in el.

11 Ā ke el ſiefwil utyuk,
ā kunſalik bred, ā moño, ā
kaskas ma patpat, oanu nu
ke lenelik, ou iñi el ſom-
la.

12 Ä elos wis met fwus mol, ä eñun tiu ma sisik.

13 ¶ Ä kem som met ke oaku, ä kol nu Assos, nunku iño kem in es el Poul; tu el oru ou iñi, nunku tu el si-fwanu fwas.

14 Ä ke el ſuñ kem nu Assos, kem es el, ä som nu Mitiline.

15 Ä kem kol we mi, ä tuku len si tuko sisken Kaios, ä len si tuko ſuñ an Samos, ä mutu nu Trokiliun; ä len si tuko kem tuku nu Mailitus.

16 Tu Poul el nunku in kol alukela Efesus, tu el tiu nunku mutu kutu pal nu in Asia; tu el ſilaklak, el fwin ku in mutu nu Jerusalem ke len si Pentekost.

17 ¶ Ä Mailitus mi el sipaot nu Efesus, ä pañon mu met elder lun ſurš.

18 Ä ke elos tuku nu yurol, el fwak nu selos, Komwos etu, len si umet mi ke ña tuku nu in Asia, fuka ña wi komwos mutu pal e nu kemwu, 19 oru nu sin Leum ke fwokpap nu in ſiuk, ä ke tuñ puspis, ä ſrifwe ma tuku nu yuruk ke papu koluk lun met Ju. 20 ä fuka ña tiu mwukin kutu ma mwo nu ſumwos, tu ña luti nu ſumwos, ä lutlut nu ſumwos lemtulaiuk, ä lom si nu ke lom si,

21 ä orek ma lo nu sin met Ju, ä nu sin met Grik pe, auliyuk nu sin God, ä la-lafuñi nu sin Leum Jisus Kraist.

22 Ä iñi, liye, ña kopur in ñun ſom nu Jerusalem, tiu etu ma fwa oru nu sik iño: 23 la sie tu Nun Mutal orek ma lo in siti nu kemwu, fwakañ, tu me kopur ä onoiye ſane yu.

24 Tu ke ma iñi ña mu mansis, ä mol luk tiu ſaok ſik, tu ña orek tari kasus luk ke eñun, ä me orekina, ma ña es sin Leum Jisus, in orek ma lo ke mwo ſaſu lun luñ lun God.

25 Ä iñi, liye, ña etu tu komwos nu kemwu, yurin ſu ña ſom in luti togusai lun God, tiu ſiefwil liye mutuk tuk.

26 Ke ma iñi ña orek komwos in lo misiñi, tu ña nasnas ke sa lun met e nu kemwu.

27 Tu wañin nu ma ña ſrukie in tiu luti nu ſumwos ke kas nu kemwu ma lun God.

28 Ke ma iñi komwos ſi-fwanu liye komwos, ä u nu kemwu ma Nun Mutal fili komwosyi met sropu ke, tu komwos in kiteuñ ſurš lun God, ma El mol ke ſa'l.

29 Tu ña etu ma iñi, ke ña ſom tari kosro koluk

kanaosten elos fwa utyuk
nu yurumwos in tiu likie
sie u.

30 Ä sin šumwos panu
kutu met fwa tuyuk, kaskas
ma sito, in amakunla met
lutlut tuk olos.

31 Ke ma iñi komwos šano,
ä esam, tu ke yiu tolu foñ
nu len ña luti nu kemwu
ke tuñ.

32 Ä iñi, met lili, ña fili
komwosyi nu sin God, ä nu
sin kas lun luñ lal, ma ku
in mušäi komwos yuk, ä in
aš'ot nu šumwos an si yuro-
los nu kemwu šu mwolanu.

33 Ma silver, ma gol, ma
nuknuk lun met, wañinu
ma ña rapkue.

34 Aok komwos ſifwanu
etu, tu po iñi orala nu ke ma
luk, ä nu selos šu wi yu.

35 Ña luti nu šumwos ma
nu kemwu, fuka ma ko-
mwos orek tu komwos kasu
met munu, ä in esam kas
lun Leum Jisus, fuka El
fwak, Ma in šuñ inšimwowo
liki ma in es.

36 Ä ke el kaskas ma iñi
tari, el sikukmutunti, ä pre
yurolos nu kemwu.

37 Ä elos nu kemwu tuñ
lulap, ä kui nu in kaiwel
Poul, ä ñokol, 38 pakomutu
yok liki nu kemwu ke kas
ma el fwak, tu elos tiu sie-
fwil liye mutal tuk. Ä elos
oelul nu ke oaku.

ŠAPTER 21.

A MA te oru ke kem ſom
luk elos, ä kolot tari,
kem kol ſuñwos nu Koos,
ä `len si tuko nu Rodes, ä
iñó mi nu Patara.

2 Ä tu konoiock oak ſugo
kol nu Finišia, kem sroauk
ä kolot.

3 Ä ke kem liye Saiprus,
kem filiye mao on lesi, ä kol
nu Siria, ä srola nu Tair;
tu iñó oak titila kwano.

4 Ä tu konoiock met lutlut,
kem mutu iñó len itkos, elos
fwak nu sel Poul ke Nun,
lun tiu fwasyuk nu Jerusa-
lem.

5 Ä ke kem mutu len iñó
tari, kem fwasot ä ſomla; ä
elos nu kemwu wi kem fwas,
mutan kielos ä tulig natalos,
nu ke kem mutu liki siti;
ä kem sikukmutunti fwin
meši, ä pre.

6 Ä ke kem ſuñ mwilkas
sie sin sie tari, kem sroauk
nu fwin oaku, ä elos fulokla
nu yin selos.

7 Ä ke kem kolot liki Tair
tari, kem kol mu nu Tolmeis,
ä pain met lili, ä mutu yuro-
los sie len.

8 Ä len si tuko kem ſu
oelul Poul ſomla, ä tuku nu
Sesarea; ä kem utyuk nu
in lom sel Filip met evan-
ſi-list, ſu sie sin itkos; ä kem
mutu yurol.

9 A met iñi an akos natal, su polyi, elos tiu etu met.

10 Ā ke kem mutu iñō len puspis, sie met palu, ē Agabus, el oatu Judea mi.

11 Ā ke el tuku nu yuros, el es me lol lun Poul, ā ſifwanu kopuriye paul ā niel, ā fwak, Ou iñi Nun Mutual fwak, Oanu iñi met Ju mutu Jerusalem elos tufwa kopuriye met ſu me lol iñi lal, ā fwa nu in pon met Pegan.

12 Ā ke kein loñ ma iñi, kem ā elos yin si iñō kaifwe'l lun tiu fwasyuk nu Jerusalem.

13 Ā Poul el tupok, Mea komwos oru in tuñnu ā akkoluki inſiu? tu ña ako in tiu kopuri mugenu, ā tu in miše pe nu Jerusalem ke Ē lun Leum Jisus.

14 Ā ke el sañes in ou iñi, kem misla, fwakañ, Oanu ma Leum el luñsel.

15 Ā tukin len iñō kem ako in ſom ā fwasyuk nu Jerusalem.

16 Ā kutu met lutlut lun Sesarea elos wi kit pe fwas, ā elos wis oelulos sie Mneson, met lutlut matu, lun Saiprus, yurin ſu kem fwa mutu.

17 ¶ Ā ke kem tuku nu Jerusalem tari, met lili elos eñun in es kem.

18 Ā len si tuko Poul el wi kem utyuk nu yurol

Jemes; ā met elder nu ke-mwu mutu we.

19 Ā ke el paññ olos tari, el fwak kais sie ſumwos ma God el oru yurin met Pegan ke orekma la.

20 Ā ke elos loñ mao, elos kakšakin Leum, ā fwak nu sel, Kom liye, ma lili, fuka ſiu puspis met Ju ſu lalalfuñi; ā elos nu kemwu kenu ke manu.

21 Ā elos loñ ke kom, tu kom luti met Ju nu kemwu ſu yurin met Pegan in fwala liki Moses, fwakañ tu elos in tiu kosroala tulig nata-los, ā in tiu fwas ke manu.

22 Ke ma iñi fuka? met puspis tukeni elos a fwa tukeni; tu elos fwa loñ tu kom tuku.

23 Ke ma iñi mwo tu kom oru ma iñi ma kem fwak nu ſum; Met akos yuros kas in mwuleuñ yurolos; 24 kom as alos, ā oelulos ſifwanu aknasnaši kom, ā oelulos ke mol, tu elos fwa kolkil ſiu-fweilos: ā ma nu kemwu fwa etu, tu sitolanu ma elos loñ ke kom; tu kom ſifwanu orek ſumwos pe ā liauñ manu.

25 Ā ke met Pegan ſu lalalfuñi, kem ſim ā nun-nunku tari tu elos tiu liauñ ma iñi, ā ma iñi mugenu tu elos tulaliki ma kiše lun enut sito, ā ma sa, ā ma

miši ke sa tiu širor, 'ā ma kosro.

26 Na Poul el es met, ā len si tuko oelulos ſifwanu aknasnasi ilyuk nu in tempel, in oraot fwolnu len lun aknasnasi, nu ke pal si orek kiše ke kais sie nu selos.

27 ¶ Ā ke len itkos akuruntari, met Ju lun Asia, ke elos liye'l in imwen tempel, elos purakak met nu keinwu, ā likiye paulos fwe'l, 28 wowoyuk, Met Israel, komwos kasu; el iñi met ſu luti met nu kemwu yin nu kemwu lain metu, ā manu, ā yin si iñi: ā kutepe el wis met Grik pe nu in imwen tempel, ā akfokfokye yin mutal si iñi.

29 Tu umet⁸ elos liye Trofaimus met Efesus oelul nu in siti, ā elos nunku mu tu Poul el wis el nu in imwen tempel.

30 Ā siti nu keinwu kususyuk, ā met elos kasus nu sie; ā elos es Poul, ā amakun ul la liki imwen tempel: ā ſilaklak in kaliye mutun oaoa.

31 Ā ke elos akurun uni'lye, kas ſom, nu sin kaptin lulap lun u si, tu Jerusalem nu kemwu purakak; 32 el ſilaklak in es met meun ā met senturion, ā kasus nu yurolos: ā ke

elos liye kaptin lulap ā met meun, elos tela onel Poul.

33 Na kaptin lulap el fwas apkurun ā es el, ā ſap in kopure'lye ke kapinkoslap luo; ā siyuk ſu 'el, ā mea el oru.

34 Ā kutu wowoyuk sie, ā kutenu sienu, yurin met puspis tukeni. Ā ke el koflanu etu ma ſumwos ke lüsroñ, el ſap in wis el nu in imwen met meun.

35 Ā ke el tuku nu fwin me fwon, ā tu ke kasus koluk lun metu, met meun struklulak wis el.

36 Tu met puspis sin met elos fwas tuk, wowoyuk, Sis el la.

37 Ā ke elos kolol Poul nu in imwen met meun, el fwak nu sin kaptin lulap, Ya mwo ñun kaskas nu ſum? El fwak, Ya kom etu kaskas Grik?

38 Ya kom tiu sie met Iſipt ſu oru purakak ke kutu len met, ā kolot nu yin musrasra met ao ſu met akmus?

39 Ā Poul el fwak, Na met lun Tarsus lun Silišia, met lun siti tiu koluk; ā ña siyuk ſum in lela ñun fwak nu sin metu.

40 Ā ke el lela tari, Poul el tu fwin me fwon, ā ponsit ke paul nu sin metu. Ā ke misianu el fwak nu selos ke kaskas Hebru, fwakañ,

SAPTER 22.

MET lili à papa, komwos
loñ ma ña aksumwosye
nu sumwos.

2 (À ke elos loñ tu el kaskas nu selos in kas Hebru, elos miselik à tiu kas, à el fwak,) 3 Aok ña met Ju, isüsla Tarsus lun Silisia, à lutlut yin siti si iñi ye niñ Gamaliel, el luti yu ma sumwoswos lanu ke manu lun papa, à luñsi oru nu sin God ou komwos nu kemwu misiñi.

4 À ña kolya ou iñi nu ke misi, loseni à aši nu in prison met mogul nu mutan.

5 À ouyape met tol fulat orek ma lo sik, à met elder nu kemwu: sin selos pe ña es letter nu sin met lili, à som nu Damaskus, in wis elos mi su kopuri nu Jerusalem, in te anwuk.

6 À ina te oru tu ke ña som, à tuku apkurun nu Damaskus akurun infulwin len, à kiten misiñi kalem lulap in kosaoe mi šaromrom apinyoeni.

7 À ña putatla nu in foko, loñ pusra si fwak nu sik, Soul, Soul, efwo kom ku kolyai yu?

8 À ña tupok, Leum, su komwun? À el fwak nu sik, Na Jisus lun Nazaret, su kom kolyai.

9 À elos su wi yu liye kalem, à sañeñ ke: à elos tiu loñ pusren su kaskas nu sik.

10 À ña fwak, Leum mea ña oru? À Leum el fwak nu sik, Kom tuyuk à som nu Damaskus; à iñi ma fwalluti nu sum ma nu kemwu ma likiye nu sum in oru.

11 À ke ña koflanu liye ke šaromrom lun kalem iñi, elos su wi yu kol yu ke paul, ña tuku nu Damaskus.

12 À sie Ananaias, met insie ke manu, met Ju nu kemwu su mutu iñi kas mwo ke'l, 13 el tuku nu yuruk, à tu, à fwak nu sik, Soul, ma lili, kom ñatalik. À ke auu si iñi ña ñetak nu sel.

14 À el fwak, God lun papa tumas El šulù kom la, tu kom fwa etu ma luñsi lal, à liye su Payi, à loñ pusral ke oalul.

15 Tu kom fwa met lo lal nu sin met nu kemwu ke ma kom liye a loñ.

16 À iñi efwo kom ku mutanu? kom tuyuk, à baptaisla, à olla ma koluk lom, siyuk pre ke È lun Leum.

17 À ma te oru, tu ke ña siefwil tuku nu Jerusalem, à ke ña pre in imwen tempel, ña in arurumu; 18 à liye'l fwak nu sik, Kom silaklak in akpuspusye som liki Je-

rusalem: tu elos tiu es lo lom ke ña.

19 Ā ña fwak, Leum, elos etu tu ña filiye in prison à uni in lolñok nu kemwu elos šu lalalfuñi ke kom: 20 à ke sa'l Stefen met lo lom okoila, ña pe tu we, à nunke pe ke miši lal, à liauñ nuk-nuk lalos šu uni'lye.

21 Ā el fwak nu sik, Kom fwala; tu ña fwa sipe kom la nu yin lulis yurin met Pegan.

22 ¶ Ā elos loñ ol ke kas-lal, à srukak pusralos à fwak, Esla liki fwalu met ou iñi, tu tiu mwo sel in mol.

23 Ā ke elos wowoyuk, à sarukla nuknuk lalos, à sis foko nu yin eñeñu, 24 kaptin lulap el šap in wis el nu in imwen met meun, à šap in siyuk ol ke anwuk; tu el fwa etu efwo elos ku wowoyuk ou iñi lain ul.

25 Ā ke elos kopuri'lye ke kulin kusro, Poul el fwak nu sel senturion šu tu we, Ya oul ku tiu oul tu kom uni met si šu met Roma, à tiu lusla?

26 Ā ke senturion el loñ ma iñi, el šom à luti nu sin kaptin lulap, fwakañ, Liauñ ma kom oru; tu met si iñi el met Roma.

27 Ā kaptin lulap el tuku, à fwak nu sel, Kom fwak nu sik, kom la met Roma? El fwak, Aok.

28 Ā kaptin lulap el tupok, Ke mol lulap ña es šugošok iñi. Ā Poul el fwak, Ā ña isüsla ke.

29 Tu ou iñi elos šu a siyuk ol šilaklak in fwala luk el: à kaptin lulap el pe šañeñ ke el etauk, tu el met Roma, à tu el kopuri'lye.

30 ¶ Ke lutu, tu el fwa etu ma sumwoswos, efwo met Ju elos ku sis nu fwel, el tula'la liki me kopur, à šap met tol fulat à met papu nu kemwu in tukeni, à el wis alu Poul, à fili'lye ye mntalos.

SAPTER 23.

A POUL, ke el šuiye mwo-lil, el fwak, Met lili, ña orekma payi kemwu ye mutun God nu ke len si iñi.

2 Ā met tol fulat Ananaias el šap elos su tu yurol in pouk ol ke oalul.

3 Na Poul el fwak nu sel, God el a fwa puok kom, pot fwosfwos, ya kom mutu in nununeke yu ke manu, à šap in puok yu tiu ou manu?

4 Ā elos šu fwak, Ya kom kas ko nu ke met tol fulat lun God?

5 Na Poul el fwak, Met lili, ña tiu etu tu el met tol fulat: tu ma šimusla, Nik kom kas ko nu ke leum lun met lom.

6 Ā ke Poul el etu tu kutu selos met Saddusi, à kutenu

met Farisi, el wowoyuk in mwolil, Met lili, ña met Farisi, à nutin met Farisi : ke fwensok à molyuk ke misé mi elos siyuk yu.

7 Á ke el kaskas ou iñi tari, met Farisi à met Saddusi elos asiuki, à met puspis tukeni elos kitakotelik.

8 Tu met Saddusi elos mutiu siefwil molyuk, tiu lipufon, tiu ñun ; à met Farisi elos fwakak nu kemwu.

9 Á wowoyuk ma lulap ; à met sim sin met Farisi elos tuyuk, à akukain, fwakañ, Kem tiu konoiok ma koluk sin met si iñi à fwin ñun si, ku lipufon si kaskas nu sel, lela kut in tiu anwuk nu ke'l God.

10 Á ke elos akukain ma lulap, kaptin lulap, sañeñ la elos in mušalsala Poul, el sap met meun in oatu, à in es al la luk elos, à in wis el nu in lom sin met meun.

11 ¶ Á foñ si tuko Leum tu yurol, à fwak, Poul kom eñunak ; tu oanu kom orek ma lo ke'ik nu in Jerusalem, kom ouyape orek ma lo nu Roma.

12 Á ke lenelik, kutu sin met Ju tukeni nu sie, à sifwanu papani ke ma koluk, fwakañ tu elos in tiu moño à in tiu nim nu ke elos uni'lye Poul.

13 Á elos puslikí met aña-

ul su papu ke ma koluk iñi.

14 Á elos tuku nu yurin met tol fulat à met elder, à fwak, Kem sifwanu kopuri kemi ke papu koluk lanu, tu kem à tiu moño nu ke kem uni'lye Poul.

15 Iñi tu ke ma iñi komwos oru nu sin kaptin lulap tu el wis alu nu yuroinwos lutu, oanu tu komwos luñšomwos siyuknu kutu ma šumwos liki ke'l ; à kem, ke el apkurun, kem ako in uni'lye.

16 Á ke mwen nutin mutan loul Poul el loñ ke mwukwuk lalos, el som à iliyuk nu in lom sin met meun, à oru nu sel Poul.

17 Na Poul el pañon mu sie sin met senturion nu yurol, à fwak, Kom wis met fwus si iñi nu sin kaptin lulap ; tu kutu ma el luñsel in fwak nu sel.

18 Tu ou iñi el as al, à wis el nu sin kaptin lulap, à fwak, Poul met prison el pañon yu nu yurol, à siyuk sik in wis met fwus si iñi nu yurum, šu luñsi in fwak kutu ma nu šum.

19 Na kaptin lulap el es el ke paul, à oelul muku som, à siyuk, Mea si kom in fwak nu sikan ?

20 Á el fwak, Met Ju elos nunok sugo in siyuk sum, tu kom in wis el Poul lutu nu

in mwolil, oanu tu elos luñ-selos in siyuk sel kutu ma sumwos liki.

21 Mwo tu kom tiu aksolos : tu puslik met añaul selos elos mwukmwuk ke'l, elos sifwanu kopur ke papu koluk, tu elos in tiu moño à in tiu nim nu ke elos uni'lye : à iñi elos ako, in sane kom in mwuleuñ.

22 Ke ma iñi tari kaptin lulap el lela met fwus in šom, à sap nu sel, Nik kom oru nu sin met ma iñi ma kom lutu nu sik.

23 Á el pañon mu nu yurol met senturion luo, fwakañ, Komtal ako luo foko met meun in šom nu Sesarea, à itñul met mutu fwin horsu, à luo met fokfuk, ke auu si aktolu ofoñ ; 24 à in ako kosro, tu elos filiye Poul fwe, à wis el la mol nu yurin leum Filiks.

25 Á el šim letter ou iñi ; 26 Klaudius Lišius nu sin leum mwowo si Filiks, pain kom.

27 Met Ju elos es met iñi, à akurun uni'lye ; ke ma iñi ña wi un met meun si, à es el, ke ña etu tu el met Roma.

28 Á ke ña kenu etu ma fuka tu elos kas lain ul, Na wis al ot nu yurin mwolil lalos : 29 Na liye tu elos kas lain ul ke ma siyuk lun ma-

nu lalos, à wañin ma lain ul ke ma uniye ku kopuriye.

30 Á ke mao lutu nu sik fuka met Ju elos mwukmwuk ke met, ña silaklak in sipaot nu šum, à sap pe nu sin met kas lain ul in fwak ye mutom ma elos oru lain ul. Mutu.

31 Na met meun, oanu ma sap nu selos, elos as al Poul, à wis al ke foñ nu Antipatras.

32 Á ke lutu elos filiye met fwin horsu in oelul šom, à elos folokla nu lom sin met meun.

33 Ke elos tuku nu Sesarea, à añañ letter nu sin leum, Elos fili'lye pe Poul ye mutal.

34 Á ke leum el rid letter tari, el siyuk pa ya an sel. Á ke el etu tu el lun Silisia ; 35 el fwak, Na tufwa loñ kom, ke met kas lain kom tuke pe. Á el sap in san ol in fukil nunuaku sin Herod.

SAPTER 24.

A TUKIN len limikos, Ananaias met tol fulat el oatu wi met elder, à Tertullus sie met etu kas, su lutu Leum lain ul Poul.

2 Á ke pañol mu, Tertullus el mutamwauk in kas lain ul, fwakañ, Á tu misla lulap yuros ke kom, à tu me orekma mwolanu ma oru nu

sin an si iñi ke palu lom, 3 kem es mao pal nu kemwu, ke kulu lulap, O Filiks mwo-lanu.

4 Á tu ña tiu aktutoye kom kutepe, ña kenu tu ke kulañ lom kom loñ kem ke kutu kas sisik.

5 Tu kem komoiok met si iñi, met koluk si, à met purakak lun lusroñ yurin met Ju nu kemwu fwal e nu kemwu, à met kol met u lun Nazaret.

6 Á ouyape el sriki in ak-koluki imwen tempel; su kem es, à kenu nununk' al ke manu las.

7 Á Lušias kaptin lulap el tuku nu yurimem, à ke ku lulap es el la liki pomem, 8 à sap sin met kas lain ul in tuku nu yurum; tu ke siyuk nu sel kom sifwanu fwa etu ma nu kemwu, ma kem kas lain ul.

9 Á met Ju elos nunku oapanu, à fwak, Payinu mà iñi.

10 ¶ Na Poul, ke leum el sum nu sel lun fwak, el tupo-koñañ, Á tu ña etu tu ke yiu puspis kom leum nununku lun an si iñi, Na eñun liki in sifwanu tupok ke'ik.

11 Kom ku in etu, tu len sie-ñul-luo som tari met ña fwasyuk nu Jerusalem tuk in ali.

12 Á elos tiu konoi yu yuk in imwen tempel akukain

yurin metu, tiu purakak metu, tiu in lolñok, tiu in siti; 13 Elos koflanu aksumwosye mao ma elos kas lain yu iñi.

14 Á ña fwakot ma iñi nu sum, tu ou inek ma elos mu sito, ou iñi ña ali nu sin God lun papa tumuk, lalalfuñi ma nu kemwu ma simusla in manu à in palu; 15 à fwensok luk nu sin God, oupanu ma elos sifwanu mu payi, tu a fwa molyuk yin miše mi, ma yurin ma payi à ma tiu payi.

16 Á ke ma iñi ña sriki in ore yu ke, tu pal e nu kemwu ma nunok payi sik tiu sito sin, à sin metu.

17 Iñi tukin yiu puspis ña tuku in wis me pakomutu nu sin met luk, à kiše.

18 Ke ma iñi kutu met Ju Asia mi elos koñoi yu yuk nasnas in imwen tempel, tiu yurin met puspis, tiu yurin lusroñ.

19 Fwin kutu ma sito sik yurolos, mwo tu elos mutu yinu ye mutom, à in fwak la sito.

20 Fwin tiu ou iñi lela elos iñi in fwak, elos fwin koñoik kutu ma koluk sik, pal si ke ña tu ye mutun mwolil, 21 la ma ke pusra si iñi, ma ña wowoyuk ke ña tu yurolos, ke molyuk yin miše mi ma kom siyuk yu misiñi ke:

22 Á ke Filiks el loñ ma iñi, el etu inek si iñi mwo liki, kutu, el file'losye, á fwak, Ke Lušius kaptin lulap el fwa oatu, ña fwa etala ma lomwos.

23 Á el šap sin met senturion in liauñ Poul, á lela lun tulala, á oru tu met šu eta'l in kas'el, á tuku nu yurol.

24 ¶ Á tukin kutu len, ke Filiks el tuku wi mutan kiel, Drusilla, šu mutan Ju, el sipa'l mu Poul, á loñ ol ke lalafuñi ke Kraist.

25 Á ke el lutlut ke ma payi, ma liauñ manos, á nununku a fwa tuku, Filiks el rarrar, á tupok, Kom fwala ke pal si iñi; ke pal mwo sik ña tufwa pañun kom.

26 Fwensok pe lal tu Poul el tufwa šuñ moni nu sel in tula'l la. Ke ma iñi el šulo'l mu pus liki pal, á tukeni kaskas yurol.

27 Á tukin yiu luo Poršius Festus el ar nu fwe'l Filiks; á Filiks el filiye Poul kopur, tu el luñsel akmwoye met Ju.

SAPTER 25.

NA ke Festus el tuku nu an si, tukin len tolu el fwasyuk Sesarea mi nu Jerusalem.

2 Na met tol fulat á leum lun met Ju elos šuñ kas nu sel lain Poul, á siyuk sel,

3 á kenu kulañ lain ul, tu el fwa sipa'l mu nu Jerusalem, mwukmwuk ineku in uni'lye.

4 Ke ma iñi Festus el tupokot, tu Poul el mutawun nu Sesarea, á tu el šifwanu tiu pat in šom.

5 Ke ma iñi, el mu, Lela elos šu ku yurumwos, in wi yu oatu, á kas lain met si iñi, fwin kutu ma koluk.

6 Á ke el mutu yurolos ke len oalkos ku sie-ñul, el oatu nu Sesarea; á len si tuko ke el mutu fwin nien nununku el šap in utuku Poul.

7 Á ke el tuku, met Ju šu oatu Jerusalem mi elos apneni, á wis ma puspis á ma lulap kas ko lain Poul, ma elos koflanu akšumwosye, 8 ke el šifwanu tupok, tu wañinu ma sito ña oru lain manu lun met Ju, á lain imwen tempel, á lain Sisar.

9 Á Festus, tu el luñsel akmwoye met Ju, el tupokañ nu sel Poul, á fwak, Ya kom luñsom fwasyuk nu Jerusalem, á in nununku ke ma iñi ye mutuk ?

10 Na Poul el fwak, Na tu yin niin nünunku luñ Sisar yin mwo ña in nünunku: wañin ma sito ña oru nu sin met Ju, kom etu ma iñi ma lulap.

11 Tu ña fwin koluk, ku oru kutu ma tu ña misi, ña

tiu sañes in miši: tu fwin wañin nu ma ke ma elos kas lain yu, wañinu met ku in es yu yuñ nu selos. Na pañon nu sin Sisar.

12 Na Festus, ke el wi mwolil papu, el tupok, Tu kom pañon nu sin Sisar, kom fwa šom nu yurin Sisar.

13 ¶ Á tukin kutu len togusa Agrippa á Bernis eltal tuku nu Sesarea in paiñul Festus.

14 Á ke elos mutu iñó len puspis, Festus el orauñ nu sin togusa mao ke Poul, fwakañ, Sie met šu Filiks el filiye in kopur: 15 ke ū mutu Jerusalem, met tol fumat á met elder lun Ju elos luti nu sik ke'l, á kenu in nununku lain ul.

16 Na tupokot nu selos, Matiu manu lun met Roma in ašuñ met nu ke miši, met el á elos šu kas lain ul tukeni mutu tuk ye mutun sie sin sie, á lela lun šifwanu tupok ke ma koluk kas lain ul.

17 Ke ma iñi ke elos tukeni mutu, tiu mutanu kutu, tu lutu ū mutu fwiñ niñ nununku, á šap in utuku met si.

18 Ke met kas lain ul elos tu lain ul, elos tiu wis kas ko sin kutu oanu ū nunku: 19 á kutu siyuknu lain ul ke alunu lalos, á ke sie Jisus, šu miši, šu Poul el mu el mol.

20 Á tu ū los ke siyuknu ou iñi, ū siyuk sel, el a la luñsel in šom nu Jerusalem, á iñó fwa nununku ke ma iñi.

21 Á ke Poul el pañon in likiye nu ke nununku lun Augustus, Na šap in liye'lañ nu ke ū fwa sipa'lot nu sin Sisar.

22 Na Agrippa el fwak nū sel Festus; Na luñsik pe šifwanu loñ met si iñi. El mu lutu kom tufwa loñ ol.

23 Ke ma iñi lutu, ke Agrippa el tuku, á Bernis, wi ma šokuruk lulap, á tuyuk nu yin elos loñ, wi kap-tin lulap, á leum lun siti, ke šap lun Festus elos wis alu Poul.

24 Á Festus el fwak, Togusa Agrippa, á met e nu kemwu šu mutu iñi yuros, komwos liye met si iñi, ke šu met puspis tukeni kemwu elos oru nu sik ke, nu Jerusalem á nu yinnu, wowoyuk tiu mwo tu el mutu nu tuk.

25 Á ke ū konoik tu wañin ma el oru tu el miši, á tu el šifwanu pañon nu sin Augustus, ū nunku nu'n sipa'lla.

26 Wañin nu ma ū šimis nu sin leum luk ke'l. Ke ma iñi ū wis alu nu ye mutom, aok ye foklum, O togusa Agrippa, tu, siyuk-

yuk tari, kutu ma luk in si-musla.

27 Tu ña mu tiu mwo in sipaot met prison, à tiu fwak ma koluk lain ul.

SAPTER 26.

NA Agrippa el fwak nu sel Poul, Na lela kom in fwak ke'um. Na Poul el sralot paul, à tupok k'el ; 2 Togusa Agrippa, Na nunku ña sifwanu insimwovo len si iñi, tu ña tupok ke ña sifwanu ye mutom, ke ma nu kemwu ma met Ju kas lain yu : 3 aok mwonu tu kom lalmetmet ke manu nu kemwu à siyuknu ma yurin met Ju ; ke ma iñi ña kenu tu kom moñfusas in loñ yu.

4 Met Ju nu kemwu elos etu, ma ña oru ke ña tuligani ma meta yurin met luk nu Jerusalem ; 5 elos ete yu ke mutamwauk mi, elos fwin luñselos in orek ma lo ; tu oanu u šumwosmwos lanu lun ali las ña orek met Fariisi.

6 Á iñi ña tu à in nununku ke fwensok lun mwuleuñ ma God el oru nu sin Papa tumas.

7 Ke mao sruf sie-ñul-luo las oru nu sin God akmwoye len nu foñ, fwensok lalos in tuku nu ke. Ke fwensok iñi, O togusa Agrippa, met Ju elos kas lain yu.

8 Efwo komwos ku nunku tu ma iñi sito lanu, tu God akmolyauk met miši ?

9 Tu payi ña nunku ke'ik tu mwo ña'n oru ma puspis tiu ou ma lun È Jisus lun Nazaret.

10 Ma iñi na ore pe nu in Jerusalem ; à met kristin puspis ña kaliye nu in prison, in es sap lun met tol ; à ke elos anwuki, ña strukak pok lain ulos

11 Á ña one'los la pal puspis in lolñok nu kemwu, à ora'los in kas ko : à ke koskusok aknu lain ulos, ña kolya elos nu yin siti sa.

12 Ke ma iñi ke ña šom nu Damaskus ke ma ſap à ma šim lun met tol fulat, 13 ke infulwin len, O togusa, ña liye in inganek kalem si in kosaoemi, šaromrom liki fwa-tu, šaromrom apinyoeni à elos su wi yu fwas.

14 Á ke kem nu kemwu putati nu in foko, ña loñ pusra si kaskas nu sik, à fwakañ in kas Hebru, Soul, Soul, efwo kom ku kolyai yu ? upa nu šum in fut nu ke ma kosro.

15 Á ña fwak, Leum, su komwun ? Á el fwak, Na Jisus su kom kolyai.

16 Tu tukakak, à tu fwin niuum : tu ña sikmi nu yurum ke ma iñi, in orek kom met lutlut à met lo ke ma

iñi ma kom liye tari, à ke kutenu ma ña fwa sikmi nu yurum ke; 17 in es kom la liki metu, à liki met pegan, nu sin su ña sipe kom la iñi, 18 in igasla mutualos, in furok olos liki los nu ke kalem, à liki ku lun Setan nu sin God, tu elos fwa es nunok inunas ke ma koluk, à an si yurolos su mwolanu ke lalalfuñi ma in ña.

19 Ke ma iñi O togusa Agrippa, ña tiu siakoš ma sikmi in kosaoemi; 20 tu met ña lutlut nu selos Damaskus, à nu Jerusalem, à yin nu kemwu Judea, à nu sin met Pegan, tu elos in auliyuk à forla nu sel God, à oru me orekma lun auliyuk.

21 Tu ke ma iñi met Ju elos struki yu wi in tempel, à sriki in uni yu wi.

22 Tu ou iñi ke es kasu lun God, ña mutanu nu ke len si iñi in orek ma lo nu sin ma sisik à ma lulap, fwakañ ma iñi mugenu ma met palu à Moses elos fwak mu à fwa tuku tuk: 23 tu Kraist el fwa keokiun, à tu El maši meta selos su molyuk yin iniše mi, à luti kalem nu sin metu à nu sin met Pegan.

24 À ke el kaskasnu ke'l ou iñi, Festus el fwak ke pusra lulap, Poul, kom mwul la; lalmetmet lulap orek kom in mwul.

25 À el fwak, Na tiu mwul, Festus lulap; ña fwaknu kas payi à šumwosnu.

26 Tu togusa el etu ma iñi ye mutun su pe ña kaskas pulaik. Tu ña mu wañinu ma iñi mwukmwuk ke'l; tu ma iñi tiu orek nu in sru mworsrik.

27 Togusa Agrippa, ya kom lalalfuñi met palu? Na etu tu kom lalalfuñi.

28 Na Agrippa el fwak nu sel Poul, Kom kaifwi yu ña'kurun nu kristin.

29 À Poul el mu, ña pre nu sin God, tu tiu kom mugenu, tu elos pe nu kemwu su loñ yu misiñi akurun oanu ña, à oanu šumwosmwoś, fwin tiu me kopur iñi.

30 À ke elos kaskas ma iñi tari, togusa el tuyuk, à met leum, à Bernis, à elos su oelulos mutu: 31 à ke elos fwasot kutu, elos kaskas sie sin sie, fwakañ, Wañinu ma met iñi oru tu el miši à kopur.

32 Na Agrippa el fwak nu sin Festus, Kem ku in tulala met si iñi, el fwin tiu pañon nu sin Sisar met.

SAPTER 27.

A KE nunku tari tu kem kol nu in Italia, elos asalañ Poul à kutenu met prison nu sin senturion lun u'n Augustus è Julius.

2 Ā sroyuk nu fwin oak Adramišium, kem kolot, nunku mu in kol siske'n Aſia; Aristarkus, met Masedonia lun Tesalonika el wi kem.

3 Ā len si tuko kem ſuñ Saidon. Ā Julius el oru kulañ nu sel Poul, ā lela lun ſom nu yurin met kawuk lal in es kutu mwo sel.

4 Ā ke kem kolot iñō mi tari, kem kol lulin Saiprus, tu eñ kolukla.

5 Ā ke kem kol mwe'an Silisia ā Pamfilia kem tuku nu siti Maira lun Lišia.

6 Ā iñō senturion el konioik oak sugo lun Aleksandria la kol nu Italia; el fili kemi fwe.

7 Ā ke kem kol kakasisik len puspis ā sumwe tuku nu siske'n Naidus, eñ tiu mwo simem, kem kol lulin Krete, nu siske'n Salmone; 8 ā, ke akurun tiu alukela mao, kem tuku nu sie an pañpañ Molsron Mwowo, ma apkurun siti Lasea.

9 Ā tu pal lulisi ſom, ā iñi koluk ke kol, tu pal si lalo ſomla tari, Poul el lutı, 10 ā fwak nu selos, Met, ña liye tu kol si iñi fwa koluk ā ma puspis tūla, tiu ke kwanin oak ā oaku mugenu, ā ouyape ke mol las.

11 Ā senturion el lalalfuñi kaptin ā owner lun oaku,

yok liki mao ma Poul el fwak ke.

12 Ā tu molsron tiu mwo in oi ke pal musis, ā pus met elos papu in ſom iñō mi, tu elos fwin ku elos tuku nu Fenis in mutu ke pal musis; ma iñi molsron lun Krete, ā onnu ke sauwest ā newest.

13 Ā ke eñ roto tu ma si-sik, nunku mu tu elos es oanu elos papu, tultul la, elos kol apkurun nu Krete.

14 Ā tiu patla tuk eñ upa si tuyuk lain mao, ē Eurokludon.

15 Ā ke eñ srukie oaku, ā kem koflanu kol ke eñu, kem lela lun ſom.

16 Ā ke kem kol lulin sie tuko ē Klauda, kem orek ma upa in srukie reoae.

17 Ma ke elos srukak tari, elos oru kutu me kasu in luſuni apneni oaku, ā sinakin a putati nu yin pukpuk, kem lumani nes, ā ou iñi ſom.

18 Ā kem ikiknu ma lulap ke pakau, len si tuko elos akmulalaye oaku; 19 ā len si aktolu kem sisla ke paus mao fwin oaku.

20 Ā fwatu ā itu tiu sikni len puspis, ā pakau tiu srik on fwes, fwensok kemwu in mol wañinla.

21 Ā ke tela moño ma patpat tari, Poul el tuyuk in maslo'los, ā fwak, Met, mwo tu komwos loñ yu met, ā tiu

tulala liki Krete, à in es ma koluk iñi à ma tula.

22 Á iñi ña lutu nu šumwos in eñunak : tu wañin sie su-inwos tula, à oak mugenu.

23 Tu tu yuruk foñ si iñi lipufon lun God, su ma luk, à su ña akos, 24 fwakañ, Poul, nik kom sañeñ, tu kom à utukla nu ye mutun Sisar, à, liye, God el aš'ot nu šum elos nu kemwu su wi kom kol.

25 Ke ma iñi, met, komwos eñunak : tu ña lalalfuñol God, tu mao .a fwa ou ma fwak nu sik.

26 Á kut fwa patla nu fwin tuka si.

27 Á ke foñ si aksieñul-akos, ke kem patpat nu iñu nu iñi in Adria, akurun infulwin foñ, met kolkol fwin oaku elos nunku mu tu kem apkurun nu sie an.

28 Á elos sriki a liye ñeñu loñol ; à ke elos šom kutesisik, elos siefwil sriki, à liye ñeñu sieñul-limikos.

29 Na kem šinakin à la-ñoak fwin ekko, elos sisla kawuk akos liki unwak, à kenu lenelik.

30 Á ke met kolkol elos luñselos kaiñla liki oaku, ke elos koela reoa nu mwea oanu tu elos luñselos sisla kawuk liki mwonoak, 31 Poul el fwak nu sin senturion, à nu sin met meun,

Elos iñi fwin tiu on fwin oaku, komwos koflanu mol.

32 Na met meun elos otela sel ke reoa, à lela in putatla.

33 Á ke akurun lenelik, Poul el siyuk nu selos in moño, fwakañ, Iñi len si aksienulakos komwos mutanu à lalo, wañinu ma komwos es.

34 Tu ke ma iñi ña siyuk šumwos in es kutu me moño ; tu ma iñi mol lomwos : tu wañinu sugo aunšiufmwos putatla liki siufmwos nu kemwu.

35 Á ke el fwak ou iñi el es bred, à suñ kulu nu sin God ye mutualos nu kemwu ; à ke el kunšalik el mutualmwauk in moño.

36 Á elos nu kemwu eñun, à elos es pe me moño.

37 Á kem nu kemwu su fwin oaku oaoa met luo-foko-itñul onkos.

38 Á ke elos moño kùp, elos akmulalaiauk oaku, à sisla wit nu mwea.

39 Á ke lenelik, elos tiu etu anu ; elos konoik sie alok nu fwin meši, nu ke mao, elos mu, fwin ku, elos in oakakinye oaku.

40 Á ke elos srukak ka-wuk tari, elos fulela oaku nu mwea, à tulala sel ke ikik, à lakunalik nes lulapu nu ke eñu, à oi nu fwin meši.

41 Á putatla nu yin na luo tukeni eošun, elos suñ

anu ; à mwonoaku fulfuli, à onnu tiu mogukû, à unoak misalsal la ke na upa.

42 À papu lun met meun in uniye met prison, sinakin kutu à kofla à kaiña.

43 À senturion, tu el luñsi Poul lun mol, el srokolosi liki nunkolos ; à sap tu elos šu ku in kofkof siswanu sis elos la nu mwea met, à som nu fwin meši : 44 à kutenu, kutu fwin ipen sak, à kutu fwin ipen oak ; à ou iñi ma te oru, tu elos nu kemwu mol nu fwin meši.

SAPTER 28.

A KE elos mol, na elos etu tu è tuko si Melaita.

2 À met pegan elos oru nu simem tiu kulañ sisik ; tu elos tanak e, à es kem nu kemwu, tu pal si ke auf, à tu musis.

3 À ke Poul el sisani koppo etoñ si, à filiye in yea, faiper si el tuku in yea mi, à fulfuli ke paul.

4 À ke met pegan elos liye kosro sripsrip ke paul, elos fwak sie sin sie, Payi met iñi el met akmus, šu tiu miši mwea, à lalkas lela lun tiu mol.

5 Na el osrokla kosro nu in e, à wañinu ma koluk sel.

6 À elos sano, el a la fwa-fak, ku kinu putatla miši ; à ke elos sano ma patpat,

à liye tu wañin ma koluk yurol, elos eolla nunkolos, à fwak, el enut si.

7 Yin iñi an lun leum lun tuko si iñi, È Poplius ; el es à liye kemiun kulañ len tolu.

8 À ma te oru tu papa tumun Poplius el mas fwol à musen insie. Poul el ilyuk nu yurol, à pre, à filiye paul fwe'l, à unuel la.

9 Ke ma iñi tari, kutepe su mas fwin tuko si, elos tuku, à kela.

10 À elos sinakin kem ke me sinakin puspis ; à ke kem somla elos kite kem ma mwowo ses.

11 À tukin malem tolu kem som in sugo oak lun Aleksandria, su mutu fwin tuko si iñi ke pal musis, akul lal Daioskuros.

12 À srola nu Sirakuse, kem mutanu we len tolu.

13 À iñi mi kem kolot, à tuku nu Rišium ; à tukin len si ke ruto tumi, à len si tuko kem tuku nu Puteolai : 14 iñi kein konoiock met lili, à elos kenu tu kem mutu yurolos len itkos ; à ou iñi kem som nu Roma.

15 À iñi mi ke met lili loñ kem, elos tuku nu ke Appiai Forum, à Taveru tolu in suñ kem ; ke Poul el liye'los, el kulu nu sin God, à eñunak.

16 ¶ À ke kem tuku nu

Roma, senturion el ašuñ met prison nu sin kaptin lun met ſano; à lela Poul lun mutenu mutu yurin met meun si ſu liye'lañ.

17 Á ma te oru tukin len tolu Poul el pañon mu leum lun met Ju in tukeni. Á ke elos tukeni, el fwak nu selos; Met lili, wañin nu ma koluk ña oru lain met luk, ku manu lun papa tumas, à ña eeyuñ met prison Jerusalem mi nu in pon met Roma; 18 ſu, ke elos siyuk yu tari, luñsi in tula yu la, tu wañin nu ma ke miši yuruk.

19 Á ke met Ju elos kas lain mao, tu ou iñi mwo sik in pañon nu sin Sisar; na tiu ou iñi tu kutu ma yuruk in kas lain met luk.

20 Tu ke ma iñi ña pañon komwos, in liye komwos, à in kaskas yurumwos; tu ke fwensok lun Israel kopinkaslap iñi kopuri yu wi.

21 Á elos fwak nu sel, Kem tiu es letter Judea mi ke kom, à wañin sin met lili ſu tuku lutu ku kaskas ma koluk ke'um.

22 Á kem kenu loñ ſum ma kom nunku; tu ke u si iñi, kemē etu tu yin nu kemwu ma kaskas ko ke.

23 Á ke elos filiye len silal tari, ma puspis tuku nu yurol nu in lom sel; nu ſu el akkalemye à akloye

togusaï lun God, kaifwe'los ke Jisu, yin manu mi lun Moses, à palu mi, lutue mi nu yukue.

24 Á kutu lalalfuñi mao ma kaskas ke, à kutu silalalfuñi.

25 Á ke elos tiu nunok sugo yurolos, elos fwaselik, tukin pal si Poul el fwak sie kas tari, Mwonu ma Nun Mutual kaskas ke Esaias, met palu lun papa tumas, 26 fwakañi, Kom ſom nu yurin met iñi, à fwak, Ke loñ komwos à loñ, à a tiu etu; à ke liye komwos à liye, à a tiu liauk.

27 Tu inšien met iñi upa, à sralos matoltol in loñ, à mutualos elos sruñulye; fwin tiu ou iñi elos à fwa liye ke mutualos, à loñ ke sralos, à etu ke inšielos, à a fwa forla, à ña fwa unu elos la.

28 Ke ma iñi komwos etu, tu me mol lun God in sipaot nu sin met Pegan, à tu elos fwa loñ mao.

29 Á ke kaskas kas iñi tari, met Ju elos ſomot, à akukain ma lulap yurolos sie sin sie.

30 Á Poul el mutu yiu fon luo in lom sel ma el mol, à es elos nu kemwu ſu tuku nu yurol, 31 lutu togusaï lun God, à lutlut ma iñó ma lun Leum Jisu Kraist, ke ma pulaik, wañin nu met in kutoñ'lye.

LETA MA POUL EL ŠIM NU SIN MET PILIPPAI.

SAPTER 1.

POUL à Timoteus, met kulanšap lun Jisus Kraist, nu sin met mwo nu kemwu in Jisus Kraist, su mutu Pilippai, yurin met sropu à deacon : 2 luñ nu šumwos, à misla, yurin God Papa tumus mi, à yurin Leum Jisus Kraist mi.

3 Na kulu nu sin God luk ke esam komwos nu kemwu, 4 in pre nu kemwu luk pal nu kemwu, ña eñun in siyuk ke komwos nu kemwu, 5 ke nunok siewunu lomwos in mwo šašu, len si umet nu ke pal si iñi ; 6 ña lalalfuñi ke ma si'ñi nu, tu El su mutamwaük in orek mwo in komwos, El a fwa orek ma nu tari nu ke len si lun Jisus Kraist ; 7 oanu ma payi sik in nunku ma iñi ke komwos nu kemwu, komwos on inšiuk ; tu in me kopur luk, à ouyape in akšumwoye à in akkeiye lun mwo šašu, komwos nu kemwu wiyu in luñ luk.

8 Tu God ma lo luk, fuka lulap ña kenu ko-

mwo nu kemwu inšien Jisus Kraist.

9 À ma iñi ña pre ka, tu luñ lomwos yokyokoilik in lalmetmet à etauk nu kemwu ; 10 tu komwos fwa etu la mwo ka ; tu komwos fwa mutual à wañin ma sito nu ke len lun Kraist ; 11 tiñtiñi ke fwako mwo ma ke Jisus Kraist, nu ke ma mwowou à kakšakin lun God.

12 Tu ña kenu komwos in etu, met lili, tu mwo ma yuruk oru tu mwo šašu fwas nu met ; 13 ou tu Pretorium nu kemwu, à kutenu nu kemwu, elos etu fuku me kopur luk in Kraist ; 14 à ma puspis sin met lili in Leum, elos foñyuñ ke me kopur luk à pulaiknu in kas-kas kas lun God tiu sañeñ.

15 Ouyape kutu luti Kraist ke šok à akukain ; à kutepe ke kulañ ; 16 aok, elos iñi ke kulañ, etu tu likiyuwi ke akšumwosye lun mwo šašu ; 17 à elos iño luti Kraist ke akukain, tiu šuñwos, nunku in oraük añañ nu ke me kopur luk.

18 Na fuka? à tu in kain nu kemwu, ma lutu Kraist, —la in kutasrik, ku in payi —à in ma iñi ña eñun, aok, à ña tufwa eñun.

19 Tu ña etu tu ma iñi a fwa orauk nu ke mol luk ke pre lomwos, à kasu ke Nun lun Jisus Kraist, 20 oanu ma tawinu luk ma lulap à fwensok, tu wañinu ma ña fwa mekin ka, à tu ke pulaik lulap, oanu met, ouyape iñi fwa kakšakin Kraist in monuk, la ke mol, ku ke miši.

21 Tu in mol nu sik Kraist, à in miši mwo oiyé.

22 Tu fwin mol in ikwe, ma iñi fokinšak lun me orekma luk: à ña tiu etu ma ña es ka.

23 Tu ña alolo ka luo, ña kenu šom à mutu yurin Kraist, ma iñi mwo liki.

24 Tu, in mutu in ikwe, ma mwo liki nu šumwos.

25 À in nunkauk ke ma iñi, ña etu tu ña fwa mutanu à mutanu yurumwos nu kemwu ke aklapye à akeñunye lalalfuñi lomwos; 26 tu eñun lomwos fwa yokoilik in Jisus Kraist in ña ke ña siefwil tuku nu yuromwos.

27 Ouiñinu lela tu me orekina lomwos fwa fwol oanu šašu lun Kraist: tu ña à la tuku à liye komwos, ku mutanu, ña fwa loñ ke me orekma lomwos, tu komwos

tu ku in ñun siewunu, in nunok siewunu ke lalalfuñi lun mwo šašu: 28 à wañinu šañeñ ke met lokwalok lomwos: mao nü selos akul si lun tulanu; ànu šumwos lun mole, à ma iñi yurin God mi.

29 Tu siot nu ke Kraist, tiu lalalfuñi ke El mukeñu, à ouyape in keokiuñ ke El; 30 in es ma kaiyuk oanu ma komwos liye in ña, à iñi in loñ in ña.

SAPTER 2.

KE ma iñi fwin kutu kas lutlut in Kraist, fwin kutu asor mwowo lun luñ, fwin kutu aeñune lun Nun, fwin kutu inšie à pakomutu, 2 komwos in seseslanu eñun luk, tu komwos nunok ouyape, es luñ ouyape, inšiumwos inšiewunu ke nunok sugo.

3 Tiu nunok kin akukain; tiu in konkùn ke wañin sripe; tu in fwokpap nunku tu kutenu mwo luk elos.

4 Komwos in tiu liauñ ma lomwos mukenu, tu komwos pe ma lun kutenu.

5 Likiye tu nunok in komwos oanu ma in Kraist Jisus: 6 su lemsi lun God, in tiu nunku mu El mutun-pot-apot in oanu God: 7 tu El ſifwanu šarukla El, à nukmulañ lemsi met kulan-

šap; à ora'l lemsi oanu met: 8 à konoilok oanu monin met, El ſifwanu akfwok-papy'El, à El akos nu ke miši, aok, nu ke miši lun ſaksiñ.

9 Ke ma iñi, aok, God el akfulaty'El ma lulap, à ſuñ nu Sel È si ma fulat è nu kemwu: 10 tu nu sin È'n Jisus inti nu kemwu fwa ſikukmutunti, sin ma in kosao, à ma on fwalu, à ma on ten fwalu; 11 à tu loa nu kemwu fwa fwakak tu Jisus Kraist el Leum nu ke ma mwowou lun God Papa.

12 Tu ke ma iñi, met kuļ Luk, oanu komwos akos pal nu kemwu, tiu oanu on ye mutuk mukenu, tu iñi mwo-nu ke ña ſiom, komwos orekma nu mol lomwos ke ſañeñ à rarrar.

13 Tu God el ſu orek in komwos in luñſi à in oru ma El luñsel.

14 Komwos orek ma nu kemwu tiu torkaskas, tiu akukain; 15 tu komwos fwa payi à oa, mwen nutin God, wañin ma sito, infulwin fwil kū à sumosmos, yurin ſu ko-inwos ſaromrom oanu eka-leñ nu fwalu; 16 sauks kas lun mol; ke eñun nu sik nu ke len lun Kraist, tu ña tiu kasus ke wañin, tiu orekma ke wañin.

17 Aok, tu ña fwin ſifwanu okoiyuwi nu fwinkiše à me orekma lun lalalfuñi lomwos, ña eñun, à eñun wi komwos nu kemwu.

18 Aok, tu ma iñi pe komwos pe eñun wi yu.

19 Tu fwensok in Leum Jisus tu tiu pat ña ſipa'lot Timotius nu ſumwos, tu ña pe fwa mwo inſiuk, ke ña etu ma komwos fuka.

20 Tu wañin met yuruk ou el, ſu kenu liauñ ma lomwos.

21 Tu kemwanu ſuk ma lolos, tiu ma lun Jisus Kraist.

22 Tu komwos etu ma ſriki lal, oanu mwen yurin papa tumal, el wi yu in oru in mwo ſaſu.

23 Ke ma iñi fwensok luk tiu pat in ſipa'lot, pal si ke ña fwa etu fuka ſik.

24 Tu fwensok luk in Leum tu ña pe ſifwanu tuku tiu pat.

25 À ña nunku tu mwo in ſipaot Epafrodaitus nu ſu-mwos, ma lik, à ma wi yu in orekma, à met al wi yu in mwo ſaſu, tu met kulan-ſap lomwos, à met wiſ ma ña kenu.

26 Tu iñi el kenu komwos nu kemwu, à el tiñtiñi ke toas tu komwos loñ tu el mas.

27 Aok, el mas akurun nu miši: tu God el pakomu-

tal; à tiu el mukenu, tu ña pe, tu ña a tiu ašor nu ašor.

28 Ke ma iñi ña šilaklak kutu in sipa'lot, tu, ke komwos siefwil liye'l, komwos tufwa eñun, à ña pe srikeni ašor luk.

29 Ke ma iñi komwos as al in Leum ke eñun muke-nu; à es met ou iñi in oi: 30 tu ke me orekma lun Kraist al akurun nu miši, mu mansis mol lal, tu el neki me orekma komwos sifwol nu sik.

SAPTER 3.

MA tuk, met lili, komwos eñun in Leum. Tu in sim ou ma iñlo nu sumwos, aok ña tiu toas ka, tu mwo nu sumwos.

2 Liauñ kosro ñaliñul, liauñ su orek ma koluk, liauñ su luslus.

3 Tu kem met kosraok, su ali in Nun lun God, à kon-kun ke Kraist, à tiu foñyuñ ke ikwe.

4 Tu ña pe ku in foñyuñ nu ke ikwe. Fwin sienu met el nunku el ku in foñyuñ nu ke ikwe, ña yoknu: 5 kosraok ke len si akoalkos, lun sou lun Israel, sruf lun Benjamin, met Hebru lun met Hebru; ke ma šap, ña met Farisi; 6 ke moniyuk, kolyai šurs; ke ma

mwo lun ma šap, wañin ma sito.

7 Tu mao ma mwo oiyen nu sik, ma iñi ña nunku ma tula ke Kraist.

8 Tu payi, ke ma iñi, ña nunku mu tu ma nu kemwu tula ke ma mwovo lun lal-metmet lun Kraist Jisus Leum luk: ke Šu ma luk nu kemwu tula, ña nunku elos kutkutnu tu ña fwa es Kraist, 9 à fwa konoiyik-yuk in El, tiu es ma mwo luk ke ma šap, tu mao ma ke lalalfuñi ke Kraist, ma mwo ma lun God on fwin lalalfuñi: 10 tu ña fwa etu El, à ku lun molyuk Lal, à aeñune ke keokiun Lal, tu ña fwa lemsi ke miši Lal; 11 fwin ku luk ña fwa es molyuk yin miše mi.

12 Tiu tu ña es iñi tari, ku inwo lanu iñi: tu ña akmwot, ña fwin ku in es mao ma Kraist Jisus el es yu ka.

13 Met lili, ña tiu nunku tu ña šifwanu es tari: tu ma siewunu ña oru, mulkunla inao ma tuk, à šaplakot nu ke mao ma met, 14 ña akmwot nu ke akul ke sisyet lun pañon in kosao lun God in Kraist Jisus.

15 Ke ma iñi, lela tu elos šes su mwo lanu nunku ou iñi: à fwin kutenu mao komwos nunku sienu, aok, ma

iñi God el fwa oliñalik nu
šumwos.

16 Ā tu nu ke kut es tari,
mwo tu ke ma iñi kut fwas
ka.

17 Met lili, komwos tukeni
eta wi yu, ā liye elos ſu fwas
oanu komwos es kem ke ma
ſrugusrok.

18 Tu ma puspis fwak, ke
ſu ña oru nu ſumwos pal
puspis met, ā iñi nu ſumwos
ke tuñ, tu elos met lokwalok
lun ſaksiñ lun Kraist: 19
ma tukolos sukela, enut lalos
inſielos, ā oiy'elos ke ma me-
kin lalos, elos liauñ ma nu
fwalu.

20 Tu an ſes in kosao; iño
me pe kut ſano met Laño,
Leuin Jisus Kraist: 21 ſu
fwa olla manos koluk, tu a
fwa lemsi oanu monin mwo
lanu, oanu me orekma El ku
kutoñye ma nu kemwu Sin
ſifwanu.

ŠAPTER 4. -

K E ma iñi, met lili, ma tu-
polwi ā kenu ka, eñun
luk ā tefuro, komwos, met
kulu, tu ou iñi ku in Leum.

2 Na siyuknu nu sel Euodius,
ña siyuknu nu sel Sun-
tuke, tu eltal nunok siewunu
in Leum.

3 Aok, ña siyuk nu ſum
pe, oaoaila payi, kom
kas'elos mutan ſu wi yu orekma
in mwo ſaſu, wi pe Kle-

ment, ā kutepē selos met wi
yu orekma luk, ē'los ſu in
buk lun mol.

4 Komwos eñunak in Leum
pal e nu kemwu: ña sie-
fwilpe fwak, komwos eñu-
nak.

5 Lela tu met e nu ke-
mwu fwa etu kulañ lomwos.
Leum el apkurun.

6 Komwos tiu nunkauk ma
lulap ke ma ſa; tu in ma
nu kemwu ke pre ā siyuknu
lela tu God lun etu ma ko-
mwos siyuk ka.

7 Ā misla lun God, ma
mwo liki ete nu kemwu, a
fwa liauñ inſiumwos ā nun-
komwos in Kraist Jisus.

8 Ma tuk, met lili, mao ma
nu payi, mao manu mwo,
mao ma nu ſumwos, mao ma
nu mutal, mao ma nu kulañ
mao ma nu kas mwo; fwin
kutu mwo, fwin kutu kak-
ſak, komwos nunku ke ma
iñi.

9 Ma komwos lutlut, ā es,
ā loñ, ā liye in ña, ma iñi
komwos oru: ā God lun
misla fwa wi komwos.

10 Tu ña eñun in Leum
ma lulap met, tu iñi tuk ko-
mwos fulfulinfok in nunku
ke ña; ke mao komwos pe
liauñ, tu wañin pal lomwos.

11 Tiu tu ña fwak ke si-
gasrup: tu ña lutlut in mao
ma ña mutu ka, in mao ña
tiu tukasu.

KOLOSSE, 1.

12 Na etu fuka in ma fwako tufwa yoknu nu sumwos.
fwokpap, à ña etu fuka in ma puspis: in kain nu kemwu à in ma nu kemwu ña lutlut ke kùp à ke musinsral, ke gasrup à ke sigasrup.

13 Na ku in orek ma nu kemwu in El su akkui yu la.

14 À tu mwo ma komwos oru, tu komwos wi yu ke keok luk.

15 Iñi, komwos, met Pilippai, aok komwos etu, tu ke mutamwauk mwu šašu, ke ña fwas liki Masedonia, wanin šurs kitelik nu sik ke ma šuñ, à ma es, tu komwos mukenu.

16 Aok, tu in Tessalonika komwos sipamu sie pal à pal si akluo nu ke kenu luk.

17 Tu ña tiu siyuk in es kutu ma; tu ña siyuk ke

fwako tufwa yoknu nu sumwos.

18 Tu nu kemwu yuruk, à ma puspis: ña tiñtiñinu, ña es sel Epafrodaitus mao ma komwos sipu, ma keñ si mwo in ñok, kiše mwo, ma eñun nu sin God.

19 Tu God luk El fwa šuñ ma nu kemwu komwos kenu oanu gasrup Lal in mwolanu ke Kraist Jisus.

20 Iñi mwolanu nu sin God Papa tumus nu ma patpat à ma patpat. Amen.

21 Komwos paiñ met mwo ku kemwu in Kraist Jisus. Met lili su mutu yuruk elos paiñ komwos.

22 Met mwo nu kemwu paiñ komwos, aok sou lun Sisa yokpe.

23 Luñ lun Leum Jesus Kraist wi ñunumwos. Amen.

LETA MA POUL EL ŠIM NU SIN

MET KOLOSSE.

SAPTER 1.

POUL, met sap lun Kraist Jesus ke luñsi lun God, à Timoteus met lili, 2 nu sin met mwo à met lili su lalifuñi in Kraist su mutu

Kolosse. Luñ nu sumwos, à misla, yurin God Papa tumus mi [à Leum Jesus Kraist].

3 Kem šuñ kulu nu sin God, Papa tumun Leum las Jesus Kraist pal e nu kemwu

KOLOSSE, 1.

ke kem pre ke yumwos, 4 tu kem loñ lalalfuñi lomwos in Kraist Jisus, à luñ lomwos nu sin met mwo nu kemwu, 5 ke fwensok likie nu in kosao nu šumwos, ke mao ma komwos loñ met in kas lun ma payi lun mwo šašu ; 6 ma tuku nu yurumwos, ou ma in fwal nu kemwu, à kapak isüs fwako à yokoilik, aok, oanu ma yurumwos, tukin len si komwos loñ mao, à etu luñ lun God payinu : 7 oanu komwos lutlut sin Epafras, met kulanšap kulu wi kem, ſu simem met kulanšap mwo lun Kraist ; 8 ſu fwak pe nu simem luñ lomwos in Nun.

9 Ke ma iñi, tukin len si kem loñ, kem pe tiu sisla pre ke yumwos, à kenu tu komwos sesesla ke etu ke ma luñsi Lal in lalmetmet nu kemwu à etu lun Nun ; 10 tu komwos a fwas mwonu in Leum in akeñunye nu kemwu, isüs fwako in me orekma mwo nu kemwu, à kapak ke me etu lun God ; 11 akkeye ke ku nu kemwu, oanu ku ma mwowo Lal, nu ke moñfusas nu kemwu à okok wi eñun ; 12 ſuñ kulu nu sin Papa, ſu orek kit mwo in es ma usru lun met mwo in kalem : 13 ſu es kit la liki ku lun los, à es kityuñ nu in togusai lun

Mwen nutin luñsi Lal ; 14 in ſu kut es me mol, nunok munas ke koluk ; 15 ſu lumun God ſilyoñin, isüs umet ma nu kemwu orek tuk ; 16 tu El orek ma nu kemwu, ma in kosao, à ma on fwalu, ma kalem à tiu kalem, la me mutu lun togusa, ku leum lulap, ku leum sisik, ku ma ku : El orek ma nu kemwu, à ma nu Sel : 17 à El mutu met ma nu kemwu tuk, à El orek ma nu kemwu.

18 À El siufwin mano, ma ſurš : ſu mutamwauk, isüs umet luk elos ſu miši ; tu in ma nu kemwu El tufwa fulat.

19 Tu ma mwo sin God, tu ma nu kemwu ma sesesla fwa mutu in El ; 20 à orek misla tari ke sran ſaksiñ sugo Lal, ke El in akmwoyeni nu sie ma nu kemwu nu Sel ; aok, ke El, la mao ma on fwalu ku ma in kosao.

21 À komwos ſu kutu pal met asasñai à lokwalok in nunkomwos ke orekma koluk, à iñi El akmwoyeni, 22 in monin ikwe Lal ke miši, tu El es komosyuñ mutual à wañin ma sito, à met payi ye mutual : 23 komwos fwin fwasi in lalalfuñi osiñye à ku à tiu fwas liki mwo šašu ma komwos loñ met, à ma lutu nu sin ma nu kemwu ma on

ten in kosao, ke mao ña
Poul met tutafpo ka.

24 Iñi ña eñun ke keokiun
luk ke yumwos, ã nakla mao
ma tiu fwol ke keokiun lun
Kraist in ikök ke manol,
mao ma ſurš; 25 ke ſu ña
met tutafpo oanu me orekma
lun God ma El ſi nu ſik ke
yumwos, in lutu payinu kas
lun God; 26 mao ma foñla
ma mwukla ma patpat mi ã
fwil yikas mi, ã iñi kalem
nu ſin met mwo Lal; 27 nu
ſin ſu God el luñsel lutu mao
ma gasrup lun ma mwowo
lun foñla ſi iñi yurin met
pegan; ma Kraist in ko-
mwos, fwensok lun ma mwo-
wou; 28 ſu kem lutu ka, in
kai met nu kemwu, ã lutu
met nu kemwu in lalmet-
met nu kemwu: tu kem fwa
fulelosyuñ met nu kemwu
mwolanu in Kraist; 29 ke
mao ña pe orekma, kaifwiun
oanu ke me orekma Lal, ſu
orek ma keku in ña.

SAPTER 2.

TU ña kenu tu komwos etu
T fuka kaifwiuk lulap luk
ke yumwos, ã ke elos mi
Laodisea, ã k'elos kutenu ſu
tiu liye mutuk in ikwe; 2 tu
inſielos a fwa parak, toloñla
nu ſie in luñ, ã nu ke gasrup
nu kemwu lun etauk nu
ſumwoswos, in etelanu ma
foñla lun God, [ã lun Papa,

ã lun Kraist], 3 in mao ma
mwo nu kemwu lun lalmet-
met ã lun etauk mwuk-
mwuk ka.

4 ã ña fwak ma iñi, tu met
in tiu kiape komwos la ke
kas pen.

5 Tu ña fwin wañin ke
ikwe, ña wi komwos in ñun,
eñun ã liye ma ſumwos lo-
mwos ã ma keku lun lalal-
fuñi lomwos in Kraist.

6 Na oanu komwos es
Kraist Jisus Leum met, ko-
mwos fwas in El; 7 okala
ã mušai in El, ã kuinu ke
lalalfuñi, oanu komwos lut-
lut ka met, yokyoikoilik nu
ka wi kulu.

8 Komwos liauñ tu kutenu
met tiu kanawis komwos la
ke lutlutnu ã kiapala ke
wañin sripe, ke kaskas matu
lun met, ã ke ſrumtauk ma
lun fwalu, ã tiu ke Kraist:
9 tu ma nu kemwu ma lun
God sesesla in El.

10 ã komwos tiñtiñi ke El,
ſu ſiuf lun manu ã ku nu
kemwu: 11 in ſu komwos
pe kosraok umet ke sie kos-
raok tiu orek ke po, in
ſarukla mano lun ikwe,
ke kosraok lun Kraist: 12
pukpuki yurol ke baptais, in
mao komwos pe molyuk
yurol ke lalalfuñi in me
orekma lun God, ſu akmo-
ly'El ak yin miše mi.

13 ã komwos miši in ma

koluk lomwos, à in tiu kosraok ke ikwe lomwos, El akmolye komwos yuk pe yurol, nunok munas tari ke ma koluk las nu kemwu ; 14 ëlla simisla ma lun manu ma lain kit, ma tiu mwo nu ses, à el eslanu mao, patikye mao nu ke šaksiñ sugo Lal : 15 à kanaosla tari manu à ku, El loto'elos yuk pulaik, kutuñ'olos la in mao.

16 Ke ma iñi lela tu wañin met in nununke komwos ke moño à ke nim, ku ke ko-fwo, ku ke malem šašu, ku ke len sabat : 17 mao ma ñunin ke kutu mao a fwa-tuku ; tu mano ma lun Kraist.

18 Lela tu met in tiu srifwe komwos liki ma lane lomwos luñsi in fwokpap, à ali nu sin lipufon, sayettu nu ke mao ma el tiu liye met, mwan inšiel ke etu in ikwel : 19 à tiu srukje Šiuf, mao mi maneno fon ke kap-sa, à me aoeni es ku ka, à toloñla nu sie, kapak ke ma kapak lun God.

20 Komwos fwin miši in Kraist liki ma srumtauk lun fwalu, efwo, ou mol nu fwalu, komwos orek manu, 21 ma tiu srukak, tiu emakin, tiu kal ; 22 ma nu kemwu fwa-wañinla ke moño ; oanu ma sap à ma lutlut lun met ?

SAPTER 3.

KE ma iñi komwos fwin wi Kraist molyuk, šuk mao ma nu lüñ, yin sin Kraist mutu on la po leyut sin God : 2 nunkauk ke ma nu lüñ, tiu ke ma nu fwalu.

3 Tu komwos miši ; à mol lomwos mwukmwuk yurin Kraist in God.

4 Ke Kraist šu mol las, El tufwa sikmi, na komwos pe fwa sikmi yurol in ma mwo-wou.

5 Ke ma iñi komwos uni ma keuinwos ma on fwalu : ma kosro, ma fwokpap koluk, ma kenu ka, ma luñsi koluk, ma rapku, mao ma ali lun met pegan : 6 tu ke ma iñi siluñ lun God tuku nu fwin tulig siakos ; 7 in mao ma komwos pe wi fwas met, ke komwos mutu in mao.

8 À iñi komwos pe sisila ma iñi nu kemwu, mulat, koskusok, nunok koluk, kaskas ko, kaskas sipoklot liki olumwos.

9 Komwos tiu kikiap sie sin sie, tu komwos sisla met matu wikin me orekma lal : 10 à nukomañ ma šašu, ma šušula in lalmetmet, oanu lemsi Lal šu orek el met, 11 yin wañin met Grik, ku met Ju, met kosraok, ku met tiu kosraok, met Pegan, met Su-

tia, met kos, ku met fwunmet : tu Kraist el ma nu kemwu, à in ma nu kemwu.

12 Ke ma iñi, komwos nukomañ (oanu met sulūla lun God, mutal à luñsi,) pakoten inšie, kulañ, fwokpap in nunku, fwilpap, moñfusas, 13 fusas sie sin sie, à nunok inunas sie sin sie, fwin kuten met os ma lal lain sienu: à oanu Kraist el nunok munas nu šumwos, komwos ouyape.

14 À on fwin ma iñi nu kemwu komwos šuñye luñ, mao ma loloini ma šumwos-wos lanu.

15 À lela tu misla lun Kraist leumla inšiumwos, nu ke mao pe pañon komwos in mano siewunu ; à komwos mu kulu.

16 Lela tu kas lun Kraist on inšiumwos ma lulap ; in lalmetmet nu kemwu, in lutí à in kai sie sin sie in psalm à kas in on à on lun ñun, ke luñ inšiumwos komwos on nu sin God.

17 À ma nu kemwu ma komwos oru in kas, ku in orekma, komwos oru nu kemwu in él Leum Jisus, suñ kulu nu sin God Papa in El.

18 Mutan kíe, komwos si-fwanu tuklalon met mogul loinwos, oanu mwo in Leum.

19 Mogul tuma, mwo komwos luñsi mutan kíumwos, à tiu akmeni elos la.

20 Tulig, komwos akos papa nine kíumwos ke ma nu kemwu, tu ma iñi akeñunye Leum.

21 Papa, komwos tiu añon tulig nutumwos, fwin ou iñi elos tufwa toas ka.

22 Met lusroñten, komwos in akos met fwunmet lomwos ke ma nu kemwu in ikwe ; tiu ke met in liye mu, oanu in akeñunye metu ; tu ke mwo inšiumwos, in ūñeñ sin Leum.

23 Ma nu kemwu ma komwos oru, oru ma inšiumwos, oanu nu sin Leum, à tiu oanu nu sin met ; 24 in etu tu komwos fwa es sin Leum usru ke mol ; komwos oru nu sin Leum Kraist.

25 Tu el su orek ma sito a fwa es ke ma sito ma el orek ka ; à wañin ma sinok sin metu.

ŠAPTER 4.

MET fwunmet, komwos in suñ nu sin met lusroñten mao ma payi à fwol ; in etu tu sie Met Fwunmet lomwos pe in kosao.

2 Komwos sikalani ke pre, à ūñeñ ke mao wikin kulu ; 3 ouyape wikin pre ke kut, tu God el tufwa igasla nu ūñeñ sruñul ke kas, tu in

KOLOSSE, 4.

kaskas ma foñla ke Kraist, ke mao ña muta pe in me kopur; 4 tu ña a fwa lötëañ mao, oanu ña ku in kaskas.

5 Komwos in fwas in lalmetmet nu selos šu mutu lik, in liauñ pal mrwo.

6 Lela tu kas lomwos pal e nu kemwu wi luñ, solela ke sol, tu komwos fwa etu fuka ma komwos a fwa tupok nu sin met nu kemwu.

7 Ke ma nu kemwu ma luk Tukikus el a fwa lutin nu šumwos, el met lili šaok, à met orekma payi, à wiyu kulansap in Leum; 8 šu ña sipaot nu šumwos ke ma iñinu, tu el a fwa etu ma lomwos, à akeñunye inšiumwos; 9 wi Onesimus, met lili payi à šaok, šu sie sin šumwos. Eltal a fwa lutin nu šumwos ma nu kemwu ma orek yinu.

10 Aristarkus met wi yu kopur el paiñ komwos, à Mak, tulig nutin ma loul Barnabas, ke šu komwos es ma šap tari; (el fwin tuku nu yurumwos, komwos as al;) 11 à Jisus šu pañpañ Justus, eltal sin ma kosraok.

Elos iñi mugenu wi yu orekma nu ke togusai lun God, elos ore yu in parak.

12 Epafras, šu sin šumwos met kulansap lun Kraist Jisus, el paiñ komwos, pal e nu kemwu kaifwauñ in pre ke yuñwos, tu komwos a tu payi à šumwos in ma nu kemwu ma God el luñsel.

13 Tu ña met lo ke el, tu el sriki ma lulap ke komwos, à elos šu mutu in Laodisea, à elos in Hiapolis.

14 Luk, met šatal šaok, à Demas, eltal paiñ komwos.

15 Komwos in paiñ met šu mutu in Laodisea, à Numfas, à šurš in lom sel.

16 À ke komwos rid leta si iñi yurumwos, komwos oru tu elos rid pe nu in šurš lun met Laodisea; à tu komwos pe rid leta Laodisea mi.

17 À fwak nu sel Arkippus, Kom liauñ me orekma kom es sin Leuin, tu komakfwolye ka.

18 Paiñuk lun Poul ke pok sifwanu. Komwos in esam me kopur luk. Luñ wi komwos.

I. LETA MA POUL EL ŠIM NU SIN MET TESSALONIKA.

ŠAPTER 1.

POUL, a Silvanus, a Timoteus, nu sin met lun ſurs Tessalonika in God Papa a Leum Jisus Kraist: luñ nu ſumwos, a misla, (yurin God Papa tumus mi, a Leum Jisus Kraist.)

2 Kem ſuñ kulu nu sin God pal e nu kemwu ke yumwos nu kemwu, fwak komwosyuk in pre lumem pal e nu kemwu, 3 tu kem esanye orekma lomwos ke lalalfuñi, moniyuk ke luñ, a moñfusas ke fwensok in Leum las Jisus Kraist, ye mutun God a Papa tumus; 4 tu, kem in etu, met lili kulu lun God, ma ſulüla lomwos: 5 tu mwo ſaſu lumem tiu tuku nu yurumwos in kas mugenu, tu ouyape in ku, a in Nun Mutal, a in kuinsrim, oanu komwos etu kem met kain ſu yurumwos ke komwos.

6 A komwos fwas tuku mem, a tukin Leum, tu komwos es kas in añañ lulap wikin eñun ke Nun Mutal; 7 ou tu komwos me srugus-

rok nu selos nu kemwu ſu lalalfuñi in Masedonia a Akaia.

8 Tu kas lun Leum puñalik liki komwos tiu in Masedonia a in Akaia mugenu, tu in an nu kemwu lalalfuñi lomwos nu sin God fwaselik; ou tu wañin kutu mao kem kaskas ka.

9 Tu elos ſifwanu lutti ke immem, fuka kem ilyuk nu ſumwos, a fuka komwos forla liki enut sito nu sin God mol a payi; 10 a in ſano Mwen Natal in kosaoe mi, ſu El akmolyauk liki met miši, aok, Jisus, ſu es kitla liki siluñ a fwa tuku.

ŠAPTER 2.

TU komwos, met lili, etu ilyuk lumem nu yurumwos, tiu ke wañin sripe; 2 tu kem mwaioknu met, a elos akkolukiye kem ma lulap, oanu komwos etu in Pilippai, kem pulaik in God lumem in kaskas nu ſumwos mwo ſaſu lun God wikin akukain lulap.

3 Tu kas lumem in kaiyuk tiu ke kušuinkas, tiu ke fok-

I. TESSALONIKA, 2.

fok, tiu ke kiapu ; 4 tu oanu God el nunku mwo in-filiye inwo ſaſu nu simem, ou iñi kem kaskas ; tiu oanu eñunak metu, tu God ſu sriki inſius.

5 Tu wañin kutu pal kem oru kutu kas in saya, oanu komwos etu ; ä wañin me afne rapku, God el ma lo ka ; 6 ä kem tiu ſuk kakſak ſin metu, ä tiu ſin ſumwos, ä tiu ſin kutenu, pal si ke kem ku in ſap, oanu met ſap lun Kraist ; 7 tu kein kakasisik yurumwos, oanu kien oru nu ſin kitin tulig natal : 8 ou tu luñ lumem nu ſumwos, kem luñſi in ſiot nu ſumwos tiu mwo ſaſu lun God mugenu, tu ouyape ma inſiumem tu komwos ſaok nu simem.

9 Tu komwos esam, met lili, moniyuk lumem ä orekma : kem orekma foñ ä len, tu kem tiu toas nu ſin ſie ſumwos, kem lutu nu ſumwos mwo ſaſu lun God.

10 Komwos met lo, ä God pe, fuka ma mutal ä ma payi ä ma tiu ſito kem ſifwanu oru nu ſumwos ſu lalalfuñi ; 11 oanu komwos etu fuka kem kaifwi ä ak-mwoye ä kenu nu ſumwos nu kemwu kais ſie fwaz, oanu papa nu ſin tulig natal, 12 tu komwos ä fwaz oanu mwo lun God, ſu pañon ko-

mwos nu in togusäi Lal ä ma mwowou.

13 Ä ke ma iñi kem pe ſuñ kulu nu ſin God ä tiu sisla kutu pal, tu ke komwos es kas lun God ma komwos loñ ſimem, komwos es tiu oanu kas lun metu, tu, oanu ma payi, kas lun God, ma orekma pe in komwos ſu lalalfuñi.

14 Tu komwos, met lili, fwaz tukin ſurš lun God ſu in Judea ma in Kraist Jisus ; tu komwos pe keokiun ke ma iñinu ſin met wi yu-mwos, oanu elos ſin met Ju : 15 ſu unilye Jisus met, ä met palu lalos, ä elos kolyai kem ; ä elos tiu akeñunye God, ä elos ſito nu ſin met nu kemwu ; 16 oru nu ſimem in tiu kaskas nu ſin met pegan tu elos fwa es mol, tu elos nakla ma koluk lalos pal e nu kemwu : tu siluñ tuku nu fwelos nu tuk.

17 Tu es kein liki komwos kitin pal ke mutas, tiu ke inſius, met lili, kem sriki yoknu in liye mutumwos ke kenu ma lulap.

18 Ke ma iñi kem kenu tuku nu yurumwos met, aok ña Poul, ſie pal ä pal si akluo ; tu Setan el igol kemi.

19 Tu mea fwensok lumem, ku eñun, ku tefuro kakſak ? Ya tiu komwos

I. TESSALONIKA, 4.

ye mutun Leum las Jisus Kraist ke el tuku ?

20 Tu komwos ma kakšak lumem ä eñun.

ŠAPTER 3.

K E ma iñi, ke kem koflanu igol kemi kutu pal, kem nunku, mwo in sifwanu mutu nu Atens ; 2 ä in sipaot Timoteus, met limem ä wi kem orekma yurin God in mwo sašu lun Kraist, in osiñ komwos ye, ä in ak-mwoye komwos ke lalalfuñi lomwos ; 3 tu wañin met in mokukü ke ma añañ iñi ; tu komwos sifwanu etu tu filiyuki kem nu ke ma iñi.

4 Tu payi, ke kem wi komwos, kem fwak nu šumwos met tu kem fwa mwaiok ke añañ ; aok, oanu ma te oru, ä komwos etu.

5 Ke ma iñi, ke ña koflanu igul yu wi, ña šapot in etu lalalfuñi lomwos, tu ke kutu mao me srifwe el srifwe komwos, ä me orekma lumem fwa wañinla.

6 Tu iñi, ke Timoteus el tuku yurumwos mi nu simem, ä wis nu simem kutu kas mwo ke lalalfuñi ä luñ lomwos, ä tu komwos esam kem pal e nu kemwu, kenu ma lulap in liye kem, ouyape kem in liye komwos ; 7 ke ma iñi, met lili, kem parak ke komwos in ma nu kemwu

oñoiye ä añañ lumem : 8 tu iñi kem mol, komwos fwin tu ku in Leum.

9 Tu mea kulu ma kem ku in siefwil šuñ nu sin God ke komwos, ke eñun nu kemwu ma kem eñun ka ke yumwos ye mutun God lumem ; 10 foñ ä len kem pre ma lulap tu kem fwa liye inmutumwos, ä in akfwolye mao ma sifwol in lalalfuñi lomwos ?

11 Iñi lela tu God sifwanu ä Papa tumus ä Leum Jisus Kraist, luti innek lumem nu yurumwos.

12 Ä lela tu Leum el orek komwos in yokoilik ä puslikí ke luñ nu sin sie sin sie, ä nu sin met nu kemwu, oanu kem nu šumwos ; 13 ou tu El a fwa akkeye inšiumwos oa in mutal ye mutun God, ä Papa tumus, ke Leum las Jisus el tuku wi elos nu kemwu šu mutal.

ŠAPTER 4.

N A kutepe, kem siyuk nu šumwos, ä kaifwauñ in Leum Jisus, tu oanu komwos es sin simem fuka ma komwos fwafwasius ä in akeñunye God, aok oanu komwos fwafwasius, mwo tu komwos yokyokoilik ka.

2 Tu komwos etu ma sap kem šiot nu šumwos ke Leum Jisus.

3 Tu ma iñi ma God el

I. TESSALONIKA, 5.

luñsel, tu komwos mutal, tu komwos filiye ma kosro; 4 tu komwos nu kemwu fwa etu in es maši ma lomwos ſifwanu in mutual à mwonus, 5 tiu in kenu ke ma koluk, aok oanu met Pegan ſu tiu etu God; 6 tu wañin sie in fwaz egulla à ſrifwe met lel in maši; tu Leum el aksu-mwosye ma nu kemwu ma iñi, aok oanu kem fwak nu ſumwos met à orek ma lo ſumwosnu.

7 Tu God el tiu pañon kit nu ke fokfok, tu mutual.

8 Na ke ma iñi el ſu sruñu, el tiu sruñu met, tu God, ſu ſhot pe nu ſumwos Nun Mutual Lal.

9 Tu ke met lili luñsi sie sin sie wañin ſripe tu ña ſim nu ſumwos: tu komwos ſifwanu lutlut sin God in luñsi sie sin sie.

10 Aok à komwos oru ma iñi nu sin met lili nu kemwu in Masedonia nu kemwu: tu kem kaifwañu nu ſumwos, met lili, tu komwos yokyo koilik ka; 11 à tu komwos ſriki in okok misla, à in orek me orekma lomwos mugenu, à in orek ke pomwos ſifwanu, oanu kem ſap nu ſumwos; 12 tu komwos fwafwasius mwo nu selos ſu mutu lik, à tu wañin ma komwos kenu ka.

13 Tu kem tiu luñsi tu

komwos ninukin ke elos ſu motul, tu komwos tiu asor oanu elos ſu tiu fwensok lalos.

14 Tu komwos fwin lalal-fuñi tu Jisus el miši à ſie-fwil molyuk, ouyape elos ſu motul in Jisus God el wiſ oelul.

15 Tu ma iñi kem fwak nu ſumwos in kas lun Leum, tu kut ſu mol à mutu nu ke Leum el tuku tiu fwaz met luk elos ſu motul.

16 Tu Leum ſifwanu el fwa oatu in kosaoe mi wi wowoyuk, wi pusren lipufon lulap, à wi ugug lun God; à elos ſu miši in Kraist fwa molyuk met: 17 na kut ſu mol à mutu, à fwa eolulos etikiuk in pukunieñ, in ſuñ Leum in eñyeñu: à ou iñi kut a fwa wi Leum ma patpat.

18 Ke ma iñi komwos ak-mwoye sie sin sie ke yikas kas iñi.

ŠAPTER 5.

TU ke palu à kutepe pal, met lili, wañin ſripe tu ña ſim nu ſumwos.

2 Tu komwos etu ma ſumwos tu len si lun Leum à tuku oanu met pusupas in foñ.

3 Ke elos a fwak, Misla à tiu ſenſen; na kanaosla ſa in tuku nu fwelos, oanu ñal

I. TESSALONIKA, 5.

sin mutan su putete ; à elos
koflanu fwala liki.

4 Tu komwos, met lili, tiu
mutu in los, tu len si a fwa
suñ komwos, oanu met pu-
supas.

5 Tu komwos nu kemwu,
mwen nutin kalem, à mwen
nutin len : kut tiu ma lun
foñ tiu ma lun los.

6 Ke ma iñi lela tu kut in
tiu motul oanu kutenu ; tu
lela tu kut in šano à in
efwal.

7 Tu elos su motul motul
in foñ ; à elos su srui srui
in foñ.

8 Tu lela tu kut, su ma
lun len, nukomañ loyuk ke
lalalfuñi à luñ, à, ke me
šusu, fwensok lun mol.

9 Tu God el tiu fili kitu nu
ke siluñ, tu in es mol ke
Leum las Jesus Kraist, 10
su muše kit, tu, kut la ñet-
ñet ku motul, kut a fwa
oelul mol.

11 Ke ma iñi komwos ak-
pari komwos yuk, à mušai-
yuk sie sin sie, aok oanu ma
komwos oru.

12 Iñi kem siyuknu nu
sumwos, inet lili, tu komwos
in etu elos su orekma yuru-
mwos, à liye komwos yuñ in
Leum, à kai komwos ; 13 à
in nunku mwo lulap ke elos
in luñ ke me orekma lajos.
Komwos in misla sie sin sie.

14 Tu kein siyuknu nu

sumwos, met lili, komwos in
kai elos su sipa, akpulaik
y'elos su munas nunko,
kas'elos su munas, pakoten
nu selos nu kemwu.

15 Liauñ tu wañin sie in
orek ma koluk nu ke ma
koluk nu sin sienu ; tu pal
e nu kemwu komwos in
fwas tukin mao ma mwo
nu sumwos sie sin sie, à nu
sin nu kemwu.

16 Komwos in eñun pal e
nu kemwu.

17 Komwos in pre tiu sisla.

18 In ma nu kemwu ko-
mwos suñ kulu : tu ma iñi
ma God in Kraist Jesus El
luñsi ke yumwos.

19 Komwos in tiu kutuñye
Nun.

20 Komwos in tiu sruñu
me polyauk.

21 Tu sriki ma nu kemwu;
srukie mao ma mwo.

22 Komwos in fwala liki
kain nu kemwu ma koluk.

23 Lela tu God lun misla
El sifwanu aknasnasye ko-
mwos la nu sumwoswos; à
tu El liauñ nu kemwu ñu-
numwos, à inšiumwos, à
monumwos in tiu sito nu
ke Leum las Jesus Kraist el
tuku.

24 Mwo El su pañon ko-
mwos ; aok El fwa oru.

25 Met lili, komwos in pre
ke imem.

26 Komwos in pañ met
277

II. TESSALONIKA, 1.

lili nu kemwu ke ñok ma fwa rid nu sin met lili mutual.
fwa rid nu sin met lili mutual nu kemwu.

27 Na fulak nu ſumwos | 28 Luñ lun Leum las Jisus
ke Leum, tu leta si iñi a Kraist wi komwos. Amen.

II. LETA MA POUL EL ŠIM NU SIN MET TESSALONIKA.

SAPTER 1.

POUL, à Silvanus, à Timoteus, nu sin ſurš lun met Tessalonika in God Papa tumus à Leum Jisus Kraist: 2 luñ nu ſumwos, à misla, yurin God Papa tumus mi à Leum Jisus Kraist.

3 Mwo tu kem ſuñ kulu nu sin God pal e nu kemwu ke yumwos, met lili, oanu ma mwo, tu lalalfuñi lomwos kapak .ma lulap, à luñ lomwos nu kemwu yokoilik nu sin sie sin sie yurumwos; 4 ou tu kemnu kakšak ke yumwos in kutu ſurš lun God, ke moñfusas lomwos à lalalfuñi in kolya nu kemwu lomwos à añañ ma komwos mwaiok ka: 5 ma akul si lun nununku mwo lun God, tu komwos fwa mwo lun togusañ lun God, ke mao ma komwos mwaiok.

6 Fwin ou iñi ma mwo yurin God in tupuk nu selos ſu akañañye komwos; 7 à nu ſumwos, ſu elos añañ ka, komwos wi kem moñla, ke Jisus Kraist el sikmi in kosaoe mi wi lipufon Lal, 8 in e furreuk in ſuñ anwuk nu fwelos ſu tiu etu God, à tiu akos mwo ſaſu lun Leum las Jisus Kraist: 9 elos es uni ke anwuk ma patpat liki mutun Leum, à liki ma mwowou lun ku Lal; 10 ke El a fwa es ma mwowo in met mwo sran, à es kakšak in elos nu kemwu ſu lalalfuñi (tu elos lalalfuñi ma lo lumem yurumwos) in len iñó.

11 Ke ma iñi pe kem pre pal e nu kemwu ke yumwos, tu God las a fwa nunku tu komwos mwo nu ke pañon iñi, akfwolye ma nu kemwu mwo Lal, à me orekma lun lalalfuñi wi ku; 12 tu È Leum las Jisus Kraist a fwa

II. TESSALONIKA, 2.

mwowou in komwos, à komwos in El, oanu luñ lun God las à Leum Jisus Kraist.

SAPTER 2.

INI kem siyuknu nu šumwos, met lili, ke sikmi lun Leum las Jisus Kraist, à ke kut tukeni nu sie nu Sel, 2 tu komwos tiu ſa in kusüsüs in nunkomwos, à in tiu fosña ke ñun, ku ke kas, ku ke leta, oanu yurumem wut, oanu tu len lun Leum apkurun iñi.

3 Lela tu wañin met in srifwe komwos ke kutenu ma: tu *ten si a tuku fwin* kutu tiu putatla met, à tu met lun koluk fwa sikmi, mwen nutin kanaoslanu, 4 ſu eyeinsi, à ſifwanu akfuflatye el lain ma nu kemwu pañpañ God, ku ma met ali nu ka; oanu tu el mutu in tempel lun God, ſifwanu lotö'l tu el God.

5 Ya komwos tiu esam, tu, ka ña wi komwos mutu, ña fwak ma iñi nu ſumwos?

6 À iñi komwos etu mao ma ſrukie, tu el a fwa sikmi in pal si lal ſifwanu.

7 Tu los lun ma koluk el orek iñinu: à el ſu lela *el a lela*, nu ke pal si el, ſu ſrukie, etikla el liki.

8. À na Ma Koluk fwa sikmi, ſu Leum Jisus a fwa furrela ke usen oalul ke mao

tuku ke sikmi Lal : 9 *aok el*, tuku lal oanu me orekma lun Setan, ke ku nu kemwu à akul à ſokuruk lun kikiap, 10 à in ma nu kemwu ſri-fwe lun ma koluk nu selos ſu wañinla; tu elos tiu es luñ lun ma payi, tu elos fwa mol.

11 À tu ke ma iñi God el ſipaot nu selos me orekma lun ſito, tu elos fwa lalalfuñi kikiap; 12 tu elos nu kemwu ſu tiu lalalfuñi ma payi, tu eñun in ma koluk à fwa wañinla.

13 Tu mwo nu simem in ſuñ kulu nu sin God pal e nu kemwu kè yumwos, met lili ſaok sin Leum, tu God ke mutamwauk mi El ſulü komwos nu ke mol ke akmwoye lun Nnn à ke lalalfuñi lun ma payi: 14 nu ke mao El pañon komwos ke mwo ſaſu las, tu in es ma mwowou lun Leum las Jisus Kraist.

15 Ke ma iñi, met lili, komwos tu ku, à ſrukie ma lutlut me lutu nu ſumwos, la ke kas ku ke leta lumem.

16 Iñi El ſifwanu, Leum las Jisus Kraist à God las à Papa, ſu luñſi kit, à ſi *nu ſes* parak ma patpat à fwensok mwo in luñ, 17 lela tu El akmwoyauk inſiumwos, à akkeye komwos in ma nu kemwu orek mwo à kas.

SAPTER 3.

KUTEPE ma tuk, met lili,
komwos in pre ke imem,
tu kas lun Leum a kasus nu
met a kakšaknu, oanu ma
yurumwos : 2 a tu a es kem
liki met sito a koluk, tu tiu
kemwu lalalfuñi yurolos.

3 Tu Leum el mwo, Šu a
fwa akkeye komwos la, a liye
komwos yuñ liki ma koluk si.

4 A kem lalalfuñi in Leum
ke yumwos, tu komwos oru
a a fwa oru mao ma kem
sap nu sumwos.

5 A mwo tu Leum el kol
inšiumwos nu in luñ lun
God, a nu in moñfusas lun
Kraist.

6 Iñi kem sap nu sumwos,
met lili, in E Leum las Jisus
Kraist, tu komwosnu fwala
liki met lili nu kemwu su
fwas kükü, a tiu oanu me
lutlut ma elos es sin simem.

7 Tu komwosnu etu fuka
mwo komwos in fwas tuku-
mem : tu kemnu tiu orek
kükü yurumwos ; 8 tu kem
tiu moñ bred lun sienu met
ke tiu mol : tu ke orekmanu
a toto'la kem orek foñ a len,
tu kem in tiu es mao sin sie
yurumwos.

9 Tiu tu kem tiu ku, tu in
orek kem me srukusok nu
sumwos in fwas tukumem.

10 Tu ke kem wi komwos
mutu, ma iñi kem sap nu
sumwos, tu fwin sienu el
tiu orekma, el a tiu moñ.

11 Tu kem loñ tu kutu
yurumwos fwas kükü, wa-
ñinu ma elos oru, tu elos
met takuskus.

12 Iñi ke met ou iñi, kem
sap a kai in Leum Jisus
Kraist, tu in misla elos
orekma, a moñ bred nelos
ſifwanu.

13 Tu komwos, met lili,
in tiu toto'la in orek mwo.

14 A fwin sienu met tiu
akos kas simem ke leta si
iñi, akulin il ye, tiu oelul
mutu, tu el a fwa mekin.

15 A tiu nunku el oanu
met lokwalok, tu kai el oanu
sie met lili.

16 Iñi mwo tu Leum lun
misla El ſifwanu ſuñ nu
sumwos misla pal e nù ke-
mwu in ma e nu kemwu.

17 Paiñuk lun Poul ke pok
ſifwanu ; me akul in Leta
nu kemwu : ou iñi Na Šim.

18 Luñ lun Leum las Jisus
Kraist in wi komwos nu ke-
mwu. Amen.

LETU SI META MA JON EL ŠIM.

SAPTER 1.

MAO ma ke mutamwauk
Mi, ma kem loñ, ma
kem liye ke mutamem, ma
kem ſuiye ka, à pomem
kakal, ke Kas mol; (2 tu
mol sikmi, à kem liye mao,
à orek ma lo ka, à luti nu
ſumwos ma mol ma patpat,
ma yurin Papa met, à ſikini
nu ſes;)

3 Mao ma kem liye à loñ
ken luti nu ſumwos; tu
komwos pe fwa sie nu
simem; à payi sie las nu
sin Papa, à nu sin Jisus
Kraist, Mwen Nutin.

4 À kem ſim ma iñi nu
ſumwos, tu eñun lomwos
fwa tiñtiñinu.

5 ¶ À ma iñi manu ma
kem loñ ke'l, à luti nu ſu
mwos, tu God kalein, à in
El wañinu ma los.

6 Kut fwin fwak, kut sie
nu Sel, à fwafwasyis in los,
kut kikiap, à tiu orek ma
payi.

7 À kut fwin fwafwasyis
in kalem, oanu El in kalem,
kut fwa sie nu sin sie sin
sie, à sa'n Jisus Kraist,

Mwen Nutin, aknasnasye
kit liki ma koluk nu ke
mwu.

8 Kut fwin mu, kut tiu
koluk, kut kiape kit la, à
ma payi tiu inšius.

9 Kut fwin fwakak ma
koluk las, El payi à ſu
mwosnu in nunok munas
ke ma koluk las, à aknas
nasye kit liki ma sito nu
kemwu.

10 Kut fwin fwak mu,
kut tiu orek ma koluk, kut
ora'l kikiap, à kas Lal tiu
inšus.

SAPTER 2.

TULIG sisik nutig, ma iñi
T ña ſim nu ſumwos, tu
komwos in tiu orek ma ko
luk. Met sinu fwin orek
ma koluk, Sie ma las siyuk
kit sin Papa, Jisus Kraist,
met payi.

2 À El me inwe ke ma
koluk las, à tiu ke ma ko
luk las mugenu, tu ouyape
ke ma koluk lun fwal e nu
kemwu.

3 À ke ma iñi kut etu tu
kut eta'l, kut fwin liauñ
ma sap Lal.

I. JON, 2.

4 El ſu fwak, ña eta'l, à tiu liauñ ma ſap Lal, el met kikiap, à payi tiu in el.

5 À el ſu liauñ kas Lal, payi luñ lun God ſumwos lanu in el; ke ma iñi kut etu tu kut in El.

6 El ſu fwak, el mutu in El, mwo tu el ſifwanu fwafwasyis, oanu ke El fwafwasyis met.

7 Met lili, tiu ma ſap ſaſu ña sim nu ſumwos, tu ma ſap matu ma on yurumwos ke mutamwauk mi. Ma ſap matu, kas ma komwos loñ ke mutamwauk mi nu iñi.

8 Siefwil, ma ſap ſaſu ña sim nu ſumwos, maſi ma payi in El à in komwos: tu losu wañinla, à kalem payi ſaromrom iñi.

9 El ſu fwak, el mutu in kalem, à sruñu met lili, el mutu in los nu ke pal si iñi.

10 El ſu luñsi met lel el mutu in kalem, à wañin ma tugulkul in el.

11 À el ſu sruñu met lel, el mutu in los, à fwafwasyis in los, à tiu etu an el fwas nu we, tu losu konel la mutual.

12 ¶ Na sim nu ſumwos, tulig sisik, tu ma koluk lomwos nunok munas nu ſumwos ke El.

13 Na sim nu ſumwos, papa, tu komwos eta'l ke

mutamwauk mi. Na sim nu ſumwos, met mogul fwus, tu komwos kutuñla ma koluk si. Na sim nu ſumwos, tulig sisik, tu komwos etu Papa.

14 Na sim nu ſumwos met, papa, tu komwos eta'l ſu mutu ke mutamwauk mi. Na sim nu ſumwos met, met fwus, tu komwos ku, à kas lun God mutu in komwos, à komwos kutuñla ma koluk si.

15 Komwos in tiu luñsi fwalu, à kutu ma os fwalu. Met sinu fwin luñsi fwalu, luñ lun Papa tiu in al.

16 Tu ma nu kemwu fwalu, luñ nu ke ikwe, à luñ nu ke muta, à fulañ ke mol, ma iñi tiu sin Papa, à ma nu fwalu.

17 À fwalu ſomla, à kenu ka ouyape; à el ſu oru ma luñ lun God mutanu ma patpat.

18 Tulig sisik, ma iñi pal si tuko. À oanu komwos loñ tu kraist sito fwa tuku, aok iñi kraist sito puspis; ke ma iñi kut etu tu iñi pal si u-tuk.

19 Elos ſomla liki kit, tu elos tiu ma wiyus; tu elos fwin ma wiyus, elos mutu yuros; tu elos ſomla, ma iñi payikin tu nu kemwu selos tiu ma wiyus.

20 Tu moswela yurumwos

I. JON, 3.

sin Ma Mutal Si, à komwos etu nu kemwu.

21 Ña tiu ñim nu ñumwos met tu komwos tiu etu ma payi, à tu komwos etu mao, à tu kikiap nu kemwu tiu wi ma payi.

22 Su met kikiap fwin tiu el su lafwekin tu Jisus el Kraist? El kraist sito su lafwekin Papa à Mwen.

23 El su lafwekin Mwen, el iñi tiu es Papa; (el su fwakak Mwen el es Papa pe.)

24 Ke ma iñi lela mao in mutu in komwos, ma komwos loñ ke mutamwauk mi. Mao ma komwos loñ ke mutamwauk mi, fwin mutu in komwos, komwos pe fwa mutu in Mwen, à in Papa.

25 Á ma iñi tukakunañ ma El tukakun mu nu ñes, mol ma patpat.

26 Ma iñi ña ñim nu ñumwos ke'los su koa komwos la.

27 Á moswela ma komwos es yurol met, mutu in komwos, à komwos tiu enenu tu sienu met in luti komwos: à tu moswela luti nu ñumwos ke ma nu kemwu, à ma payi, à tiu kikiap, à oanu ma luti nu ñumwos met, komwos fwa mutu in El.

28 ¶ Á iñi tulig sisik,

komwos mutu in El; tu, ke El tufwa sikmi kut lalafuñi, à tiu mekin ye mutual ke El tuku.

29 Komwos fwin etu tu El payi, komwos etu tu elos nu kemwu su orek ma payi elos isüsla ke'l.

ŠAPTER 3.

L IYE, luñ su ma Papa El si nu ñes tu kut in pañ-pañ mwen nutin God! ke ma iñi fwalu tiu ete kit, tu mao tiu eta'l.

2 Met kulu, iñi kut mwen nutin God, à kut tiu etu kut a la fuka: à kut etu tu, ke El fwa sikmi, kut tufwa oanu El; tu kut a fwa liye'l oanu El.

3 Á met e nu kemwu su fwensok ma iñi in el, el sifwanu aknasnašye'l oanu El nasnas.

4 El su orek ma koluk orek pe ma sito nu ke manu; tu ma koluk ma sito nu ke manu.

5 Á komwos etu tu El sikmi met in esla ma koluk las; à in El wañinu ma koluk.

6 El su mutu in El tiu orek ma koluk. El su orek ma koluk tin liye'l, tiu eta'l.

7 Tulig sisik, lela met in tiu kiape komwos la: el su orek ma payi el met payi, oanu El payi.

I. JON, 4.

8 El ſu orek ma koluk ma lun devil ; tu devil el orek ma koluk ke mutamwauk mi. Tu ke ma iñi Mwen nutin God El sikmi met, tu El kanawisla me orekma lun devil.

9 El ſu isüsla ke God tiu orek ma koluk ; tu fute Lal mutu in el ; à el koflanu orek ma koluk, tu el isüsla ke God.

10 Ke ma iñi kut etu ſu ka nutin God, à ſu ka nutin devil. El ſu tiu orek ma payi tiu ma lun God, ouyape el ſu tiu luñši met lel.

11 Tu ma iñi manu ma komwos loñ ke mutamwauk mi, tu kut in luñšes sie sin sie.

12 Tiu oanu Kein, lun ma koluk si, à el uniye met lel. À efwo el ku uni'lye ? Tu me orekma lal koluk, à ma lel payi.

13 Met lili luk, komwos tiu lut, fwalu fwin sruñe komwos.

14 Kut etu tu kut šom liki miši nu ke mol, tu kut luñšes met lili. El ſu tiu luñši met lel, el iñi mutanu in miši.

15 El ſu sruñu met lel, el met akmus : à komwos etu tu met akmus nu kemwu wañinu mol ma patpat mutu in el.

16 Ke ma iñi kut etu luñ

lun God, tu El likiye mol Lal k'as : à mwo kut in likiye mol las ke met lili.

17 À el ſu os ma la fwali'siñi, à liye met lel la sigas-rup, à sruñulye pakomutu inšiel luk el, luñ lun God à mutu fuka in el ?

18 Tulig sisik nutig, mwo tu kut tiu luñ in kas, à tiu in lous ; tu in orekma à in ma payi.

19 À ke ma iñi kut etu, tu kut lun ma payi, à a fwa akmwoyela inšius ye mutual.

20 Tu inšius fwin lis kit la, God el yok liki ma inšius, à ete nu kemwu.

21 Met kulu, ma inšius fwin tiu lis kit la, na kut fwa lalalfuñi ke God.

22 À ma nu kemwu ma kut siyuk, kut es Sel, tu kut liañ ma ſap Lal à orek mao ma mwo ye mutual.

23 À ma iñi ma ſap Lal, Tu kut in lalalfuñi ke È Jisus Kraist Mwen Nutin, à luñši sie sin sie, oanu El si ma ſap nu ſes.

24 À el ſu liañ ma ſap Lal, mutu in El, à El in el. À ke ma iñi kut etu tu kut mutu in El, ke Nun ma El si nu ſes.

SAPTER 4.

MET kulu, komwos tiu lalalfuñi ñun nu kemwu, tu striki elos, la ma

I. JON, 4.

lun God ku sito. Tu met palu sito puspis fwaselik nu fwalu.

2 Ke ma iñi komwos etu Nun lun God. Nun nu kemwu su fwakak tu Jisus Kraist el tuku in ikwe, el ma lun God.

3 Ä ñun nu kemwu su tiu fwakak tu Jisus Kraist el tuku in ikwe, el tiu ma lun God. Ä ma ñun lun kraist sito, mao komwos loñ met el a fwa tuku ; aok iñi el a tuku nu fwalu.

4 Tulig sisik, komwos ma lun God, ä kutuñ elos la : tu El su in komwos yok liki el su in fwalu.

5 Elos ma lun fwalu ; ke ma iñi elos kaskas ke ma fwalu, ä fwalu loñ olos.

6 Kut ma lun God. El su etu God, el loñ kit ; el su tiu ma lun God, el tiu loñ kit. Ke ma iñi kut etu ñun lun ma payi, ä ñun lun ma sito.

7 Met kulu, mwo tu kut luñses sie sin sie ; tu luñ ma lun God ; ä elos nu kemwu su luñ elos isüsla ke God, ä etu God.

8 El su tiu luñ, el tiu etu God ; tu God luñ.

9 Ke ma iñi luñ lun God sikmi nu yuros, tu God sipamu Mwen kulo siewunu Nutin nu fwalu, tu kut tu-fwa mol ke El.

10 Ma iñi luñ, tiu tu kut luñses God, ä tu El luñsel kut, ä sipamu Mwen Nutin, tu El me imwe ke ma koluk las.

11 Met kulu, God fwin luñsel kit ou iñi, mwo tu kut luñses pe sie sin sie.

12 Wañin met liye God ke pal sa. Kut fwin luñses sie sin sie. God mutu in kut, ä luñ Lun sumwos lanu in kut.

13 Ke ma iñi kut etu tu kut mutu in El, ä El in kut, tu El si nu ses ma ke Nunal.

14 Ä kem liye met ä orek ma lo, tu Papa sipamu Mwen, tu El Laño fwalu.

15 El su ä fwakak tu Jesus, Mwen nutin God, God mutu in el, ä el in God.

16 Ä kut etu ä lalalfuñi luñ ma yurin God nu ses. God lun ; ä el su mutu in luñ, el mutu God, ä God in el.

17 Ke ma iñi luñ las sumwos lanu, tu kut tufwa pulaik in len oşun : tu oanu El, kut ouyape nu in fwal siñni.

18 Wañinu sañeñ in luñ ; tu luñ sumwoswos sisla sañeñ ; tu sañeñ on ke anwuk. El su sañeñ tiu sumwos lanu in luñ.

19 Kut luñses El, tu El luñsel kut met.

20 Met si fwin fwak, Na luñsik God, a šruñu met lel, el met kikiap. Tu el šu tiu luñsi met lel šu el liye, el luñsel God fuka, šu el tiu liye?

21 A šap si iñi kut es yurin mi, Tu el šu luñsel God, el luñsel pe met lel.

SAPTER 5.

EL šu lalalfuñi tu Jisus el Kraist, el isüsla ke God: a elos nu kemwu šu luñsi El šu oswela, el luñsel pe su isüsla ke El.

2 Ke ma iñi kut etu tu kut luñses tulig nutin God, ke kut luñses God, a liauñ ma šap Lal.

3 Tu ma iñi luñ lun God, tu kut liauñ ma šap Lal; a ma šap Lal tiu toas.

4 Tu mao ma isüsla ke God, kutuñla fwalu: a ma iñi me kutuñla, lalalfuñi las, ma kutuñla fwalu.

5 Ka šu kutuñla fwalu, fwin tiu el šu lalalfuñi tu Jisus Mwen nutin God?

6 ¶ El iñi El šu tuku ke kof a sa, aok Jisus Kraist; tiu ke kof mugenu, tu ke kof a sa. A Nun šu orek ma lo, tu Nun El payi.

7 Tu ma tolu šu orek ma lo [in kosao, Papa, Kas, a Nun Mutual; a ma tolu iñi ma siewunu.

8 A ma tolu šu orek ma lo nu fwalu,] Nun, a kof, a sa; a ma tolu iñi ma siewunu.

9 Kut fwin es ma lo lun metu, ma lo lun God yok liki; tu ma iñi ma lo lun God, ma El orek ma lo ke Mwen Nutin.

10 El šu lalalfuñi ke Mwen nutin God ma lo lal in elnu; el šu tiu lalalfuñi God, el ora'l kikiap; tu el tiu lalalfuñi me lo ma God oru ke Mwen Nutin.

11 A ma iñi me lo ma God si nu šes, mol ma patpat: a mol iñi in Mwen Nutin.

12 El šu Mwen yurol, mol lal; a el šu tiu Mwen nutin God yurol tiu mol lal.

13 Ma iñi ña šim nu šumwos šu lalalfuñi ke E Mwen nutin God; tu komwos fwa etu tu mol ma patpat lomwos, a tu komwos fwa lalalfuñi ke E Mwen nutin God.

14 A ma iñi me lalalfuñi las ke El, tu, kut fwin siyuk kutu mao oanu ma El luñsel, El loñ kit.

15 A kut fwino etu tu El loñ kit, ke ma kut siyuk, kut etu tu kut es me siyuk ma kut siyuk Sel ka.

16 Met senu fwin liye met lel orek ma koluk tiu nu ke iniši, el a siyuk, a El fwa šuñ mol nu sel ke'los šu tiu orek ma koluk nu ke misi.

II. JON.

Sie ma koluk nu ke misi; ña tiu fwak tu el a fwa pre nu ke mao.

17 Ma sito nu kemwu ma koluk; à sie ma koluk tiu ma nu ke miši.

18 Kut etu tu el šu isüsla ke God, el tiu orek ma koluk: el ſifwanu liye-lañ, à ma koluk si tiu kali-lye.

19 À kut etu tu kut ma ke

God, à fwal e nu kemwu on in ma koluk.

20 À kut etu tu Mwen nutin God tuku, à si nu šes ma lalmetmet, tu kut fwa etu El šu payi; à kut in El šu payi, aok in Jisus Kraist Mwen Nutin. Ma iñi God payi, à mol ma patpat.

21 Tulig sisik, komwos liye komwos yuñ ke enut sito. Amen.

LETU SI AKLUO MA JON EL ŠIM.

MET matu nu sin Kuria, mutan šulüla, à nu sin tulig natal, šu ña luñsik payinu; à tiu ña mugenu, tu elos pe nu kemwu šu etu ma payi;

2 Tu ke ma payi šu mutu in kut, à a fwa mutu yuros ma patpat.

3 Luñ mutu yurumwos, à pakomutu, à misla in ma payi à luñ yurin God Papa mi, à yurin Leum Jesus Kraist mi, Mwen nutin Papa.

4 Na eñun ma lulap, tu ña konoiok sin tulig nutum elos in fwas in ma payi, oanu kut es šap sin Papa mi.

5 À iñi, Kuria, ña kenu kom, tiu oanu ña šim sie šap šasu nu šum, tu mao

ma kut es ke mutamwauk mi, tu kut luñses sie sin sie.

6 À ma iñi luñ, tu kut fwas ke ma šap Lun. Ma iñi ma šap, Tu, oanu komwos loñ ke mutamwauk mi, komwos a fwas ke mao.

7 Tu met kušuinkas puspis tuku, šu tiu fwakak tu Jisus Kraist tuku ke ikwe. El iñi met kušuinkas, à sie kraist sito.

8 Komwos liye komwos, tu mao ma kut orek ka met tiu tula šes, tu kut es me mol fwolnu.

9 El šu orek ma sito, à tiu mutu in me lutlut lun Kraist, el tiu es God. El šu mutu in me lutlut lun Kraist, el es kemwu Papa à Mwen.

III. JON.

10 Fwin sinu tuku nu yurumwos, a tiu wis me lutlut iñi, komwos tiu as al nu in lomwu, a tiu pañ ul.

11 Tu el su pañ ul, ma wi el ke me orekma koluk lal.

12 Ma puspis sik in sim nu

sumwos, na tiu luñsik sim ke peper a iñk; tu fwensok luk in tuku nu yurumwos, a in kaskas ñetani nu sie, tu eñun las fwa tiñtiñinu.

13 Tulig nutin loum sulula elos pañ kom. Amen.

LETU SI AKTOLU MA JON EL SIM.

MET matu nu sin Gaius, met kulu lulap, su na luñsik payinu.

2 Met kulu, na kenu yok liki nu kemwu, tu kom in mwola a in kula oanu nu-num mwola.

3 Tu na eñun ma lulap, ke met lili elos tuku a orek ma lo lun ma payi ma in kom, oanu fwafwasyis in ma payi.

4 Wañin eñun sik yok liki mao ke na loñ tu tulig nutig elos fwas in mol.

5 Met kulu, kom oru ak-mwoye mao ma kom oru nu sin met lili, a nu sin met sa; 6 su orek ma lo ke me luñlom ye mutun surš: kom fwin sin God, kase'los ke fwas lalos oanu ma mwo kom oru mwo.

7 Tu elos fwaselik ke E'n, tiu es kutu ma sin met Pegan.

8 Ke ma iñi mwo tu es

met ou iñi, tu kut fwa oelulos orekma ke ma payi.

9 Na sim nu sin surš met: tu Diotrefes, su luñsi in maši meta yurolos, el tiu es kit.

10 Ke ma iñi, na fwin tuku, na fwa esam me orekma lal ma el oru, eyeinši lain kit ke kas koluk: a el nu tiu tari ke ma iñi, a el siwanu tiu es met lili, a kutoñ olos su luñsi, a sis elos la liki surš.

11 Met kulu, komwos tiu fwas ou ma koluk, tu ou ma mwo. El su orek mwo, el ma ke God: a el su orek koluk tiu liye God.

12 Met e nu kemwu kas mwo ke Demetrius, a ma payi oayape: aok kem pe orek ma lo; a komwos etu ma lo las payi.

13 Ma puspis luk in sim, a na tiu luñsik sim nu sum ke iñk a pen.

III. JON.

14 Å fwensok luk a tiu pat | kom. Met kawuk luk elos
ñna fwa liye kom, å kital fwa | paiñ kom. Kom paiñ met
ñetani nu sie kaskas. Paiñ | kwauk ke elos.

[Kusaleon.]

19

289

KUTU KAS SIN PAUL.

I. KOR. XI. 23-29.

TU met ūa es sin Leum ma
ñā ašiot nu ūumwos, Tu
Jisus, foñ si ke tukakunulak,
El es bred :

24 Ā ke El ūuñ kulu tari,
El kunšalik, ā fwak, Es,
moño : ma iñi monuk, ma
mušala ke'umwos : komwos
oru ma iñi in esam Yu.

25 Ouya pe tuk El es kup,
ke El moño tari, fwakañ,
Kup si iñi mwilkas ūašu ke
sa'k : komwos oru ma iñi, ke
komwos nim, in esam Yu.

26 Tu pal si komwos moño

bred iñi, ā nim kup iñi, ko-
mwos luti ke miši lun Leum
nu ke pal si El siefwil
tuku.

27 Ke ma iñi el ūu moño
bred iñi, ā nim kup lun
Leum, tiu mwo, el fwa ko-
luk ke manol ā sa'l Leum.

28 Ā lela met in ūifwanu
šukuk inšiel, ā ou iñi lela
lun moño bred, ā nim kup.

29 Tu el ūu moño ā nim tiu
mwo, el moño ā nim lusla
nu selnu, tu el tiu etu mo-
nin Leum.

KAS KE DEAKON.

I. TIM. III. 8-13.

OUYAPE met deakon mwo
tu elos efwal, tiu lo lu-
gwe, tiu kenu wain lulap,
tiu kenu es ma lun fwalu;
9 srukie ma los lun lalalfuñi
ke ella mwo.

10 Ā lela in sriki elos pe
met; fwin konoiolos yuk tu
elos mwo, tufwa lela elos in
orek me orekma lun deakon.

11 Ouyape mutan kielos,

mwo tu elos efwal, tiu met
lesrik, efwala, mwo ke ma
nu kemwu.

12 Lela deakon mutan sinu
kielos, liauñ mwo tulig na-
talos, ā sou lalos.

13 Tu elos ūu orek me
orekma lun deakon mwo,
elos kuko nu selos ma mwo,
ā pulaik lulap ke lalalfuñi
ma on in Kraist Jisus.

PSALM XXIII.

PSALM LUN DEVID.

JEOVA Šeperd luk: wañi-
nu ma ña a kenu ka.

2 El ore yu in onu in ima
fulful in srou: El kol yu la
nu sisken kof mūs.

3 El akkei yu la mol luk;
El kol yu nu inek payi ke
El.

4 Aok, ña fwin fwafwasis
in infwal ñunin miši, ña a
tiu ſañeñ ke ma koluk, tu

Kom wi yu; sak Lom a si-
kal Lom eltal akmwo yu
la.

5 Kom akou tebue luk ye
mutun met lokwalok luk;
Kom moswela ſiufwuk ke
ſifwa; kup luk kakla.

6 Payi mwo a pako fwas
tukuk len nu kemwu mol
luk; a ña a fwa mutu in
lom sin Jeova ma patpat.

BUK LUN RUT.

SAPTER 1.

MA te oru in len ke met nununku elos nununku, tu sral in anu. Å sie met lun Betleem-juda el som in mutu nu in an Moab, el, å mutan kiel, å mwen luo natal.

2 Å él met si Elimelek, å él mutan kiel Naomi, å éltal tulig luo natal Malon å Sílion, met Efrat lun Betleem-juda. Å elos tuku nu in an Moab, å mutu we.

3 Å Elimelek, mogul lun Naomi, el miši; å el mutanu, å mwen luo natal.

4 Å eltal es mutan kieltal yurin mutan lun Moab: él sie Orpa, å él sienu Rut, å elos mutu iñó akurun yiu sie-ñul.

5 Å Malon å Sílion eltal pe miši; å mutan el mutanu mwen luo natal å mogul lal wañinla.

6 Na el tuyuk, yurin mutan luo talupal, tu el a fwa folokla liki an Moab: tu el loñ in an Moab fuka Jeova el tuku nu met sran in šuñ bred nu selos.

7 Ke ma iñi el som liki an el mutu we, å mutan luo talupal oelul: å elos som in fulokla nu in fwak Juda.

8 Å Naomi el fwak nu sin an talupal luo, Komtal som, fulokla sie sie nu in lom sin nine kium; Jeova el orek kulañ nu šumtal, oanu komtal oru nu sin met miši, å nu sik.

9 Mwo tu Jeova el oru nu šumtal tu komtal konoiok moñla, sie sie šumtal in lom sin met mogul lal. Na el ñok oltal; å eltal fulauk pulsartal å tuñ.

10 Å eltal fwak nusel, Payi ketal kenu wi kom fulokla nu sin met lom.

11 Å Naomi el fwak, Komtal siefwil fulokot, ma nutig: efwo komtal wi yu som? Fuka kutepe mwen in siuk, tu elos fwa met mogul lomtal?

12 Ma nutig, komtal siefwil fulokot, som; tu na matula liki in es mogul si. Na fwino fwak, Fwensok luk ña fwin es sie mogul, aok iñi ofoñ, å ouyape fwa isus mwen; 13 fuka komtal

fwa taron nu selos nu ke elos kapak? fuka komtal mutanu liki mogul ke elos? Mo, ma nutig; tu ña pakomutu ma lulap ke komtal, tu pon Jeova el somot lain yu.

14 Á eltal fulauk pusraltel, à siefwil tuñ: à Órpa el ñok nine talupal; tu Rut el pinpin nu sel.

15 Á el fwak, Liye, mutan tuyum el fulokla nu sin met lal, à nu sin enut lal: kom fulokla tukin tuyum.

16 Á Rut el fwak, Kom tiu kafwi nu sik in fwas liki kom, ku in fulokot liki in fwas tukum; tu yin kom fwas nu we, ña a fwas nu we; à yin kom on nu we, ña a on we; met lom fwa met luk, à God lom God luk: 17 yin kom misi we, ña a misi we, ña wi puk-puk: Jeova el oru ou iñi nu sik, à yok pe, tu misi mugenu es kit la liki sie sin sie.

18 Ke el liyu tu el ku nu sumwoswos in oelul fwas, na el misla nu sel.

19 Ke ma iñi eltal fwas nu ke pal si eltal tuku nu Betleem. Á ma te oru ke eltal tuku nu Betleem, tu siti nu kemwu elos mogükü ke eltal, à elos fwak, El iñi Naomi, ku sito?

20 El fwak na selos, Ko-

mwos tiu pañon yu Naomi, pañon yu Mara: tu El su Kulanu el orek ma menla nu sik.

21 Tu ña somot tiñtiñi, à Jeova el siefwil wisi yu nu yin sik pusin po: ke ma iñi efwo komwos ku pañon yu Naomi, tu Jeova el orek ma lo lain yu, à El su Kulanu el orek ašor in ña?

22 Ou iñi Naomi el fuloko, à Rut mutan Moab, met talupal, oelul, el su fulokla liki an sin met Moab: à eltal tuku nu Betleem pal si ke mutamwauk eseni barle.

SAPTER 2.

A MET si in sou lun mogul lun Naomi, met ku ke ma puspis ma lal, lun sou lun Elimelek; à él Boas.

2 Rut mutan Moab el fwak nu sin Naomi, lela tu ña in som nu in ima, à es fokin korn tukin su ña tufwa liye el kulañ. Á el fwak nu sel, Ma nutig, kom som.

3 Á el som, à telani in ima tukin met kosroini: à ma tu' nu sel in fili nu in kutu ima lu Boas, el su sou lun Elimelek.

4 Á liye, Boas el tuku Betleem mi, à fwak nu sin met kosroini, Jeova el wi komwos. Á elos tupok nu sel, Jeova oru mwo nu sum.

5 Na Boas el fwak nu sin

met kulanšap lal šu liauñ
met kosroini, Lun šu mutan
fwus si iñi ?

6 Ā met kulanšap šu
liauñ met kosroini el tupok
ā fwak, El mutan fwus
lun Moab šu wi Naomi in
fulokla liki an Moab: 7 ā
el fwak, Na kenu tu kom
lela tu ña in telani ā eseni
tukin met kosroini in mas-
lon yikas kap: ou iñi el
tuku, ā mutanu lutue mi-
nu ke iñi, ā kitin pal el
mutu in lomwu.

8 Na Boas el fwak nu sel
Rut, Ma nutig, ya kom tiu
loñ ? Kom tiu šom in telani
in sienu ima, tiu šom liki
yinu, tu kom mutanu apkur-
run mutan kulanšap luk;
9 lela mutom in on in ima
ma elos kosroini ka, ā kom
fwas tukolos: ya ña tiu šap
nu sin met mogul fwus tu
elos in tiu kal kom we ? Ā
ke kom malu, kom šom nu
yikas alu, ā nim ma mogul
fwus elos akmu.

10 Na el fokšiufwi, ā
šifwanu epas nu in foko, ā
fwak nu sel, Efwo ña konoiok
kulañ in mutom, tu
kom etu yu tu ña met sa ?

11 Ā Boas el tupok ā fwak
nu sel, Ma luti nu sik nu
šumwoswos ma nu kemwu
ma kom oru nu sin nine ta-
lupom tukin pal si mogul
lom miši; ā fuka kom likiye

papa tumom ā nine kium, ā
an si kom isüsla we, ā tuku
nu yu rin met šu kom tiu
etu met.

12 Mwo tu Jeova el moli
ke me orekma lom, ā Jeova
God lun Israel on ten pon
Šu kom tu in foñyuñ ka, El
šuñ mol nu šumwoswos nu
šum.

13 Na el fwak, Lela, leum
luk, tu ña in konoik kulañ
ye mutom; tu ke kom ak-
mwo yu yuk, ā tu ke kom
kaskas kulañ nu sin mutan
kulansap lom, tu ña tiu
oanu sie sin mutan kulansap
lom.

14 Ā Boas el fwak nu sel,
Ke pal si moño kom tuku
nu yinu, ā moño bred, ā
isuñye ma nom nu in fini-
gar. Ā el mutu sisken met
kosroini: ā el sralot korn
farñalik nu sel, ā el moño,
ā kūp, ā pus.

15 Ā ke el tuyuk in tela-
ni, Boas el šap nu sin met
mogul fwus, fwakañ, Lela
tu el telani in maslon kap, ā
tiu akkoluki el: 16 ā lela pe
tu pon yikas sesesla nu ke'l,
ā likiye, tu el a fwa telanu
mao, ā tiu nikmet nu sel.

17 Ou iñi el telani in ima
nu ke oyuku, ā tuktukye
ma el telani; akkurun sie
efa'n* barle.

* Oanu sie buñel.

18 Á el srukak mao, á ſom nu in siti: á nine talupal el liye ma él telani: á el wiſot, á ſuñ ma nel ma el likiye tukin pal si el moño kūp.

19 Á nine talupal el fwak nu sel, Kom telani ya misiñi? á kom orek ma ya misiñi? Inſimwovo el ſu nunke kin kom. Á el lutu nu sin nine talupal yurin ſu el orekma á fwak, El met si yurin ſu ña orekma misiñi, Boas.

20 Á Naomi el fwak nu sin tulig talupal, Jeova el akmwoye'l ſu tiu likiye kulañ lal nu sin mol á nu sin miſi. Á Naomi el fwak nu sel, Met si iñi el apkurun in sou ſes, sie in sou aksie ſes.

21 Á Rut mutan Moab el fwak, El oru nu sik, Kom orek apkurun met mogul fwus srak, nu ke pal si elos ſifwani nu kemwu ma luk tari.

22 Á Naomi el fwak nu sin Rut, an talupal, Mwo, ma nutig, tu kom ſom nu yurin mutan kulanſap lal, tu elos tiu ſuñ kom in sienu ima.

23 Ou iñi el apkurun mutan kulanſap lun Boas, in telani nu ke pal si ſifwani barle tari, á ſifwani wit;

el mutu yurin nine talupal.

SAPTER 3.

NA Naomi, nine talupal, el fwak nu sel; Ma nutig, ya mwo tu ña ſuk moñle ke kom, tu a fwa mwo yurum?

2 Á iñi, ya Boas el tiu sin sou las, yurin mutan kulanſap lal kom mutu? Liye, palala barle ofoñ fwinpa tuktukye.

3 Ke ma iñi kom yüyü, á akmusra, á nukum kom yuñ, á fwasot nu fwinpa: á kom tiu ſifwanu lutu kom nu sin met si, nu ke pal si el moño á nim tari.

4 Á ma te oru, ke el onu, tu kom liauñ yin el onu we, á kom fwa ſom nu lü, á ſarukla nuknuk liki niel, á ſifwanu onu we; á el tufwa fwak nu ſum ma kom tufwa oru.

5 Á el fwak nu sel, Ma nu kemwu kom fwak nu sik, ña fwa oru.

6 Á el fwas ten nu fwinpa, á oru ma nu kemwu ma nine talupal fwak nu sel.

7 Á ke Boas el moño á nim, á eñun inſiel, el ſom onu eolſeni mütu korn: á el tuku kaka ſisik, á ſarukla nuknuk liki niel, á ſifwanu onu.

8 Á ma te oru infulwin foñ, tu met si el ſañeñ, á ſifwanu ikla: á, liye, mutan si el onu ye niel.

9 Å el fwak, Šu komwun ? Å el tupok, Na Rut mutan kulansap lom; ke ma iñi kom ſuñ kato in afwinye mutan kulansap lom, tu kom sou apkurun.

10 Å el fwak, Jeova el ak-mwoyi kom, ma nutig: tu kulañ lom tuk mwo liki ku-lañ lom meta, tu kom tiu fwas tukin met mogul fwus, la sigasrup ku gasrup.

11 Å iñi, ma nutig, kom tiu ſañeñ; ña tufwa oru nu ſum ma nu kemwu kom luñſom: tu met luk nu kemwu in siti elos etu tu kom mutan mwowo si.

12 Aok payi, ñia apkurun in sou lom: å sienu met apkurun liki yu.

13 Kom mutanu foñ si iñi, å ma fwa oru lututañ, tu el fwin oru nu ſum ma in sou lom, tari; lela lun oru ma in sou: tu el fwin tiu oru nu ſum ma in sou, na ña tufwa oru ma in sou nu ſum, pake Jeova; kom onu nu ke lututañ.

14 Å el onu yakul nu ke lututañ: å el tukakuk met, met tiu etu sie sin sie tuk. Å mogul el fwak, Lela tu met in tiu etu tu mutan si tuku nu fwinpa.

15 Ouyape el fwak, Kom usi nuknuk ſušu on fwom, å srukie ma. Å ke el srukie ma, el sriki srigusrok in bar-

le onkos, å likie fwel; å el ſom nu in siti.

16 Å ke el tuku nu yurin nine talupal, el fwak, Šu komwun ? Å el fwak nu sel ma nu kemwu ma met si oru nu sel.

17 Å el fwak, Srigusrok in barle onkos iñi el si nu sik; tu el fwak nu sik, Kom tiu ſom pusinpo nu yurin nine talupom.

18 Na el fwak, Kom mutanu, ma nutig, nu ke pal si kom etu ma fwa oru: tu met si el a tiu moñla nu ke pal si orek ma iñi tari mi-siñi.

SAPTER 4.

NA Boas el fwasyuk nu mutun pot, å ſifwanu mutu iñø: å, liye, met sou ſu Boas el kaskas ka, el fwas alukela; el fwak nu sel, O, kom oiya! fwasu, muta'ñi. Å el tuku, å mutu.

2 Å es sie-ñul met elder-lun siti, å fwak, Komwoš muta'ñi. Å elos mutu.

3 Å el fwak nu ſin met sou; Naomi ſu ſiefwil tuke liki an Moab, el kuko ipen an, ma lun Elimelek met liktal: 4 å ña nunku in oru nu ſum fwakañ, Kom molü-la mao ye mutun met lun siti, å ye mutun met elder lun met luk. Kom fwin luñſom molüla mao, kom

moli; tu kom fwin tiu luñ-
šom moli mao, fwak nu sik,
tu ña tufwa etu; tu wañin
sienu in moli fwin tiu kom:
ä ña tukum. Ä el fwak, Na
tufwa moli.

5 Na Boas el fwak, Len si
ke kom moli anu sin pon
Naomi, kom ouyape moli sin
Rut mutan Moab, mutan
kien met misi, in orauk él
met misi nu ke ma lal.

6 Ä met sou el fwak, Na
koflanu moli mao ke ña,
fwin ou iñi, ña akkoluki ma
luk: kom moli ma luk nu
šum ſifwanu; tu ña koſlanu
molüla mao.

7 Ä ma iñi manu in pal
met in Israel ke molle ä ke
aolla, tu in akeiye ma nu
kemwu; met si el esla faluk
lal, ä ſuñ nu sin met tulon
lal: ä ma iñi ma lo in Is-
rael.

8 Ke ma iñi met sou el
fwak nu sin Boas, Kom
molüla mao tu ma lom. Ou
iñi el esla faluk lal.

9 Ä Boas el fwak nu sin
met elder, ä met nu kemwu,
Komwos met lo misiñi, tu ña
molüla ma nu kemwu ma
lun Elimelek, ä ma nu ke-
mwu ma lun Šilion ä ma lun
Malon, sin pon Naomi.

10 Ouyape Rut mutan
Moab, mutan kien Malon,
ña mol el la tari tu mutan
kiuk; in orauk él met misi

ke ma lal, tu él met misi tiu
wañinla sin met lel, ä sin
mutun pot an sel; komwos
met lo misiñi.

11 Ä met e nu kemwu ſu
mutu mutun pot, ä met el-
der, eos fwak, Kem met lo.
Jeova el orek mutan ſu
tuku nu lom ſum, oanu Ra-
ſel ä oanu Lea, luo ſu muſa
lom Israel met: ä kom oru
mwola in Efrata, ä met kak-
ſak in Betleem: 12 ä lela tu
lom ſum oanu lom sin Fares,
ſu Tamar el isüs nu sin
Juda, sin futen ſu Jeova el
tufwa ſiot nu ſum ke mutan
fwus si iñi.

13 Ou iñi Boas el es Rut,
ä el mutan kiel: ä ke el
ilyuk nu yurol, Jeova el oru
tu el putete, ä el isüs mwen
si.

14 Ä mutan eos fwak nu
sin Naomi, Inſimwowo Je-
ova, ſu tiu fili kom la misiñi
in wañin met sou, tu él a
fwa kakſak in Israel.

15 Ä el a fwa nu ſum met
molyuk mol lom, ä sie met
kasu ke kom met matu: tu
an talupom ſu luñsi kom,
ſu mwo nu ſum liki mwen
itkos, el isüsla el.

16 Ä Naomi el es tulig, ä
likil'ye on in eumwel, ä el
to nu sel.

17 Ä mutan tulon lal eos
ſuñ él fwakañ, Iñi sie mwen
isüs nutin Naomi; ä eos

RUT, 4.

pañpañ è'l Obed: el papa nadab, 20 à Aminadab el tumal Jesse, papa tumal oswela Naason, à Naason el Devid.

18 À ma iñi fwil lun Fares: Fares el oswela Hesron, 19 à Hesron el oswela Ram, à Ram el oswela Ami- oswela Salmon, 21 à Salmon el oswela Boas, à Boas el oswela Obed, 22 à Obed el oswela Jesse, à Jesse el oswela Devid.